





praeiis vitae contempnere, quum in murmur fornis-  
 danda morte celsitudo, quem vnde dilecti, & magna  
 obseruantia sum prosecutus, mihi prope-  
 elacius ad patriam illam communem nostram ven-  
 derem, iacti Deus misericordia parens, ut ego, & is  
 aliquando in celesti illa patria Carolum nostrum vi-  
 deamus, ibiq; vere in Domina coniuncti, perpetua sa-  
 lutate perficiamur. Ipse molliter nimium hac an-  
 tiens, vix verbum proferre poteram, lachrymis eni-  
 non continui: sed quod magis reprehendendum est,  
 heo recordans inter dum adhuc legeo. Quid hoc est  
 Non. in disciplina Sirleti parvam exercitum imita-  
 tor malus tanti magistri, quem suspiciebam. Senex,  
 tanciei, quae certissima aduenientis mortis, & non  
 cultum dissantis mortis est, oblitus mee; verborum  
 quae apud sanctum Apostolum Paulum legeram, pa-  
 rum memot, contristor de dormiente quasi spem non  
 habeam, legeo de custodia vocatum a Domino, seruum  
 bonum ab exilio profectum in patriam.

eris literis deditus, docuisti studi-  
 delectatus: eodemque studio, faciarum  
 matris Rorromensis, et eiusque patri scribi-  
 dia a Iussu, & ad alios scribis t-  
 & a, sententiam in sanctam vitam  
 tus; Eadem Carole contigerant,  
 mischis sed inique potuit. Eius et  
 triplici carmine possint: Rorromel  
 etiam pellentia, dixerunt vo-  
 totum, sed obitum audiebatur  
 clausis deesse, et tunc a tunc  
 Idem non eximius facere Caro-  
 uasij, & Proasij corpora transfla-  
 Syon, & aliorum. In maxima  
 apud externos suis: In magna etiam  
 rima Regum ad Ambrosium littere.  
 Carolum Hispanie, Gallie, & Poloni-  
 am ne hoc studio praeferamus,  
 Philippi, Dux Scholae, Cl-

CAROLI BORROM.

gressanti ingenio, & religione  
dilexit, eumque vicissim Andreas  
nauit nec alio, quam patris nomi-  
ne. Sed vi ad infirmitati compa-  
s. Ieiunia Ambrosij crebra, &  
Satolus vicinis deditus; Orandi  
volus singulis diebus orationem  
cum librorum coniungebat. Sol-  
um Ecclesiarum :: sollicitus  
que in latissima eius diocesi  
bilis erga pauperes; & elee-  
benter distribuit. Alienatio-  
a; & hic vendidit suppellex  
etiam suas pestilentie tem-  
perius. Paupertatis in-  
Et Carolus dum in suo cubiculo o-  
rationi incubebat, vincta veste  
idem villosam, hyeme, & estate  
sue docet, a quoium acerbis

CARD. S. PRÆDIDIS.

59

morentis, qui iurisco ad rationem diligebat;  
ita ut sacrum facies lachrymas continere saepe non  
poterit, quam fecit optimi. & egregij  
pastoris de patria sua optime meriti, considerans. At-  
tigit animum quadragesimum septimum, satis longam  
vitam duxit, si plurimum virtutum exempla qua  
reliquit consideremus, admodum breuem, si ad com-  
moda, que Ecclesie Dei afferebat vite exemplo, &  
pluribus suis animum intendamus, ut vir Dei diutius  
premio sibi debito, celesti illa patria careret, noluit  
Dominus, Qui sit benedictus in sacula.

Hanc de Cardinalis Borromei vita scriptiorem  
meam Antonii Cardinalis, Guilhelmo Cardinali Sir-  
leto, quem patrem iudicij agnoueram, & Borromei  
memorian colentem valde, eiusque eximias virtu-  
tes libenter celebrantem, vtridam: suscepit  
prompto animo scriptiorem legendam, consideran-  
dam, emendam, si qua ei emendatione opus esse  
autem pridie quam ex hac vita Sir-



CAROLI BORROM.

CARD. S. PRAXEDIS. 59




da  
ty



So la tua carta m'ha fatto  
 pigliar di me una nuova cura.

*E. Sop v. p.*



B

Ex

Plat

Map

A



V. P. F.  
BALDVINI  
IVNII

Ordinis S. Francisci  
DE OBSERVANTIA  
CONCIONES  
SUPER

EVANGELIA FESTORVM

TOTIVS ANNI

*Ex festis Praeceptis & Evangelii S. Francisci*



ANTVERPIAE,  
Apud heredes Martini Nutij.

CIO IDC XIII.

Cum Gratia & Privilegio.

~~Ex Cathalogo Librorum~~

~~Josephi Joannis Synthierior~~

~~Hoc Libro donavit me Mathaeus  
Josephum Kosakowskius de  
modum Reverendus Valentinus  
Kosowski Parochus Czarnowien  
Anno Sni 1765 Die 30  
Ibris:~~

25

SA

F

F

F.

F

at  
F

**E**

caciff

& Vo

Roma

Quin

tor ab a

nè iam



SANCTISSIMO PATRI  
FRANCISCO

# Ordinis Minorum

F V N D A T O R I

S E R A P H I C O

F. BALDVINVS

I V N I V S

æternam gratulatur felicitatem.

**R**OMANORVM olim  
Ducum, sanctissime  
Pater, militaris forti-  
tudo enituit. Perui-

cacissimi enim Latinorum Æqui  
& Volsci fuere, & quotidiani  
Romanorum hostes. Hos L.  
Quinctius domuit, ille Dicta-  
tor ab aratro, qui obsessa, & pe-  
nè iam capta L. Minucij Con-

**\* 2**

fulis

## EPISTOLA

fulis castra, egregia virtute ser-  
 uauit. Medium erat fortè se-  
 mentis, cùm patricium virum  
 innixum aratro suo lic̃tor in  
 ipso opere deprehendit. Inde in  
 aciem profectus, ne quid à ru-  
 stici operis imitatione cessaret,  
 victos more pecudũ sub iugum  
 misit. Sic expeditione finita, re-  
 diit ad boues rursum triumphali  
 agricola. Deus bone, qua ve-  
 locitate ! Intra sexdecim dies  
 cœptum, peractumque prorsus  
 est bellum, vt festinasse Dictator  
 ad relictum opus videretur.

Galli Senones faces tectis  
 iniecerunt Romanis, & totam  
 Urbem igne, ferro, manibus, so-  
 lo exaquerunt. Septem mensi-  
 bus barbari (quis crederet?) cir-  
 ca montem vnum pepēderunt,  
 nec diebus modò, sed noctibus  
 omnia



# DEDICATORIA.

omnia experti : quos tandem  
Manlius nocte subeuntes, clan-  
gore anseris excitatus, à summa  
rupe deiecit; & vt spem hosti-  
bus demeret, quanquã in sum-  
ma fame, tamen ad signum fi-  
ducia panes ab arce iaculatus  
est. Eosq; subito à tergo aggres-  
sus Camillus adeò cecidit, vt  
omnia incendiorum vestigia  
Gallici sanguinis inundatione  
deleret.

At fortior tibi fuit pugna,  
Beatissime Pater, in terris de-  
genti, cum mundo, carne, san-  
guine, demone, teipso, & glorio-  
rior de illis palma. Nam quid  
palatium illud speciosum, &  
magnum sibi voluit, cum mili-  
taribus armis crucis Christi si-  
gnaculo insignitum, à diuina  
tibi clementia in somnis osten-

## EPISTOLA

sum? Tua illa fore, militumque  
tuorum, superna fuit assertione  
responsum. Quid ergo? An ut  
in Apuliam profiscisceris, &  
mundanæ dares nomen militiæ?  
Nequaquam. Cur enim relin-  
queres pro seruo dominum, pro  
paupere homine diuitē Deum?  
Sed visio illa spirituales præfi-  
gurauit effectum, non humana,  
sed diuina in te dispositione  
complendum. Hinc nimirum  
ex equo delapsus, ad leprosum,  
cuius inopinatus occursum non  
mediocrem tibi incusserat hor-  
rorem, deosculandū adcurristi.  
Sed leprosus nequaquam fuit,  
qui subito non cōparuit. Hinc  
loca quæsiuisti solitaria, amica  
mœroribus, quæ lacrymis quo-  
tidianis rigasti, & inenarrabili-  
bus incessanter gemitibus im-  
plesti.

# DEDICATORIA.

plesti. An sine fructu?

Tunc apparuit tibi in Deum  
absorpto Christus Iesus, veluti  
cruci confixus, ad cuius conspe-  
ctum anima tua liquefacta est.  
Imò memoria passionis eius  
adeò visceribus cordis tui im-  
pressa medullitùs, vt quoties ab  
illa hora in mentem veniret, la-  
crymas, & singultus excuteret.

Tunc humilitatis omnia, &  
humanitatis leprosis præstitisti  
obsequia, quorum longinquum  
etiam horrere solebas aspectum.  
Quanta hæc pugna! Domos eo-  
rum frequentervisitare, largissi-  
mas eis erogare eleemosynas,  
summa animi submissione ma-  
nus eorum osculari, & ora. Scili-  
cet Christi militia à sui ipsius vi-  
ctoria est inchoanda: & Veritas  
docet: *Si quis vult post me venire*, Matt. 16.



## EPISTOLA

abneget semetipsum, & tollat crucem suam, & sequatur me.

Quid quòd mendicis non solum tua, sed etiam teipsum impendisti? aliquando vestimenta exuens, aliquando diffuens, aliquando ad largiendū scindens. Imò cū limina visitares Apostolorū Principis, pietatis partim ductus dulcedine, partim paupertatis allectus amore, vni pauperum proprias largitus es vestes, & semicinctiis cōtectus illius, diem in medio pauperum cum insolita spiritus iucunditate transegiisti, vt & sæcularē gloriam sperneres, & ad perfectiōnem Euangelicā gradatim conscendendo peruenires. Quis non miretur? Omnia hæc in mundano habitu, & conuictu transacta sunt. Meritò tibi vir

Assisius,

DEDICATORIA.

Affisius, à Deo, vt creditur, eruditus, obuianti pallium strauit, & vestimentum pedibus tuis honoris gratia supposuit.

Iam quid de voce dicam in S. Damiani de cruce delapsa? Francisce, vade, & repara domum meam, que, vt cernis, tota destruitur. Nunquid ad Fulgineum urbem tunc eundū fuit, ibique vendendi panni? Nunquid in occulto diu latendum, vt paternæ locum dares iræ? Sed cum Affisium redires, luto fuisti lapidibusque exceptus, atque vocibus clamorosis à ciuibus exhibilatus; à parēte amaris agitatus verbis, verberibus mulctatus, & vinculis constrictus. Quanta tibi tunc in carcere constantia? A matre solutus, furenti obuium te præbuidisti pa-

## EPISTOLA

renti, qui te coram Affisinate  
traxit Antistite, vt in illius ma-  
nibus facultatibus renunciares  
paternis.

Quantum tibi tunc gaudium?  
Tunc omnibus te nudasti ve-  
stibus, & generosam emisisti vo-  
cem, æterna memoria dignam.  
Qualem vocem? Vsque nunc  
vocaui te patrem in terris, amo-  
dò autem securè possum dicere:  
Pater noster, qui es in cælis:  
apud quem omnem thesaurum  
reposui, & totam spei fiduciam  
collocaui. O vocem! Tunc An-  
tistes emittens lacrymas, piis te  
amplexus brachiis, pallio suo  
cooperuit.

Et quid, cùm properares in  
desertum, & laudes cum iubilo  
decantares? Latrones irruerunt  
in te, & percutientes in foueam  
niuib.



# DEDICATORIA.

niuib; plenam deiecerunt, di-  
centes: lace rustice, præco Dei.  
Rustico enim amictus eras pal-  
lio, cæmentali cruce obsignato.  
At tu é fouea exsilire, & altiore  
voce per nemora laudes om-  
nium Creatori personare. Tunc  
eleemosynas mēdicorum more  
humiliter cœpisti petere, lepro-  
sis inseruire: ipsorum pedes la-  
uare, ligare vlcera, & osculari,  
plagarum putredinem educere,  
& saniem abstergere: ideò &  
morbos meruisti sanare.

Quid enim? Spoletano cui-  
dam os pariter, & maxillā mor-  
bus horribilis depascendo cor-  
rodebat, cui nullo medicinæ re-  
medio subueniri poterat. Is  
Apostolorū salutatis liminibus  
tibi cūm occurreret, pedū tuo-  
rum osculari vestigia gestiebat:

## EPISTOLA

at tu illi osculū dedisti oris, quo  
perfectæ recepit beneficium sa-  
nitatis. Nescio, quid horum sit  
meritò magis admirādum : hu-  
militatis profunditas in osculo  
tam benigno, an virtutis præcla-  
ritas in miraculo tam stupendo.

Post hæc ad S. Damiani ec-  
clesiam reparandam te contu-  
liti; inter quos abūdare solebas,  
mendicare nō erubuisti; corpus  
debile, attritum ieiuniis, oneri-  
bus lapidū supposuisti. Alteram  
etiam S. Petri renouasti; & in  
tertiam Beatissimæ Virginis in-  
cidisti, in qua Angelicarum sen-  
tiens visitationum frequētiam,  
pedem fixisti, & mentem. Hic  
etenim humiliter cœpisti, hic  
virtuosè profecisti, hic feliciter  
consummasti. Hic aliquādo visi  
sunt innumeri homines cecitate  
perculsi,

# DEDICATORIA.

perculsi, facie in cælum directâ,  
& genibus flexis in Ecclesiæ  
huius circuitu : qui omnes pro-  
tensis in altum manibus, lacry-  
mabiliter ad Deum clamabant,  
misericordiam postulantes, &  
lumen. Et ecce ingens de cælo  
splendor aduenit se per omnes  
diffundens, qui lumen vnicui-  
que tribuit, & salutem desidera-  
tam concessit.

Inter illos vtinam & ego!  
Cæcutit in me ratio, friget affe-  
ctus. Cæcutit ratio in diuinis  
rebus, & in propriis: friget affe-  
ctus erga spiritualia, & æterna.  
Quid quòd adhuc in medio fal-  
laciis huius sæculi mari hæreo,  
& diuersis sæpe aduersitatum  
obruor fluctibus? Sæpe faciem  
meam ad te, Beatissime Pater,  
eleuo: sæpe genua & cor totum  
coram



EPIST. DEDICATORIA.

coram te flecto : sæpe manus  
meas fidenter ad te extendo. Si  
Matt. 14. tu es pater meus, iube me ad te  
venire super aquas huius mundi:  
si tu es pater meus, vide, ne im-  
mergar: pater meus, & Domine,  
saluum me fac. Agnosce me, rogo,  
rogo, inter filios tuos in viuis:  
agnosce me inter filios tuos, ite-  
rum rogo, in hora mortis: agno-  
sce me, rogo, rogo, inter filios  
tuos in gaudio regni cælestis.

*Ordinis S. Francisci  
indignus alumnus,*

F. BALD. IVNIUS.

IN V. P. F.

BALDVINI

IVNII

CONCIONES.



Neger ille animi, quem non de  
limite recto  
Aut praesens aetas, populi aut con-  
tagia flectunt;  
Non iter erroris legit, auditorue  
cathedra

Sacrilega patulam facit illusoribus aurem:  
Sed tritam iuuat ire viam, qua Pastor ouilis  
Christi ducit oues, Petri virtute propago:  
Quam indigetes strauere olim, fideique magistri,  
Liligeratq; acies, roseisque ornata coronis  
Agmina: quæis vite, Domini indulgentia, spondet  
Elysium fore nunc æterna in secula tenorem.  
Ceupulsa fessi gaudent formidine nauta,  
Vt lacera à pelago portum tenuere carina.

Quo duce, forte roges? præsto est de sanguine  
claro,

Virtutis, neque stirpis egens Balduinus honesta:  
Est aliquid, pulchris dignum natalibus esse.  
Palantes animas angusto ducere calle  
Diuorum in patriam, longè plus indice Christo est.

Ergo

Ergo age, rumpe moras, disces oracula Vatum:  
Adde operam, sive plura feres, maior aq; dictis.  
Hoc duce, Virginei partus cunabula vises,  
Tum postliminium, tum primo flore iuuentam:  
Quaëque per ingratas sparsit miracula gentes:  
Vincula, flagra, crucem, famas, mortem (heu!)  
    crudelem


Spectabis, pauidisque Deum venerabere votis  
Obstrictus caput, o meritis ingentibus! vdam.  
    Sensibus ergo inis librum hunc versate potëtes  
Qui colitis sylvasque feras, agrosque seraces:  
Quicq; inopes rerum, pueri, iuvenesque, senesque.  
Hic vita, veri que via est, hic ianua cali.  
Quodque semel viuo firmavit sanguine fœdus,  
De nece, de mundo, Strygio de Rege triumphans  
Humani generis vindex (quicq; aëra, & ignes,  
Et maria, & terras ipso componit ab ortu,  
Ac iubet ad digitum posita concurrere palma)  
Illa forent sacris quondam monimenta futuris:  
Quorum hic interpretes fidus, facilisque, brevisque,  
Iunades, & opum, & tituli contemptor auiti,  
Barducis nunc, & Drenckvvaertis gētib; astrum.  
Quid verbis? res ipsa fidem, famamque ciebit:  
Non opus est hederam molli suspendere vino.

Michael Vosmerus.



I N F E S T O  
S. A N D R E Æ.

Exordium:

 LIM apud Romanos in  
Seruio Tullio rege fortu-  
na vires suas ostēdit. Ver-  
na enim natus Vrbi rex  
datus est : cui diutissimè  
imperium obtinere , quater lustrū con-  
dere, ter triumphare contigit. Ad sum-  
mam autem vnde processerit, aut quō  
peruenerit, statux ipsius titulus abundè  
testatur, seruili cognomine, & regia ap-  
pellatione perplexus.

Ita etiam Christus abiectos elegit pi-  
scatores, quos ouibus suis præficeret, &  
primos Ecclesiæ suæ rectores consti-  
tueret.

Euangelium:

*Ambulans Iesus iuxta mare Galilæa, vidit duos Matth 4.  
fratres, Simonem, qui vocabatur Petrus, & An-  
dream fratrem eius mittentes rete in mare.*

Thema:

*Relictis retibus secuti sunt eum.*

Occasione horum verborum osten- Ibid  
demus licere filiis, inuitis parentibus ad  
religionem transire , duabus seruatis  
conditionibus. Vna, quod ad annos pu-

A

bertatis

bertatis peruenerint. Pubertas autem in viris est anno xiv. vt habemus c. i. de regularibus in Sexto. in feminis autem anno xii. vt habemus can. puella, 20. q. 2. Altera est, vt parentes non sint in tali necessitate, vt sine filiorum auxilio viuere non possint. Tunc enim tenentur ex præcepto Dei parentibus adesse.

- Prob. primò ex Script. quæ etsi hoc disertè non doceat, ei tamen valde con-  
 forme est. Egrederere de terra tua, & de cognatione tua, & de domo patris tui. Et: Qui dixit patri suo, & matri suæ: Nescio vos: & fratribus suis: Ignoro vos: & nescierunt filios suos. Hi custodierunt eloquium tuum, & pactum tuum seruauerunt. Vbi Moyses in laudibus Leuitarum ponit, quòd parentes, & fratres deseruerint, vt Deo liberiùs vacarent. Item:  
 Psal 44. Obluiscere populum tuum, & domum patris tui,  
 Matt 10. & concupiscet rex decorem tuum. Et: Qui amat patrem, aut matrem plusquam me, non est me dignus. Vnde cùm quidam diceret Iesu:  
 Lucæ 9. Sequar te Domine: sed permitte mihi primum renuntiare his, quæ domi sunt: ait ad illum Iesus: Nemo mittens manum suam ad aratrum, & respiciens retro, aptus est regno Dei.

Prob. secundò sacris canonibus: 20. q. 2. can. Puella. item cap. eum virum, de regularibus. Idem docetur in Conc. Tolet. x. c. ult.

Prob. tertio testimonij Patrum, inter quæ

quæ illustre est illud S. Hieronymi epist. i. ad Heliodorum: Licet parvulus ex collo pendeat nepos, licet sparsa crine, & scissis vestibus vbera, quibus te nutrierat, mater ostendat, licet in limine pater iaceat, per calcatum perge patrem, sicciq; oculis ad vexillum crucis enola: solum pietatis genus est hæc in re esse crudelem.

Prob. quarto ratione D. Ambrosij l. 3. de virginibus: Cui licet, inquit, maritum eligere: cur non liceat Deum præferre? At licet filiis, inuitis parentibus, matrimonium contrahere: cur non liceat etiam iisdem inuitis continentiam profiteri? Præterea licet viro, vxore inuita, ad religionem transire, quando matrimonium de præfenti quidem contractum erat, sed nondum consummatum: c. Perum, & c. Ex publico, de conuers. coniugat. Ergo multò magis licebit inuito patrè.

Præterea quilibet ingenuus post annos pubertatis est sui iuris, quantum ad ea, quæ ad personam, & statum suum pertinent. In hoc enim serui à liberis differunt. Denique, Obedire magis oportet Deo, Act 5. quam hominibus. Deus autem consilium per- Matt. 19. fectam vitam omnibus in genere; & in particulari interna inspiratione vocat quosdam. Ergo si parentes resistent, audiendi non sunt.

Obiicitur i. Apostolus iubet obedire

Ephes.  
vlt.

parentibus, & eos honorare. *Filij, obedite parentibus vestris in Domino.*

Resp. parentibus duo à filiis deberi, obedientiam, & honorem, id est, temporalia subsidia. Quantum ad primum, dico ex Chrysostomi, Theophylacti, Hieronymi, & aliorum expositione in eum locum, ideo Apostolum addidisse, *in Domino*, vt intelligamus, non esse iis obediendum, nisi in iis, quæ non impediunt pietatem.

Quantum ad alterũ dico, præceptum illud, vt omnia alia affirmatiua, non obligare, nisi in casu necessitatis, cum videlicet pater sine filij opera viuere non potest. Si enim diues sit, vel habeat alios, à quibus alatur, filius non tenetur ei adesse. Vnde Dominus: *Sine vt mortui sepeliant mortuos suos.* Nam qui dicebat illi: *Domine, permitte mihi primum ire, & sepelire patrem meum:* non volebat dicere, Pater meus mortuus est, debeo eum sepelire: sed, *Sine*, vt maneam cum patre meo vsque ad mortẽ eius; cum autem obierit, & eum sepeliero, tunc sequar te.

Obiicitur 2. Vxor non potest ingredi religionem sine consensu viri, nec seruus sine consensu domini. Ergo nec filius sine consensu patris.

1. Cor 7. Resp. Vxor non habet sui corporis potestatem



tem, sed vir: & ideo non potest vxor de persona sua disponere sine consensu viri. Filij autem quoad personam suam liberi sunt post annos pubertatis. Pari ratione seruus non habet personæ suæ potestatem, sed dominus eius, & ideo de ea non potest disponere. Cùm enim subiectio seruilis sit pœna peccati, non autem subiectio filialis, mirum videri non debet, si seruis adimitur aliquid, quod antea eis competebar, & id filiis non adimatur.

### Morale.

*Secuti sunt eum.*

**V**ilendum erit, quare quilibet Christianus meritò sequi debeat Dominum, & in quibus. Matth 4.

• Quantum ad primum, ob triplicem rationem debet quilibet sequi Dominum. Prima est, quia hoc ipsum honorificum est: *Gloria magna est sequi Dominum: longitudo enim dierum assumetur ab eo.* Et: *Si quis mihi Eccli 23. ministrauerit, honorificabit eum Pater meus, qui Ioan. 12. in calis est.* E contrario dicitur: *Qui me erubuerit, & meos sermones: hunc filius hominis erubescet, cum venerit in maiestate sua, & Patris, & sanctorum Angelorum.* Luc. 9.

Secunda ratio est: quia sequi Christum

Ioan. 8. *utile est. Qui sequitur me, non ambulat in tenebris, sed habebit lumen vite.*

Tertia ratio est: quia omnis Christi actio nostra est instructio. Exemplum enim  
Ioan. 13. *dedi vobis, vt quemadmodum ego feci vobis: ita & vos faciatis.*

Quantum ad secundum, septem sunt, in quibus Christum imitari debemus.

Primu est in abstinencia carnis: nam à natiuitate vsque ad mortem duram vitam sustinuit. Media hieme natus est, &  
Lucæ 2. *media nocte: pannis reuolutus, & reclinatus in praesepio.*

Secundò eum in humilitate imitari  
Matt. 11. *debemus. Discite à me, quia mitis sum, & hu-*  
Ioan. 19. *milis corde. Tunicam gerebat inconsueti-*

*lem: nudis pedibus, & aperto ambulabat.*  
Matt 21. *capite: infidebat asino: & baiulans sibi cru-*  
Ioan. 19. *cem exiuit in eum, qui dicitur Caluaria, locum.*

Psal. 21. *Vermi etiam comparatus est: Ego sum*  
*vermis, & non homo: opprobrium hominum, &*  
*abiectionis plebis. Ex humilitate pro nobis ca-*

Luc. 23. *ptus est, & ligatus funibus: alba veste ab*  
*Herode indutus est: chlamyde coccinea à Pilato*  
*circumdatus, spineam in capite coronam*

Ioan 19 *sustinuit: & tandem inclinato capite spiritum emisit.*

Tertiò Christum imitari in paupertate debemus: qui pauper fuit in natiuitate, & reclinatus fuit in praesepio, quia non erat ei  
Luc. 2. *locus*

locus in diuersorio. Pauper vixit, quia propriam numquam domum habuit: pauper etiam obiit, quia nudus in cruce pendit.

Quarto eum imitari debemus in abstinentia cibi, & potus. Nam cum ieiunasset Matth. 4. quadraginta diebus, & quadraginta noctibus, postea esurit. Ipse vinum cum felle mistum gustauit, Matt. 27. & spongiam aceto plenam. Anne durum erit in his sequi Dominum? Audi Apostolum: Si secundum carnem vixeritis, moriemini: Rom. 8. si autem spiritu facta carnis mortificaueritis, viuetis. Viuetis, inquā, spiritualiter, & corporaliter: quia scriptum est: Qui abstineas Eccli. 37 est, adiuet vitam. Quid viuetis? Esurientes Luc. 1. etiam impleuit bonis: & Beati, qui nunc esuritis: Matth. 5. quia saturabimini.

Quinto in patientia Christum imitari debemus: nam patienter iniuriosa audiuit verba, & dura sustinuit verbera. De ipso dicebatur: Ecce homo vorax, & potator vini, publicanorum & peccatorum amicus. Matt. 11. Et iterum: Tu de te ipso testimonium perhibes: Ioan. 8. testimonium tuum non est verum. Item: In principe demoniorum eicit demones. Sed quid? Cum malediceretur, non maledicebat: cum pateretur, non comminabatur. 1. Pet. 2. Sed patienter tulit verbera: captus, & ligatus est; alapis, & colaphis cæsus; consputus, & velatus; flagellatus, & coronatus; ad Annam du-

3 IN FESTO S. ANDREAE.

ctus, Caipham, Pilatum, Herodem, & Caluariae locum; tandem cruci affixus est; & in omnibus istis ouis similitudinem gessit,

- Sextò Christum in verbis imitari debemus : qui veritatem in illis habuit:
- Ioan. 14. *Ego sum veritas : & veritatem dilexit : Ecce enim veritatem dilexisti.* Nam qui mendax est, imitatur diabolum, qui mendax est, & pater eius. Habuit & in verbis vtilitatem.
- Matt. 12. *Omne autem verbum otiosum, quod locuti fuerint homines, reddent rationem de eo in die iudicij.* Habuit discretionem : nam coram Cai-  
 pha, Pilato, & Herode tacuit : & cum accusaretur à principibus sacerdotum, & senioribus, nihil respondit. Quare bene monet Sapiēs:  
 Eccli. 32. *Adolescens, loquere in causa tua vix. Si bis interrogatus fueris, habeat caput responsum tuum.*

- Septimò Christum imitari debemus,
- Matt. 26. *qui tristis fuit, & honores fugit. Tristis, ait, est anima mea vsque ad mortē. Et iterum:*  
 Matth. 5. *Beati, qui lugent, quoniā ipsi consolabuntur.* De-  
 Ioan. 6. *nique cum cognouisset, quia venturi essent, vt raperent eum, & facerent eum regem, fugit iterum in montem ipse solus.*



9

I N F E S T O  
S. N I C O L A I.

Exordium:

**L**euauit Abraham oculos suos, viditq<sup>3</sup> post ter- Gen. 22.  
gum arietem inter vepres hæretem cornibus.  
Quem assumens obtulit holocaustum pro filio.

Moraliter:

Aries ille iustum quemque significat,  
qui quamdiu ærumnas huius vitæ susti-  
net & in duris pœnitentiæ laboribus se  
exercet, quasi cornibus inter vepres hæ-  
ret. Quòd autem post tergum Abrahæ  
aries hæreat, absentiam significat Do-  
mini, qui se iustum videre, & curare ali-  
quando dissimulat, quem tamen maxi-  
mè amat. Vnde assumens eum offert in  
holocaustum, quando charitate arden-  
tem, & in gratia Dei morientem susci-  
pit in cælum. Talis etiam fuit S. Nicol.

Euangelium:

Homo quidam peregrinus proficiscens vocauit ser- Matt. 25.  
uos suos, & tradidit illis bona sua.

Thema:

Vni dedit quinq; talēta, alij autē duo, alij vnum. Ibid.

Ostendemus aliis maiorem, aliis mi-  
norem dari gratiam secundū propriam  
cuiusque dispositionem.

A 3

Et

Et quidem Iouinianus omnes iustos existimabat, sanctitate & iustitiâ esse pares. Sæctarij huius temporis, quoniam pertinaciter contendunt, homines iustos, & gratos esse, non suâ vnumquemque iustitiâ, & gratiâ sibi inhærente, sed ipsâ gratia, & iustitiâ Christi, quæ vna est, & eadem, necessario negare coguntur inæqualitatem gratiæ eius, quæ homines gratos, & iustos facit; & consequenter huiusmodi gratiâ pro inæqualitate dispositionis inæqualiter infûdi, & donari.

Vnde Lutherus in concione quadam de Natiuitate B. Mariæ huiusmodi blasphemiam vsus est: *Omnes nos aequè insti, & sancti sumus, atque B. Virgo.* Quam blasphemiam abunde redarguit illud Archangel: *Aue, gratia plena.* Et illud Elizabeth: *Benedicta tu inter mulieres.* Atque illud item ipsius B. Virginis: *Ecce enim ex hoc beatam me dicent omnes generationes, quia fecit mihi magna, qui potens est.*

Luc. 1.

Nos autem ex Orthodoxâ doctrinâ in Concilio Trident. sess. 6. c. 7. positâ, & à D. Thoma 1.2. q. 112. art. 4. explicatâ, contra istos asserimus, gratiam iustificatam esse posse, & solere in diuersis hominibus inæqualem, secundum mensuram, quam Spiritus sanctus partitur singulis, prout vult, & secundum propriam cuiusque

iusque dispositionē, & cooperationem;  
vt recte Concilij Tridentini Patres, &  
D. Thomas explicarunt.

Ac 1. quidem id probamus ex Scri-  
ptura sacra; idque tripliciter.

Nam 1. in sacris litteris instituitur sæ-  
pe quarundā personarum laudatio cum  
comparatione, quod ad gratiam, & iusti-  
tiam attinet. Nunquid *considerasti seruum* Iob 1.  
*meum Iob, quod non sit ei similis in terra, homo*  
*simplex, & rectus, &c.* Et de Saule: *Non erat* 1. Reg. 9.  
*vir d. filius Israhel melior illo.* Et de Ioanne Ba-  
ptista: *Inter natos mulierū non surrexit maior.* Matt. 11.

2. Nam Apostolus in suis epistolis ea  
passim disputat, quæ, nisi gratia inæqua-  
lis esse possit, intelligi commode non  
queunt. Dicit enim se habuisse *primicias* Rom. 8.  
*spiritus.* Et: *Vnicuique datur gratia secundum* Ephes. 4.  
*mensuram donationis Christi.* Et: *Tanquam p. r-* 1. Cor. 3.  
*uulis in Christo, lac vobis potum dedi, non escam.*  
Comparat etiam Ecclesiam Dei cum  
domo, in qua sunt *vasa aurea, & argentea,* 1. Tim. 2  
*& lignea, & fictilia.*

3. Quia constat ex sacris litteris, gra-  
tiam, & iustitiam posse, & solere augeri  
in hominibus iustis, prout quisque ad-  
iuuante Deo, magis, aut minus salutis  
suar studiosus est: nec dubium est, quin  
possit, & soleat inæqualitas contingere  
in eo, quod augeri solet, & proinde iam  
esse

- esse maius, aut minus. Id autem pater  
 2. Cor. 9. his locis: *Potens est autem Deus omnem gratiam abundare facere in vobis. Et infra: Augebit*  
 1. Pet. 2. *incrementa frugum iustitiæ vestrae. Et: Sicut modò*  
 2. Pet. 3. *geniti infantes rationabiles sine dolo lac concupiscite, ut in eo crescatis in salutem. Et: Crescite verò*  
 Apoc. 22 *in gratia, & cognitione Domini nostri, & Saluatoris Iesu Christi. Et: Qui iustus est, iustificetur adhuc, & sanctus, sanctificetur adhuc.*

Prob. 2. inæqualitas gratiæ ex Patribus,  
 Irenæo l. 4. c. 22. S. Cyrillo Hieros. catechesi 16. S. Chrysostomo hom. 13. in Ioan. S. Cyrilliano l. 2. epist. 2. ad Donatū. S. Hieronymo l. 2. contra Iovin. & l. 2. cōment. in epist. ad Ephes. c. 4. S. Augustino epist. 29. ad Hieron. & epist. 57. ad Dardanum: Deus, inquit, etiam in quibus habitat, non equaliter habitat. Nam vnde est illud, quòd Elizabeth poposcit, ut dupliciter in eo fieret Spiritus Dei, qui erat in Elia?

Prob. 3. optima ratione D. Thomæ 1. 2. q. 112. ar. 4. Nam, ut Deus voluit vniuersum hoc esse perfectum quod ad bona naturalia attinet; ita etiam voluit perfectam esse suam Ecclesiā, quòd attinet ad donagratia omnis generis. Sed ad perfectionē vniuersitatis rerū naturalium pertinuit, ut faceret Deus diuersos, & inæquales earū gradus. Ergo similiter ad perfectionē Ecclesiæ spectat, ut inæqualiter donagratie fidelibus distribuatur, quo



ex diuersis gratiæ gradibus maior, & illustrior Ecclesiæ perfectio existat. Quam rationē etiā Apostolus attigisse videtur: Nam cum dixisset, *unicuique datū esse gratiam* Ephes. 4. *secundum mensurā donationis Christi*: enumeratis diuersis gratiæ donis, & gradibus, quasi ostendens finē, cuius causa Deus inæqualiter gratiā distribuat, subiunxit, hoc fieri *ad consummationem Sanctorum, in adificationem corporis Christi*. Est enim hæc ratiocinatio Apostoli etiam accommodanda ad diuersos gradus gratiæ gratum facientis, sicut etiam D. Thomas *loco citato* accommodat.

Porro gratiæ mensurā iuxta proportionē etiam dispositionis proprię Deum partiri, vt diximus, patet ex testimoniis Concilij Trident. Cypriano, & Hieronymo. Et præterea ratione: Nā, cum Deus communicet gratiā suauiter, iuxta modum humanæ naturæ, qui est, vt homo ipse gratiæ munus acceptet; ac propensius etiam Deus sit ad hoc munus iuxta dispositionem, & capacitatem hominis communicandum; non est ambigendum, quin ei maiorem impertiat gratiam, qui per conuersionem perfectiorem reddit se capaciore huius doni. Cōfirm. id ex illo principio Philosophi. cui nemo non naturaliter assentitur:

*Sicut*

*Sicut simpliciter ad simpliciter, ita magis ad magis: i. si quæ res valet, vt absolute aliquid obtineatur, aut fiat, eam rem, cum fuerit præstantior, procul dubio etiam valituram, vt illud perfectius etiam fiat, aut obtineatur.*

Atque hoc quidem esse diuinæ legis decretum, Scriptura etiam indicat iis locis, ex quibus licet colligere, Deum respicere ad modum, seu perfectionem nostræ cooperationis in impertiendis cuiusque generis beneficiis, atque adeo etiam in tribuendo beneficio remissionis peccatorum, & gratiæ. *Remittuntur ei*

Luc 7.

*peccata multa, quoniam dilexit multum. Cui enim minus dimittitur, minus diligit. Et de patrefa-*

Matt. 25.

*miliis dicitur, quod peregre proficiscens vni dederit quinque talenta, alij duo, alij verò vnum, unicuique secundum propriam virtutem. Quam parabolam significatur Dei consiliū, qui gratiæ talentū, quo in primis necesse est nos in hac vita cælū lucrari, iuxta propriam virtutem. i. iuxta mensuram propriæ cooperationis, inæqualiter distribuit.*

Sed animaduertendum est, quod rectè notauit D. Thomas, quod sicut gratia Spiritus S. nos excitans, & adiuuans efficaciter, prima, & præcipua causa est dispositionis nostræ, atque adeo perfectioris dispositionis; ita etiā inæqualitatem gratiæ

gratiæ iustificantis ad gratiam excitantem, & adiuuantem efficaciter, tanquam ad primam, & præcipuam causam, esse referendam.

Neque obstat hoc tamen, quo minùs adiuuante Deo, in nostra potestate situm sit, maiorem gratiam iustificantem obtinere, si scilicet adiuti diuinitùs liberè in Deum feramur per conuersionē perfectiorem. Quemadmodum licet Spiritus sancti inspiratio, & auxilium præcipua causa sit, cur absolute gratiam iustificantem acquiramus; tamen adiuuante Spiritu S. in nostra potestate situm est, absolute gratiam acquirere. Vtrumque enim est cum adiutorio diuino similiter in nostra libera potestate, scilicet conuerti, & conuerti perfectiùs.

Quare quod D. Thomas in ratione, quam antea fecimus, sumit, idcirco gratiæ iustificantis mensuram inæqualiter distribui, quia Deus vult inæqualibus gratiæ donis Ecclesiam suam, eiusque statum perficere, non ita est intelligendum, quasi hoc Deus velit nullo respectu habito ad cooperationem vniuscuiusque propriā ex adiutorio gratiæ procedentē: sed sensus est, Deum iis, qui inæqualiter cum diuino adiutorio cooperantur, velle inæqualiter mensurā gratiæ

tia iustificantis partiri, vt ea ratione status Ecclesiæ sit perfectior.

Considerandum est enim, quancunque gratiam vocantem, & excitantem homini sufficere, vt cum adiutorio Dei (quod præsto est) possit non modò conuerti, sed etiam perfectiùs conuerti, atque aded gratiam perfectiorem acquirere. Quanquam negandù non est, quin peculiaribus inuitamētis, & inspirationibus gratiæ vocātis, & excitantis, Deus pro suo beneplacito cū aliquibus agat, vt perfectiùs conuertantur.

Matt. 25. Porro fundamentum Iouiniani pro contrario errore fuit, quia constat duos tantum ordines hominū in iudicio extremo futuros: Alterum bonorum, qui collocabuntur ad Christi dexteram: alterum malorum, qui erunt ad sinistram. Ex quo Iouinianus colligebat, omnes bonos bonitate esse pares; & omnes improbos similiter pares improbitate. Sed hoc fundamentum nullius ponderis est. Nam, vt rectè respondet D. Hieron. l. 2. contra Iouinianum, nihil impedit, quò minus in vtroque ordine, bonorum scilicet, & malorum hominum varij gradus sint. Alioqui, vt rectè obicit D. Hieron. non esset differentia inter Apostolum Paulum, & incestuosum illum hominem,



*minem, qui in Ecclesiam post pœnitentiam est receptus; sed quia simul à dextris est, in eadem cum Apostolo claritate fulgeret: quod absurdum est.*

### Morale.

*Vni dedit quinque talenta.*

*Matt. 25.*

**M**ULTA talenta S. Nicolaus à Domino accepit. Primum fuit, quòd Nicolaus illustri loco Pataræ in Lycia natus sit. Sed parum prodest locus natiuitatis illustris, si non adsit nobilitas mentis. Ita cùm Eleazarum multi rogarent, vt simularet se manducasse carnes porcinas, ille cogitare cepit *atatis, ac senectutis sua eminentiam dignam, & ingentia nobilitatis canitiem, atque à puero optima conuersationis actus, & respondit citò dicens, præmitti se velle in infernum. Non enim ætati nostræ dignum est, inquit, fingere: vt multi adolescentium, arbitantes Eleazarum nonaginta annorū transisse ad vitam alienigenarum: & ipsi propter meam simulationem, & propter modicum corruptibilis vitæ tempus decipiantur; & per hoc maculam, atque execrationem mea senectuti conquiram.* *2. Machab. 6.*

Secundum talentū fuit, quòd parentes Nicolai steriles à Deo ipsum precibus impetrarint. In hoc comparandus est S. Ioanni Baptista, quo *maior non sur-* *Matt. 11.*

B

rexis

Luc 1.

*rexit inter natos mulierum: Nam Angelus de eo ad Zachariam: Ne timeas Zacharia, quoniam exaudita est deprecatio tua: & vxor tua Elisabeth pariet tibi filium.*

Tertium talentum fuit, quòd sanctitas huius viri iam ab incunabilis apparuit. Nam infans, cùm reliquos dies lac nutricis frequens sugeret, quarta, & sexta feria semel dumtaxat, idque vesperi sugebat: quam ieiunij consuetudinem in reliqua vita semper tenuit. Ita Angelus Domini dixit ad Manue de Samsone:

**Judic. 13.** *Quicquid ex vinea nascitur, non comedat: vinum & siceram non bibat, nullo vescatur immundo. Quid ita? Erit enim puer Nazareus Dei ab infantia sua, ex vtero matris sue vsque ad diem mortis sue.*

Quartum talentum fuit, quod adolescens parētibus orbatus, facultates suas pauperibus distribuit. Cuius illud insigne est Christianæ benignitatis exemplum, quòd cùm eius ciuis egens tres filias iam nobiles in matrimonio collocare non posset, earumque pudicitiam prostituere cogitaret, re cognita Nicolaus noctu per fenestram tantum pecunię in eius domum iniecit, quantũ vnus virginis doti satis esset: quod cùm iterum, & tertio fecisset, tres illæ virgines honestis viris in matrimoniũ datæ sunt.

An

An non tres illæ virgines comparandæ sunt cum tribus mulieribus pauperculis statura, ætate, & facie per omnia similibus, quæ S. Francisco inter Campilium, & S. Quiritium occurrerunt? Nouum sanè salutationis munusculum offerebant, dicentes: *Bene veniat domina paupertas*. Quo audito, verus paupertatis amator indicibili repletus est gaudio. Ita S. Bonaventura c. 7. *vita eius*, §. 6.

Quintum talentum fuit, quod in Palæstinam profectus sit, vt loca sancta viferet, & præsens veneraretur. Qua in peregrinatione nauem conscendens sereno cælo, & tranquillo mari, horribilem nautis tempestatem prædixit, moxque ortam, cum essent omnes in summo periculo, orans mirabiliter sedauit. An non in eo comparandus est S. Paulo? Prædicebat nauigantibus: *Viri*, aiebat, *vi-* Act 27.  
*deo, quoniam cum iniuria, & multo damno, non solum oneris, & nauis, sed etiam animarum nostrarum incipit esse nauigatio.* Et paulo post: *Ibid.*  
*Neque autem sole, neque sideribus apparentibus per plures dies, & tempestate non exigua imminente, iam ablata erat spes omnis salutis nostræ.*  
 Tunc Paulus: *Et nunc suadeo vobis bono animo esse.* Astitit enim mihi hac nocte Angelus Dei, *Ibid.*  
*cens: Ne timeas, Paule, Cæsari te oportet assistere:*  
*& ecce donauit tibi Deus omnes, qui nauigant tecum.*

Sextum talentum fuit, quòd, cùm domum reuersus singularis sanctitatis omnibus documenta præberet, Dei admonitu Myream, quæ Lyciæ metropolis erat, venerit. Quo tempore eius vrbs Episcopo mortuo, prouinciales Episcopi de successore diligendo consultabāt. Itaque in ea deliberatione diuinitus admoniti sunt, vt eum eligerent, qui Nicolaus nomine postridie manè primus in Ecclesiam ingrederetur. Qua obseruatione adhibita, in Ecclesiæ ianua prehensus est Nicolaus, & summo omnium consensu Myræ Episcopus creatur.

1. Reg. 9. Ita Dominus reuelauerat auriculæ Samuelis ante vnā diem, quā veniret Saul, dicens: *Hac ipsa hora, quæ nunc est, cras mittam virum ad te de terra Benjamin, & vnges eum ducem super populum meum Israel. Cumq; aspexisset Samuel Saul, Dominus dixit ei: Ecce vir, quem dixeram tibi, iste dominabitur populo meo.*

Septimum fuit, quòd in Episcopatu castitatem, quam semper coluerat, gratuitatem, orationis assiduitatem, vigilias, abstinentiam, liberalitatem, & hospitalitatem, in adhortando mansuetudinem, in reprehendendo seueritatem perpetuò adhibuerit. Viduis, & orphanis pecunia, consilio, opera non defuit. Oppressos aded subleuauit, vt etiam tres  
Tribunos

Tribunos per calumniam à Constantino Augusto condemnatos, qui se propter famam eius miraculorum orationibus longissimè absenti commendauerant, adhuc viuens cùm Imperatori, minaciter eum terrens, apparuisset, liberauerit. Ita S. Paulus monet Episcopum, dicens : *Nemo adolescentiam tuam condemnat: sed exemplo esto fidelium in verbo, in conuersatione, in charitate, in fide, in castitate.* 1 Tim. 4.

Octauum talentum fuit, quòd contra edictū Diocletiani, & Maximiani Christianæ fidei veritatem Myreæ prædicauerit. Ideo & ab Imperatorum satellitibus comprehensus, & longissimè abductus, in carcerem coniectus est. Vbi fuit vsque ad Constantinum Imp. cuius iussu ex custodia ereptus, Myream rediit; mox ad Nicænum Concilium se contulit: vbi cum trecētis illis decem & octo patribus Arianam hæresin condemnauit. In hoc cum S. Petro comparandus est: qui cùm ab Herode missus esset in carcerem, ecce Angelus Domini astitit, & lumen A. 12. refulsit in habitaculo: percussosq; latere Petri, excitauit eum dicens: Surge velociter. Et ceciderunt catenæ de manibus eius. Et exiēs sequebatur eum.

Vltimum talentum fuit, quòd reuersus inde ad Episcopatum, non ita multo post, in statu morte, suspiciens in cælum,



## 22 IN CONCEPTIONE

cùm Angelos sibi occurrentes intueretur, illo Psalmo pronunciato: *In te Domine speravi*, usque ad eum locum: *In manus tuas Domine commendo spiritum meum*, in cælestem patriam migravit octauo Idus Decembris, anno salutis humanæ trecentesimo quadragesimo tertio. Referunt hæc Ioannes Diaconus, & Metaphrastes de vita S. Nicolai.

---

## IN CONCEPTIONE

## B. M A R I Æ.

### Exordium:

Exod. 25 **L**ocutus est Dominus ad Moysen, dicens: *Arcam de lignis setim compingite, cuius longitudo habeat duos, & semis cubitus: Latitudo cubitum, & dimidium: altitudo cubitum similiter, ac semissem. Et deaurabis eam auro mundissimo intus & foris: faciesq; suprà, coronam auream per circuitum.*

### Moraliter:

Arca illa B. Virginem Mariam significat, quæ ex lignis incorruptilibus constructa est, quia caro eius non computruit: intus, & foris auro mundissimo deaurata fuit, quia miris gratiarum donis

nis in anima, & corpore ornata fuit: & per circuitum coronā habuit auream, quia multis præfulgida virtutibus sine macula concepta fuit. Vnde Psalmista: *Sanctificauit tabernaculum suum altissimus.* Psal. 45.

## Euangelium:

*Liber generationis Iesu Christi, filij David, secundum Matth. 1. Ij Abraham. Abraham genuit Isaac, Isaac autem genuit Iacob.*

## Thema:

*Virum Maria, de qua natus est Iesus.*

Ibid.

Occasione huius festi quæritur, primò Vtrum B. Maria fuerit sanctificata in vtero matris?

Resp. Veritas certa est, B. Virginem fuisse sanctificatam, priusquam ex vtero matris nasceretur. In qua consentiunt omnes Theologi cum D. Thoma p. 3. q. 27. art. 1. & Magistro in 3. dist. 3.

Prob. ratione D. Thomæ, quæ in hoc principio fundatur: quia priuilegium gratiæ, & sanctitatis ad maiorem puritatem, & gratiæ excellentiam pertinens, quod quibusdam hominum concessum est, non est negatum B. Virgini. Sed sanctificari in vtero concessum est aliquibus. Ergo.

Minorē probat D. Thomas ex sanctifi-

catione Ieremię, & Ioannis Baptiſtę. Nec deſunt, qui priuilegium hoc ad alios extendunt: ſed ſine probabilitate, & fundamento. Imò de Ieremię iunt, qui dubitent: nam licet de illo dicatur: *Antequam te formarem in vtero, noui te; & antequam exires de vuluâ, ſanctificauit te, & Prophetam in gentibus dedi te*: exiſtimant tamen hoc explicari ſecundum diuinam electionem, & prædeſtinationem. Ita ſentit Abulenſis *Iud. 13. q. 17.* quia ibi etiam Samſon dicitur *Nazareus ex vtero matris ſuę*, id eſt, ſanctificatus. Et Paulus ſe dicit fuiſſe *ſegregatum ex vtero matris ſuę*. Quod neceſſario ſecundum prædeſtinationem intelligendum eſt. Et tamen Hieron. *Ierem. 1.* videtur inter ſe conferre, & æquiparare illa duo loca, Pauli, & Ieremię: quod etiam facit Irenęus *l. 5. c. 15.* vnde Bernardus *epiſt. 174.* dictam expoſitionem probabilem eſſe exiſtimat. Cui multum fauet Auguſt. *epiſt. 57. q. 2.* & Anaſtaſius Nicenus in *quaſt. ſacrę Script. q. 59. tom. 6. Bibliot.* Et ſuaderi poteſt: nam eodem modo dicitur Ieremias ſanctificatus in vtero, & effectus propheta: certum eſt autem non accepiſſe donum prophetię in vtero matris, ſed ex illo fuiſſe deputatum, & electum in Prophetam. Ergo eodem modo poteſt dici ſanctificatus in vtero.

Sed

Sed de Ioanne Baptista nulla potest esse dubitandi ratio, quoniam August. nonnihil dubitare videatur: tamen verba Euangelij sunt adeò expressa, ut nullam aliam commodam expositionem admittant. Dicit enim Angelus: *Spiritu sancto replebitur adhuc in utero matris sue.* Et ita docent omnes Patres ibi, Ambrosius, Theophylact. Origen. *hom. 4.* Chrys. *serm. 2. de Ioanne Baptista*, Hieronymus, Bernardus, & alij.

De Ieremia tamen etiam verius, ac ferè certum est, fuisse in utero sanctificatum, ut D. Thom. docet, ac fere Theologi in 3. *dist. 3.* Est enim hæc sententia magis consentanea textui Script. Nam illud primum verbum: *Antequam te formarem in utero, noui te*, prædestinationem significat, & ideo dicitur esse ante formationem in utero.

Secundum autem verbum significat executionem, seu iustitiæ infusionem; ut patet, tum ex proprietate verbi: tum ne idem iterum repetatur: tum denique, quia propterea dicitur facta, non ante formationem, sed ante natiuitatem ex utero.

Tertium autem illud: *Et prophetam in genibus dedi te*, cum ibi non signetur tempus, potest satis commodè ad illud referri, in quo factum est: vel, si intelli-

gatur in vtero factum, dicendum esset, donum prophetiæ non esse habituale, & permanens; & ideo non dici aliquem constitui prophetam per huiusmodi donum: nec per actuale; aliàs non diceretur propheta, nisi cum actu prophetat. Diceretur ergo constitui per specialem Dei deputationem, & fortasse per aliquam sanctificationem ad hoc ordinatam, cum parato Dei auxilio pro tempore oportuno.

Sed quæret aliquis: Quàm sit certa hæc assertio? Quidam solum piam, & probabilem illam appellât, vt Caietan. *tom. 2. opusc. tract. 1. c. 1.* Alij verò hoc reprehendant, & existimant simpliciter esse de fide, vt Catharinus *l. 4. contra Caiet.* Sed media via videtur incedendum. Est itaque, vt minimum, temeraria contraria sententia, cum sit contra omnium Catholicorum sensum, nullo contradicente, & non possit habere vllum probabile fundamentum, nisi fortasse, quòd non habetur in Script. ac si sola illa essent credenda, quæ in Script. habentur; quod est hæreticum dogma.

Deinde; Quamuis non sit aperta hæresis, hoc negare, quia hæc veritas non est expressè definita, aut tradita, tanquam de fide, esse tamen censeo erroneum,



neum, vel errori proximum: quia est contra communem sensum Sactorum; & quia Ecclesia celebrat festum Natiuitatis B. Mariæ; vt patet ex Concilio Lugdunensi, in c. 1. de consecrat. dist. 3. Non celebrat autem, nisi quod sanctum est. Est autem huius festi celebritas antiquissima: nam Petrus Damianus, & Germanus Constantinopol. ante mille annos conciones in hoc festo habuerunt.

Quæritur 2. Vtrum B. Virgo peccauerit in Adamo, & ideo ex vi suæ conceptionis fuerit peccato originali obnoxia?

Primum omnium statuendum est, B. Virginem fuisse à Christo redemptam, quia Christus fuit vniuersalis redemptor totius generis humani, & pro omnibus hominibus mortuus est. *Sicut* Rom. 5.  
*per vnus delictum in omnes homines in condemnationem: sic & per vnus iustitiam in omnes homines in iustificationem vitæ.* Et: Si vnus pro 2. Cor. 5.  
*omnibus mortuus est: ergo omnes mortui sunt.* Et: Vnus est mediator Dei, & hominum, homo 1. Tim. 2.  
*Christus Iesus, qui dedit redemptionem semetipsum pro omnibus.* Et sæpe aliàs. Ab hac autem generali Scripturæ regula aliquem excipere, contra fidem esse censet Augustinus l. 1. de peccat. merit. & remiss. c. 27. 28. & l. 3. c. 3. & l. 6. contra Iulian.

## 28 IN CONCEPTIONE

*Julian. c. 8.* Et videtur planè communis Ecclesiæ sensus. Nā Script. docet, totam humanam naturam collapsam esse in Adamo, & per Christum esse instauratam: & ideo simpliciter Mediator Dei, & hominum appellatur. Denique, ab hac redemptione Virginem eximere, esset aliquo modo dignitati Christi derogare.

Hoc posito difficultas est: An B. Virgo indiguerit hac redemptione, quia peccauit in Adamo, & de se fuit obnoxia originali peccato; an verò sine his possit stare vera redemptio?

I. sententia negat Virginem peccasse in Adamo. Ita tenet Catharinus *l. de peccat. origm. c. vlt. & l. de concept. ad synod. Trident. p. I. c. I. & Galat. l. 7. c. 10.* & Viguerius *in institutionibus, c. 18. §. 5.* Ad quam sententiam intelligendam supponendum est, ut omnes posterius Adæ dicantur in illo peccasse, nō satis esse, ut omnes fuerint in illo contenti, tanquam in primo parente, & naturali principio hominum futurorum omnium: quia hæc sola ratio per se sumpta non satis est, ut peccatum parentis deriuetur ad filium, neque ut filius in parente peccare dicatur. Oportuit ergo, ut Deus speciali lege, & pacto voluerit constituere Adam quodam

dam modo, vt caput ceterorū; & in eius voluntate, posterorum voluntates ponere, vt velut omnium nomine præceptum impositum seruaret, aut transgredideretur; ita vt eo in diuinâ obedientiâ perseverante omnes posteri quasi hæreditario iure iustitiam, & gratiam Dei obtinerent; illo autem peccante omnes essent Deo inuisi, & inimici. Potest ergo intelligi, Deum in hoc pacto B. Virginem excepisse, propter merita Christi præuisa: quia nullam inuoluit repugnantiam, quo minùs hoc Deus facere potuerit; quia sicut liberè voluit hoc pactū cum Adamo inire, ita eadem libertate potuit matrem suam iam præuisam illa lege liberare. Quòd si hoc potuit, verisimile est fecisse: quia prædestinatio Christi, & matris eius, præscientiam origenalis culpæ antecessit, & totum hoc priuilegium, dignitasque consentanea est dignitati matris. Sicut Asuerus dixit Esther: *Non morieris: non enim pro te, sed pro omnibus hac lex constituta est.* Ex hoc autem principio sequitur dictorum auctorum sententia, scilicet B. Virginem non peccasse in Adamo: quia licet in illo fuerit contenta, tanquam in naturali parente, non tamē fuit in eo pacto comprehensa. At sine pacto nullus peccasset

in

Esth. 15.

in Adamo. Ergo. Et confirmatur quia  
 sentiēdo hoc modo de Virgine, & Chri-  
 sti, & matris eius dignitas illustratur :  
 quia & ipsa purior esse intelligitur, ma-  
 gisque à peccato aliena, & maiori gratiæ  
 privilegio præuenta; & Christi meritum  
 ostenditur efficacius; quia non solum  
 post lapsum vel in se; vel in parēte ma-  
 trem liberare, sed etiam præuenire po-  
 tuit, ne in ipso parente caderet. Vnde  
 non fit, vt non sit eius redemptor, sed  
 potius vt altiori modo illam redemerit.  
 Sicut si quis, cū mulier aliqua in fer-  
 uam venditur, in ipso contractu quem-  
 piam eius filium exciperet, ne seruus  
 nasceretur, meritò diceretur illū à ser-  
 mitute liberasse. Sic igitur dicetur Virgo  
 à Christo redempta, etiam si in Adamo  
 nō peccauerit, quia ex meritis eius præ-  
 uis ita exempta est, vt in illo peccare  
 non potuerit. Et hinc vlteriùs sequitur  
 in hac sententia, B. Virginē in re ipsa, &  
 de facto nō fuisse reuera obnoxia origi-  
 nali peccato .i. non habuisse debitum  
 cōtrahendi illud, ex vi cōceptionis suæ:  
 quia nullus habet hoc debitum, nisi  
 quantum in Adam peccauit: in hoc au-  
 tem sensu potest dici obnoxia, quia nisi  
 propter Christum fuisset exempta in  
 illo pacto, ex vi modi, quo est concepta,

origi-

originale peccatum contraheret. Hæc sententia licet sp̄ciem quandam pietatis præferat, tamen nec Script. sacræ, nec Patribus videtur consentanea.

Dicendum ergo censeo i. absolutè, & simpliciter fatendum esse, B. Virginem in Adam peccasse.

Prob. i. quia Paulus absolutè dicit, omnes peccauisse in Adam, & ideo indiguissè redemptione. Ergo non potest B. Virgo magis ab vna, quàm ab alia clausula excipi. Et ita vtramque exceptionem æque falsam reputat Augustin. l. 2. de peccat. merit. c. 20. 21. & 35. Et hoc planè conuincit locus Pauli: *Si vnus pro omnibus mortuus est; ergo omnes mortui sunt.* Vbi necesse est, vtramque partem distributionis æquè esse vniuersalem. Sicut ergo certum est, Christum mortuum esse pro B. Virgine (aliàs non redemisset illam, quia per mortem nos redemit) ita certum est B. Virginem fuisse mortuam saltem in Adam. Et eandem vim habent illa verba Pauli: *Sicut in Adam omnes moriuntur, ita & in Christo omnes viuificabuntur.* Sicut ergo B. Virgo in Christo vitam habuit, ita & in Adam fuit mortua. Et similia sunt illa: *Sicut per vnus delictum in omnes homines, &c.* Quæ testimonia in hunc sensum sæpe tractat Augustinus de natura & gratia

Rom. 8.  
& 5.

2. Cor. 5.

1. Cor. 15.

Rom. 5.



*gratia c. 4. & l. 6. contra Iulian. c. 1. & 8. & alibi.*

Confirm. quia aliàs sequitur, B. Virginem non fuisse à Christo redemptam, neque eum fuisse pro illa mortuum. Si enim B. Virgo fuit illo modo exempta in pacto, & in ipso Adamo, etiam si Deus nolisset Christum mori nec redimere homines, nihilominus non esset in peccato cōcepta, nec indigeret redemptione, quia non peccauerat in Adam. Ergo signum est, si ita fuisset exempta, de facto non fuisse redemptam, neque Christum pro illa mortuum.

**Rom. 5.** Confirm. quia aliàs B. Virgo non contraxisset mortem, & alias corporis pœnalitates ex Adamo. Consequens est omninò falsum, contra Paulum dicentem, *mortem in omnes homines per peccatum introisse*. Vnde colligunt sancti, neminem pati mortem, nisi vel ratione peccati, quod ad ipsum pertineat; vel ut pro aliorum peccatis satisfaciat, quod est proprium Christi. Quare Patres vocāt carnem Virginis, *carnem peccati*; carnem autem Christi in similitudinē carnis peccati: quia illa verè habuit mortem carnis ex peccato Adami contractam; hic verò voluntariè assumptam, ut fratribus *similaretur*.

Dico

Dico 2. B. Virgo ex vi suæ conceptionis fuit obnoxia originali peccato, seu debitum habuit contrahendi illud, nisi diuina gratia fuisset impeditum.

Hæc conclusio sequitur tam ex fundamento in principio posito, quam ex præcedenti conclus.

Et probatur 1. à priori ex dictis, quia B. Virgo peccauit in Adamo, ex quo, tanquam ex radice infecta, est orta per feminalem rationē. Sed hæc est tota ratio contrahendi originale peccatum, quod est ex vi conceptionis, nisi gratia Dei præueniat. Ergo.

Prob. 2. à posteriori, quia aliàs non esset magis redempta, quam Angeli: nullus enim redimitur, nisi qui sub peccato seruit. Ergo ad veram redemptionem necesse est, vel esse in peccato, vel saltem esse ita subditum necessitati contrahendi peccatum, vt sine gratia singulari redemptoris vitari non possit.

Confirm. & explicatur exemplo supra posito de muliere, quæ serua efficitur, excipiendo in ipso contractu aliquē ex filiis, ne seruus nasci possit. Hoc enim posito, qui postea mulierem illam à seruitute redimeret, reuera non redimeret filium, quia non erat obnoxius seruituti, sed de se liber nasciturus. Sic

C ergo,

ergo, si B. Virgo nō fuisset (vt itadicam) vendita in Adamo, & de se seruituti peccati obnoxia, nō fuisset verè redempta. Christus enim illos solos redemit, quos Adam vēdidit, & quantum in ipso erat, fecit captiuos.

Quæret aliquis: Quàm sit certa sententia his conclusionibus explicata? Nonnulli existimant, hæreticum esse, vel saltem erroneum, illā negare: quod tenet Corduba citans D. Thomā & Gerson<sup>l. 1. suarum quest. q. 44. concl. 5.</sup> Aliis videtur esse tantum opinionem probabiliorē, & contrariam nulla censura dignam esse, quia Concilium Trident.<sup>sess. 5.</sup> post traditam totam doctrinā de peccato originali, in fine declarat, non esse mentis suæ in illa Virgine comprehendere: ergo non est erroneum à tota illa doctrina Virginem excipere: & tamen inter alia docuerat ibi Concilium, omnes peccasse in Adamo.

Mihi videtur dicendum, non posse sine errore negari, B. Virginem ex vi peccati Adæ ita fuisse obnoxiam maculæ, & peccato contrahēdo, vt, si per Christum non esset verè, ac propriè redempta, illud contraheret. Nec Concilium Trident. facultatē concedit illa detorquendi ad falsos, & improprios sensus, sed  
solum

solùm agit de præseruatione Virginis à reali contractione originalis peccati, de qua sola loquitur Sixtus iv. in sua Extrau. ad quam se Concilium remittit. Si quis autem contendat, potuisse Virginem esse obnoxiam peccato Adæ contrahendo, atque aded propriè redemptam per Christũ, & nihilominus non peccasse in Adamo, sed habuisse solum debitum peccandi in illo, fuisse autem propter Christum præseruatam, non solum ne peccatum Adæ contraheret, verum etiam ne in ipso peccaret: talis opinio non posset censura notari, quia utcumque saluat Script. locutiones. Mihi tamen nullo modo videtur probanda, quia nec consequenter loquitur, neque omnibus testimoniis adductis potest plenè satisfacere, neque ad tuendā Virginis dignitatem est necessaria.

Ad fundamentum contrariæ sententiæ i. dicitur, illud solùm esse coniecturam habentem quandam pietatis speciem, quæ satis esse non debet, ut tantum pondus auctoritatis relinquamus. Deinde, illa coniectura nullam vim habet: quia ut Augustinus docuit l. 6. contra Iulian. c. 4. Peccatum originale, quatenus consideratur in actione alterius, alienum est: sit autem proprium tantum contagione propaginis. Sicut ergo

peccatum alienū non derogat propriæ innocentia, & puritati; ita nec peccatum Adæ, quamdiu in eo consideratur, & re ipsa aliqua macula ex illo contracta non est.

Sic igitur, quod B. Virgo de se fuerit obnoxia peccato (si illud reuera nunquam habuit) non derogat perfectæ ipsius sanctitati, & puritati; sed tantum ostendit naturæ originem, & infirmitatem, quæ ita per gratiam sanari potest, ut nullus in ipsa persona defectus appareat. Aliunde vero conuenientissima ratione diuinæ prouidentia factum est, ut B. Virgo simul cum tota natura fuerit in voluntate Adæ constituta, ut perfecta, & vniuersalis dignitas redemptoris, & efficacia gratiæ eius redderetur illustrior, & in matre sua perfectius illuceret.

### Morale.

Luc. 1. *Aue gratia plena.*

**M**ultæ in S. Maria Virgine virtutes claruerunt.

Ibid.

Primò enim fuit Maria profundissima apud se, per humilitatem. Dixit autem Maria: Ecce ancilla Domini. O mira, & profunda



profunda humilitas Mariæ ! Ecce Mariam Archangelus alloquitur , Maria gratia plena dicitur , superuenturus Spiritus S. promittitur , Maria in matrē Domini assumitur , Maria iam omnibus creaturis anteponitur , Maria iam Domina cali , & terræ efficitur , & pro his omnibus non extollitur , sed mira humilitate deprimitur , dicens : *Ecce ancilla Domini*. Nec solum in verbo Mariæ humilitas , sed etiam declaratur in facto. Nam *postquam impleti sunt dies purgationis eius* Luc. 2. *secundum legem Moyſi , tulerunt illum in Ierusalem , vt ſiſterent eum Domino , ſicut ſcriptum eſt in lege Domini*. Ecce Maria absque omni peccato legem subiit purgationis , & nos peccatis pleni subire nolumus legem ſatisfactionis.

Secundò fuit Maria ignitissima per charitatem. Nam *exurgens Maria abiit in montana cum feſtinatione* Luc. 2. *Abiit , inquam , vt viſitaret , vt ſalutaret , vt miniſtraret Eliſabeth*. In viſitatione autem illa Maria quater nominatur , in quo charitas eius ad Deum , & ad proximum plenius declaratur.

Habebat enim primò charitatē proximi in corde : & ideo *exurgens Maria abiit in montana cum feſtinatione* Ibid. *Ira paſtores reuerunt feſtinantes ad præſepium : Zachæus feſtinans*

# 38 IN CONCEPTIÖNE

Luc. 19. *festinans descendit ad excipiendum hospitio Domini sui.*

Luc. 2. Secundò Maria charitatem proximi fouebat ore. Et factum est, vt audiuit salutationem Maria Elisabeth, exultauit infans in utero eius. Charitas enim salutationibus, & charitatiuis verbis fouenda est. Vnde Angelus salutauit Mariam: Maria salutauit Elisabeth. Et ecce Iesus occurrit Mariis, dicens: Aue. Sed vñ illis, qui dolosè proximum salutant, sicut Iudas dicens:

Matt. 26. *Aue rabbi.*

Luc. 2. Tertiò Maria charitatem exercebat opere: mansit enim Maria cum illa quasi mensibus tribus. scilicet pro ministerio, & consolatione Elisabeth.

Ibid. Quartò, sicut in omnibus Maria charitatem habuit ad proximum, ita super omnia charitatem habuit ad Deum. Et ait Maria: Magnificat anima mea Dominum.

Ibid. Tertiò fuit Maria mansuetissima per lenitatem, & patientissimam contra omnem aduersitatem. Dixit enim Simeon ad illam: Ecce positus est hic in ruinam, & resurrectionem multorum in Israel; & in signum, cui contradicetur: & tuam ipsius animam pertransibit gladius. Gladius iste acutissimam Christi passionem significat: quæ licet animam Mariæ per compassionem pertransierit, ipsam tamen nec per odium occidit,

occidit, nec per impatientiam vulnerauit. Nec solum patiens fuit in Filij sui passione, sed etiam vilipensione, quando dicebant: *Nonne hic est faber, filius Maria?* Mar. 6.  
*Et scandalizabantur in eo.* Verè tamen faber erat, de quo scriptum est: *Tuus est dies, & tua est nox: tu fabricatus es auroram, & Solem.* Psal. 73.

Quartò fuit Maria bonis operibus studiosissima. *Hi omnes erant perseverantes unanimiter in oratione cum mulieribus, & Maria matre Iesu.* Si Maria tam sedulè orauit in terris, quomodo non orabit pro nobis in cælis? Nec solum ore in orationibus, sed etiam corde in sanctis fuit meditationibus indefessa. *Maria autem conseruabat omnia verba hæc, conferens in corde suo.* Aq. 1. Luc. 2.

Quintò Maria fuit tenuissima per paupertatē. Nā pastores inuenerunt Mariam, *ibid.*  
*& Ioseph, & infan-tem positum in praesepe.* Quod si pauper non fuisset, opulentum facilè hospitiū inuenisset. Vnde Saluator ait: *Va vobis diuitibus, quia habetis consolationem vestram.* Luc. 6.  
*Non desperent tamē diuites, quia etiam Reges intrantes domum inuenerunt puerum cum Maria matre eius.* Matth. 2.  
 Pauperes ergo Christo conformantur per paupertatem: diuites Christo reformantur per liberalitatem.

Sextò fuit Maria temperatissima per sobrietatem. Ideo illi dicitur: *Ne ti-* Luc. 1.

40 IN CONCEPT. B. MARIAE.

- meas, Maria, inuenisti gratiam apud Deum. Nunquam ipsa tantam inuenisset gratiam, nisi gratia ipsam in cibo, & potu inuenisset temperatissimam. Optimum est gratia stabilire cor, non escis: quæ non profuerunt ambulantibus in eis. Ecce concipies in utero. Nunquam Deum in utero concepisse, si vterus eius cōtra Deum crapulosus fuisset.*
- Septimò Maria castissima fuit per virginitatem. Eximiæ castitatis eius testem habemus Euangelistam, testem ipsam Mariam, testem Angelicam personam.*
- Luc. i. Casta enim fuit in virginea carne: Nomen*
- Ibid. Virginis Maria. Castior fuit in virginea mente, sicut ipsa testatur: Quomodo fiet istud, quoniam virum non cognosco? id est, non cognoscere propono. Castissima fuit in*
- Matth. i. virginea prole, sicut testatur Angelus: Ioseph fili David, noli timere accipere Mariam coniugem tuam: quod enim in ea natum est, de Spiritu sancto est.*

Dulcissimum igitur Mariæ nomen inuocantibus seruulis per te, Regina clemens, gratiæ suæ munera largiatur Iesus Christus, filius tuus, qui cum Patre, & Spiritu S. viuit, & regnat Deus, Amen.

# I N F E S T O S. T H O M Æ.

## Exordium:

**C**um filij Israel ædificarent murum  
Ierusalem, vnâ manu suâ faciebant opus, 2. Esd. 4.  
& alterâ tenebant gladium: ædificantium enim  
vnusquisque gladio erat accinctus renes.

## Moraliter:

Si velimus construere ciuitatem virtutum animæ nostræ, vt videat æternam pacem in cælo, vnâ manu tenere debemus gladium fidei, captiuâtes proprium intellectum in obsequium Christi: alterâ verò exhibere opera charitatis, & misericordiæ. Alias arma fidei essent otiosa, & sine exercitio, nec tueri possemus contra diabolum pacem nostram, quam ipse multis vitiorum exercitiis turbare conatur.

## Euangelium:

Thomas vnus ex duodecim, qui dicitur Didy. Ioan. 20.  
mus, non erat cum eis, quando venit Iesus.

## Thema:

Beati, qui non viderunt, & crediderunt.

Quæritur: An obiectum fidei sit, aut  
esse



esse possit euidēs per ipsammet fidem; an verò incuidens, ita vt fidei assensus pendeat peculiariter à libera motione voluntatis, & in hominis potestate sit, non assentiri doctrinæ fidei? Certa, & communis Theologorum sententia est, fidem esse incudentem; & ideo ex libera motione voluntatis pendere; & contrariū asserere esse prorsus erroneum.

**Mar. 16.** Prob. 1. ex Script. *Prædicare Euangelium omni creaturæ. Qui crediderit, & baptizatus fuerit, saluus erit: qui verò non crediderit, condemnabitur.* Quibus verbis indicat Dominus, in libera hominum potestate esse, credere, aut non credere, etiam postquam sufficienter eis fuerit explicata doctrina Euangelij; ac proinde fidē non esse euidentem. Euidens enim cenferi solet illud, quod sufficienter ita mouet intellectum, vt in libera hominis potestate non sit dissentire: v. g. quòd sensu percipitur.

**Ioan. 12.** Et: Cùm autem tanta signa fecisset coram eis, non credebant in eum, vt sermo Isaie impleteretur, quem dixit: Domine, quis credidit auidiui nostro?

**Act. 28.** Et: Quidam credebant his, quæ dicebantur (à Paulo) quidam verò non credebant: nimirum,

**Rom. 10.** pro cuiusque arbitrato. Et: Corde (.i. arbitrio, & voluntate) creditur ad iustitiam. Et ibidem: Non omnes obediunt Euangelio. *Isaias*

enim dicit: Domine, quis credidit auditui nostro?  
 Et rursus: Ad Israel autem dicit: Tota die ex- *Isa. 65.*  
 pandi manus meas ad populum non credentem, &  
 contradicentem mihi. Et: Est autem fides speran- *Heb. 11.*  
 darum substantia rerum, argumentum non appa-  
 rentium.

Prob. 2. ex Conciliis. Nam in Conci-  
 lio Arausicano can. 5. dicitur, initium fidei  
 esse ipsum credulitatis affectum (puta liberum)  
 eumq; inesse nobis per inspirationem Spiritus S.  
 corrigentem voluntatem nostram ab infidelitate  
 ad fidem, videlicet in hoc liberam. Et in  
 Concilio Toletano IV. can. 55. neminem  
 cogendum esse ad fidem, inde probatur,  
 quia sicut homo propria arbitrii voluntate serpenti  
 obediens perit, sic (vocante se gratia Dei)  
 propriae mentis conuersione quisque credendo sal-  
 uatur. Item, in Concilio Trident. sess. 6. c. 6.  
 dicitur, homines disponi ad iustitiam,  
 dum excitati diuina gratia, & adiuti, fidem ex  
 auditu concipientes, liberè mouentur in Deum,  
 credentes vera esse, quae diuinitus reuelata, & pro-  
 missa sunt.

Prob. 3. ex Patribus. S. Irenaeus l. 4. c. 72.  
 Non tantum, inquit, in operibus, sed etiam in fi-  
 de liberum, & suae potestatis arbitrium homini  
 seruaui Dominus, dicens: Secundum fidem tuam *Matth. 9.*  
 fiat tibi; propriam fidem hominis ostendens, quo-  
 niā propriam suam habet sententiam. S. Atha-  
 nasius in tractatu de salutari aduentu Christi  
 aduersus

aduersus Apollinarium: Non enim, inquit, fides de re euidenti concepit: a fides dici poterit. Sed fides est, quæ in impossibili (secundum quandam apparentiam) possibilitatem, & robur in imbecillitate, & patibile in impatibilitate, & corruptionem in incorruptibilitate, & mortale in immortalitate, & in paucitate magnitudinem credit. S. Hilarius l. 8. de Trinit. ante medium: Habet, inquit, non tam ventiam, quam præmium, ignorare, quod credas, quia maximum fidei stipendium est, sperare, quæ nescias. Vbi videtur alludere ad Apostoli dictum, scilicet fidem esse substantiam, & argumentum sperandarum rerum, non apparentium.

S. Ambrosius l. 1. de Abraham, c. 3. Bonum est, inquit, ut rationem præueniat fides, ne tanquam ab homine, ita à Domino Deo rationem videamur exigere. Etenim quàm indignum, ut humani testimonii de alio credamus, Dei oraculis de se non credamus!

S. Augustinus tract. 40. in Ioannem: Credimus, inquit, ut cognoscamus; non cognoscimus, ut credamus. Quod enim cognituri sumus, nec oculus vidit, nec auris audiuit, nec in cor hominis ascendit. Quid enim est fides, nisi credere, quod non vides? Fides ergo est, quod non vides, credere: veritas, quod credidisti, videre. Et tract. 79. in Ioannem: Hæc est, inquit, laus fidei, si quod creditur, non videtur. Et serm. 1. de festo Trinit.

*Trinit. Accepto, inquit, baptismo hoc dicimus: Fidelis factus sum, credo, quod nescio, & propterea scio, quia me scio nescire, quod nescio.*

*S. Gregorius homil. 26. in Euang. Divina, inquit, operatio, si ratione comprehenditur, non est admirabilis. Nec fides habet meritum, cui humana ratio præbet experimentum.*

*Probatur 4. orthodoxa sententia de inevidentia, & libertate fidei, ratione in Script. fundata. Nam quod laudatur, & remuneratur, & cuius contrarium reprehenditur, ac punitur, id ex libera voluntate pendet. Sed quòd homines credant, laudatur, & remuneratur: & quòd non credant, reprehenditur, & punitur. Ergo ex libera voluntate pendet fides; atque adèd non est evidens. Minor probat. ex iis locis: Beati, qui non viderunt, & crediderunt. Et: Sancti per fidem vicerunt regna, adepti sunt repromissiones. Et: Reportantes finem fidei vestra, salutem animarum. Et contrà reprehenduntur increduli: O stulti, & tardi corde ad credendum. Et: Exprobrauit incredulitatem eorum, & duritiam cordis. Et ibidem additur pænæ comminatio: Qui non crediderit, condemnabitur.*

*Ioan. 20.  
Heb. 11.  
1. Pet. 1.  
Luc 24.  
Mat. 16.*

*Probatur 5. ab experiētia difficultatis, quam*

2. Cor.  
10.

quam sentit humana ratio in assentiendo rebus fidei: quæ difficultas satis superque ostendit, fidem non esse euidentem, cum aded intellectus ad id assentiendum non cogatur, vt etiam non sine difficultate ad id adducatur, iuxta illud: *In captiuitatem redigentes omnem intellectum in obsequium Christi.*

## Morale.

*Noli esse incredulus, sed fidelis.*

**I**N tribus debemus esse fideles.

Primò debemus esse fideles serui ad Dominum nostrum. Dignum enim est, vt fidelis dominus fideles seruos habeat. Et quis vnquam sic fidelis fuit, vt Dominus noster, qui pro seruo, & pro malo, & ingrato seruo se dedit in mortem? *Fidelis Dominus in omnibus vis suis.* scilicet in redimendo, in defendendo, in custodiendo. Et Apostolus: *Fidelis autem Deus est, qui non patietur vos tentari supra id, quod potestis: sed faciet etiam cum temptatione prouentum, vt possitis sustinere.* Tales etiam nos seruos esse decet. *Si est tibi seruus fidelis, sit tibi quasi anima tua, quasi fratrem sic eum tracta: quoniam in sanguine anima comparasti illum.* Sed quis hodie est fidelis seruus, & prudens?

Psal. 144.

1. Cor.  
10.

Eccli. 33.

den  
bol  
sto  
qui  
uan  
giti  
riisi  
accu  
quis  
mir  
uus  
& n  
Nol  
iudic  
rus  
fidel  
tus,  
tibu  
uer  
quod  
imp  
fidel  
ma  
Chri  
sto ve  
dit: T  
fiat vo  
Sec  
ad pro  
nulla es



dens? Plures sane sunt, qui seruiunt diabolo, plures, qui mūdo, quàm qui Christo. Hos canes, equi, & leones superant, qui fidem dominis suis & beneficiis seruant. Narrat etiā historia Romana, quòd quidam nomine Machonius orator clarissimus de incestu apud iudices fuerit accusatus. Ad cuius testimonium seruus quidam aduocatus fuit, tanquā eius criminis conscius. Cū autem fidelis seruus dominum videret dolentem valdè, & nimium pertimescentem, ait ad eum: Noli timere, Domine mi: sed securè me iudicibus trade, certus quod nihil dicturus sūm. Traditus deinde iudicibus ad eū fidelis fuit, vt multis verberibus lacertus, in eculeo suspensus, laternis ardentibus adustus, omniū accusationes subuerterit, vt meritò fortuna possit argui, quòd tantam fidelitatem seruili cordi impresserit. Quis hodie Christianus ita fidelis est Christo? Tales olim fuerunt martyres: talis & S. Thomas fuit, qui pro Christo mori non timuit. Vnde & Christo volēti eum ad Indos mittere respondit: *Tu es Dominus meus, & ego sum seruus tuus, fiat voluntas tua.*

Secundò debemus esse fideles amici ad proximum nostrum. Nam amico *fidei* Eccli. 6.  
*nulla est comparatio, & non est digna ponderatio*  
auri,

auri, & argenti contra bonitatem fidei illius. Maius est enim amicitiae vinculum, quam parentela. Hæc enim à natura contrahitur, & interdum à benevolentia separatur. Vera autem amici fides maximè cognoscitur in aduersis: de quo pulchrū Valerius Max. refert exemplum, l.4.c.1. Nam apud Romanos quidam nomine Gracchus morti damnatus, & bonis omnibus atque auxiliis erat destitutus: duo tamen eius amici Pomponius, & Lectorius telis hostium vndiq; ruentium se opposuerunt, & vt amicus euaderet, effecerunt. Pomponius enim persequentibus Gracchum in porta ciuitatis se opposuit, nec ex ea pelli potuit, nisi postquam multis vulneribus perforatus occubuit, & per cadauer suū viam aduersariis dedit. Lectorius in ponte super Tyberim stetit, & eum in ardore spiritus sui, donec Gracchus transiret, contra omnes defendit. At hodie, proh dolor! nulli amici sunt personæ, quamuis multi inueniantur amici fortunæ. S. tamen Thomas veram ad proximū amicitiam habuit, pro cuius salute vitam suam posuit. Vnde cum S. Paulo dicere potuit: *Ego autem libentissimè impendam, & superimpendar ipse pro animabus vestris, licet plus vos diligens minus diligar.*

2. Cor.  
12.

Tertiò

Tertiò debemus esse fideles villici in dispensando omnia, quæ à Deo accepimus. *Dispersit, dedit pauperibus: iustitia eius* Psal. 112. *manet in sæculum sæculi.* Nam de superfluis omnibus Dominus in iudicio petiturus est rationem. Vnde quilibet fidelis tunc audiet: *Euge serue bone, & fidelis, quia super* Matt. 25. *pauca fusti fidelis, super multa te constituam; intra in gaudium Domini tui.* Quod si consideremus, quæ, & quanta sunt, quæ nobis promittuntur in cælis, vilescunt animo omnia, quæ habentur in terris. *Quis, putas, est fidelis seruus, & prudens, quem constituit* Matt. 24. *Dominus super familiam suam, vt det illis cibum in tempore? Beatus ille seruus, quem, cum venerit Dominus eius, inuenerit sic facientem: amen dico vobis, quoniam super omnia bona sua constituet eum.* Contra verò seruum malum, & pigrum tradet tortoribus sempiternis, & dicet: *Inutilem seruum eijcite in tenebras ex-* Matt. 25. *teriores: illic erit fletus, & stridor dentium.* Sed deplorandū est, quòd fideiores inuenti sint pagani in dispensatione thesauri sibi commissi, quam multi Christiani. Scipio Princeps nobilissimus Romanorū, dum postularetur, vt rationem redderet innumerabilis sibi commissæ pecuniæ, tradidit eis librum, in quo factæ expensæ erant scriptæ, nec cum eis ad legendum ire voluit, quia se optimè eas col-

D      locale

50 IN FESTO S T H O M A E.  
locasse sciebat. Dixitque ad Senatum:  
Nolite, Patres, de innocentia mea dubi-  
tare: quia licet Africam totam potestati  
vestræ subiecerim, nihil tamen ex ea,  
quod meum dici posset, præter nomen,  
& gloriam, reputavi.

S. igitur Thomas Apostolus, qui & Di-  
dymus, Galilæus, fidelis fuit: nam post  
acceptum Spiritum sanctum in multas  
provincias profectus est ad prædican-  
dum Christi Euangelium: Parthis, Me-  
dis, Perlis, Brachmanis, Hyrcanis, & Ba-  
ctris Christianæ fidei, & vitæ præcepta  
tradidit. Postremo ad Indos se cōterens,  
eos in Christiana religione erudit: qui  
ad extremum vitæ, doctrinæ sanctitate, &  
miraculorum magnitudine, cū cete-  
ris omnibus sui admirationem, & Iesū  
Christi amorē commouisset, illius gen-  
tis Regem, idolorum cultorem, magis  
ad iram accendit: cuius sententia con-  
demnatus, telisq̃ue confossus, Calami-  
næ Apostolatus honorem Martyrij co-  
rona decoravit. Ita Isidorus *de Patribus  
noui Testamenti.*

## I N

## NATALI DOMINI.

## Exordium:

**C**um agnosceret Ezechias usque ad <sup>4</sup> Reg. mortem, signum futuræ sanitatis <sup>20.</sup> accepit, quod sol reverteretur retrorsum decem gradibus.

## Moraliter:

Cum humanum genus peccato laboraret usque mortem animæ, signum futuræ redemptionis humane fuit, quod Filius Dei, verus iustitiæ Sol, humanam assumens et naturam seculi humiliaverit, atque infans novem Angelorum choros ad mortalem nostram carnem descenderit.

## Euangelium:

*Exiit editum a Cyrillo Anaglo, ut describeretur vniuersis orbi.* Luc. 2.

## Thema:

*Peperit filium suum.*

*Ibid.*

Queritur primò, Vtrum verè, & proprie Christus natus fuerit ex Virgine?

Non defuerunt, qui negarunt, Christum proprie natum esse ex Virgine, quia



non naturali & ordinariâ viâ, sed alia, nescio qua, ex Virgine prodiit: quod fortasse dixerunt, vt eius virginitati, & integritati consulerent. Ad quem errorem accedit Gosfredus quodl. 7. q. 6. dicens, Christum non fuisse natum transiendo per medium, sed ab extremo in extremum immediatè trāsiliendo. Hoc enim facilius ei visum est, quàm quod interiacentia corpora penetrauerit absque ruptione.

Dicendum est ergo, B. Virginem verè, ac proprie Christum peperisse, ipsumque verè, ac proprie natum esse ex Virgine.

- Est certum de fide. Probatur prior  
 Isa. 7. pars apertissimis Scripturis. *Ecce virgo concipiet, & pariet.* Tam verè ergo peperit, quàm concepit. Et: *Pariet autem filium.* Et  
 Matth. 1. infra: *Non cognouit eam, donec peperit filium.* Si ergo est verus, ac proprius filius, etiam est verus, ac proprius partus; vel, si alterum improprie exponimus, cur  
 Luc. 2. non etiam alterum? Et: *Impleti sunt dies, vt pareret. & peperit filium suum vnigenitum.*

Probatur secundo ex definitione, & traditione Ecclesiæ in Concilio Lateran. sub Martino I. consult. 5. c. 3. vbi definitur B. Virginem verè, & proprie fuisse Dei genitricè, quia veraciter ipsum Deum  
 concepit,

*concepit, & incorruptibiliter genuit. Idem traditur in Concilio Chalced. act. 5. in confessione fidei. Idem docent alia Concilia, & Patres.*

Ex hac verò priori parte necessario sequitur posterior. Nam illa duo, scilicet partus, & natiuitas correlatiua sunt. Vnde aliis Script. locis Christus natus dicitur. *Paruulus natus est nobis.* Et: *Ego in hoc* Isai 9.  
*natus sum.* Et in dicto Concilio Lateran. Ioan. 18.  
*can. 4. definitur proprie, & secundum veritatem duas esse in Christo natiuitates.*

Nunc de circumstantiis Natiuitatis Domini agamus.

Prima circumstantia est Virginem fuisse expertem doloris in partu. Quod inde patet, quia Christus natus est absque vlla vteri virginiei apertione, seu dilatatione, quæ aliis matribus adfert dolorem. Vnde Patres vi. Synodi *can. 79. absque villo dolore Virginis partum esse consentes, aiunt.* Idem Gregorius Nazianzenus in *tragædia de Christo patiente*, & Cyprianus *serm. de Natiuitate.* Quod plane congruit cum narratione Euangelica, vbi dicitur, quod Virgo statim, ac peperit *filium suum* Luc. 2.  
*primogenitum, pannis eum inuoluerit, & reclinauerit eum in præsepio*, tanquam nihil detrimenti, aut languoris passa esset in partu. Quod etiã expresse obseruauit D. Hieron.

- ronymus l. contra Heluidium tom. 2. c. 4. *Nulla, inquit, ibi obfetrrix, nulla muliercularum sedulitas intercessit, &c.* Quod autem decuerit Virginem sine dolore, imò cum iucunditate parere, ostendit S. Aug. ubi inquit in *serm. de assumptione B. Virginis*, excipiens Virginem ab illa sententia: *In dolore paries filios. Nā quia sine peccato concipere, inquit, & sine virilis admixtionis detrimēto Christum suscepit, sine dolore genuit.* Idem Cyprianus *supra*. Itaque decuit potius Virgine cum iucunditate, & gaudio parere, iuxta illud: *Isa 55. Germinans germinabit, sicut lilium, & exultabit letabunda, & gaudens.*

- Secunda circumstantia, locus Natiuitatis est. Nam in primis ex scriptura certum est, Christum natum esse in Bethlehem. *Mich 5. Et tu Bethlehem Ephrata, paruulus es in millibus Iuda. Ex te mihi exardietur, qui sis dominator in Israel.* *Matth. 2. Et cum ergo natus esset Iesus in Bethlehem Iuda.* *Luc 2. Et factum est autem, cum essent ibi (in Bethlehem) impleti sunt dies, ut pareret, & peperit primum suum, &c.*

Fuit autem hic locus Natiuitati Christi idoneus.

Primo, ut ex ipso etiam Natiuitatis loco magis constaret, impletam fuisse nato Christo promissionem diuinam factam Dauidi, de Christo nascituro ex stirpe ipsius. Nam Dauid fuit etiam in Bethlehem.

**Bethlehem natus.** Quæ ratio ab Euangelista indicata videtur illis verbis: *Eò Ibid. quod esset de domo, & familia David.*

Secundò, ut vel eo ipso, quod natus est in exigua ciuitate, hominum superbiam confutaret. Itacum *Gedcon* excuteret, atque Iudic. 6. purgaret frumenta in torculari, ut suggeret *Madian*, apparuit ei *Angelus Domini* dicens: *Vade in hac fortitudine tua, & liberabis Israel de manu Madian: scito quod miserim te.*

Tertiò, quia, ut ait *Gregorius hom. 8. in Euang. & Beda in c. 5. Lucae*, *Bethlehem*, domus panis interpretatur. Igitur autem Christus panis viuus, qui de celo descendit. Cum venisset *Gedcon* ad castra *Madian*, narrabat aliquis omnium proximo suo, dicens: *Vidi somnium, & videbatur mihi quasi sabeneri Iud. 7. ciis panis ex hordeo volui, & in castra Madian descendere, cumq; peruenisset ad tabernaculum, percussit illud, atque subuertit, & terra funditus coequeuit.* Panis ille Christus Dominum significat, qui e celo in terram deuolutus est in natiuitate sua, & in morte tabernaculum Diaboli contriuit. Nec tantum panis ipse est, sed etiam aqua, & aqua viva: Si sitis, inquit ad Samaritanam, *denum Det, & quis est, qui dicit tibi: Da Ioan. 4. mihi bibere: tu scilicet petisses ab eo, & dedisset tibi aquam uitam.* Et iterum: *Qui biberit ex aqua, quam ego dabo ei, fiet in eo fons aque salientis*

2. Reg. 25. *lientis in vitam aeternam. De hac aqua loquebatur Dauid, quando in spiritu dicebat: O si quis mihi daret potum aqua, de cisterna, quæ est in Bethlehem iuxta portam!*

1. Cor. 1. *Quartò, vt eligens ignobilem locum natiuitatis, magis ostenderet potestatem suam, iuxta illud: Infirma mundi elegit Deus, vt confundat fortia, & contemtibilia elegit Deus, & ea, quæ non sunt, vt ea, quæ sunt, destrueret.*

Gen. 35. *Quintò, decuit illum ibi in peregrinatione nasci: quia, vt ait Gregorius loco citato, per humanitatem, quam assumpserat, quasi in alieno nascebatur. Sic olim Rachel peperit Beniamin in via, quæ ducit Ephratam, hæc est Bethlehem.*

Gen. 37. *Sextò, decuit etiam illum egere loco in diuersorio, vt, sicut ait Beda in c. 2. Luc. per egestatem suam nobis multas mansiones in domo Patris sui præpararet. Ita Ioseph à fratribus in cisternam veterem missus fuit. Et prætereuntibus Madianitis negotiatoribus, extrahentes eum de cisterna, vendiderunt eum Ismaelitæ: qui duxerunt eum in Ægyptum, vbi locum patri suo, & fratribus præparauit.*

3. circumstantia Tempus est. Natus est autè Christus iuxta sententiam probabiliorem (quam fusè confirmat Baronius in apparatu ad Annales Eccles.) anno orbis conditi 5199. qui idem annus fuit septingentesimus primus ab Vrbe condita:



dita: & secundus Olympiadis centesima nonagesima quarta: & Augusti Cæsaris ab initio triumviratu 41. à nece autem Cæsaris 42. & Herodis Regis 29. Natus autem mense Decembri eius anni die 25.

Fuit autem congruens Christi natiuitati id tempus. i. si consideremus fuisse illud neque sub initium mundi, neque etiam sub finē. Sicut Iacob appropinquante Esau fratre suo cum quadringentis viris, dimisit filios *Lia*, & *Rachel*, amborumque famularum: & posuit utramque ancillam, & liberos earum in principio: *Liam* verò, & filios eius in secundo loco: *Rachel* autem, & *Ioseph* nouissimos. Ita Christus venit in medio temporis, ut omnes commodius participes esse possent humanæ redemptionis.

Gen. 39.

2. si consideremus illo anno, sub vno principe, Cæsare Augusto fuisse pacem in toto orbe. Decebat enim eo tempore nasci Christum, qui est pax nostra faciens *Ephes. 2.* utraque vnum, ut ait Apostolus. Ita dicit *1. Par. 22* *David* ad *Salomonem*: Fili mi, voluntatis mea fuit, ut edificarem domum nomini Domini Dei mei, sed factus est sermo Domini ad me, dicens: Multum sanguinem effudisti, & plurima bella bellasti: non poteris edificare domum nomini meo, & tanto effuso sanguine coram me: filius, qui nascetur

*tur tibi, erit quietissimus: faciam enim eum quiescere ab omnibus inimicis suis per circuitum: & ob hanc causam Pacificus vocabitur: & pacem, & orium dabo in Israel cunctis diebus eius.*

Tertio, si consideremus eo tempore natum esse, quo Rex alienigena Herodes regnabat in Iudæa. Sic enim natus est Christus congruenter illi prophetiæ

**Gen. 49.** *Jacob: Non asferetur superum de Iudæa, & dux de femore eius, donec veniat, qui mittendus est. Vbi tamen particula, Donec, non indicauit tempus quoad annum, vel diem, (cum circiter 29. annis priusquàm Christus veniret, abstulerit Herodes regium sceptrum de Iudæa) sed indicauit ea particula tempus quoad periodum vnius circiter sæculi, siue ætatis hominis.*

Quarto, si consideremus mensem, & diem, quo Christus natus est, nempe cum inciperet incrementum sumere lux diurna: vt, quemadmodum S. Augustinus ait q. 53. ex nouo Testam. indicaretur eare, illum nasci qui veniebat, vt homines crescerent in lucem diurnam, iuxta illud:

**Luc. 1.** *Illuminare his, qui in tenebris, & umbræ mortis*

**Ioan. 12.** *sedent. Vnde Christus: Dum lucem habetis, credite in lucem, vt filij lucis sitis.*

Quinto, etiam asperitate hiemis natus est, vt iam inde inciperet pati pro nobis.

nobis. Ita mater Moyſis videns eum eleganter, abſcondit tribus menſibus. Cumq; iam celare non poſſet, ſumpſit ſiſcellam ſiripeam, & liniuit eam bitumine, ac pice: poſuit q; intus infantulum, & expoſuit eum in cœrto ripæ fluminis, ſtante procul ſorore eius, & conſiderante euentum rei.

Exod. 3.

## Morale.

Natus eſt vobis hodie Saluator.

Luc. 2.

**P**rimò natiuitas Chriſti fuit plena gratia. Vidimus gloriam eius, gloriam quaſi vniuerſam a Patre, plenum gratiæ, & veritatis. Ioan. 1.  
Olim Lamech genuit filium, vocauitq; nomen eius Noë; dicens: Iſta conſolabitur nos ab operibus, & laboribus manuum noſtrarum in terra, cui maledixit Dominus. Ita verus Noë Chriſtus conſolabitur nos in terra peccati per inhabitantem in ſegratiam. In me Eccli 24.  
omnis gratia veræ, & veritatis.

Gen. 5.

Secundò fuit natiuitas Chriſti plena charitate. Sic Deus dilexit mundum, ut filium ſuum vniſenitum daret. Ioan 3.  
Sicut Iſai 1 Reg. dicit ad Dauid filium ſuum: Accipe fratres tuis ephæ polenta, & decem panes iſtos, & curre in caſtra ad fratres tuos, & decem formellas caſei has deferes ad tributum: & fratres tuos viſitabis, ſi recte agant: & cum

17.

*Et cum quibus ordinati sunt, disce. Tunc autem Philistinum occidendo, filios Israel à morte liberauit. Ita Deus Pater misit filium suum in mundum, vt fratres suos uisitare, & vincendo diabolum, eos è*

*1. Ioan. 4 morte eriperet. In hoc apparuit charitas Dei in nobis, quoniam filium suum vnigenitum misit Deus in mundum, vt uiuamus per eum.*

Tertio fuit natiuitas Christi subtilissima. Nam vtramque naturam Dei scilicet, & hominis, in vnā conuenisse personam credi potest, non potest intelligi. Sicut Dauid paruulus, & pascens oues vnctus est in medio fratrum suorum in Regem Israel: ita filius Dei factus est homo, Rex gloriæ factus est paruulus, & pascens oues.

Quarto fuit natiuitas Christi admirabilissima. Nā Deus descendit in limum, cum tamen limo nihil uilius, Deo nihil sublimius. *Quis audiuit vnquam tale? aut quis uidit huic simile? Virgo fuit sine grauiamine grauida, sine dolore puerpera, sol natus est de stella, pater de filia, creator de creatura. Generationem eius quis enarrabit? In summis stat, in imis iacet: in nubibus tonat, in praesepio plorat. De hac merito dici potest illud: Non est factum tale opus in vniuersis regnis.*

Quinto fuit natiuitas Christi utilissima

fima, de qua potest illud dici: *Venerunt autem mihi omnia bona pariter cum illa, & innumeras bonestas per manus illius. Per illum enim vita vixit, & mors mortua est.* Sap. 7.

Merito itaque nobis in natiuitate Domini gaudendum est. Nam Angelus dixit ad pastores: *Ecce euangelizo vobis gaudium magnum, quod erit omni populo. Vnde etiam in signum lætitiæ subitò facta est cum Angelo mul tudo militie celestis, laudantium Deum. Quid mirum? Si gaudium erit in celo super vno peccatore penitentiam agente: quantum, putas, erit gaudium inter Angelos in redemptione totius generis humani? Natus est enim nobis Saluator, qui est Christus Dominus. Ipsi honor, potestas, & gloria in sæcula sæculorum, Amen.* Luc. 2. Luc. 19. Luc. 2.

## I N F E S T O S. S T E P H A N I.

### Exordium:

**C**Um Naboth negasset vineam suam Achab, adductis duobus viris, filiis Diabolus, fecerunt eos sedere contra eum. At illi, scilicet ut viri Diabolus, dixerunt contra eum testi-

monium



monium coram multitudine: Benedixit Naboth  
Deum, & Regem. Quam ob rem eduxerunt eum  
extra ciuitatem, & lapidibus interfecerunt.

### Moraliter:

- A 7.6. Surrexerunt quidam de synagoga, & non po-  
terant resistere sapientia, & spiritui, qui loque-  
batur. Tunc submerserunt viros, qui dicebant, se  
audisse eum dicentem verba blasphemica in Moy-  
sen, & in Deum. Ac tandem euertentes eum ex-  
tra ciuitatem lapidabant.

### Euangelium:

- Matt. 23. Dicebat Iesus turbis Iudeorum, & principibus  
Sacerdotum: Ecce ego mitto ad vos Prophetas, & Sa-  
pientes, & Scribas, & ex illis occidetis, & crucifige-  
tis.

### Thema:

Ibid.

Quoties volumus congregare filios tuos?

Occasione huius Euangelij agendum  
erit de diuisione Gratiæ in Sufficiētem,  
& Efficacem. Gratiā sufficiens est, quā Deus  
ita hominem vocat, & excitat, & iuuare  
dirigendo, protegendo, cooperando  
paratus est, vt reuera possit ille sic exci-  
tatus, & vocatus velle credere, aut con-  
uerti, aut bonum illud facere. Gratiā effi-  
cax est, qua Deus ita hominem vocat, &  
excitat, & iuuare dirigendo, protegen-  
do, cooperando paratus est, vt re ipsa  
infallibiliter velit, qui sic excitatus est,  
& vocatus, & re ipsa credat, conuertat-  
ur, bonum faciat.

Heu-

Hæretici autem nostri temporis hanc partitionem omnino repudiare coguntur, cum apud eos, qui à Deo mouentur, necessario bene agant; qui non mouentur, non possint bene agere; ac per hoc omnis Dei motio sit efficax, nulla sufficiens tantum. Eandem partitionem sine dubio Pelagiani quoque repudiabant, quippe qui existimabat, ipsum liberum arbitrium esse sufficiens auxilium perueniendi ad salutem, neq; aliam agnoscebant potentiorē gratiam, tanquam ad salutem necessariam: ut ex Augustino intelligi potest l. i. *contra duas epist. Pelag. c. vii.* Ad utramque hæresin refutandam ponimus hanc partitionem.

I. igitur auxilium Dei verè sufficiens adiuuissè nonnullis, qui tamē reipsa conuersi nō sunt, ac per hoc auxilium illud efficax nō fuisse, manifestè ex sacris litteris colligitur. Dominus loquitur: *Ha-* Isa. s.  
*bitatores Ierusalem, & viri Iuda, iudicate inter me, & vineam meam: quid est, quod vltra debui facere vineæ meæ, & non feci? An quod expectaui, ut faceret vinas, & fecit labruscas? Hi, quos Dominus reprehendit, sine dubio non habuerunt gratiam illam efficacem, quæ à nullo duro corde respuitur: nam si habuissent, fructū bonum vti que fecissent. Si verò sufficientē gratiā, per quā verè,*  
& pro-

& propriè cōverti possent, non habuissent, non verè diceret Dominus: *Quid ultra debui facere vinea mea, & non feci?* Responderetur enim, posteaquam plantasti vineam, & ex ea fructum ferre cupiebas, debuisti ea omnia circa illam adhibere, quæ necessaria erant, vt ea fructum facere posset: quomodo autem omnia necessaria adhibuisti, si defuit illi sufficiens cultura, nec habuit verè, quæ requirebantur ad fructum faciendum? Deinde, quorsum diceret Dominus: *Expectaui, vt faceret vvas, si non deditisset ei facultatem germinandi, & omnia necessaria ad proferendas vvas?* Oportet igitur, vt fateamur, habuisse illos homines auxilium Dei planè sufficiens ad conuersionem, & ad vitam Deo gratam instituendam.

**Matt. 23.** Similis locus est in Euangelio: *Ierusalem, Ierusalem, quæ occidis Prophetas, & lapidas eos, qui ad te missi sunt, quoties volui congregare filios tuos, quæadmodum gallina congregat pullos suos sub alas, & noluisti?* Illi, de quibus queritur Dominus, non habuerunt gratiam efficacem: si enim habuissent, voluissent sine dubio sub alas Domini congregari. Nec tamen caruerunt gratia necessaria, & sufficienti, qua possent velle, quod Deus volebat: alioqui non diceret Christus:

flus: *Volui congregare filios tuos, & noluisti.* Quomodo enim voluit, & ita voluit, ut queratur de nolētibus, si eos, quos sciebat per se non posse velle, non iuuat, ut possent velle.

Illud etiam, quod Stephanus dixit: *Dura ceruice, & incircumcisis cordibus, & auribus, vos semper Spiritui S. resistitis, sicut Patres vestri, ita & vos,* satis aperte significat quibusdam inspirari bona desideria, & ita inspirari, ut conuerti possint; & tamen eos nolle conuerti: nam si non inspirabantur Iudæis illis bona desideria, quomodo resisteabant Spiritui sancto? si non poterant conuerti, cur à S. Stephano tam acriter arguuntur?

Apostolus quoque Paulus idem ostendit, cum ait: *An diuitias bonitatis eius, & patientiæ, & longanimitatis cōtemnis? Ignoras, quia benignitas Dei ad penitentiam te adducit?* Cur enim, quæso, Deus ad penitentiam expectaret, quibus non dedisset sufficiens auxilium ad conuersionem? Ignorat fortasse neminem posse conuerti, & penitentiam agere, nisi cui vires ipse præbuerit?

Denique, ut alia multa loca præteream, Dominus ait: *Ego sto ad ostium, & pulso: si quis aperuerit mihi, intrabo ad eum.* Vel igitur ij, ad quorū cor Dominus pulsar,

E

habent

habent sufficiens auxilium aperiendi, vel non habent. Si habent, est quod volumus: si non habent, cur, obsecro, Dominus pulsat? An ignorat eos aperire non posse?

Possimus deinde demonstrare ex sacris litteris, quibusdam concedi efficax auxilium, per quod infallibiliter cōuertantur. Nam Dominus ait: *Omnis qui audit à Patre, & didicit, venit ad me.* Quòd si omnis, qui audit, & discit à Patre, venit ad Christum, nullus est, qui audiat, & discat, & non veniat. Est igitur quædā vox Patris intus in corde loquens, quæ infallibiliter persuadet. Istam vocē gratiam efficacem nominamus.

Idem probant illa verba Domini de ouibus suis: *Et non rapiet eas quisquam de manu mea.* Ideo enim nō rapiet eas quisquam de manu eius, quia dabit illis gratiam efficacem, per quam infallibiliter conuertantur, & in finem vsque perseuerent.

Rom. 8. Eodem pertinet illud: *Quos vocauit, hos & iustificauit.* Loquitur enim de vocatis secundum propositum: nam pauld ante dixerat: *Omnia cooperantur in bonum his, qui secundū propositum vocati sunt sancti.* Et mox: *Nam quos præsciuit, hos & prædestinauit: quos prædestinauit, hos & vocauit: quos vocauit, hos & iustifi-*



iustificauit. Itaque licet multi sint vocati, qui non respondent, nec iustificantur, tamen qui vocantur secundum propositum, omnes respondent, & iustificantur. Et ideo de his absolute pronunciat Spiritus sanctus: *Quos vocauit, hos & iustificauit.* Ista vocatio secundum propositum, quam nullus vocatus contemnit, gratia est efficax. Hinc etiam Dominus dicit: *Spiritum meum ponam in medio vestri, & faciam, vt in praeceptis meis ambuletis.* Vbi quia de gratia efficaci sermo est, non dicit Dominus; *Faciam vt in praeceptis meis ambulare possitis; sed, faciam, vt ambuletis.* Dicente autem Domino: *faciam, vt ambuletis,* quis contra suspicari audebit, forte futurum esse, vt non ambulēt: aut, quod est idem, ambulare nolint in Dei praeceptis, quos Deus ambulaturos esse confirmat?

Ezec. 36.

Probatur 2. hæc partitio, testimoniis S. Augustini l. 83. quæst. q. 68. his verbis: *Ad illam cenam, quam Dominus dicit in Euange-* Luc. 14.  
*lio præparatam, nec omnes, qui vocati sunt venire voluerunt, nec illi, qui venerunt, venire possent, nisi vocarentur.* Itaque *nec illi debent sibi tribuere, qui venerunt, quia vocati venerunt: nec illi, qui noluerunt venire, debent alteri tribuere, sed tantum sibi.* Et ibidem asserit, Pharaonem, antequam induraretur, fuisse vocatum.

& potuisse venire; sed quia noluit, meruisse obdurationem.

Et l. 1. ad *Simplician.* q. 2. sic ait: *Noluit Esau, & non cucurrit: sed etsi voluisset, & cucurrisset, Dei adiutorio peruenisset, qui etiam velle, & currere vocando prae-staret, nisi vocatione contempta reprobus fieret.* Idem in l. de *correctione*, & *gratia*, c. 7. docet, omnes iustificatos posse perseverare, si volunt. Quod etiam definitum est in Concilio Arausicano, cap. 25. & *Tridentino* sess. 6. cap. 13. Ex quo sequitur, omnes iustificatos habere auxilium sufficiens ad perseverandum: quia verò re ipsa non omnes perseverant, sequitur non omnes habere auxilium efficax.

Gratiam etiam efficacem ostendit Augustinus l. de *gratia*, & *libero arbitrio*, c. 5. *Vt Paulus de calo vocaretur, & tam magna, & efficacissima vocatione converteretur, gratia Dei erat sola, quia eius merita erant magna, sed mala.* Et l. de *predestinat. Sanctorum*, c. 8. *Hac, inquit, gratia à nullo duro corde respuitur: ideo quippe tribuitur, ut cordis duritia primitus auferatur.* Et l. de *correp.* & *gratia*, c. 12. dicit, electis non solum dari, ut perseverare possint, si velint; sed etiam dari, ut velint, & certissimè perseverent.

Probatur 3. ratione: nam, si non datur gratia aliqua verè sufficiens, tria sequuntur

sequuntur incommoda.

Primum, quòd primus homo non sua culpa cecidisset: nam non habuit primus homo gratiam efficacem ad perseverandum; non enim perseveravit. Vel ergo habuit sufficientem gratiam, qua stare posset; vel non habuit: si habuit, est, quod nos dicimus: si non habuit, certe non sua culpa cecidit, ut S. Augustinus rectè colligit *l. de corrept. & gratia, c. 9.* Non enim culpæ adscribi potest, quod nullo modo vitari potuit. Iniuste etiam obieciisset Dominus Cain: *Quid fecisti? Vox Gen. 4. sanguinis fratris tui clamat ad me de terra.*

Secundum, quòd videbitur Deus amicos suos deferere, antequam ab his deferatur: nam cum iustus aliquis peccat, certe non habuit gratiam efficacem ad resistendum peccato: si enim habuisset, utique non peccasset. Quòd si ne sufficientem quidem habuit, qua posset resistere, quomodo non fuit à Deo desertus, antequam ipse Deum desereret? Absurdum autem esse, amicos Dei destitui necessario adiutorio, antequam ipsi cadendo Deum deserant, testatur Augustinus *l. de natura, & gratia, c. 26. & tract. 2. in Ioannem, & alij: item Concilium Tridentinum sess. 6. c. 11. & c. 13.* Vnde Dominus: *Noli timere Abram: ego protector Gen. 15.*

*tuis sum, & merces tua magna nimis.*

Tertium est, quòd nemo poterit verè dicere, se non fecisse tātum boni, quantum potuit; neque vllus meritò se reprehenderet, quòd gratiæ Dei non sit cooperatus, quantum potuit, & debuit: nam, si nulla sit gratia, nili efficax, nulla erit gratia, cui vlla ex parte vnquam resistatur; ac per hoc vnusquisque nihil vnquā minùs aget, quàm id sit, ad quod eum gratia diuina mouet. At certè Sancti omnes se ipsos negligētia, & ignauia accusare solent, ac non se cooperatos esse gratiæ, vt par erat, cum gemitu confitentur. Ita S. Franciscus, vt refert Diuus Bonauentura *in vita eius, c. 6. §. 7. Videor mihi maximus peccatorum.* Et adiungit: *Si quantumcunque sceleratum hominē tanta fuisset Christus misericordia persecutus, arbitror sanè, quòd multò, quàm ego, Deo grator esset.*

Iam verò præter gratiam sufficientem dari etiam gratiam efficacem, vel vnico illo argumento confirmari potest, quia sublata gratia efficaci, fundamentum tollitur diuinæ prædestinationis. *Prædestinatio enim* (vt ait Augustinus *l. de prædest. Sanct. c. 10.*) *est gratia præparatio: gratia verò ipsa donatio.* At præparatio gratiæ sufficientis communis est etiam reprobis. Deinde, prædestinatio non est sola

sola præparatio, sed præscientia, & præparatio beneficiorum Dei, quibus certissimè liberantur, quicunque liberantur, vt idem Augustinus docet *l. de bono perseu. c. 14.* Nouit igitur Deus quædã esse beneficia, quibus aliquis infallibiliter liberabitur, & ea præparat, si is ad numerum pertinet electorum: illa autem est gratia efficax, per quam aliquis infallibiliter liberatur.

Pro altera parte concionis obiiçuntur Iudæis omnia beneficia ipsis in Testamento veteri à Deo exhibita: quomodo eduxerit eos de Ægypto per mare rubrum, quomodo aluerit eos in deserto, & victoriam illis contra inimicos dederit, & in terram promissionis introduxerit: in nouo Testamento, quomodo de stirpe Iudæorum nasci voluerit, quot miracula inter eos ediderit, quomodo eos docuerit, & pro illis laborauerit, ac tandem pro illis mortuus fuerit; & tamen eum non agnouerint, cum repetitione illorum verborum: *Ierusalem, Ieru-* Matt. 23. *salem, qua occidis Prophetas, &c.*



I N F E S T O  
S. I O A N N I S  
E V A N G E L I S T Æ.

Exordium:

- Gen. 43.** **C**Um fratres Ioseph accumberent coram eo, mirabantur nimis, sumptis partibus, quas ab eo acceperant: maiorq; pars venit ad Benjamin, ita ut quinque partibus excederet. Item: Singulis fratribus insit proferri binas stolas: Benjamin verò dedit trecentos argenteos cum quinque stolis optimis.

Moraliter:

- Ioan. 13.** B. Ioannes Euangelista per Benjamin figuratus fuit, qui iunior fuit omnium Apostolorum, & multa præ ceteris habuit privilegia: nominatim quòd erat recumbens vnus ex discipulis eius in sinu Iesu, quem diligebat Iesus.

Euangelium:

- Ioan. 21.** Dixit Iesus Petro: Sequere me. Conuersus Petrus vidit illum discipulum, quem diligebat Iesus, sequentem.

Thema:

- Ibid.** Vidit discipulum, quem diligebat Iesus.  
Disputandum erit: Vtrum Ioannes Euan-

IN FESTO S. IOAN. EVANG. 79

Euangelista, vel aliquis alius præter Eliam, & Henoch futurus sit præcursor secundi aduentus Christi Domini: De tribus tantum aliis inuenio fuisse inter viros Catholicos opinatum, quod futuri sint Christi præcursores, vel simul cum Elia, & Henoch, vel loco alterius eorum.

Prima sententia fuit Victorini in *expos. c. II. Apoc.* qui dixit, Ieremiam futurum esse vnū ex præcursoribus secundi aduentus: & videtur sentire, solū illum futurum socium Eliæ. Quæ sententia nitiitur illis verbis Ieremiæ: *Antequam exires de vulua, sanctificaui te, & Prophetam in gentibus dedi te.* Nam Ieremias hætenus non fuit Propheta Gentium, sed Iudeorum. Ergo iterū est venturus ante diem iudicii, vt gentibus prophetet. Confirmat hoc Victorinus traditione veterum asserentium Ieremiam adhuc viuere, quia mors eius in Scriptura non inuenitur.

Hæc opinio meritò ab Hilario in prædicto loco rejicitur, & tacite reprobatur à Patribus, qui dum affirmant Henoch futurum socium Eliæ, & vbique duos tantum præcursores numerant, satis excludunt hanc opinionem.

Præterea, nullum habet in Scriptura fundamentum: quia Ieremias non præ-

dicatur futurus Propheta in gentibus, quia aliquando esset cōcionaturus gentibus: sed quia vel non tantum in Iudæa, sed etiam in Babylonia, & Ægypto prophetavit, scribens ad Iudæos, qui ibi morabantur: vel etiam, quia in sua prophetia non solum de rebus ad Iudæos spectantibus, sed etiam ad gentes, prophetavit, scilicet de Assyriis, Ægyptiis, & aliis, ut Hieronymus exponit.

Multò verò magis friuolum est, asserere, non esse Ieremiam mortuum, quia in Scriptura mors eius non scribitur: quasi verò omnes illi, quorum decessum Script. non narrat, propterea semper vivere existimandi sint. Quòd igitur in Ægypto lapidibus à populo obrutus, ac mortuus fuerit, scribunt Epiphanius *l. de prophet. vitâ, & interitu.* Isidorus *l. de vita, & morte Sanct.* & Dorotheus *in Synopsi*, qui addunt, sepultum esse in eo loco, ubi Pharaon habitauerat; & in magno honore ab Ægyptiis sepulchrum eius habitum.

Secunda sententia est, Moysen venturum cum Elia. Hanc tenuit Hilarius *can. 20. in Matth.* ubi affirmat eum vivere. Fundamentum eius fuit, quia in primo aduentu Elias, & Moyses fuerunt

runt testes gloriæ, & maiestatis Christi in die transfigurationis. Ergo iidem erunt testes eius ante secundum aduentum. Confirmatur ex illis verbis:

*Potestatem habent super aquas, conuertendi eas* Apoc. xii  
*in sanguinem, & percutere terram omni plagâ.*

Hac enim potestate Moysen dumtaxat vsum legimus; & ideo optime in illum hæc verba conueniunt.

Nihilominus sententia hæc parum probabilitatis habet. Primò, propter antiquam ferè omnium veterum traditionem affirmantium Henoch venturum cum Elia.

Secundò, quia Moyses reuera defun- Deut.  
ctus fuit. Ex quo fit, animam eius & cum ult.  
SS. Patribus in sinu Abraham fuisse ante Christi mortem, & post illam cum eo regnare, & beatam esse. Quis enim temerè audebit ab hac generali regula fidei sanctam Moysis animam excipere sine auctoritate, vel rationis fundamento? Ergo non est verisimile, redituram ad corpus mortale, quia nec priuanda est gloria, quam iam possidet, nec in corpore mortali futura est beata. Vtrumque enim est inulitatum miraculum, quod sine fundamento fingendum non est.

Præterea, quòd Moyses in transfiguratione

ratione Christi apparuerit, nullum argumentum est, quod sit etiam venturus ante iudicium. Quæ enim est consecutionis huius ratio? Tunc ergo apparuit propter speciales congruentias tunc occurrentes.

Illa autem verba Apoc. licet videantur alludere ad signa facta per Moysen in Ægypto, non tamen propterea indicant, eundem Moysen venturum, qui tunc illa signa parauit; sed solum significant, facile posse Christum similem potestatem præcursoribus suis tribuere.

Tertia sententia est, Ioannem Euangelistam futurum esse præcursores secundi aduentus Christi, simul cum Henoch, & Elia.

Quæ sententia primò supponit illum nondum esse mortuum, propter verba

Ioan. 21. Christi: *Sic eum volo manere, donec veniam: quid ad te?* Nam ibi Christus de secundo suo aduentu loquitur, cum dicit: *Donec veniam*, quia non est alius aduentus Christi post resurrectionem eius. Et confirmatur hæc sententia ex historiis: quia nec mors Ioannis Euangeliste narratur, nec reliquæ corporis eius inueniuntur: sed solum refertur, quod viuus sepulchrum ingressus discipulos suos abire iusserit, qui altera die reuersi nihil inuenerunt



5. IOANNIS EVANG. 77

uenerunt ibi. Et confirmatur ex illa generali sententia: *Statutum est hominibus semel mori.* Et: *Quis est homo, qui uiuet, & non videbit mortem?* Ergo ab hac sententia non est excipiendus Ioannes sine fundamento. Rediturus ergo est, ut debitum mortis soluat. Heb. 9.  
Psal. 88.

Nihilominus probabilius apparet, Ioannem Euangelistam mortuum esse, quia antiquissimi Patres, & historiae hoc testantur: Eusebius l. 3. *hist. c. 31. alias 25. & l. 5. c. 24.* Hieron. l. *de script. Ecclesiast. Confessus*, inquit, *senio, 68. post passionem Domini anno mortuus, iuxta eandem urbem sepultus est.* Quod alibi repetit. Idem Nicephorus, Tertullianus, Ambrosius, Augustinus, Beda, Theophylactus, Euthymius, Chrysostomus, Ildorus, Dorotheus, Epiphanius, & alij.

Et hoc est, quod corrigere voluit ipsemet Ioannes scribens: *Et non dixit Iesus, non moritur; sed, sic eum volo manere, donec veniam.* Ioan. vlt.

Neque ex verbis Christi Domini aliquid sumi potest contra hanc receptam historiam, & traditionem. Nam omissis aliis tres sunt probabiles sensus illorum verborum: *Sic eum volo manere, donec veniam: quid ad te?* Ibid.

Primus est, ut Christus non loquatur  
de

de secundo aduentu suo ad iudicium, sed de aduentu ad vindictam sumendam de iudeis, non personali præsentia, sed per effectum. Iuxta quam expositionem significare voluit Christus, Ioannem viuum permanfurum vsque ad destructionem Ierusalem. Hanc expositionem refert Theophylact. eamque sequitur Toletus.

Secundus est, Christum locutum esse de proprio aduentu, & ultimo, tamen nihil affirmasse, sed solum interrogando Petrum, conditionali locutione illius curiositatem elusisse. Et hunc sensum videtur sequi Chrysostom. & apertius eum tradit Cyrillus.

Tertius est, Christum solum affirmasse, Ioannem non futurum sui sectatorem per crucem, & violentam mortem martyrij. Et hoc sensu ipsum dixisse: *Sic eum volo manere, donec veniam*, scilicet, ut ipsum ad me recipiam. Ita Augustinus *serm. 549. de tempore, & tract. 124. in Ioannem*: quem Beda, & D. Thomas *super Ioannem* imitantur.

Ex hoc autem fundamento colligitur, Ioannem iam cum Christo regnare in beatitudine cælesti, ut patet ex iis, quæ de Moyse dicebamus: quia generalis fidei regula est, hominem iustum,

ac perfectè purgatum, post mortem statim consequi beatitudinem. Et hoc plurimum confirmat Ecclesiæ traditio. Celebrat enim festum Ioannis Euangelistæ, cùm neminem colat, nisi beatum, Deoque fruentem: & ita hoc apertè supponit in toto officio illius festiuitatis. Et hinc etiam confirmatur quod diximus de morte eius: quia ante mortem corporis nullus hominum beatitudinem ingreditur.

Dixerunt ergo aliqui, Ioannem non solum animo, sed etiam corpore iam esse beatum, non quod absque morte media ad illum statum fuerit assumptus: sed quòd statim post mortem resurrexerit gloriosus. Quod confirmant coniecturis suprà adductis, quia reliquiæ eius non apparent: & verba Christi videntur hoc modo proprius exponi. Nam propter breuitatem mortis, & accelerationem resurrectionis potest dici sic semper manere, quia illa mors quasi nihil reputatur. Et huius sententiæ meminit Ambrosius *serm. 20. in Psalm. 118.* Hieronymus *in serm. de assumpt.* neque reiciunt eam: neque D. Thomas *lect. 5. in c. 21. Ioannis*: eamque sequitur Nicephorus *1. hist. c. 35. & l. 2. c. 42.*

Sed

Sed nullum habet sufficiens argumentum: quia ex antiquis Patribus constat, reliquias eius Ephesi diu permansisse. Quinimò Chrysostomus *hom. 26. in epist. ad II. cor.* cum dixisset: *Apostolorum plurimorum ossa nescimus, ubi iacent*, subdit: *Petri, & Pauli quidem, Ioannis, & Thoma manifesta sunt sepulchra*. Loquitur autem manifestè de sepulchro, in quo erant Ioannis ossa, quæ supponit Ephesi fuisse. Postea autem aliò transferri potuerunt, & ignorari, vel aliquo casu perire. Historia autem illa, quod viuis ingressus fuerit sepulchrū, apocrypha est, & incerta, maxime si fidem adhibeamus Abdix, qui *l. 5. hist. Apostolica in fine*, aliter refert mortem eius, & illi se interfuisse affirmat. Et quamvis priorem historiam admittamus, ex ea solū habetur, Ioannem singulari, & admirando quodam modo obiisse.

Confirmatur secundò sententia 3. **Matt. 20.** aliis verbis Christi: *Calicem quidem meum bibetis. Vbi Chrysostomus ita exponit: Martyrij corona potiemini, & violenta morte, sicut & ego, à vita discedetis. Cum ergo hætenus Ioannes Euangelista non sit passus martyrium, ut hæc Christi verba impleantur, necesse est, ut Martyrium aliquando vsque ad mortem sustineat.*

Respon-

9 IOANNIS EVANG. 82

Respondet tamen ibi Hieronymus, hoc impletum esse, quando Ioannes in feruentis olei dolium missus est, vel Ephesi (vt scribit Abdias *dict. l. 5.*) vel Romæ (vt scribit Tertullianus *l. de praescription. hereticorum, c. 36.* & antiquissima Ecclesiæ Rom. traditio confirmat) ex quo purior, & vegetior, quàm intrauerat, exiuit. Nam licet tunc mortuus non fuerit, tamē quia & voluntarie se morti obtulit in testimonium fidei, & causa illa de se sufficiens erat ad inferendam mortem, nisi miraculosè esset impedita, id satis est, vt dicatur *bibisse calicem Christi*: propter quod sæpe ab Ecclesia Martyr appellatur.

Addit Euthymius in *Matth. 23.* calicem Christi bibere non solum, qui violenter moritur pro Christo; sed etiam qui exilia, flagella, aliaque similia propter eum patitur, & sic certans usque ad mortem perseverat. Quæ omnia cum magna perfectione, & dignitate in Ioanne reperiri manifestum est.

Confirmatur tertio ex Apocal. ubi Angelus dicit Ioanni: *Oportet te iterum* Apoc. 10 *prophetizare gentibus, & populis, & linguis, & Regibus multis.* Sed hoc hactenus impletum non est. Erit ergo implendum saltem in consummatione mundi.

F

Respon-



Respondetur tamen hunc sensum esse, quod in illa reuelatione, quam eo cap. narrat, intellexisset se plures alias visiones propheticas ad varias gentes pertinētes deinceps habiturum, & scripturum. Alij exponunt, illud dictū esse propter Euangelium, quod postea scripsit, & per illud multis gentibus, regniſque prophetauit. Alij simplicius dicūt, illud impletum esse, cū iterum in Asia prædicauit.

Confirmatur vltimò congruentia, quia testimonium Ioannis aptissimum erit, & efficacissimum: tum quia si venturi sunt testes legis naturæ, & veteris, cur non etiam gratiæ? tum etiam quia Ioannes erit testis oculatus, quia diutius cum Christo conuersatus est, & omnia, quæ ad Antichristum, & diem iudicij spectant, fusiùs, quàm alias prædixit.

Respondetur in lege gratiæ tot esse testes Christi, & doctrinæ eius, vt non sit necessarium tunc nouum Ioannis testimonium. Erunt enim tunc multi Sancti, & prædicatores Euangelij, qui Eliæ, & Henoch adhærebunt. Nec fidei testimonium pendet ex visione oculorū, vt propterea necessarius sit testis oculatus. Quod si hoc etiam concedere  
velimus,

S. IOANNIS EVANG. 83  
velimus, aderit Elias, qui Christum vi-  
dit in carne mortali, & in gloriæ clari-  
tate in die resurrectionis.

## Morale.

*Vidit discipulum illum, quem diligebat Iesus, Ioan. 21.  
sequentem.*

**N**unc priuilegia Ioannis videamus.  
Primum est: Et procedens inde, vidit Matth. 4.  
alios duos fratres, Iacobum Zebedai, & Ioannem  
fratrem eius in nauis, cum Zebedæo patre eorum,  
resicientes retia sua, & vocauit eos. Illi autem sta-  
tim relictis retibus, & patre, secuti sunt eum.

Secundum est: Assumit Iesus Petrum, & Matt. 17.  
Iacobum, & Ioannem fratrem eius, & ducit illos  
in montem excelsum scorsum, & transfiguratus  
est ante eos.

Tertium est: Cum venisset domum prin- Luc. 8.  
cipis Synagogæ, non permisit secum intrare  
quemquam, nisi Petrum, & Iacobum, & Ioan-  
nem, & patrem, & matrem puella.

Quartum est: Misit Petrum, & Ioannem Luc. 22.  
dicens: Euntes parate nobis pascha, vt mandu-  
cemus.

Quintum est: Erat recumbens vnus ex di- Ioan. 13.  
scipulis eius in sinu Iesu, quem diligebat Iesus. Et  
cum ceteri interrogare Dominum non  
auderent, quis eum traditurus esset, in-

nuit huic Simon Petrus, & dixit ei: Quis est, de quo dicit? Itaque cum recubisset ille suprapectus Iesu, dicit ei: Domine, quis est? Respondit Iesus: Ille est, cui ego intinctum panem porrexero.

**Matt. 26.** Sextum est: Et assumpto Petro, & duobus filiis Zebedai, cepit contristari, & mæstus esse.

**Ioan. 18.** Septimum est: Sequebatur autem Iesum Simon Petrus, & alius discipulus. Discipulus autem ille erat notus Pontifici, & introiit cum Iesu in atrium Pontificis: & introduxit Petrum.

**Ioan. 19.** Octauum est: Cum vidisset Iesus matrem, & discipulum stantem, quem diligebat, dicit matri suæ: Mulier, ecce filius tuus. Deinde dicit discipulo: Ecce mater tua. Et ex illa hora accepit eam discipulus in sua.

**Ioan. 20.** Nonum est: Exiit ergo Petrus, & alius discipulus, quem amabat Iesus, & venerunt ad monumentum. Currebant autem duo simul, & ille alius discipulus præcucurrit citius Petro, & venit primus ad monumentum. Et cum se inclinasset, vidit posita linteamina, non tamen introiit.

**Ioan. 21.** Decimum est: Cum piscarentur discipuli ad mare Tiberiadis, & nemo Dominum agnosceret, dixit discipulus ille, quem diligebat Iesus, Petro: Dominus est.

Alia addit privilegia S. Hieronymus l. 1. contra Iovinianum: Fuit, ait, Ioannes & Apostolus, & Euangelista, & Propheta. Apostolus, quia scripsit ad Ecclesiam, vt magister. Euange-

lista,

### S. IOANNIS EVANG. 8;

lista, quia librum Euangelij condidit, quod, excepto Matthæo, alij ex duodecim Apostolis non fecerunt. Propheta, vidit enim in Patmos insula, in qua fuerat à Domitiano Principe ob Domini martyrium relegatus, Apocalypsin infinita futurorum mysteria continentem. Idem in comment. in epist. ad Galat. l. 3. c. 6. B. Ioannes Euangelista, cum Ephesi moraretur vsque ad vltimam senectutem, & vix inter discipulorum manus ad Ecclesiam deferretur, nec posset in plura verba vocem contexere, nihil aliud per singulas solebat proferre collectas, nisi hoc: Filioli, diligite alterutrum. Tandem discipuli, & fratres, qui aderant, tadio affecti, quòd eadem semper audirent, dixerunt, Magister, quare hoc semper loqueris? Qui respondit dignam Ioanne sententiam: Quia preceptum Domini est, & si solum fiat, sufficit.

## I N F E S T O S A N C T O R V M I N N O C E N T I V M .

### Exordium:

**D**ixit Rex Egypti obstetricibus Hebraeorum: Quando obstetricabitis Hebraeas, & partus tempus aduenerit, si masculus fuerit, interficite Exod. 1.

Exod. 2. *terficate eum.* Moyſes etiam in flumen proiectus eſt, ſed mirabiliter à filia Pharaonis inuentus, & ſuſceptus vitam retinuit, & poſtea populum Iſrael ex Ægypto per mare rubrum eduxit.

**Moraliter:**

Matth. 2. *Cùm Herodes occideret omnes pueros, quib<sup>us</sup> erāt in Bethlehem, & omnibus ſinibus eius, Ieſus Chriſtus manus eius euasit, & à matre ſua in Ægyptum tranſuectus fuit: qui tandem electos ſuos è ſeruitute diaboli per rubrum mare ſanguinis ſui eripuit.*

**Euangelium:**

Ibid. *Ecce Angelus Domini apparuit in ſomnis Ioseph, dicens: Surge, & accipe puerum, & matrem eius, & fuge in Ægyptum, & eſto ibi, vſquedum dicam tibi.*

**Thema:**

Ibid. *Fuge in Ægyptum.*

Occaſione Euangelij quæri poſſet: Cur Chriſtus in Ægyptum fugere voluerit? Matthæus Euangelista poſt narratam trium Magorum hiftoriam, ſtatim ſubiungit: *Qui cùm reſceſſiſſent, ecce Angelus Domini apparuit in ſomnis Ioseph, dicens,*

Ibid. *&c. In quibus verbis ſignificari videtur, ſtatim poſt diſceſſum Magorum, nulla*



laque temporis mora interpolita, Christum in Ægyptum fugisse.

Si tamen bene rem inspiciamus, necesse est, vt multi dies intercesserint. Nam Magi adorauerunt Christum decimo tertio die ab eius natiuitate: ex Luca autē constat, quadragesimo die fuisse Luc. 2. Christum in templo oblatum, & postea reuersos esse parentes eius in Galilæam, in ciuitatem Nazareth: & verisimile est aliquo tempore ibi habitasse. Constat igitur plures dies, & fortasse aliquot menses præcessisse, antequam Beata Virgo discederet in Ægyptum, quamuis incertum sit, quantum illud temporis fuerit. Verbum ergo illud Matthæi: *Qui cum recessissent, ecce Angelus Domini, &c.* positum est ad historiam continuandam, non ad indicandam statim post reditum Magorum hanc reuelationem fuisse subsequutam.

Dicere quidem posset aliquis, reuelationem quidem esse factam Iosepho statim post discessum Magorum, ante purificationem: illum verò expectasse conueniens tempus fugiendi. Sed hoc nullo modo dici potest, quia repugnat consequentibus verbis Euangelij: *Qui* Matth. 2. *consurgens accepit puerum, & matrem eius nocte, & secessit in Ægyptum.*

Vbi omnes Sancti contemplantur diligentiam summam, & obedientiam Iosephi, quia subito, & absque vlla mora Angelicæ monitioni paruit. Et ita omnes expositores hanc reuelationem ponunt factam, vt minimum post purificationem.

Et quamuis Ianssenius *in concord.* indicet, factam esse, antequam redirent Nazareth, post præsentationem templi; tamen, si attentè Euāgelium Lucæ consideretur, contrarium verius apparet, vt Euthymius ibi annotauit, & senserūt Tatianus, & Ammonius Alexandr. *in harmoniis Euangeliorum*: & colligi potest ex Origene *hom. 28. in Lucam*, & Anselmus in eadem est sententia, dicens: *Quo facto seceserunt in Nazareth, & cum rumor de puero iam inciperet dilatari, mittitur Angelus Gabriel, qui in Aegyp̄o faciat puerum deportari.* Vbi indicat, ante Præsentationem in templo Herodem non fuisse commotum, nec cœpisse querere Christum ad interficiendum: postea verò cū ex iis, quæ in templo Simeon, & Anna publicè de Christo prædicauerant, adiunctis aliis, quæ præcellerant, rumor de illo percrebuisse, cœpisse illum magis pertimescere, & contra Christum ira incitari: ideoque missum esse Angelum  
qui

qui Iosephum admoneret.

His ergo politis inquirendum occurri. : Quæ fuerit necessitas fugiendi in Ægyptum? Et est ratio dubij, quia Herodes non iussit interfici omnes infantes regni sui, sed solum in Bethlehem, & in omnibus finibus eius; Christus autem, & parentes eius non habitabant in Bethlehem, sed in Nazareth. Ergo nullum erit periculum, quod esset Christus interficiendus. Non ergo erat, quod hac occasione arrepta fugerent in Ægyptum, eò vel maxime, quod Deus, à quo illa reuelatio profecta est, iam prouiderat, quo in loco Innocentium cedes futuræ essent, & præscierat non fuisse futuras in Nazareth. Et confirmatur, quia quando Ioseph rediit ex Ægypto, propter timorem Archelai, filij Herodis, diuertit à Iudæa in ciuitatem Nazareth, existimans, ibi se futurum omni periculo liberum, ac securum. Ergo eadem ratione potuisset ibi manere ante discessum.

Dicendum tamen est primò, proximam, & literalè causam, seu rationem huius itineris fuisse ad vitandum mortis periculum, quod ex insidiis Herodis Christo Domino imminabat. Erat enim à Deo prædefinitum, vt non in

infantia, sed adulta ætate post Euangelium prædicatum pro hominibus moreretur: & ideo (vt ait Fulgentius *in ser. de Epiphania*) dignatus est in Ægyptum fugere, vt postea crucem dignaretur ascendere: faciet enim eum mori benignitas propria, non malignitas aliena.

Neque huic rationi obstat obiectio facta: quia in primis licet potuisset Christus potentia, & maiestate sua non solum Herodis insidias impedire, sed etiam regno illum, vitaque priuare: noluit tamen potestate vti, sed dignatione.

Deinde, licet diuina prouidentia posset in ciuitate Nazareth eum custodire immunem, tamen si prouidentiam humanam spectemus, non satis poterat existimari ibi esse securus: quia cum Herodes tunc esset vtriusque prouinciæ rex, facile poterat inquirere, & perscrutari diligenter, donec intelligeret feminam quandam peregrinam, & aduenam Bethlehem peperisse, ac postea discessisse, ac ita paulatim poterat Saluatorem inuenire. Non enim solum Herodes, sed etiam Scribæ, & Pharisei, vt illi morem gererent, Christi necem procurabant, iuxta illud: *Mortui sunt enim, qui querebant animam pueri.*

Nec

Nec refert, quòd Deus præsciuerit Herodem non fuisse interfectorum infantem in Nazareth, sed Bethlehem: tum quia noluit Deus negotium hoc gubernari iuxta præscientiam suam, sed iuxta periculi grauitatem, prout modò hominibus accommodato vitari poterat: tum etiam, quia licet tantum constet interfectos fuisse Bethlehemiticos infantem; non tamen inde sequitur, non adhibuisse Herodem omnem aliam diligentiam in toto regno suo, si fortasse alicubi vestigium aliquod noui Regis nati inueniretur.

Secundam & principalem causam addit Euangelista: *Vt adimpleretur, quod dictum* Ibid.  
*est à Domino per Prophetam dicentem: Ex Ægypto vocaui filium meum.* Communior autem sententia est, illa verba in sensu litterali esse dicta de populo Israel, qui solet filius Dei in Scriptura appellari: *Filius* Exod. 4.  
*meus primogenitus Israel:* & ideo sub ea ratione gerere interdum figuram Christi: atque ita consequenter dicta esse de Christo in sensu spiritali.

Addere possumus, id etiam factum esse, vt adimpleretur, quod dictum est per Isaiam: *Ecce Dominus ascendet super nubem leuem, & ingreditur Ægyptum, & mouebuntur simulacra Ægypti à facie eius.* Isa. 19.

Per



Per nubem leuem D. Virgo intelligitur, cuius vnus in Ægyptum Saluator inuectus est. Quæ *nubes* dicitur, quia per eam Deus pluit in terram gratiâ Christi. *Leuis* verò, quia virili semine prægrauata non fuit: vel quia nullum habuit pondus peccati, nec passionis, aut fomitis: vel quia super res omnes terrenas volabat. Quanquam per nubem leuem etiâ caro Christi ex Spiritu sancto concepta possit intelligi.

Dicit autem Eusebius l. 6. de demonstrat. c. 20. etiam illa verba: *Commouebuntur simulacra Ægypti à facie eius, impleta esse: nam demones, inquit, qui animas Ægyptiorum subiectas habebant, cum sensissent nouam, diuinamq; virtutē ad se accessisse, illicò commoti sunt, & fluctuationem, ac perturbationem in seipsis pertrulerunt, corq; ipsorum, & vis intelligendi intrinsecus in ipsis conuicta sunt, cesserunt que, ac fugata sunt.* Indicat autem Eusebius simulacra tunc non fuisse sensibilibiter commota: subdit enim: *Et tunc quidem inuisibiliter demones talia passi sunt.*

Nicephorus verò l. 10. hist. c. 31. significat, etiam ipsa corporea simulacra corruisse. Vbi miraculum quoddam refert de arbore, quæ in ciuitate Hermipoli ad Christi ingressum sese ad terram vsque reuerenter inflexit, vt ipsum adoraret.

Et

Et in hiltoria Lausicana in vita S. Apol-  
linis Abbatis c. 52. memoriz prodidit Palla-  
dius, in eadem ciuitate Hermipoli ex-  
tare templum, in quod ingresso Salua-  
tore, omnia idola prostrata, & commi-  
nuta sunt. Scilicet habitare tenebræ ne-  
queunt cum luce, mendacium cum ve-  
ritate, dæmon cum Deo. Sicut cū Phi- 1. Reg. 5.  
listhijm tulissent arcam Dei in templum Dagon,  
& surrexissent diluculo Azotij altera die, ecce  
Dagon iacebat pronus in terra ante arcam Do-  
mini.

Tertia causa est, quia Aegyptiorum  
gens fuit omnium superstitiosissima, &  
inimica populi Dei, & longissimè à Pro-  
phetis abfuit: & ideo apud illā Dei vir-  
tus commorata est. Vnde cū virga  
Moyfis versa esset in colubrum, fecerunt Exod 7.  
etiam malefici per incantationes Aegyptiacas &  
arcana quadam similiter. Et cum aqua ver-  
teretur in sanguinem, fecerunt similiter  
malefici Aegyptiorum incantationibus suis.

Quarta causa est Eusebij Emissemi ser-  
mone de Innocentibus Christum fugiendo  
Herodem, nos docuisse, diabolum, &  
membra eius fugere, nec itineris diffi-  
cultate terreri, quia melius est duro la-  
bore fatigari, quā ab hostibus necari.

Ita Dauid fugiens Absalom ascendebat 2. Reg.  
silium oliuarum, scandens, & flens, nudis pedi- 15.

bus

*bus incedens, & aperto capite.*

Quàm suaue fuit in fuga ista consortium! Ioseph, Maria, & Iesus. Egredere anima mea, & cum tribus illis te in viam da. Nec dubium etiam adfuisse Angelos, quorum alij fortè viam mundauerint, alij lapides sustulerint, alij ramos pedibus illorum substrauerint, fortè etiam rosis viam consperserint. Nobile sanè consortium, Ioseph, Maria, & Iesus. Tres illi tres virtutes exprimunt, quæ spirituales tres hostes nostros facile vincere possunt.

Ioseph virilem denotat constantiam, qua vincitur diabolus: Maria virginalem significat pudicitiam, qua caro deiicitur: Iesus puerilem simplicitatem denotat, quæ mundum supplantat. Fugiendo quidem hostes illos superabis: ne tamen etiam in fuga lædaris, tribus illis virtutibus armari debebis. Oderat  
 Gen. 27. *semper Esau Iacob pro benedictione, qua benedixerat ei pater. Sed Iacob fugiendo manus Esau euasit, & toto suo itinere constantiam virilem retinuit. Ita diabolus odit nos pro benedictione, qua nos Christus Dominus benedixit, quando sanguine suo ianuam cælestis regni nobis aperuit: illius tamen facile ma-*

nus euademus, si fugiendo virilem constantiam toto vitæ nostræ curriculo retineamus.

Maria castitatem significat, quia, quando caro nos persequitur, oportet fugere, & pudicitiam virginalem conseruare. Dum Iezabel Eliam persequabatur, *surgens abiit quocunque eum ferebat* 3. Reg. 19. *luntas*. Quid Elias, nisi typum exprimit castitatis? Ipse namque *zona pellicea renibus accinctus erat*. Dum ergo tristis dormiret in vmbra iuniperi, ecce *Angelus Domini* 3. Reg. 19. *tetigit eum, & dixit illi: Surge & comede*. Ita 19. etiam nos oportet carnem fugere, nec propter infestationem eius, animum abiicere, sed in vmbra cælestis gratiæ obdormire. Tunc nobis Spiritus S. aderit, tanget, & surgere faciet, & comedere iubebit. Absit, vt subrepat pusillanimitas, vt dicamus cum Elia: *Sufficit mihi*, Ibid. *Domine, tolle animam meam: neque enim melior sum, quàm patres mei*. Fortiter carni fugiendo oportet resistere, ecce *ad caput tuum subcinericius panis, & vas aqua*. Cibabit te Spiritus sanctus pane vitæ, & intellectus, Eccli. 15. & aqua sapientiæ salutaris potabit te Dominus Deus noster.

Iesus innocentiam significat puerilem, qua mundus facile fugiendo vincitur, & qui suam vitæ innocentiam integram retinet,

retinet, raro à mundo sordidatur. Quid autem mundus? Aut cui comparabimus  
**Ion. vlt.** eum, nisi hedera illi, quam preparauit Dominus Deus, vt ascenderet super caput Iona, & esset umbra super caput eius & protegeret eum? Et latatus est Ionas super hedera latitia magna. Ita in mūdo multi in prosperitate gaudent, & diuitiis, ac voluptate huius sæculi, quasi umbra quadam caput suum protegunt, & ab æstu tribulationum defendunt. Sed quid? Parauit Deus vermem ascensu diluculi in crastinum, & percussit hedera, & exaruit. Ita subito prosperitas mundana perit: & vbi ventus calidus, & vrens aduerlatur caput mundanorum percutit, mori cupiunt, & cum Ionadicunt: *Melius est mihi mori, quam viuere.* Quare quisque suam vitæ innocentiam retineat, mundi vanitates fugiat, sic per bona transeat temporalia, vt non amittat æterna.

**Ibid.**

**Ibid.**



I N  
C I R C V M C I S I O N E  
D O M I N I .

Exordium:

**O**lim Seruius Tullius sextus Romanorum Rex gubernacula Urbis inuatit: nec obscuritas inhiuit, quamuis matre serua creatum. Nam ob eximiam indolem vxor Tarquinij Tanaquil liberaliter educauerat: & clarum fore visa circa caput flamma promiserat. Ergo inter Tarquinii mortem, adnitente regina, substitutus in locum Regis quasi ad tempus, regnum dolo partum sic egit industria, vt iure adeptus videretur.

Ita & nos felicia omnibus apprecamur huius anni auspicia.

Euangelium:

*Postquam consummati sunt dies octo, vt cir- Luc. 2.  
cum cideretur puer, vocatum est nomen eius Iesus.*

Thema:

*Vocatum est nomen eius Iesus.*

*Ibid.*

Antequam ad strenam accedamus, augustissimi nominis Iesu laudes pro tenui nostra parte decanemus.

G

Prima

### IN CIRCVMCISIONE

Prima laus sit: Nomen Iesu est imago Christum Opt. Max. verum Deum, verumque hominem repræsentans. Omne enim nomen imago est, & vicarium rei. Vnde Bernardus *ser. 15. in Cant.* Cum nomino Iesum, hominem mihi propono mitem, humilem corde, benignum, sobrium, castum, misericordem, & omni sanctitate conspicuum; eundemq; ipsum Deum omnipotentem, qui suo me exemplo sanet, & roboret adiutorio. Ita cæ-

**Luc. 18.** *cus ille, cum audiret, quod Iesus Nazare-  
nus transiret, clamauit dicens: Iesu, fili Dauid,  
miserere mei.*

Secunda laus: Nomen Iesus signum est illa omnia in memoriam reuocans, quæ, vt homines seruaret, admirabilia fecit Deus. Quare diabolus supra modum saluti nostræ inuidens, in salutiferum illud nomen insaniuit dicens:

**Mar. 1.** *Quid nobis, & tibi, Iesu Nazarene: venisti per-  
dere nos?*

Tertia laus: Nomen Iesus in capite libri vitæ ab æterno scriptum est. Primus enim prædestinatorum, per quem omnes homines prædestinati sunt, Iesus est. Primū ergo locum in libro prædestinationis, illius nomen obtinet.

**Psal 39.** *Vnde Propheta: In capite libri scriptum est  
de me, vt facerem voluntatem tuam.*

Quarta laus: Nomen Iesus à cælo ve-  
nit.

nit. Angelus nomen hoc è cælo attulit, Christoque, antequam in vtero conciperetur, imposuit. Et meritò è cælo venit, quia salutem non à terra, terrenisve regibus, sed è cælo, caelestique Imperatore allatam significat.

Quinta laus: Nomen Iesus Virgo Deipara ab Angelo prima audiuit, & corde dulcissime voluit. Nam Angelus prius dixit ad Virginem: *Ecce concipies in vtero, & paries filium, & vocabis nomen eius Iesum.* Luc. 1. Deinde ad Ioseph: *Pariet autem filium, & vocabis nomen eius Iesum.* Matth. 1. An autem Virgo prior, quàm Ioseph nominauerit, dubium est. Virginem existimo prius nominasse ex illis verbis præclarissimi cantici: *Exultauit spiritus meus in Deo salutari meo.* Luc. 2. Hebraicè credo dixisse: In Deo Iesuah meo; siue, In Deo Iesu meo: sicut ibi: *Exultabo in Deo Iesu meo.* Abac. 3.

Sexta laus: Nomen Iesus, & à Prophetis, & à Sibyllinis carminibus fuit prædictum. D. Augustinus in orat. contra Iudæos, Paganos, & Arianos, Sibyllæ de Christo carmina recitat, quorum capitales litteræ Græcæ hæc verba construunt: *Ιησους Χριστος υιος Θεου, Σωτηρ.* id est, Iesus Christus, filius Dei, Saluator.

Septima laus: Nomen Iesus est nomen Christi proprium, & personale in circumcissione impositum. D. Thomas p. 3. q. 16. ar. 5. ait, nomen Christus vtramque naturam significare, tam diuinam vngentem, quam humanam vndam: nomen verò Iesus solummodo humanam; formaliter quidem naturam humanam Christi significat, sed diuinum suppositū, cum quo est coniuncta, etiam indicat. Est enim Christus Deus, & homo. Vt autem propria nomina, & personalia habet, naturam illius diuinam significantia, qualia sunt, Verbum, Filius Dei, Sapientia Patris, Imago; ita oportuit, vt nomē etiam haberet proprium, & personale, humanam naturam cum Verbo copulatam significans, quo ab hominibus, inter quos versari voluit, vocaretur. Hoc nomen est Iesus, quod reliqua nomina, quæ Messiae in Scriptura tribuuntur, virtute complectitur.

- Eccle. 1. Sicut enim omnia flumina intrant in mare, ita omnia Messiae nomina intrant in nomen Iesu. Lege Bernardum serm. 2. de Circumcis. & serm. 10. sermonum, qui parui dicuntur. & D. Thomam p. 3. q. 37. ar. 2. ad 1. Isaias: Vocabitur nomen eius Admirabilis, Consiliarius, Deus, fortis, Pater futuri saeculi, Princeps pacis, Admirabilis est Iesus, quia

quia admirandum in modum, & præter  
 Iudæorum opinionem salutem orbi at-  
 tulit. *Consiliarius*, quia eximia hominibus  
 præcepta, & consilia ad æternam salu-  
 tem comparandam præbuit. *Deus*, & *Em-  
 manuel*, id est, nobiscum Deus, quia Sal-  
 uatorẽ mundi Deum esse necesse erat:  
*Fortis*, quia hostes, morbosque hominum  
 saluti aduersantes superauit. *Pater futuri  
 sæculi*, quia eos, quos saluos fecit, rege-  
 nerauit, omniumque sæculorum salu-  
 tem peperit. *Princeps pacis*, id est, pacificus,  
 quia extinxit bella. Bernardus *serm. 10.*  
*citatur*, *Admirabilis Christus in natiuitate*, *Consi-  
 liarius in prædicatione*, *Deus in operatione*, *fortis  
 in passione*, *Pater futuri sæculi in resurrectione*,  
*Princeps pacis in perpetua beatitudine.*

Præterea, *Admirabilis* est Iesus, id est,  
 Saluator, in salute afferenda hominibus,  
 quia admirabiliter voluntatem impij  
 hominis auertit, & conuertit. Auertit à  
 peccato, à mundo, à voluptate: conuer-  
 tit ad Deum, ad virtutẽ, ad sanctitatem.  
 Si consideres, quàm admirabiliter Pauli  
 voluntatem, Augustini, Francisci, alio-  
 rumque similium à mundo abduxerit,  
 & in omnem sanctimoniam adduxerit,  
 exclamabis cum Propheta: *Hæc mutatio* Psal. 76.  
*dextera Excelsi*: hæc mutatio Saluatoris  
 admirabilis. *Consiliarius* est: nam, post-



quam ad Deum conuertimur, consilia nobis præbet Deus salutaria, salutem inspirat, quid nos facere velit, docet. *Deus* dicitur, quia salus nulli absque peccatorum remissione contingit: solus verò Deus peccata potest remittere. *Fortis* dicitur, ut conuersis fortitudine m largiatur, opemque ferat, sine qua nemo potest obsistentes aduersarios superare. *Pater futuri sæculi*, quia corporibus, & animis in futuro sæculo salutem æternam afferet, cuius spe filij futuri sæculi in hoc sæculo fulciuntur: sicut filij huius sæculi temporalium rerum spe sustentantur. *Princeps pacis*, quia æternam in cælis pacem post huius sæculi bella largietur.

### Strena.

**C**ogitanti mihi, quid strenæ loco elargirer, in mentem venit hiemis asperitas, duræ glacies, venti rigidi, frequentiores nimbi, grândines, frigus hiemale. Quapropter tempus postulat, & requirit charitas, ut spirituale vobis singulis pallium è sacris litteris impartiar, quo & æris inclementiam faciliùs tolerare, & hiemis asperitatem superare valeatis.

*Sacerdotibus* itaque primo loco tribuo  
pallium

pallium Eliæ, quod conuersationem  
 cælestem significat. Cùm in monte sta-  
 ret coram Domino, *operuit vultum suum* 3. Reg.  
*pallio*. Ita Sacerdotes altari astantes sen- 19.  
 sualitatis suæ vultum cælesti illo purio-  
 ris vitæ pallio operire debent. Pallio  
 isto *percussit aquas Iordanis, quæ diuisæ sunt* 4. Reg. 2.  
*in vtramque partem*. Ita Sacerdotes aquas  
 tribulationum, & tentationum facillè  
 diuident, si pallium cælestis conuersa-  
 tionis illis obiciant. Pallium illud misit 3. Reg.  
 super Elizeum, qui statim eum secutus 19  
 est: & cùm è terra raperetur, pallium 4. Reg. 2.  
 illud Elizeo reliquit, qui Iordanis aquas  
 etiam illo diuisit. Ita Sacerdotes multos  
 trahent ad Dominũ, & præclarũ poste-  
 ris relinquẽt exemplũ, si non amiserint  
 illud cælestis conuersationis pallium.

*Virginibus sacris* omnibus pallium illud  
 do, de quo legitur: *Fecit & saga vndecim de* Exod. 36  
*pilis caprarum ad operiendum tectum tabernacu-  
 li: & fibulas aneas quinquaginta, quibus necire-  
 tur tectum, vt omnium pallium ex omnibus sagis  
 fieret*. Pallium illud charitatem signifi-  
 cat, quæ animos proximorum vnit, &  
 cum Deo nos coniungit. Tunc ergo ple-  
 na in monasterio est lætitia, quando in-  
 uenitur ibi charitas perfecta.

*Superioribus Monialium*, & omnibus, quæ  
 in aliquo degunt officio, do pallium

104 IN CIRCVMCISIONE

2. Reg.  
21.

illud, de quo Achimelech: *Ecce hic gladius Goliath Philistæi est inuolutus pallio post Ephod.* Pallium illud clementiam, & compassionem designat erga subditas. Debent quidem habere gladium, id est, iustitiam, sed tamen inuolutum pallio misericordiæ.

Gen. 49.

*Monialibus senioribus pallium Iudæ de quo scribitur: Lauabit in vino stolam suam, & in sanguine vna pallium suum.* Ita seniores se ad mortem debent præparare, & defectus vitæ præteritæ in sanguine Sponsi ablueri, ut ita mundæ ad cælum possint euolare.

*Monialibus iunioribus pallium filiorum*  
Exod. 12 Israel, de quo legitur: *Tulit igitur populus conspersam farinam, antequam fermentaretur, & ligans in palliis, posuit super humeros suos.* Ita Moniales iuniores debent actiones suas ex Ægypto mundi huius educere, antequam mundano inficiantur fermento, & palliis mortificationis propriæ inuoluere.

4. Reg. 4.

*Laicis pallium illud, de quo scribitur: Egressus est vnus in agrum, ut colligeret herbas agrestes: inuenitq; quasi vitem siluestrem, & collegit ex ea colocynthidas agri, & impleuit pallium suum.* Ita Laicæ in agrum quotidie debent ire bonorum operum, fructus ex eo colligere, & animæ suæ pallium ex iis implere.

Virgini-

Virginibus secularibus pallium Rebecca: Gen. 24  
 quæ conspecto Isaac tollens cito pallium, operuit  
 se. Ita virgines, quæ verè virgines sunt,  
 viriles debēt aspectus fugere, & omnes  
 cadendi occasiones euitare.

Viduis pallium, de quo legimus: Festi-4. Reg. 9.  
 naauerunt itaque, & vnusquisque tollens pallium  
 suum, posuerunt sub pedibus eius in similitudinem  
 tribunalis, & cecinerunt tuba, atque dixerunt:  
 Regnavit Iehu. Ita viduæ mariti, & om-  
 nium mundanarum vanitatum obliui-  
 sci debent, & Iehu pedibus substernere  
 pallium, id est, coram Domino Iesu se-  
 se totas humiliare, & vocibus illum, at-  
 que virtuosis operibus exaltare.

Coniugatis pallium Sem, & Iaphet, qui Gen. 9.  
 pallium imposuerunt humeris suis, & incedentes  
 retrorsum, operuerunt verenda patris sui, faciesq;  
 eorum auersa erant, & patris virilia non vide-  
 runt. Ita coniugati pallio amoris mutui  
 sibi cohærere debent, nec de extraneis  
 personis cogitare: eodem pallio debēt  
 & mutuos operire defectus, & humana  
 omnia tegere charitate.

Pueris pallium Ioseph, qui nequaquam Gen. 39.  
 acquiescens operi nefario, relicto in manu do-  
 minæ suæ pallio fugit, & egressus est foras. Pal-  
 lium illud timorem Domini significat,  
 quem Ioseph habens dicebat: Quomodo  
 possum hoc malum facere, & peccare in Deum

108 IN CIRCVMCISIONE  
meum? Ita pueri timorem Domini de-  
bent addiscere, & foras potiùs à peccato  
egredi, quàm vnquam in illud consen-  
tire.

Ruth 3. *Seruis, & ancillis pallium Ruth, ad quam dicebat Booz: Expande pallium tuum, quo operiris, & tene vtraque manu. Qua extendente, & tenente mensus est sex modios hordei, & posuit super eam. Que portans ingressa est ciuitatem, & venit ad socrum suam. Pallium illud diligentiam seruorum, & ancillarum significat, quia Ruth vtramque manum extendebat: significat etiam patientiam, qua Ruth vtraque manu pallium illud patienter tenebat. Significat quoque fidelitatem, quia Ruth omnia, quæ in isto gerebat pallio, ad socrū suam portabat.*

1. Reg.  
25.

*Peccatoribus pallium Samuelis, qui nō lens orare pro peccato Saulis, conuersus est, vt abiret: ille autem apprehendit summitatem pallij eius, qua & scissa est. Ita peccatores opem veri Samuelis, id est, Dei, debent implorare, pallium misericordiæ eius apprehendere, vt eos valeat à peccatis liberare. Quod si fortassis aliud adhuc pallium postulant, ecce pallium Saluatoris: nam milites præsidis exuentes eum, chlamydem coccineam circumdederunt ei. Chlamys ista Dominicæ passionis merita significat: nam quantumcunque peccata homi-*

Matt. 27.

hom  
my  
fuer  
deali  
à pe  
tuo  
que  
lim

E

R  
tibus  
& di  
auru  
nit a  
tum  
mis,  
arom  
Saba

It  
Iero



hominum grauiā sunt, facilè tamē chlamyde illa abscondi, & deleri possunt. *Si Isa. r.*  
 fuerint peccata vestra, vt coccinum, quasi nix dealbabuntur. Munda nos, Domine Iesu, à peccatis nostris; munda nos sanguine tuo, quem effudisti hodie; munda nos, quęsumus, in hac vita, vt splendere possimus in æterna. Amen.

## I N

## E P I P H A N I A

## D O M I N I

## Exordium:

**R**egina Saba audita fama Salomonis in nomine Domini, venit tentare eum in anigmatibus. *3. Reg. 10.*  
 Et ingressa Ierusalem multo cum comitatu, & diuitiis, & camelis portantibus aromata, & aurum infinitum nimis, & gemmas pretiosas, venit ad Regem Salomonem. Dedit ergo Regi centum viginti talenta auri, & aromata multa nimis, & gemmas pretiosas. Non sunt allata vltra aromata tam multa, quàm ea, quę dedit Regina Saba regi Salomoni.

## Moraliter:

Ita hodie ab Oriente venerunt Magi *Matth. 2.*  
 Ierosolymā ad regem natū Iudæorum:  
 & ado-

& adorantes eum obtulerunt ei munera, aurum, thus, & myrrham.

## Euangelium:

**Matth. 2.** *Cum natus esset Iesus in Bethlehem Iudæ in diebus Herodis Regis, ecce Magi ab Oriente venerunt Ierosolymam, dicentes: Vbi est, qui natus est Rex Iudæorum?*

## Thema:

**Ibid.** *Vidimus stellam eius in Oriente.*

Dicendum erit: Quibus signis, quibusque personis Christi natiuitas manifestata sit?

De materia huius dubij nihil ferè certum inuenio præter ea, quæ Euangelistæ referunt: & ideo breuissimè dicendum est, quamuis non oportuerit Christi natiuitatem vniuerso orbi statim manifestari; oportuisse tamen aliquo modo disponi, seu præparari mundum, vt venientem Saluatorem susciperet.

**Agg. 2.** Quocirca eo tempore adimpletū videtur, quod Aggæus Propheta prædixerat: *Adhuc vnum modicum est, & ego commouebo calum, & terram, & mare, & aridam, & mouebo omnes gentes, & veniet desideratus cunctis gentibus.* Varia enim legimus in historiis eo tempore accidisse prodigia, vt videre licet in Oro siol. 6. c. 22. & seqq. & in Iulio Obsequente l. de prodigijs c. 128. & seq. quæ licet

licet non omnia in die Natalis Domini facta fuerint, vniuersa tamen ad Christi ortum illustrandum diuinitus ordinata fuisse, omnes Scriptores pij, & Catholici annotarunt.

Primum prodigium sit in templo pacis, quod Romanis putabatur æternum, quia ex suis oraculis haberent, donec virgo pareret, duraturum: corruisse autem dicitur ea nocte, qua Deipara Christum peperit. Ita refert Bonauentura *opusculi de quinque festiuitatibus pueri Iesu, c. 2.* Et habetur etiam in homilia quadam de natiuitate Christi, quæ sub nomine Petri Damiani habetur in Lippomano *tom. 5.* & Surio *tom. 6.* Cæsar tamen Baronius in principio suorum Annalium, diligenter obseruauit, homiliam illam non esse Petri Damiani, quod in ea mentio fiat D. Bernardi, qui (vt ipse dicit) 50. annis, vel (vt ex Trithemio colligitur) 90. annis posterior fuit: & eruditè ostendit historiam illam non solum incertam, sed etiam falsam esse, quia ante Vespasianum, qui templum pacis Romæ ædificauit (teste Iosepho *l. 7. de bello Iudæico*) nullum aliud templum pacis Romæ fuisse legitur, quod in natali Christi corruiere potuerit.

Secundū prodigium refertur de fonte olei,

olei, qui Romæ toto quodam die sine intermissione fluxit. Huius meminit D. Thomas *p. 3. q. 36. ar. 3. ad 3.* & multi existimant hoc accidisse eodem die, seu nocte, qua Christus natus est. Orosius tamen *dict. l. 6. c. 19.* huius prodigii meminit, & tertio anno Triumviratus, id est, 27. annis ante Christi natiuitatem accidisse confirmat, quanquam illo significatum fuisse dicat Christum (qui vnctus interpretatur) regnante Augusto fuisse nasciturum. Idemque dicit de multis aliis prodigiis, quæ eodem tempore refert accidisse.

Tertium est, quod D. Thomas *loco citato* ponit, de tribus solibus, qui in Hispania apparuerunt, & in vnum paulatim coierunt. Plinius verò *l. 2. hist. c. 31.* sæpius refert apparuisse tres soles: non dicit tamen in vnum coiuisse; quamuis hoc tempore Augusti accidisse commemoret propè initium Triumviratus, vt ex Coss. quos ibi refert, colligi potest.

Quartum, refert S. Bonauentura *loco citato* in nocte Natiuitatis omnes nefando peccato inquinatos subito interiisse, additque alia, quæ incerta sunt.

Quintum prodigium esse potest, dæmonū oracula eo tempore conticuisse, & interdum vel inuitum dæmonē hanc causam,

causam, seu rationem sui silentij reddidisse, vt Nicephorus post alios refert l. i. hist. c. 17. Cum enim Augustus nullum in templo Apollinis responsum acciperet, causamque interrogaret, tandem in hunc modum respondit:

*Me puer Hebraus, Diuos Deus ipse gubernans  
Cedere sede iubet, tristeq; redire sub Orcum:  
Aris ergo dehinc tacitis abscedito nostris.*

Sextum, ac postremo prodigij loco ponere possumus generalem pacem in vniuerso Imperio Rom. sub vno Principe factam, vt Christus Princeps pacis nasceretur, sicut prædictum fuerat: *Ha-* Isa. 11.  
*bitabit lupus cum agno: & pardus cum hœdo ac-*  
*cubabit: vitulus, & leo, & ovis simul morabun-*  
*tur, & puer paruulus minabit eos.*

Dicendum secundò oportuisse Christi natiuitatem aliquibus personis peculiariter manifestari. Hoc cerrè diuus Thomas declarat p. 3. q. 36. ar. 2. quoniam sicut posset in detrimentum fidei cedere, si Christus omnibus absque delectu manifestaretur: ita etiam, si lateret omnes. Nam sapientia absconsa, & thesaurus inuisus, quæ utilis in vtrisque? Eccli. 20.

Item propter hanc causam resurrectionis Christi, quamuis non fuerit omnibus patefacta, demonstrata tamen est testibus præordinatis à Deo.

Añ. 10.

D. Tho-



D. Thomas autem p. 3. *tota quest. 36.*  
omnes manifestationes, quæ illis diebus  
Natiuitati proximis in Scriptura facta  
esse leguntur, ad quatuor reuocat.

Luc. 1.

Matth. 1.

Prima facta est Mariæ, & Ioseph: &  
hæc ante natiuitatem Christi facta est,  
quia ad eos pertinebat reuerentiam ex-  
hibere proli conceptæ, & etiam obse-  
quium nascituræ. Et hoc quidem indu-  
bitatum est, quantum ad reuelationem  
fidei, quam Virgo, & Iosephus habue-  
runt de diuinitate, & dignitate Christi  
nascituri; & de modo etiam nascendi  
(vt existimo) salua matris integritate,  
& virginitate: quanquam hoc posterius  
non sit tam certum, sicut prius, quod in  
Euangelio expressius habetur.

An verò circumstantiæ huius natiui-  
tatis, scilicet locus, tempus, & reliquæ  
reuelatæ fuerint B. Virgini, & Iosepho,  
ante Christi ortum, est incertum: piè  
tamen ita credi potest. Ratio enim diui  
Thomæ hoc etiam probabiliter persua-  
det, oportuisse scilicet hæc etiam illis  
prius manifestari, vt conuenientiùs, &  
oportuniùs nascituræ proli deferuierit.

Luc. 2.

Secunda reuelatio facta est Pastoribus.  
Circa quam solum occurrit notandum  
ex Beda *de locis sanctis*, c. 8. illos pastores  
fuisse tres: & in loco, vbi eis apparuerit

Ange-

Angelus, fuisse Ecclesiam ædificatam: illum autem locum fuisse propè Bethle- hem, iuxta turrim Ader, id est, gregis, vt refert Hieronymus in *epitaphio Paula*, seu *epist.* 27.

Tertia apparitio facta est Magis. Con- Matth. 2.  
siderat autem Rupertus l. 2. in *Matth.* pro-  
pè initium, in Magorum adoratione gen-  
tium perfectionem esse præsignatam. Pastores enim Iudæi, & ab Angelo in-  
structi, non aded sunt eruditi, vt proci-  
dentes adorarent, aut munera offerrēt; Luc. 2.  
sed tantum venerunt, & cognouerunt de verbo,  
quod dictum erat illis. Magi verò primitiæ  
gentium & venerunt, & procidentes adora- Matth. 2.  
uerunt, & munera obtulerunt: quibus interio-  
rem fidem, magnamque mysteriorum  
Christi cognitionem protestati sunt.

Quarta apparitio facta est Simeoni, & Luc. 2.  
Annæ, quam D. Thomas *sup. art.* 6. factam  
esse ait in templo. Intelligendus autem  
videtur quoad visibilē, seu corpoream  
manifestationē Christi nati, simul cum  
interna illius cognitione. Nam quoad  
aliquam interiorem reuelationem ante  
præcessisse videtur. Nam de Simeone  
inquit Lucas, quod responsum acceperat à Ibid.  
Spiritu sancto, non visurum se mortem, nisi prius  
videret Christum Domini, & venit in Spiritu  
in templum.

## Morale:

**Matth. 2.** Et apertis thesauris suis obtulerunt ei munera,  
aurum, thus, & myrrham.

**P**rima expositio est Chrysostomi homil. 2. in Matth. in opere imperfecto, super illud: Et intrantes domum. Et offerunt, inquit, munera dignitati Christi congruentia. Aurum quidem, quasi Regi magno: iuxta illud: Vbi est, qui natus est Rex Iudeorum? Et Angelus: Dabit illi Dominus Deus sedem David patris eius, & regnabit in domo Iacob in aeternum, & regni eius non erit finis.

**Thus, quod in Dei sacrificio ponitur, immolatur ut Deo, iuxta illud Simonis Petri: Tu es Christus Filius Dei vivi. Et illud Thomæ: Dominus meus, & Deus meus.**

**Myrrha, qua mortuorum corpora condiuntur. prabetur tanquam pro salute omnium morituro.**  
**Ioan. 3.** Sicut enim Moyses exaltauit serpentem in deserto, ita exaltari oportet filium hominis, ut omnis, qui credit in eum, non pereat, sed habeat vitam aeternam. Et alibi: Ecce ascendimus Ierosolimam, & filius hominis tradetur Principibus sacerdotum, & Scribis, & condemnabunt eum morte, & tradent eum gentibus ad illudendum, & flagellandum, & crucifigendum.

Secunda expositio: Aurum significat sapien-

sapientiam, iuxta illud: *Posside sapientiam*, Prou. 16.  
*quia auro melior est.* Vnde Sponsa de spon-  
 so suo loquitur: *Caput eius aurum optimum*: Cant. 5.  
*quia sapientia caput eius plenum.* Hanc  
 postulabat Salomon dicens: *Dabis seruo* 3. Reg. 3.  
*tuo cor docile, ut populum tuum iudicare possit, &*  
*discernere inter bonum, & malum.* Quis enim po-  
 terit iudicare populum istum, populum tuum hunc  
*multum?* Illam ergo nato Regi offeres,  
 quando sapienter vitam tuam institues,  
 sapienter proximorum vitam verbo,  
 vel exemplo corriges; quando Deum  
 timere perges, quia *initium sapientie timor* Psal. 110.  
*Domini.*

Thus verò bona opera significat: nam  
 quoties quis in bono opere se exercet,  
 toties thus Deo exhibet. Vnde Raphael  
 Angelus ad Tobiam: *Quando orabas cum* Tob. 12.  
*lacrymis, & sepeliebas mortuos, & derelinquebas*  
*prandium tuum, & mortuos abscondebas per diem*  
*in domo tua, & nocte sepeliebas eos, ego obtuli ora-*  
*tionem tuam Domino.* Quàm luculenter  
 thus illud ascendit, quando etiam Ar-  
 changelus illud obtulit!

Myrrha cogitationem futurorū de-  
 notat: nā vix aliquis à peccatis se absti-  
 neat, qui non aliquando de futuris co-  
 gitat. *Spiritus meus attenuabitur*, dicebat Iob 17.  
*ille, dies mei breuiabuntur, & solum mihi super-*  
*est sepulchrum.* Quid autem? *Putredini dixi:*

*Pater meus es: mater mea, & soror mea verumibus.*

Tertia expositio: Aurum charitatem Gen. 24. designat. Seruus Abrahæ prolati vasis argenteis, ac aureis, ac vestibus, dedit ea Rebecca promunere. Rebecca animam hominis significat, quæ tum vasa argentea, & aurea, & vestes à seruo Abrahæ acquirit, quando per ministrum Dei gratiam, & charitatem, ac virtutum dona in Sacramentis accipit. Aurum ergo illud Christo offeres, si ea, quæ tibi à Deo data sunt, in proximos iterum expendas: vt talentum tuum aureum non abscondas, sed plura superlucrando addas.

Thus orationē significat. Vnde Propheta: *Dirigatur oratio mea sicut incensum in conspectu tuo.* Vis autem scire, quantæ virtutis illud sit incensum? Audi Angelum Tob. 6. Raphaelē ad Tobiam: *Ipsa, inquit, nocte, incenso iecore piscis, fugabitur demonium.* Tantæ ergo virtutis est oratio, vt pellat diabolum: imò aliquod dæmoniorum genus est, quod non eiicitur, nisi per orationem, & ieiunium. Matt. 17.

Myrrha denotat carnis mortificationem. Tulit Manue hœdum de capris, & libamenta, & posuit super petram, offerens Domino. Cumq; ascenderet flamma altaris in calum, Angelus



*gelus Domini pariter in flamma ascendit. Hædus immortificatū designat hominem, qui quantum voluntatis propriæ possidet, tantum penes se fœtoris habet. Sed tunc gratum Deo fit sacrificium, quando hædus ille super altare mortificationis ponitur, & propria voluntas tota comburitur: tunc scilicet ascendit flamma in cælum. Angelus quoque in flamma ascendit, quia in mortificatione hominum delectantur Angeli, & socios illos optant in gaudio cælestis regni. Vel myrrha denotat pœnitentiam. Quamdiu enim homo in peccatis permanet, tamdiu hædus adhuc coram Deo fœtet. Sed si peccata comburantur in altari pœnitentiæ, flamma ascendit, quia Deus placatur: Angelus quoque in flamma ascendit, quia gaudium erit in calo super vno peccatore pœnitentiam agente, quam super nonaginta nouem iustis, qui non indigent pœnitentia.* Luc 15.

Sed ante omnia Saluatorem nostrum oportet agnoscere, antequam munera illi possimus offerre. Omnia quippe elementa, ait Gregorius homil. 10. in Euangelia, auctorem suum venisse testata sunt. Deum hunc celi esse cognouerunt, quia stellas protinus miserunt. Mare cognoui, quia substantiæ eius calcabile se præbuit. Terra cognouit, quia

## 118 IN CONVERSIONE

*eo moriente contremuit. Sol cognouit, quia lucis  
sua radios abscondit. Saxa, & parietes agnoue-  
runt, quia tempore mortis eius scissa sunt. Infernus  
agnouit, quia hos, quos tenebat, mortuos reddidit.  
Et hunc homo non agnosceret? Solus il-  
lum homo ignorabit? Agnoscamus Sal-  
uatorem nostrum, nostra illi offeramus  
munera, vt aliquando nos etiam coro-  
net in gloria. Amen.*

---

## I N CONVERSIONE S. PAVLI.

### Exordium:

**O**Lim apud Athenienses vir quidam  
eruditissimus, cum ictum lapidis  
capite excepiisset, cetera omnia tena-  
cissima memoria retinens, litterarum  
tantummodo, quibus præcipuè inter-  
uierat, oblitus est. Vtilius aliquanto fuis-  
set ad talia studia aditum non impetras-  
se, quàm iam percepta eorum dulcedi-  
ne caruisse.

**A** Ita Saulus adhuc spirans minarum, & cadens  
in discipulos Domini, cum cadens in terram au-  
diuisset vocem dicentem sibi: Saule, Saule, quid

*me persequeris? omnis amaritudinis oblitus tremens, ac stupens dixit: Domine, quid me vis facere?*

## Euangelium:

*Dixit Simon Petrus ad Iesum: Ecce nos reli-* Matt 19.  
*quimus omnia, & secuti sumus te: quid ergo erit nobis?*

## Thema:

*Ecce nos reliquimus omnia, & secuti sumus te.*

Occasione festi huius, in quo Saulus Christum in terra vidit, qui simul in cælo erat, probabimus non implicare contradictionem, & proinde possibile esse, ut vnum corpus sit in pluribus locis.

Primum argumentū sumitur à Scriptura, quæ testatur Deo nihil esse impossibile: *Apud Deum omnia possibilia sunt.* Ibid. Explicabunt aduersarij, Omnia, præter ea, quæ implicant contradictionē: quale est, vnum corpus esse in duobus locis. At refelli potest hæc explicatio multis modis, etiam ex eorum principiis.

Primum principium eorum est, nihil esse credendum sine verbo Dei. At verbum Dei nusquam excipit à Dei omnipotentia, vnum corpus esse in duobus locis. Excipit quidem alicubi mentiri Deum: *Impossibile est mentiri Deum.* Et alibi: Heb 6. *Negare seipsum non potest.* Ex quibus recte 1. Tim. 2

colligitur, Deum illa tantum non posse, quæ facere, non est facere, sed deficere. Sed vnum corpus in duobus locis esse, non potest clare ad illa reduci; proinde excipi non debuit.

Secundum principium eorū est, tam esse veram doctrinam, quæ Deum exaltat, & hominem deprimat: & contrā falsam esse, quæ hominem exaltat, & deprimat Deum. At qui dicit, inter ea quæ potest Deus, esse etiam, ponere vnum corpus in pluribus locis, hic Deum exaltat, & hominem deprimat, cum fateatur plura posse facere, quàm nos intelligamus: qui autem id negat, Deum deprimat, & hominem exaltat, cum dicat, Deum non posse facere, quod homo non potest capere. Ergo.

Tertio, Illa implicant contradictionem, quæ pugnant cum essentia rei, ita ut dicatur res esse, & non esse. At esse in loco non est de essentia corporis, sed quid extrinsecum, & accidentarium. Nam cælum vltimū est verum corpus, & non est in loco. Ergo non repugnat essentia corporis, esse in vno, vel pluribus locis, cum sint extrinseca omnia, & posteriora ipsa corporis essentia.

Secundum argumentum ducitur ab Aq. 9. & exemplo Scripturæ sacræ. Nam Christus

flus cùm Apostolo Paulo apparuit, fuit simul in summo cælo, & in terra, siue in aëre terræ vicino. Igitur vnum corpus in pluribus simul locis esse potest. Fuisse autem tunc Christum simul in cælo, patet ex illo Petri: *Quem Act. 3. oportet calum suscipere vsque ad tempus restitutionis omnium.*

Ad hoc argumentum duplex solutio dari potest. Vna est, quòd Paulus non viderit reipsa Christum in propria persona, sed in specie aliqua sibi apparente, & audierit vocem non ex ipso Christi ore, sed vocem quandam diuinitus factam: qualis fuit vox Dei Patris super ipsum Christum in Baptismo, & in monte Thabor. Ita videtur Calvinus totum hunc locum intellexisse in c. 9. Act.

Altera, quòd Paulus viderit quidem, & audierit Christum, sed in cælo existentem, ita vt diuina virtute factum fuerit, vt oculi, & aures Pauli cælos penetrarent. Et hoc modo respondet ad argumentum propositum Calvinus lib. 4. Institution. cap. 17. §. 29. Cui sanè commodum esset obicere, quod idem scribit l. 3. Institution. c. 20. §. 24. vbi ridet Sanctorum inuocationem: *Quis, inquit, eousque longas illis esse*

H 5



esse aures reuelauit, vt ad voces nostras porrigantur? oculos etiam tam perspicaces, qui necessitati-  
bus nostris aduigilēt? Quid igitur, si illi obii-  
ciamus, non habuisse Paulum tam lon-  
gas aures, nec oculos tam perspicaces,  
vt in cælum vsque penetrarent, & ibi  
Christum viderent, & audirent? Quid,  
quæso, respondebit, nisi diuina virtute  
id fieri potuisse? At si diuina virtute fieri  
potest, vt oculi carnei, & aures carneæ  
in cælum penetrent; non poterit eadem  
virtute fieri, vt oculi, & aures spirituales  
animarum glorificatarum in terram  
vsque penetrent?

Sed his omisis probandū nobis est,  
à Paulo ipsum Christū verè, & propriè  
visum esse oculis corporalibus, idque in  
terra, non in cælo. Ac primum quidem  
non modò certissimum, sed etiam eu-  
dentissimum est. Nam cùm Lucas dicat  
de comitibus Pauli: *Viri autem illi, qui comi-  
tabantur cum eo, stabant stupefacti: vocem qui-  
dem audientes, neminem aurem videntes:* ponit  
antithesin inter Paulū, & comites eius:  
quasi dicat: Comites eius audiebant vo-  
cem loquentis, sed non videbant, quis  
loqueretur: Paulus autem & vocem au-  
diebat, & videbat eum, qui loquebatur.  
Et: *Barnabas apprehensum illum duxit ad Apo-  
stolos, & narrauit illis, quomodo in via vidisset*

A. 9.

Ibid.

Domi-

*Dominum, & quia locutus est ei. Item, Ananias dicit ad Paulū de visione illa, quam habuerat in via: Deus Patrum nostrorum præ-* Act. 22.  
*ordinauit te, vt cognosceres voluntatem eius, & videres iustum, & vocem audires ex ore eius. Vidit igitur tunc Paulus Christum, & vocem audiuit, non ex aliqua nube, aut Angelorum ministerio formatam in aëre, sed ex ore Christi. Et ipse Christus Paulo dicit: Ad hoc apparui tibi, vt constituam* Act. 26.  
*te ministrum, & testem eorum, quæ vidisti. Vbi facit illum Apostolum, & testem oculatum resurrectionis. Non fuisset autem verus testis, nisi ipsum corpus vidisset, quod resurrexerat, idque oculis corporalibus. Præterea; Paulus probaturus Apostolatū suum: Nōne, inquit, Dominum nostrum vidi?* 1. Cor. 9.  
*Et enumerās testes oculatos resurrectionis Christi, posteaquam posuerat Petrum, Iacobum, & alios, tandem ait: Nouissimè tanquam abortiuo visus est & mihi: quæ probatio nihil valet, nisi vidisset ipse, vt alij viderant. Itaque dubitari non potest, quin verè corporalibus oculis corpus ipsum Christi viderit.*

Iam verò quòd Christum viderit, non in cælo, sed in terra, vel aëre propinquo terræ, probatur, quia tanta lux eius, qui illi apparuerat, Paulum circumfulsit; Act. 9.  
 vt eum planè excæcauerit. Non autem  
 lædere

lædere potuisset eius oculos lux illa corporis Domini, nisi propinqua fuisset. Deinde, lumē quoddā etiam comites eius viderunt, & sonum quoque vocis audierunt : quod est argumentum certissimum, in terra, vel in aëre proximo Christum apparuisse: nec enim comites Pauli summum cælum oculis, & auribus penetrare potuissent. Adhæc; Licet comites Pauli audierint vocem, tamen non distinctè intellexerunt, quid Dominus dixerit. Quare propinquior Paulo Dominus fuit, quàm aliis, & quasi in aurem ei locutus est. Si autem de cælo vox facta fuisset, omnes æquè audiuisent. Præterea, illa interrogatio: *Quis es, Domine?* & illa responsio: *Ego sum Iesus, quem tu persequeris*: apertè indicant præsentiam Domini. Si enim vidisset Paulus Christum in summo cælo, ut eum vidit Stephanus, non dubitasset, quisnam esset: sed quia repentè vidit coram se hominem quemdam supra lucem solis rutilantem, ideo dixit: *Quis es, Domine?* Denique, si solùm in cælo Paulus Christum vidisset, non fuisset idoneus testis resurrectionis: potuissent enim faciliè homines calumniari eius testimonium, & dicere eum deceptum fuisse, aut sola imaginatione vidisse.

Ibid.

Act. 22.

Confir-

Confirmatur ex aliis Christi apparitionibus. Nam inprimis Petro Apostolo Christum apparuisse in terra, & cum eo collocutum, testantur grauissimi auctores, Ambrosius *in orat. contra Auxent.* Hegesippus *l. 3. de excidio vrbs Ierosol. c. 2.* Et Athanasius licet paulò obscurius, *in apologia pro fuga sua.* Deinde, Christum apparuisse S. Antonio, posteaquã à dæmonibus grauissimè cæsus fuerat, & ad Christi præsentiam dæmones fugisse, & plagas Antonij repentè curatas, testatur Athanasius *in vita eius.* S. Gregorius *l. 4. Dialog. c. 16.* affirmat, ipsum Christum verè apparuisse S. Thersillæ amitæ suæ paulò ante obitum: & realem, non imaginariam visionem fuisse, probat ex immensa odoris fragrantia, quæ in cubiculo relictæ est. Et ipsi Gregorio Dominum humana specie verè apparuisse, testatur Ioannes Diaconus *l. 2. vita ipsius c. 22.* aliaque id genus multa ex probatis auctoribus possent adduci: quæ si quis velit omnia negare, meritò impudentiæ, ac temeritatis argui posset.

Tertium argumentum sumitur à testimoniis Patrû, qui rem vnã in pluribus simul locis esse posse docent. Ac primùm Chrys. *l. 3. de Sacerd.* disertis verbis affirmat, eundem Christum eodem temporis articulo

articulo, & sursum in celo cum Patre sedere, & in terra omnium communicantium manibus pertractari. Et non loqui eum de pertractatione solum in symbolo, patet, quia tribuit id miraculo. Idem etiam Chrysostomus, & cum eo Primasius, & Anselmus, & commentarius Ambrosio adscriptus in c. 10. ad *Hebr.* idem corpus Domini in multis altaribus simul offerri dicunt, nec loquuntur de signo corporis, sed de vero corpore.

Item, Cyrillus l. 12. in *Ioannem*, c. 32. & Theophylactus c. 19. *Ioannis*, disertis verbis docent, Christum per carnem suam in Eucharistia perceptam sanctificare animas, & corpora omnium communicantium in toto mundo, & esse in omnibus totum, & impartibilem.

S. Augustinus l. de cura pro mortuis c. 16. proponit quæstionem: vtrum cum diuersis locis simul fiant miracula alicuius Martyris, sit ipse Martyr præsens tam multis locis; an ista fiant ministerio Angelorum? Et respondet, quæstionem esse supra ingenij vires. Ex quo intelligimus nõ existimasse Augustinum impossibile esse, vt vna res sit in diuersis locis: alioqui non dubitasset, sed aperte dixisset (vt Calvinistæ dicunt)

impli-



implicare contradictionem, vt sit vnum aliquid in diuersis locis simul. Præterea c. 17. refert historiam quandam S. Ioannis Monachi, qui, cū ex monasterio suo non discessisset, apparuit tamen adhuc viuens in somnis cuidam alteri longè posito: ac deinde dicit dubium esse, an spiritus eius reuera fuisset in vtroque loco, an id esset factū alio modo. Denique dicit se, si cum sancto illo Monacho loqui potuisset, ab eo quæsiturum fuisse solutionem vtriusq; quæstionis, & verbis eius crediturum.

Si quis obiciat, aliam esse rationem corporum, aliam spirituum: Augustinum autem spiritibus concedere, vt possint esse in pluribus locis simul, non corporibus; is facile refelli poterit. Nam ratio, cur corpora non videantur posse esse in pluribus locis, non est tam moles, quàm vnitas. Non enim quæstio est: An possit corpus occupare duo loca: nam corpus Christi non occupat, nisi vnum locum ordinariè: in Sacramento enim non est localiter, nisi ratione dimensionū panis. Et licet etiam localiter arbitramur posse vnum corpus esse in pluribus locis, & id probant exempla allata in secundo argumento; tamen ad mysterium Eucharistiæ descend-

sendendum non requiritur, vt vnum corpus possit occupare, seu replere plura loca, sed satis est, si possit quocunque modo esse in pluribus locis. Ideo autem non videtur posse esse, quia non potest diuelli à seipso; & videtur necessario debere diuelli, ac diutrahì à se, si ponatur in variis locis. Quocirca Petrus Martyr, cum negat idem corpus posse esse in duobus locis, rationē reddit, quia geminaretur. Porro ista repugnantia, quæ sumitur ab vnitatem rei, non minus inuenitur in spiritu, quàm in corpore: verumque enim est vnum, & à se diuidi non potest. Quare perinde est in hac quæstione, siue de corpore, siue de spiritu probetur.

Quartum argumentum sumitur ab exemplis Dei, & animæ rationalis. Deus enim, cum sit res vna, & simplicissima, atque indiuisibilis; tamen est simul in infinitis locis. Est enim præsens totus Deus omnibus rebus creatis. Quod certè superat captum hominum: nec enim possumus cogitare rem vnā in diuersis locis, nisi cogitemus, aut loca illa fieri vnum locum, aut rem vnā diuidi in plures. Vnde Augustinus *epist. 3. ad Volusianum* de hac existentia Dei in tot locis simul ait: *Miratur hoc mens humana, &*

*quia*

*quia non capit, fortasse non credit.*

Pari ratione anima rationalis tota est in qualibet parte corporis: alioqui enim, si extenderetur ad extensionem corporis, esset materialis, & à corpore penderet; proinde non esset immortalis; quod cum fide Catholica pugnat.

Quintum argumentum sumitur à mysteriis nostræ fidei vel difficilioribus, vel æque difficilibus, atque hoc, de quo agimus.

Primum mysterium Trinitatis est (quod etiam Lutherani, & Calvinistæ admittunt) in quo vnam naturam in tribus personis reipsa verissimè distinctis credimus: quod sane mirabilius est, quàm vt corpus vnum sit in pluribus locis. Nam sicut hic est realis distinctio locorum, ita ibi Personarum: sicut hic vnitas corporis, ita ibi vnitas naturæ. Sed mirabilius est mysterium Trinitatis, quia natura in Trinitate identificatur realiter, & formaliter cum singulis personis: corpus autem non identificatur vilo modo cum locis. Si ergo potest vna numero natura non distrahi à seipsa, licet identificetur cum Personis realiter distinctis: cur non facilius poterit vnum corpus coniungi extrinsecus cum distinctis locis, & ta-

I men

men non distrahi à seipso?

Secundum est mysterium Incarnationis, in quo vnam hypostasim in duabus naturis perfectis, & dissimilibus confitemur. Et quia longe maior vnio est inter hypostasim, & naturam, quàm inter locatum, & locum; (cùm illa intrinseca, & substantialis; hæc extrinseca, & accidentaria sit) profectò rectè inspicienti mirabilius videtur, vnam esse hypostasim in duabis naturis, quàm vnum corpus in duobus locis.

Adde, quòd illa hypostasis identifice-  
tur prorsus realiter, & formaliter cum  
altera naturarum, id est, cum natura di-  
uina; & tamen vnitur intimè cum na-  
tura humana, quæ realiter, & formali-  
ter differt à natura diuina. Ex quo se-  
quitur, vt sit planè incomprehensibile,  
quomodo in illa vnione vel non con-  
fundantur naturæ, vel non diuidatur  
hypostasis.

Tertium est mysterium resurrectionis mortuorum, quod vt semper Philosophis impossibile visum est, ita semper à fidelibus certa fide creditum est; & nunc etiam à Lutheranis, & Calvinistis creditur, si tamen creditur. Porro in hoc mysterio id maximè difficile, & mirabile est, vt vnum, & idem indi-  
diu-

diuiduum fiat bis. Si enim bis fit, quomodo non duplici actione? Si duplici actione, quomodo non sunt duo? nam effectus per se ab actione dependet, ut eius terminus. Atqui id maximè cernitur in accidentibus, quæ penitus perierunt, & tamen eodem numero restituantur à Deo.

Quartū est creatio, & annihilatio, quæ ab omnibus fidelibus diuinæ potentie cōceduntur, licet à Philosophis rideantur, & contradictionem implicare dicantur. Nam qui dicit ex nihilo aliquid fieri, quod est creari, vel ex aliquo nihil fieri, quod est annihilari, videtur dicere, nihil esse aliquid, vel aliquid esse nihil. Et sanè superat humanam cogitationē, quòd res aliqua nunc existat, quæ paulò antè nihil erat. Quis enim concipiat, vnde venerit? vnde extracta sit? vnde processerit in lucem, si nusquam latebat, nisi ipsum nusquam aliquid sit? Pari ratione quis intelligat, ex aliquo nihil fieri, nisi ipsum nihil sit aliquid? Et tamen ista credunt, aut credere se dicunt, qui nolunt credere ea, quæ faciliores sunt; ut vnum corpus posse à Deo poni in pluribus locis.

Quintum mysterium æternitas est. Difficilius enim videtur, ut vnū instans



durationis simul sit in diuersis temporibus, siue coexistat diuersis temporibus; quàm vt vnum corpus simul sit in locis diuersis. Tempora enim fluunt, & impossibile est simul manere præteritum, & futurum: at loca simul permanent, licet distincta, & separata ab inuicem. Iam æternitas est vnum instans durationis non fluens, & proinde coexistens toti temporis præterito, & futuro: & tamen nec ipsum instans diuiditur, nec tempora cōfunduntur: quod superat plane humanum captum.

Sextum argumentum sumitur à simili. Nam potest vnus locus capere duo corpora sibi adæquata simul: & tamen neque locus diuiditur in duo loca, neque corpora illa confunduntur in vnum corpus. Ergo poterit etiam vnum corpus replere duo loca, etiam si nec ipsum corpus diuidatur in duo corpora, nec loca illa conueniant in vnum locum. Consequentia videtur optima, quia ita se habet locatum ad locum, sicut locus ad locatū. Antecedens certum est exemplis diuinæ Scripturæ de egressu corporis Christi ex clauso sepulchro; & aliis.

Quidam tamen Catholici (atque in eis S. Thomas in 4. dist. 14. q. 2. ar. 3.) existimant,

mant, non posse vnum corpus esse in duobus locis localiter, sed tantum Sacramentaliter, vel in vno localiter, in aliis Sacramentaliter; & ideo negant consequ. argumenti adducti. Et rationem hanc reddunt, quia vnum est illud, quod est indiuisum in se, & diuisum à quocumque alio: ex quibus conditionibus prior est essentialis, & inseparabilis; posterior autem est accidentaria, & separabilis. Cum autem duo corpora sint in vno loco, tollitur tantum posterior conditio vnitatis, ac proinde non destruitur essentia vnitatis: cum verò vnum corpus ponitur in locis diuersis, tollitur prior conditio, ac destruitur tota essentia vnitatis.

Sed hæc ratio, pace tanti Doctoris, non est solida. Nam duplex est indiuisio in se, & diuisio ab aliis. Vna respectu loci, quæ extrinseca est, & planè accidentaria. Altera respectu rei ipsius, quæ intrinseca est; & vel est de essentia, vel certè proprietas quadam vnitatis. Iam igitur, quando duo corpora sunt in vno loco, non tollitur diuisio ab aliis intrinseca, sed extrinseca solum, quæ est respectu loci. Nam licet se penetrent duo corpora, sunt tamen duo diuersa, & distincta

quoad omnia principia essentialia, imò etiam quoad accidentalia, excepto situ. Sic etiam, cùm vnum corpus est in diuersis locis, nō tollitur indiuisio intrinseca, sed solum extrinseca respectu loci: nam non diuiduntur principia intrinseca, quæ corpus constituunt, sed solum diuiduntur situs, siue Vbi illius corporis.

Adde, quòd, si non posset esse vnum corpus localiter in duobus locis, quia diuideretur à seipso; profectò nec posset esse Sacramentaliter, eadem ratione: licet enim esse alicubi Sacramentaliter, non dicat esse per loci occupationem; tamen dicit esse per realem, & veram præsentiam in pluribus hostiis, siue altaribus: quæ realis præsentia in tot altaribus, & non in locis intermediis non minùs tollere videtur indiuisiōē rei, quàm repletio plurium locorum.

### Morale.

**S**ed de S. Paulo quæri potest, vnde tam citò conuersus sit. Nimirum ob quatuor causas. Primò, ex verbi Dei virtuosa operatione. *Cadens enim in terram, audiuit vocem dicentem sibi: Saule, Saule, quid me persequeris?* Nam, vt ait Apostolus:

Act. 9.

Vivus

*Viuus est sermo Dei, & efficax, & penetrabilior, Heb 4. omni gladio ancipiti. Tunc enim dedit voci sua Psal 67. vocem virtutis.*

Secundò, ex inspiratione diuina. Vnde dixit: *Quis es, Domine? Et tremens, ac stupens dixit: Domine, quid me vis facere?* Aët. 9.

Tertiò, ex fulgore diuinitatis relucens in humana Christi facie, in quam, Pet 1. desiderant Angeli prospicere. Si enim vniuersa Reg. 10. terra desiderabat videre faciem Salomonis, certe plus, quàm Salomon, hic. Vnde & Saulum Matt 12. subito circumfulsit lux de celo. Aët. 9.

Quartò, ex potenti Dei attractione. Si enim magnes ferrum attrahit, quanto magis Dominus cæli, & terræ trahit, quem vult? Nemo potest venire ad me, nisi Pater meustraxerit illum. Ioan. 6. Vnde & Dominus ad Saulum: Ego sum Iesus, quem tu persequeris: durum est tibi contra stimulum calcitrare. Aët. 9.

## I N

## P V R I F I C A T I O N E

## B. M A R I Æ.

## Exordium:

**D**ixit Gedeon ad Deum: Si saluum facis per manum meam Israel, sicut locutus es, po-

Iud 6.

## 136 IN PURIFICATIONE

*nam hoc vellus lana in area : si ros in solo vellere fuerit , & in omni terra siccitas , sciam , quod per manum meam , sicut locutus es , liberabis Israel. Et rursum : Oro , vt solum vellus siccum sit , & omnis terra rore madens.*

### Moraliter:

Vellus Gedeonis significat D. Virginem , quæ sola illo celestis gratiæ rore repleta fuit , vt mereretur concipere filium Dei , & parere. Rursum : Quando tota terra peccato maduit , illa sola à peccato , paucis exceptis , libera , & sicca fuit.

### Euangelium:

Luc. 2. *Postquam impleti sunt dies purgationis Mariae , secundum legem Moyse , tulerunt Iesum in Ierusalem , vt sisterent eum Domino , sicut scriptum est in lege Domini.*

### Thema:

Ibid. *Secundum quod dictum est in lege Domini.*

D. Thomas p. 3. q. 37. art. 3. quatit: Vtrum Christus conuenienter fuerit in templo oblatus ? Respondet : dicendum , inquit , quod Christus voluit sub lege fieri , vt eos , qui sub lege erant , redimeret , & vt iustificatio legis in suis membris spiritualiter impleretur. Sic Iudas orās pro fratre suo Benjamin , dixit ad Ioseph:

Gen. 44. *Manebo seruus tuus pro puero in ministerio domini*



*mini mei, & puer scendat cum fratribus suis.*

De prole autem nata duplex præceptum in lege traditur. Vnum quidem generale quoad omnes: vt scilicet completis diebus purificationis matris offerretur sacrificium pro filio, siue pro filia. Et hoc quidem sacrificium erat, & ad expiationem peccati, in quo preles erat concepta, & nata; & etiam ad consecrationem quandam ipsius; quia tunc primò præsentabatur in templo; & ideo aliquid (scilicet agnus anniculus) offerebatur in holocaustum, & aliquid (turtur scilicet, aut pullus columbæ) pro peccato. Ita Anna etiam adduxit secum Samuel, postquam eum ablactauerat, in vitulis tribus, & tribus modis farina, & amphora vini, & adduxit eum ad domum Domini in Silo. Leuit. 12  
Reg. 1.

Alterum præceptum erat speciale in lege de primogenitis, tã in hominibus, quàm in iumentis. Sibi enim Dominus deputauerat omne primogenitum filiorum Israel, pro eo, quòd ad liberationem populi Israel percussisset primogenita Aegypti, ab homine vsque ad pecus, primogenitis filiorum Israel reseruatis. In hoc etiam præfigurabatur Christus, qui est primogenitus in multis fratribus, vt ait Exod. 13  
Rom. 8. Apostolus.

Quia igitur Christus ex muliere putabatur

batur natus quali primogenitus, voluit fieri sub lege, & hæc duo Euangelista circa eum fuisse obseruata ostendit.

Primò quidem id, quod pertinet ad  
 Luc. 2. primogenitos, cum dicit: *Tulerunt eum in Ierusalem, ut sisterent eum Domino: sicut scriptum est in lege Domini: Quia omne masculinum adaperiens vuluam, sanctum Domino vocabitur.* Secundò illud, quod pertinet communiter ad omnes, cum dicit: *Vt darent hostiam, secundum quod dictum erat in lege Domini, par turturum, aut duos pullos columbarum.*

Num. 28 Sed obiicit D. Thomas: Inter legales hostias præcipua fuit Agnus, qui erat iuge sacrificium: vnde etiam Christus dicitur Agnus: *Ecce Agnus Dei.* Magis ergo fuit conueniens, quod pro Christo offerretur agnus, etiam secundum legem, quam par turturum, aut duo pulli columbarum.

Leuit. 12 Respondet, quod in lege præcipiatur, ut, qui possent, agnum pro filio, aut filia, simul & turturem, siue columbam offerrent. Qui verò non sufficerent ad offerendum agnum, duos tortures, vel duos pullos columbarum offerret. Do-

Mat. 23. minus ergo, qui, cum diues esset, propter nos egenus factus est, ut illius inopia diuites essemus, pro se pauperum hostiam voluit offerre: sicut & in ipsa natiuitate pannis inuoluitur,

uoluitur, & reclinatur in praesepio.

Est & alia ratio mytica. Quia enim Sponsus in Canticis frequenter Sponsam suam columbā appellat, hinc considerare oportet conditiones columbæ, ut ex iis Sponsa, id est, anima Christiana consideret, quas in se perfectiones debeat habere.

Primò, Columba est victu munda. In cuius signum Columba *non inueniens, vbi Gen. 8. requiesceret pes eius*, (quia scilicet in aquam non poterat descendere, nisi super cadauera mortuorum) *reversa est ad Noë in arcam*. Ita anima Christiana à cadaueribus vitiorum, & rerum mundanarum debet abstinere, ne nisi in virtuosis actibus quiescere.

Secundò, Columba est fructu fecunda. Nam in regione calida, sicut est Ægyptus, omni mēse pullos dat. Et quanto penosior, tanto fructuosior. Sic anima Christiana in bonis operibus esse debet fructuosa, & omni tempore pullos bonorum operum gignere. Et ideo debet esse in calida regione, id est, in charitatis feruore; & pennosa in virtutum multiplicitate. Vnde David: *Quis Psal. 45. dabit mihi pennas, sicut columba, & volabo, & requiescam?*

Tertiò, Colúba est cantu gembunda.

Ita

- Ita anima Christiana pro cantu mundanarum lætitiarum, & humanæ consolationis debet habere gemitum tristis & gemebundæ meditationis. *Quasi columba meditates gememus.* Vnde etiam
- Isa. 59. Ezechias: *Meditabor, vt columba: attenuati sunt oculi mei, suspicientes in excelsum.* Columba enim semper meditando vadit, & postquam diu meditata fuerit, pro conclusionē gemit. Ita etiam meditari debet anima, præterita, præsentia, & futura. Alioqui similis erit serpenti, Scilla nomine, qui nullo modo potest respicere retro se: si enim flecteretur, creparet.

Quartò, Columba caret felle. Ita mansueta debet esse anima Christiana. Vis exemplum? Tolle corpus exanime, (dicebat S. Franciscus, vt refert D. Bonauentura c. 6. *vita*) & vbi placuerit, pone: videbis non repugnare motum, non murmurare situm, non reclamare dimissum. Quodd si statuatur in cathedra, non alta, sed ima respiciet: si collocetur in purpura, duplo pallefcet.

Quintò, Columba rostro non lædit. Hoc taciturnitatem significat animæ Christianæ, & neminem lædendum vitio linguæ. Taciturnitas enim puri cordis est custodia. Et Sapiens ait: *Mors, &*  
*vita*

Prou. 18.

*vita in manu linguæ*; scilicet non tam ratione gustus, quàm ratione loquelæ. Quare columba secunda, quam Noë ex arca emiserat, *venit ad eum ad vesperam*, Gen. 8. *portans ramum oliuæ virentibus foliis in ore suo.* Ramus oliuæ pacem significat, quam debemus in ore gerere: virentia folia pulchritudinem significant refrænata linguæ.

Sextò, Columba in cauernis petrarum nidificat. Ita nidificare debet anima Christiana in vulneribus Christi. Nam dum S. Franciscus (*c. i. vitæ*) sequestratus oraret, & præ nimietate feruoris totus esset absorptus in Deum, apparuit ei Christus Iesus veluti cruci confixus: ad cuius conspectum liquefacta est anima eius, & memoria passionis Christi ab illa hora ita illi inharebat, vt de ea cogitans non posset à lacrymis abstinere.

Septimò, Columba nutrit pullos alienos. Significat proximorum tolerantos esse defectus. Ita S. Franciscus (*c. i. vitæ*) cum obuium haberet leprosum, à quo abhorrebat, ex equo lapsus, accurrit, & pecuniam ei cum osculo dedit. Postea equum conscendens, statim vt se vertit, leprosum illum minime vidit.

Octauò,



142 IN PURIFICATIONE

Octauò, Columba alias errantes aſſociat, recolligit. Significat ex charitate monendos eſſe à via recta aberrantes.

1. Reg. 9. Ita Cis dixit ad Saul: Tolle tecum vnum de pueris, & conſurgens vade, & quere aſinas. Qui cum tranſſeſſent per montem Ephraim, & per terram Saluſa, & non inueniſſent, tranſierunt etiam per terram Salim, & non erant: ſed & per terram Iemini, & minime reppererunt. A tunc aberrantes ſunt animæ deuiantes.

Nonò, Columba iuxta ſluenta manet, & in iis vmbra accipit: riſ de lōge venientis inſpicit, quam videns itatim ad interiora foraminis fugiens ſe abſcondit. Accipiter diabolus eſt: vmbra illius in aqua ſplendet, quando tentatione mundi hominem torquet. Ita aſſumpſit Ieſum diabolus in montem excelſum valde: & oſtendit ei omnia regna mundi, & gloriam eorum, & dixit: Hac omnia tibi dabo, ſi cadens adoraueris me. Sed Chriſtus eum repulit, & ad interiora ſacræ Scripturæ confugit, dicēs: Scriptum eſt: Dominum Deum tuum adorabis, & illi ſoli ſeruies.

Decimò, Columba meliora grana eligit. Significat animam frequenter corpore Chriſti nutriendam. Sic Ruth in agro Booz colligebat ſpicas poſt terga metentium. Metentes ſunt Sacerdotes, qui quotidie caeleſtē illum panem de menſa

Domini

Domini metunt. Tunc autem & animæ spicas colligunt, quando mensæ Domini aliquando participes fiunt.

Vndecimò, Columba gregatim volat, & societatem diligit. Quod significat bonam quærendam esse societatem. Ita Esau, licet malus esset, dicebat Iacob: *Gradiamur simul, erog<sup>3</sup> socii itineris tui.* Gen. 33. Ille tamen nolebat, dicens: *Præcedat Dominus meus ante servum suum, & ego sequar paulatim vestigia eius.* At ille: *Oro te, ut populo, qui mecum est, saltem socij remaneant viae tue.*

12. Columba sanguinem habet medicinalem. Dicitur enim, quod sanguis eius sub dextera ala extractus, & calidus oculis intillatus dolorem mitigat, & sanat ophthalmiam oculorum. Sanguis, qui per animam vivit, significat fidem, quæ per charitatem vivit. Fides autem vera sanat ophthalmiam oculorū, quia cæcitatem pellit hæreticorum. Isto sanguine Iesus tetigit oculos cæcorum secus viam sedentium; & confestim viderunt, & secuti sunt eum. Qui secus viam sedebant errorum, illuminati fuerunt per veram fidē, & secuti sunt Iesum per charitatem.

13. Obliuiosa iniuriæ: nam sublati pullis, damni sui immemor, nidificare, pullificare iterum in eodem loco non omittit. Ita cum Iudæi sustulissent lapides, ut

Ioan. 10.  
lapida-

144 IN PURIFICATIONE

*lapidarent Iesum, & eum quærerent apprehendere, statim oblitus eorū, dixit ad discipulos suos: eamus in Iudam iterum. At illi:*

*Ioan 11. Rabbi, nunc quærebant te Iudæi lapidare, & iterum vadis illuc?*

14. Columba, quando potat, caput suum non erigit, quousque ei haultus potus sufficiat. Aqua significat gratiam diuinam, quæ cælo pluit sicut aqua ex aere descendit. Hanc oportet diligenter haurire, nec ad mundi auxilia interdum respicere, neque ad carnis blanditias caput leuare, neque etiam ad occursum diaboli trepidare; sed continuò ad satietatem bibere. Ita Dominus dixit Paulo:

*2. Cor. Sufficit tibi gratia mea. Quasi dicat: Noli aliunde expectare auxilium, noli caput tollere. sed ad satietatem bibe: sufficit enim tibi gratia mea.*

15. Caro columbina dura est ad digerendum, & viscosa: vnde grossum nutrimentum dat, maximè caro pullorum. Sed quando volare incipiunt, ratione motus multum ex illa grauitate amittunt. Quanto autè senior, tanto durior ad digerendum. Tunc columba carnem habet pullorum, quando adhuc mortificata est anima, nec per virtutes adhuc volare potest. Tunc autem senuit, quando primus feruor efferbuit, & charitas

langue-

languescit. Vnde Sponsus dicit: *Vtinam* Apoc. 9] *frigida esses, aut calida: sed quia tepida es, incipiam te euomere ex ore meo.*

16. Columba aliquando inuenitur domita, quæ ad deceptionem filuestrium est instructa. Nam filuestribus se associans, ad rete illas ducit, & cum illis rete intrat, & inuolui se permittit, & ita eas decipit. Ita anima, si per morum disciplinam fuerit edomita, facile alios ad virtutes trahet. Ita B. Agnes post sedecim dies à conuersione S. Claræ, diuino afflata spiritu, properat ad sororem Claram, eique indicat se velle penitus Domino deferuire. Quam illa gaudenter amplectens: Gratias, ait, ago Deo, dulcissima soror, quòd me de te sollicitam exaudiuit.

17. Columba aliquando est litteræ gerula. Diligit enim naturaliter locū, vbi primitus est nutrita: & quantumcunque deferatur ad longinquas partes, semper redit ad propria, si libertati fuerit restituta. Vnde columbæ solet alligari epistola sub ascella, quæ eleuat se in aëra, & non cessat, donec ad natiuitatis suæ locum redeat. Tunc columba fert epistolam, quando anima per orationem ad caelestem tendit patriam. Proficiscitur etiam tunc in terram longinquam: ex

K

qua

qua tunc refert epistolā, quando è cælo  
responsionem accipit diuinam.

4 Reg.  
20.

Talem mittebat Ezechias epistolam,  
quando accepta mortis sententia ora-  
bat dicens: *Obsecro, Domine, memento, quaeso,*  
*quomodo ambulauerim coram te in veritate, &*  
*in corde perfecto, & quod placitum est coram te,*  
*fecerim.* Mittebatur hæc epistola in cæ-  
lum: sed quale inde tulit responsum?  
*Hæc dicit Dominus Deus patris tui Dauid: Au-*  
*diui orationem tuam, & vidi lacrymas tuas: &*  
*ecce summi te, die tertio ascendes in templum*  
*Domini.*

Cant. 2.

Quod si has columbæ proprietates  
anima Christiana habeat, necesse est, vt  
æterno sponso placeat. Tunc benignè  
ab illo vocabitur: *Surge, propera, amica mea,*  
*columb. mea, formosa mea, & veni.* Surge à  
veteri conuersatione, propera per vir-  
tutum incrementum, & veni per opta-  
tum perseverantiæ complementum.



I N  
C A T H E D R A  
S. P E T R I.

Exordium:

**O**lim apud Romanos Metello Africano debitus honos non solum à ciuibus, sed etiam ab hoste tributus est. Siquidè rex Antiochus bello, quod cum Romanis gerebat, filium eius à militibus suis interceptum, honoratissimè excepit, regiisq; muneribus donatum, ultro, & celeriter patri remisit: quam ab eo tum maximè finibus imperij pellebatur. Sed & Rex laceffitus maiestatem excellentissimi viri venerari, quàm dolorem suum vlcisci maluit.

Quantò ergo honore, & reuerentia S. Petrus Apostolus excipiendus est, qui caput Ecclesiæ in terris à Christo constitutus est?

Euangelium:

*Venit Iesus in partes Casarea Philippi, & interrogabat discipulos suos, dicens: Quem dicunt homines esse filium hominis?* Matt 16.

Thema:

*Super hanc petram adificabo Ecclesiam meam. Ibid.*

Hæretici nostri temporis, cum in aliis  
ferè dogmatibus non minùs inter se,  
quàm à nobis dissentiant, in hoc tamen  
omnes conueniunt, vt totis viribus,  
summaque animi contentione Romani  
Pontificis sedem oppugnent: & nulli  
fuerunt vnquam hostes Christi, atque  
Ecclesiæ, qui simul cū hac sede bellum  
non gesserint. Quod longè ante præui-  
disse, & prædixisse videtur Isaïas: *Ecce ego*  
*mittam in fundamentis Sion lapidem, lapidem*  
*probatum, angularem, pretiosum, in fundamento*  
*fundatum.* Et vt hæreticorum contentio-  
nem, & impetum significet, vocat hunc  
ipsum lapidem, *lapidem offensionis, & petram*  
*scandali.* Quæ posteriora verba etsi ab  
Isaïa non eodem loco posita sint, quo  
priora, tamen Apostolus Paulus, & Apo-  
stolus Petrus ita hæc Prophetæ verba  
copularunt, vt nemini dubium esse pos-  
sit, quin ad eundem finem, idemque  
propositum referantur: & quanquam  
hæc verba in Christum præcipuè con-  
uenire non ignoramus, eadem tamen  
non ineptè in Vicarium Christi qua-  
drare censemus.

Quæ sunt igitur fundamenta Sion?  
Explicat hoc Apostolus Ioānes. Descri-  
bens enim huius eiusdem ciuitatis par-  
tes omnes, atque ornamenta, inter ce-  
tera

Isa. 28.

Isa. 8.

Rom. 9.  
1. Pet. 2.

tera sic ait: *Et murus ciuitatis habens fundamenta duodecim, & in ipsis duodecim nomina duodecim Apostolorum agni.* Fundamenta ergo Sion Apostoli sunt: in his numeratur, & excellit singularis quidam lapis. *Ecce ego* Isa. 28. *mittam in fundamentis Sion Lapidem.* Quis iste lapis sit, nemo ignorat, qui Euangelium legit. Cum enim ex Apostolis duodecim vnus diceretur Simon, Dominus ei nomen mutauit, & pro Simone Petrum dici voluit, petram inquam: siquidem lingua Syrorum, qua Dominus sine dubio utebatur, nihil aliud Cephas, quam petram significat. *Intuitus autem cum Iesus, dixit: Tu es Simon filius Iona: tu vocaberis Cephas.* Ioan. 1. *quod interpretatur Petrus.* Et alibi: *Et ego dico* Matt. 16. *tibi, quia tu es Petrus, siue petra, sed nos Latini commodius dicimus Petrus, & super hanc petram edificabo Ecclesiam meam.* Ecce vobis lapidem in fundamentis Sion. Sed qualem putatis lapidē? *Lapidem,* inquit, Isa. 28. *probatum, angularem, pretiosum, in fundamento fundatum.*

*Lapidem probatum:* siquidem omni genere probationis tentata est hac petra, omnes portæ inferorum in eam impetum fecerunt. Ac vt omittam persecutiones Iudæorum, & Ethnicorum, quæ huic sedi cum reliqua Ecclesia communes fuerunt, certè in primis hæretici

permulti non semel, neque bis, sed frequentissimè renouatis exercitibus cum hac sede aperto Marte conflixerunt.

Deinde Græcorum æmulatio, ac superbia non antea distitit cum hac sede bellum gerere, quàm ipsi à Turcarum Imperatore oppressi religionem quoque cum dignitate amiserunt.

Tum Imperatores potentissimi, & Christiani, & quod maius est, sub nomine religionis, & pietatis, hanc ipsam sedem, vnde ad ipsos Imperij Romani sceptru peruenerunt, deicere, atque euertere sunt conati. Nec enim ignoratis, quas tragœdias in Ecclesia Henricus iv. Henricus v. Otho iv. Fridericus ii. aliique nonnulli aduersis temporibus excitauerint.

Et quasi hæc parua fuissent, addidit Satan Romanum populum contra Pontifices commouere. Extat adhuc S. Bernardi epistola grauissima ad Senatum, populumque Romanum, qua seditionem eorum contra Eugenium Papam à Diabolo concitatam sedare conatur. Eiusmodi verò seditiones turbulentissimæ, & perniciosissimæ, atque ad Romanum Pontificem perdendum aptissimæ aliquot non diebus, neque mensibus, sed annis, imò & sæculis durauerunt.

Huc

Huc accesserunt schisinata grauissima, & plurima ipsorum inter se Romanorum Pontificum, quibus non potuisset vlllo modo non cedere, & tandem labefactari, ac destrui Petri sedes, si non petra esset firmissima, ac probatissima, & ab illo in fundamentis Sion constituta, qui ait: *Et porta inferi non preualebunt aduersus eam.* Matt. 16.

Ac ne fortè putaremus ob vitam incorruptā, & mores integerrimos summorum Pontificū tam diu stetisse hanc sedem, permisit ad extremum Deus, vt etiam quidam parum probi Pontifices aliquando hanc sedem tenerent, & regerent: quales sanè fuerunt Stephanus vi. Leo v. Christophorus i. Sergius iiii. Ioannes xii. alique non pauci. si vera sunt, quæ de eorum vita, & moribus, & rebus gestis apud Historicos eorum temporum scripta leguntur. Itaque nihil est, quòd hæretici tantum laborent in quorūdam Pontificum vitiis conquirendis. Nos agnoscimus enim, & fate-mur, ea fuisse non pauca: sed tantum abest, vt iis gloria huius sedis obscuretur, vel minuatur, vt iisdem potius vehementer crescat, & amplificetur. Hinc enim intelligimus, non humano consilio, prudentia, viribus Romanum Pon-



tificatū tamdiu consistere, sed quia hæc petra ita à Domino roborata, diuinitus fundata, Angelorū custodiis septa, singulari Dei prouidentia, & protectione munita est, vt aduersus eam portæ inferorum nullo modo præualere possint, siue illis portis persecutio Tyrānorum, siue rabies Hæreticorum, siue schismaticorum furor, siue scelera & flagitia designentur.

Isa. 28.

*Angularem:* qui nimirum duos parietes connectat. Quod positum videtur ad demonstrandum discrimen inter Pontificem Christianorū, & Iudæorū. Ille enim lapis quidam erat, & fundamentum, sed non lapis angularis. Nec enim parietes duos, sed vnum tātū sustentabat. At noster lapis angularis est: nam & Iudæi, & Gentes, quasi parietes duo coniuncti simul, atque vnam Christianam Ecclesiam facientes, ab hoc vno angulari lapide continentur.

Ibid.

*Pretiosum:* hoc vno verbo infinitus bonorum thesaurus significatus est, qui à Petri sede in omnem Ecclesiam copiosissimè, atq; vberrimè deriuatur. Vnde ad Germaniā, Galliam, Angliam, aliasque remotissimas prouincias missi sunt, qui Euangelium prædicarēt, nisi ab hac sede? Vbinam Episcopi de suis sedibus pulsi,

pulsi, totoque orbe profugi, vt Athanasius quondam, & Petrus Alexandrini, Paulus, & Chrysostomus Constantino-  
politani, auxilium, & refugium inue-  
runt, nisi in hac sede? Vnde dogmatum  
explicationem, ritus Sacramentorum,  
indulgentiarum communicationē ha-  
bemus, nisi ab hac sede? Vnde, vt cete-  
ra prætermittam, quæ nimis longum  
esset enumerare, consensio in doctrina,  
vinculum pacis, vnitas fidei, quæ est ipsa  
salus, & vita religionis, nisi ab hac sede?  
Alioqui enim cur hæretici nostri tem-  
poris, cum satis multas, & amplas pro-  
uincias obtineant, Angliam, Scotiam,  
Danim, Noruegiam, Sueciam, & Ger-  
maniam, Poloniam, Boemiam, Hungariam non  
exiguam partem, nunquam adhuc vnum  
generale Concilium, in quo vel de vno  
articulo omnes cōuenirent, cogere po-  
tuerunt? Cur etiam Græci ab anno  
D. CCC. quo à sede Petri, Romanaque  
Ecclesia discesserunt, per illos totos fer-  
mè D. CCC. annos ne vnā quidem  
Synodum celebrarunt in argumentum  
mutuæ per ipsos consensionis, & pacis?  
Cum nos è cōtrario ab eo tempore cir-  
citer decem Concilia generalia, eaque  
frequentissima habuerimus, quorum  
postremum est hoc ipso tempore, quo

Lutherani inter se acerrimè digladiantur, & de concordia planè desperant, summa Patrum consensione celebratum. Quæ potest esse huius tantæ differentiæ ratio, nisi quòd illi eo duce, ac rectore carent, qui solus potest, ac debet fratres omnes in fide confirmare, & Ecclesiam vniuersam in vnitate retinere?

- Isa. 28. *In fundamento fundatum. Quid est In fundamento fundatum, nisi fundamentum post fundamentum, fundamentum secundarium, non primum? Siquidem primum, ac præcipuum Ecclesiæ fundamentum non ignoramus esse Christum,*
1. Cor. 3. *de quo Apostolus ait: Fundamentum enim aliud nemo potest ponere, præter id, quod positum est, quod est Christus Iesus. At post Christum fundamentum est Petrus, & nisi per Petrum, non peruenitur ad Christum. Iacent licet Hæretici Christum, eiusque verbum, & doctrinam sequi se glorientur, necesse tamen est, vt inquit magnus Leo epist. ad Episcopos Viennensis prouinciæ, exortem ministerij illum esse diuini, qui ausus fuerit à Petri soliditate recedere. Est igitur Petri sedes lapis probatus, angularis, preciosus, in fundamento fundatus: & id quidem nobis.*
- Isa. 28. *At verò aduersariis nostris hæreticis*

nihil

nihil est aliud, quàm *lapis offensionis*, & *pe-* Iſa. 8.  
*tra ſcandali*. Cùm enim deberent ſe ſuper  
eam ædificare in templum ſanctum in  
Domino, illi contrà vt verè cæci, atque  
furentes in eam impingunt. Diſplicet  
enim humanæ ſapientiæ, diſplicet ſu-  
perbiæ eorum, qui in oculis ſuis pru-  
dentes ſunt, vt vnus mortalis, quo nec  
eruditione, nec probitate, nec vlla alia  
ratione inferiores ſe iudicant, funda-  
mentum dicatur Eccleſiæ, ſuper quod  
tantum, tam ingens, tam ſublime, tam  
immensum ædificium collocetur. Pro-  
pterea verò eis hoc diſplicet, quia non  
intelligūt, quàm ſit Deo non ſolùm fa-  
cile, ſed etiam glorioſum *infirmis eligere*, 1. Cor. 1.  
*vt confundat fortia*. Nec animaduertunt  
hanc eſſe Dei conſuetudinem, vt per fi-  
dem, & humilitatem, ad ſapientiam, &  
gloriam nos deducat. Sic nimirum con-  
ſtituit per ſtultitiam prædicationis cru-  
cifixi ſaluos facere credentes. Sic piſca-  
tores elegit, vt conuerteret Imperato-  
res. Sic rebus abiectis, ac vilibus, aqua,  
oleo, panis, viniq̃ue ſpeciebus Sacra-  
mentorum virtutes, & infinitos dono-  
rum cæleſtium theſauros alligauit: vt  
dum fide, & humilitate rebus illis abie-  
ctis ſubiicimur, ad sortem filiorum Dei,  
& ad ipſius diuinæ naturæ conſortium  
eucha-

euehamur. Sed illi ad hæc omnia oculos claudunt, & solùm contra petram salutarem, contraque consilium Dei infamire, & debacchari non cessant, vt verè sit illis *lapis offensionis, & petra scanduli*. Hanc enim sedem Donatistæ quondã cathedram pestilentia nominabant : huius sedis Pontificem Berengarius Pontificem, atque pulpificẽ vocitabat : hanc Waldenses purpuratam meretricem : hanc Ioannes Wiclef Satana synagogam : hanc Lutherani, Calvinistæ, Anabaptistæ, Antichristi solium esse contendunt. Et cum à nobis in plurimis aliis rebus dissideant, tamen hinc solùm nobis nomen imponere voluerunt. Nec enim aliud, quàm Papistas nos vocant, quasi vel solùm, vel præcipuè in summo Pontifice tuendo errare nos arbitrentur. Neque putant se maiori contumelia aliquem afficere posse, quàm si eum nominent Papam. Quin etiam è contrario loca omnia cœnosa, ac sordida, & quidquid turpe in rerum natura reperitur, Papæ vocabulo appellare cœperunt. Denique is est Caluini, atque Lutheri, eorumque similium in Pontificem animus, vt cum de omnibus aliis rebus mordaciter, & petulanter, scribant, in Pontifice summo vexando, &

probris,



probris, calumniis, conuiciis onerando, furiis agitari, & malo dæmone pleni esse, vel potius hominem exuisse, & dæmonem induisse videantur. Ceterum quia ipsi, velint, nolint, lutei fragilesque sunt, summus verò Pontificatus firmissima petra est, non ipsi, dum ad hanc sedem offendunt, eam confringent, sed ab ea potius sine dubio cõterentur. *Qui ceciderit super lapidem istum*, ait Dominus, *Matt. 21. confringetur: super quem verò ceciderit, conteret eum.* Vt enim ingens aliquis scopulus, qui in medio mari super vndas, ac fluctus eminet, non deiicitur vnquam, nec mouetur, licet identidem vētōrum flatus, marisque fluctus magno impetu in eum incurrant, sed eos potius omnes soluit, ac frangit: sic Petri sedes toties iam à Iudæis, ethnicis, hæreticis, seditiosis, schismaticis, incredibili furore pulsata, illis ferè omnibus vel consumptis, vel subactis, vel prostratis, supra mille & sexcentos annos stat immota: & semper frustra circumlaurantibus hæreticis culmen auctoritatis obtinuit. Sic ut *accedens Abimelech iuxta turrim, pugnabat fortiter: & appropinquans ostio, ignem supponere nitebatur: & ecce vna mulier fragmen molæ de super iaciens, illisit capiti Abimelech, & confregit cerebrum eius.* *Iudic 9.*

Morale.

## Morale.

Matt. 16. *Super hanc petram edificabo Ecclesiam meam.*

Psal. 88. **S**anctus Petrus ter exaltatus fuit in terra. Primò per electionem. *Exaltaui electum de plebe mea.* Præ ceteris enim electus est à Christo in pastorem ouium. Dicit Simoni Petro Iesus: *Simon Ioannis, diligis me plus his?* Dicit ei: *Etiā Dōmine, tu scis, quia amo te.* Quod eum secundò, & tertio in-

Ioan. vlt. terrogauit, & tunc dixit ei: *Pasce oues meas.* Ter hoc eum interrogauit, ad designandum, quòd S. Petrus cum successoribus suis populum sibi subiectum tripliciter debet pascere: verbo, exemplo, & oratione. *Pascite, qui in vobis est, gregem.* Nam

1. Pet. 5. *hac dicit Dominus Deus: Ecce ego ipse super pastores requiram gregem meum de manu eorum.* Et

Ibid. paulò ante: *Va pastoribus Israel, qui pascebant semetipsos: no me greges à pastoribus pascuntur? Lac comedebatis, & lanis operiebamini, & quod crassum erat, occidebatis: gregem autem meum non pascebatis.* Pastores itaque peruigilare debent, quasi rationem pro animabus ouium reddaturi: quoniam iudicium durissimum his, qui præsunt, fiet.

Secundò fuit exaltatus per miraculorum operationem. *Magis autem agebatur creden-*

crede  
mulie  
pone  
salte  
rum  
rum  
min  
quer  
nat t  
tibi.  
fuit  
est a  
Eie  
oran  
furg  
sed  
mat  
Quo  
Chri  
steri  
T  
nan  
fuit  
dim  
tuas  
Hoc  
tur  
Po  
S. Pe  
dier

credentium in Domino multitudo virorum, & mulierum, ita vt in plateas eicerent infirmos, & ponerent in lectulis, ac grabatis, vt veniente Petro, saltem vmlra illius obumbraret quemquam illorum, & liberarentur ab infirmitatibus suis. Iterum: Inuenit autem ibi hominem quemdam, nomine Aeneam, ab annis octo iacentem in grabato. Act. 9.  
 quier. t. paralyticus. Et ait illi Petrus: Aenea, sanat te Dominus Iesus Christus: surge, & sterne tibi. Et continuo surrexit. Item: In Ioppe autem Ibid.  
 fuit quedam discipula, nomine Tabitha. Factum est autem in diebus illis, vt infirmata moreretur. Eiectis autem omnibus foras, Petrus ponens genua orauit: & conuersus ad corpus, dixit: Tabitha, surge. At illa aperuit oculos suos, & viso Petro resedit. Et quidam vir, qui erat claudus ex vtero Act. 5.  
 matris sue, habitabatur. Ad quem Petrus: Quod autem habeo, hoc tibi do: In nomine Iesu Christi Nazareni surge, & ambula. Et exiliens stetit, & ambulabat.

Tertio exaltatus fuit per passionem: nam à terra cleuatus in cruce suspensus fuit pedibus sursum, & capite in terram dimisso. Cum autem senueris, extendes manus Ioan. vlt.  
 tuas, & alius te cinget, & ducet, quò tu non vis. Hoc autem dixit, significans qua morte clarificaturus esset Deum.

Porro D. Augustinus *serm. i. de cathedra S. Petri* ait: Institutio solennitatis hodiernæ à senioribus nostris Cathedræ nomen

160 IN CATHEDRA S. PETRI.

nomen accepit, ideo quòd primus Apolorum Petrus hodie Episcopatus Cathedralam suscepisse referatur. Sicut Pharaon dixit ad Ioseph: *Tu eris super domum meam, & ad tui oris imperium cunctus populus obediet: vno tantum regni folio te precedam.* Ita

Gen 41. Christus S. Petrum constituit dominum domus sue, & principem omnis possessionis sue, scilicet Ecclesiæ, ita vt vicem Christi in terris subeat. Ipsum ergo honoremus in hoc mundo, vt eum nobis propitium sentiamus in cælo. Amen.

---

I N F E S T O  
S. M A T T H I Æ.

Exordium:

Iosu. 4. **C**Um arca Domini transfret Iordanem, dixit Dominus ad Iosue: *Elige duodecim viros, singulos per singulas tribus, & præcipe eis, vt tollant de medio Iordanis alueo, vbi steterunt pedes Sacerdotum, duodecim durissimos lapides, quos ponetis in loco castrorum, vbi fixeritis hac nocte tentoria.*

Moraliter:

Duodecim illi lapides significant  
duode-

IN FESTO S. MATTHIAE. 161  
duodecim Apostolos. Quamdiu in hoc  
mundo agimus, quasi Iordanem fluen-  
tium aquarum transimus: & felices, qui  
sicco transeunt pede, nec madescunt  
præterlabente vanitate. Vbi autem ten-  
toria figuntur Catholicæ Ecclesiæ, ibi  
lapides illi sunt ponendi: quia funda-  
menta Ecclesiæ sancti collocantur Apo-  
stoli. Vnde Paulus: *Iam non estis hospites & Ephes. 2.  
aduena, sed estis ciues sanctorum, & domestici Dei,  
superedificati supra fundamentum Apostolorum,  
& Prophetarum, ipso summo angulari lapide,  
Christo Iesu.*

### Euangelium:

*Confiteor tibi Pater, Domine cali, & terra, Matt. 11.  
quia abscondisti hæc à sapientibus, & prudentibus.*

### Thema:

*Idem.*

Occasione horum verborum duo po-  
nemus dogmata de ordinatione, & vo-  
catione Ministrorum Ecclesiæ.

Primum est: Vocatio, seu missio Mi-  
nistrorum non ad populum pertinet,  
sed ad Episcopos, & potissimum sum-  
mum Pontificem.

Probatur primò ex verbo Dei: legi-  
mus enim Petro collatam potestatem:  
*Tibi dabo clauis. Et: Pisce oves meas. Et rursus Matt. 16.  
Apostolis: Ego mitto vos: quorum remiseritis Ioan. 21.  
Ioan. 20.  
peccata,*



*peccata, remittuntur eis.* Multitudini autem fidelium Christus auctor omnis Ecclesiasticae iurisdictionis nihil vnquam tribuisse legitur.

Probatur secundo ex Apostolica consuetudine: nam Paulus & Barnabas Episcopi, & Apostoli constituebant per ciuitates Presbyteros. Et: *Huius rei gratia reliqui te Creta, vt constituas per ciuitates Presbyteros, sicut ego constitui tibi.* Et ipsi etiam Centuriatores *cent. 1. l. 2. c. 2.* fatentur, primos Episcopos post Apostolos ab Apostolis constitutos.

Act 14.  
Tit. 1.

Probatur tertio ex eo, quod electio Episcoporum populo nequaquam conuenit: ex quo sequitur maiori ratione, vocationem eidem populo non conuenire.

Dogma secundum: Electio Ministrorum Ecclesiae non fit à solo Deo. Afferitur illud aduersus errores Ioannis Wiclef, & Ioannis Hufsi, qui damnati sunt in Concilio Constantiensi.

Refellitur iste error, & sententia nostra probatur primo exēplo ipsius Dei, qui non semper eligit praedestinos ad gubernacula politica, vel Ecclesiastica. Nam Saulem Deus elegit, qui tamen postea reprobus fuit. Et Christus Iudam elegit, quem constat minimè fuisse praedestina-

1. Reg.  
10.

destina-

destinatum. *Nonne ego, inquit, vos duodecim Ioan. 6. elegi, & vnus ex vobis diabolus est?*

Probatur secundò exemplis Apostolorum, qui elegerunt Diaconos, & inter eos Nicolaum, qui postea fuit Hæresiar-cha. Ex quo apparet, eos non laborasse in electione, essentne prædestinati, an reprobi, quos eligebant, cùm satis intelligerent, id sciri non posse.

Probatur tertio ex Patribus. Origenes *hom. 4. in l. Iudic.* docet ac demonstrat, sæpe diuinam prouidentiam ad puniendâ peccata populorum efficere, vt impij tedeant ad gubernacula, tum regnorum, tum etiam Ecclesiarum. Chrysostomus autem *homil. postrema in epistola ad Hebræos*, Augustinus *l. 2. c. 4. contra epist. Parmeniani*, & Bernardus *serm. 66. in Cant.* docent, homines malos veros esse posse Episcopos, si legitimè eligantur. Id quod etiam confirmat S. Bernardus ex testimonio illo de Caipha: *Cùm esset Pontifex Ioan. 11. anni illius, prophetauit.* Fuit enim Caiphas, etsi iniquus, & reprobus, verissimus Pontifex, cùm eius dignitatis gratiâ Deus dederit ei, vt prophetaret.

Probatur quartò ratione. Si solus Deus eligeret Pastores Ecclesiæ, aut id faceret sola sua voluntate, sine vlllo signo externo, & visibili: aut certè visibili

aliquo signo. Si primū affirmetur, quid nobis eiusmodi electio prodesset? Nunquam enim sciremus, quis Ecclesiæ esset Pastor. Si secundum, aut signum illud prodigiosum esset, ac præter ordinem naturæ; vt columbæ descensus, aut cælestis aliquis fulgor: aut certè loco signi accipiendæ essent sortes; quomodo Apostoli cupientes S. Matthiam eligi à solo Deo, sortibus vsi sunt.

At prodigia illa columbæ, & luminis rarissima esse solent, certè hoc tempore minimè videmus.

Sortibus autē vti, cū humano consilio res potest transigi, nullo modo licet. Nam sortes putantur gubernari, aut à casu, aut à cælo, aut à diabolo, aut à Deo. Si à casu, stultum est homines ratione præditos velle sortibus eligere Pastores suos, & fortunæ temeritati committere, quod poterant cōsiliij maturitate definire. Si à cælo, superstitionis vitium est, vti sortibus in eiusmodi electionibus. Neque enim cælum vim habet moderandi liberas actiones, quales sunt iacere sortes, vel educere.

Si à diabolo, impium, & sacrilegum est, sacrarum rerum auctore diabolum facere. Si denique à Deo, peccatum est tentationis Dei, expetere, atque expectare

etare à Deo, vt ipse sortes dirigat, quando neque ipse facturum id se promisit, neque deest humanum consilium.

Quocirca Ecclesia rationem eligendi Prælatos sortibus meritò improbauit *c. Ecclesia, Extra. de sortilegiis*: quam rationem reprehendunt etiam Hieronymus *in c. 1. Iona*, & Beda *in c. 1. Act.*

At, inquires, Salomon asserit sortes gubernari à Deo: *Sortes mittuntur in sinu, à Prou. 26.*  
*Domino autem temperantur.* Respondetur Salomonem dicere voluisse, omnia gubernari à diuina prouidentia, etiam si nobis planè casu quodam fieri videantur; vt id, quod sorte alicui contingit. Porro diuina prouidentia in sortibus cernitur, non quod semper, qui sorte eligitur, melior sit, sed quòd siue melior, siue peior sit, non sine Dei prouidentia eligatur: qualis prouidentia in omnibus aliis euentibus, quamuis maximè fortuitis, cernitur. Proinde non tollit ista communis prouidentia casum, neque facit, vt melius sit, Præpositos Ecclesiæ sorte eligere, quàm suffragiis.

Neque his repugnat exemplū Mat- Act. 1.  
 thix, qui sorte electus fuit. Nam in primis non fuerunt fortassis illæ sortes propriæ dictæ, sed cæleste aliquod lumen super Matthiam à Deo effusum; vt

indicare videtur Dionysius Areopagita de Ecclesiastica Hierarchia c. 5. p. 3. Aut sortes illæ certè veræ, & propriæ fuerunt, sed priuilegium, atque inspiratio Dei peculiaris causa fuit, cur iis Apostoli vterentur. Quia enim Apostoli ceteri à Christo electi fuerant, ne videretur S. Matthias ceteris inferior, voluit fortassis idem Christus per se illum eligere. Itaque inspirauit Apostolis, vt vterentur sorte. Sed priuilegium, vt Hieronymus notat in c. 1. Iona, non debet trahi in exemplum ordinarium electionum.

Aut postremò sine vllò priuilegio sortibus Apostoli in ea electione vti voluerunt, quòd Matthias, & Barnabas aded essent pares sanctitate, & doctrina, vt humano iudicio discerni non posset, vter esset præponendus. In eiusmodi enim casibus licitus est sortiũ vsus, tum quia non tentatur Deus, cum ab eo exquiritur, quod humano iudicio non potest declarari: tum quia nullum est periculum, quicumque sorte exeat, etiam si planè exiret casu, quando pares sunt, de quibus præficiendis agitur, & tollitur materia querimoniarum, nullique fit iniuria.

Quapropter sortibus vtendum esse in eiusmodi casibus, docet S. Augustinus

nus



nus l. i. *doctrina Christiana*, c. 28. & in ep. 180.  
*ad Honoratum*: Quomodo apud Iudæos ex  
 multis sacerdotibus sorte eligebatur  
 vnus, qui certo tempore thus Domino  
 adoleret. Vnde illud: Sorte exiit, vt Zacha- Luc. i.  
 rias incensum poneret, &c. Atque ad hunc ri-  
 tum respexisse Apostolos in electione  
 Matthiæ, testantur Ambrosius in c. i. Lu-  
 ca, & Beda in c. i. Actorum.

## Morale.

*Abcondisti hæc à sapientibus, & prudentibus.* Matt. 13.

**S**Ciendum est, quòd aliter eligit mun-  
 dus, aliter Christus. Mundus eligit ad  
 honores nobiles, & potentes: eligit iu-  
 dices, & sapientes: eligit diuites, &  
 abundantes.

Christus autè primò elegit infirmos,  
 & ignobiles. Vnde scribitur: Ibi fuerunt Baruch 3  
 gigantes nominati, illi qui ab initio fuerunt, statu-  
 ra magna, sciens bellum. Non hos elegit Domi-  
 nus. Quare, quæso? Vt ostenderet se hu-  
 mana non indigere potentia: tunc enim  
 tota laus in Deum refertur, cùm poten-  
 tissimus ab infirmissimo expugnatur.  
 Nemo miratur, quando felis vincit mu-  
 rem, canis leporem, lupo ouem, leo bo-  
 uem: sed magna esset admiratio, si mus

felem inuaderet, lepus canem occideret, ouis lupum fugaret, bos sibi leonem  
 1. Cor. 1. subiiceret. Ita infirma mundi elegit Deus, vt  
*confundat fortia: & ignobilia mundi, & contem-*  
*pribilia elegit Deus, & ea, quæ non sunt, vt ea, quæ*  
*sunt, destrueret: vt non gloriatur omnis caro in con-*  
*spectu eius.* Quis vilior Petro? & tamen  
 per ipsum Dominus totum Romanum  
 Imperium subiugauit. Videmus etiam,  
 quòd aquila timeat hirundinem, ele-  
 phas murem, leo gallum albas pen-  
 nas habentem, lupus lapidem. Ita sæpe  
 Iud. 16. potentes à debilibus superantur. Sam-  
 sonis sufficiat exemplum, qui à femina  
 ligatus fuit, à Philistæis excæcatus. Cum  
 ergo in omnibus rebus magna, & fortia,  
 timeant parua, & debilia: cur diuinam  
 mirabimur prouidentiam, quæ trepida-  
 re facit fortia, & debilia facit esse se-  
 cura?

Secundò non elegit Christus Philo-  
 sophos, & sapientes, sed stultos, & sim-  
 plices. 1. Cor. 1. *Quæ stulta sunt mundi, elegit Deus, vt*  
*confundat sapientes.* Quis Ioãne simplicior?  
 Ipse rusticus, piscator, indoctus: & ta-  
 men Christi magnalia intonuit, dicens:  
 Ioan. 1. *In principio erat verbum, & verbum erat apud*  
*Deum, & Deus erat verbum.* Hoc doctus Pla-  
 to nesciuit: hoc Demosthenes eloquens  
 ignorauit. Augustinus tamen dicit l. 10.

de ciuitat. c. 29. se legisse in libris Platonis  
 torum Ioannis Euangelium à principio  
 vsque ad eum locum : *Verbum caro factum  
 est*: quia incarnationis beneficium non  
 agnouit. Et dicit S. Augustinus se audi-  
 uisse à S. Simpliciano sene, quod quidam  
 Platonius Euangelium S. Ioannis le-  
 gens ad circumstantes dixerit : Hoc au-  
 reis deberet litteris conscribi, & in loco  
 valde alto suspendi, vt ab omnibus pos-  
 sit legi. Refert etiam Cassiodorus l. 2. hi-  
 storie tripartite c. 4. quòd dum Constanti-  
 nus fidem Christi acceperat, quidā Phi-  
 losophuseum arguebat, quòd antiquam  
 inconsultè fidem reliquisset. Et cùm di-  
 sputare vellet cum Alexandro Episcopo  
 Constantinop. viro simplicissimo, sed  
 sancto, & in Deo confidente, is coram  
 omnibus dixit Philosopho : *In nomine  
 Christi tibi precipio, vt non lo uaris*. Quo audi-  
 to loqui non potuit obligato sibi ore.  
 S. etiam Catharina solum Christū con-  
 fessa electos philosophos obmutescere  
 fecit, & eos ad Christi fidem conuertit.

Tertiò Dominus elegit pauperes. Non-  
*Iac. 2.*  
*ne Deus elegit pauperes in hoc mundo, diuites in*  
*fide, & heredes regni, quod repromisit Deus dili-*  
*gentibus se ? Quare hoc ? Ne si per diuites*  
*mundum vicisset, non Deo victoria, sed*  
*diuitiis attributa fuisset. Nam & Romani*

L 5      rusticos

170 IN FESTO S. MATTHIAE.

rusticos ab aratro subtrahebant, quos ad Imperium promouebāt, & per eos gentes subiugabant. Maximum hoc igitur miraculorum est, quòd Deus per paucitatem Apostolorū mundi vicerit multitudinem; per eorum infirmitatē mundi potentiam; per eorum simplicitatē mundi sapientiam; per eorum paupertatem mundi diuitias & sæculi gloriam.

**Psal. 64.** Vnde Psalmista: *Beatus, quem elegisti, & assumpsisti: inhabitabit in atriis tuis. Quem elegisti secundum veritatem, non secundum opinionem: secundum æternitatem, non secundum vocationem temporālē. Nam & de Iudæ dicit Dominus:*

**Joan. 6.** *Nonne ego vos duodecim elegi: & ex vobis vnus diabolus est? Dicebat autem Iudæ Simonis Iscariotem: hic enim erat traditurus eum, cū esset vnus ex duodecim. Atria Domini sunt habitacula cælestia. Quā dilecta tabernacula tua, Domine virtutum: concupiscit, & deficit anima mea in atria Domini. Ad hæc atria hodie ingressus est Apostolus, qui loco Iudæ in Apostolum prius electus erat. Nam*

**Psal. 83.** *Quā dilecta tabernacula tua, Domine virtutum: concupiscit, & deficit anima mea in atria Domini. Ad hæc atria hodie ingressus est Apostolus, qui loco Iudæ in Apostolum prius electus erat. Nam*

**Act. 1.** *Apostoli statuerunt duos, Ioseph, qui vocabatur Barsabas, qui cognominatus est Iustus, & Matthiam. Et dederunt sortes eis, & cecidit fors super Matthiam, & annumeratus est cum vndecim Apostolis.*

I N  
A N N U N C I A T I O N E  
B. M A R I Æ.

Exordium:

**I**N arca Noë, per quam salus mundo Gen. 6:  
remansit, erat fenestra vitrea, per  
quam lux intrabat habitantibus in arca;  
& tamen aqua diluuij per fenestram il-  
lam intrare non valuit. Per arcam nota  
B. Virginem, in qua Noë, scilicet vera  
requies, id est, Dei Filius requieuit. *Qui Eccli. 24:  
creauit me, requieuit in tabernaculo meo.* Aures  
namque eius aded erant diaphanæ, vt  
per ipsas intraret diuina lux Angelo  
nunciante, quam omnes saluandi per-  
ciperent. Ego feci, inquit, *in calis, vt oriretur Ibid.  
lumen indeficiens.* Sed etiam tantæ solidita-  
tis fuit B. Virgo, vt nec aquæ alicuius  
peccati per ipsam, vel ad ipsam possent  
accedere. Qui igitur ad æternam venire  
volunt patriam, hanc lucem indefi-  
nenter aspiciant, vt valeant peruenire.

Euangelium:

*Missus est Gabriel Angelus à Deo in ciuitatem Luc. 1.  
Galilææ, cui nomen Nazareth, ad Virginem  
despon-*



de sponsa tam viro, cui nomen erat Ioseph, de domo  
David, & nomen Virginis, Maria.

## Thema:

*Idem.*

Quatuor hic breuiter cum D. Thoma  
p. 3. q. 30. quaestiones tractabimus, quibus  
myteria annuntiationis Angelicae aper-  
riemus. Prima est: Cur annunciatum  
fuerit Virgini, quod in ea generandum  
erat? Nunquid etiam sine nuncio con-  
cipere poterat?

Quatuor huius rei causas inuenio.

Primò, vt seruaretur congruus ordo  
coniunctionis filij Dei ad Virginem, vt  
scilicet prius mens eius de ipso instrue-  
retur, quàm carne eum conciperet. Vn-  
de S. Augustinus l. de virginitate, c. 3. dicit:  
*Beatior Maria percipiendo fidem Christi, quàm  
concipiendo carnem Christi.* Et postea subdit:  
*Materna propinquitas nihil Maria proposuisset,  
nisi felicius Christum corde, quàm carne gestasset.*  
Beatior sanè fuit Euangelicus ille Para-  
Matth. 9. lyticus, quando audiuit à Domino: Re-  
mittuntur tibi peccata tua: quàm quando illi  
dixit: Surge, tolle lectum tuum, & vade in da-  
mum tuum.

Secundò, vt posset esse certior testis  
huius Sacramenti, quando super hoc di-  
uinitus erat instructa. Ita vxor Manue,  
postquam

postquam ab Angelo didicerat fœcunditatem, quasi certa venit ad maritum, dicens: *Vir Dei venit ad me, habens vultum Angelicum, terribilis nimis. Quem cum interrogassem, quis esset, & vnde venisset, & quo nomine vocaretur, noluit mihi dicere; sed hoc respondit: Ecce concipies, & paries filium: caue ne vinum bibas, ne escieram, & ne aliquo vescaris immundo: erit enim puer Nazareus Dei ab infantia sua, ex utero matris sua vsque ad diem mortis sua.* Iud. 13.

Tertiò, vt voluntaria sui obsequij munera Deo offerret: ad quod se promptam obtulit dicens: *Ecce ancilla Domini, fiat mihi secundum verbum tuum.* Ita Abigail, cum peteretur à Dauid in vxorem, respondit: *Ecce famula tua sit in ancillam, vt lauet pedes seruorum Domini mei.* 1. Reg. 25

Quartò, vt ostenderetur esse quoddam spirituale matrimonium inter Filium Dei, & humanam naturam: & ideo per annunciationem expectabatur consensus Virginis, loco totius humanæ naturæ. Sicut etiam, antequam Rebecca daretur vxor Isaac, dixerunt: *Vocemus puellam, & queramus ipsius voluntatem. Cumq; vocati essent, sciscitati sunt: Vis ire cum homine isto? Qua ait: Vadam.* Gen. 24.

Secunda quæstio est: Cur annunciatio B. Virgini per Angelum fieri debuerit?

Conue-

Conueniens fuit annuntiari matri Dei diuinæ incarnationis mysterium per Angelum, propter tria.

Primò, vt in hoc etiam seruaretur diuina ordinatio, secundùm quam mediantibus Angelis diuina ad homines perueniunt. Vnde Dionysius *c. 4. Celestis hierarchia* dicit, quòd diuinum Iesu benignitatis mysterium Angeli primò edocti sunt, postea per ipsos ad nos cognitionis gratia transiuit. Sic ergo diuinissimus Gabriel Zachariam quidem docuit, Prophetam Ioannem ex ipso nasciturum, dicens: *Vxor tua Elisabeth pariet tibi filium.* Mariam autem, quomodo in ipsa fieret thearchicum ineffabilis Dei

Luc. 1.

Luc. 2.

formationis mysterium. *Ecce concipies & paries filium.*

Secundò, hoc fuit conueniens reparationi humanæ, quæ futura erat per Christum. Vnde Beda dicit, *glossa ordinat. in c. 1. Luca: Aptum humanæ restorationis principium, vt Angelus à Deo mitteretur ad Virginem partu consecrandam diuino: quia prima perditionis humanæ fuit causa, cùm serpens ad mulierem mittebatur spiritu superbiæ decipiendam.* Tunc serpens dicebat: *Scit enim Deus, quòd in quocunque die comeditis ex eo, aperientur oculi vestri, & eritis, sicut Dij, scientes bonum & malum.*

Gen. 3.

Tertiò, hoc congruebat virginitati matris

matris Dei. Vnde Hieronymus dicit in  
*serm. Assumpti. Bene Angelus ad Virginem mitti-*  
*tur, quia semper est Angelis cognata virginitas.*  
*Profectò in carne prater carnem viuere, non ter-*  
*rena vita est, sed celestis.* Sicut Abrahā quan-  
 do vxorem filio suo eligi voluit, non  
 puerum aliquem, aut iuuenem misit, sed  
 seruum seniore[m] domus suae, qui praeerat omni- Gen. 24.  
 bus, quae habebat: sic & Dominus Archangelum  
 ad eligendam matrem filio suo.

Tertia quaestio est: Vtrum Angelus  
 annuncians debuerit B. Virgini in cor-  
 porali specie apparere?

Dicendum, quòd Angelus annun-  
 cians apparuit matri Dei corporea vi-  
 sione.

Et hoc conueniens fuit. Primò qui-  
 dem, quantum ad id, quod annunciaba-  
 tur. Venerat enim Angelus annunciare  
 incarnationē inuisibilis Dei, per quam  
 visibilis fieret. Vnde etiam conueniens  
 fuit, vt ad huius rei declarationem in-  
 uisibilis creatura formam assumeret, in  
 qua visibiliter appareret.

Sicut, cum capta esset arca Domini à  
 Philistaeis, currens vir de Benjamin ex acie, ve- 1. Reg. 4.  
 nit in Silo in die illa, scissā veste, & conspersus pul-  
 uere caput. Et, cum occisus esset Saul, appa- 2. Reg. 1.  
 ruit homo veniens de castris Saul, veste conscissā,  
 & puluere conspersus caput. Tristes ergo ve-  
 niebant,

niebant, qui tristitia nunciabant. Ita & Angelus specie apparuit corporea, vt incarnationis Dominicæ annuntiaret mysteria.

Secundò, fuit congruum dignitati matris Dei, quæ non solum in mente, sed in corporeo ventre erat Dei filium receptura, & ideo nō solum mens eius, sed etiam sensus corporei erant visione Angelica refouendi. Vnde & Magi, antequam inuenirent Regem Iudæorum,

Matth. 1. prius stellam viderunt, & dixerunt: *Vidimus stellam eius in Oriente, & venimus adorare eum.* Et Zachæus, antequam Iesum in domum suam reciperet, antequam filius

Luc. 19. Abrahæ fieret, prius quærebat videre Iesum, *quis esset.*

Tertiò, cōgruit certitudini eius, quod annuntiatur. Ea enim, quæ oculis subiecta sunt, certiùs apprehēdimus, quàm ea, quæ imaginamur. Vnde Chrysostomus, *homilia 4. in Matth.* dicit, quòd Angelus non in somnis, imò visibiliter Virgini astitit; nam, quia magnam valdè relationem accipiebat ab Angelo, egebat ante tantæ rei euentus visione solenni. Sanè, nisi Angeli apparuissent Saræ corporali specie, forsitan non credidisset dicentibus Abrahæ: *Reuertens veniam ad te tempore isto, vitā comite, & habebit filium Sara,*

Gen. 18.



*vxor tua. Nam audito eo Sara risit post ostium  
tabernaculi. Putasne, si non vidisset Ange-  
los, quòd credidisset? Nam dicebat in-  
tra se: Postquam consenui, & Dominus meus ve-  
tulus est, voluptati operam dabo? Vnde & Za-  
charias, licet Angelum viderit stantem à Luc. 1.  
dextris altaris incensi, non tamẽ filium pro-  
mittẽti credidit, sed dixit: Vnde hoc sciam?  
Ego enim sum senex, & vxor mea processit in die-  
bus suis. Et ideo à Domino punitus fuit.*

Quarta quæstio est: Quo ordine fue-  
rit Annunciatio per Angelum perfecta?

Tria Angelus circa Virginem inten-  
debat. Primò quidem, reddere mentem  
eius attentam ad tantæ rei considera-  
tionem: quod fecit salutando eam qua-  
dam noua, & insolita salutatione. Ita  
cùm vidisset Abigail David, captare prius vo- 1. Reg.  
luit beneuolentiam, festinauit, & descendit 25.  
de asino, & procidit coram David super faciem  
suam, & adorauit super terram, & cecidit ad pe-  
des eius, & dixit: Loquatur, obsecro, ancilla tua  
in auribus tuis, & audi verba famulae tuae: & tum  
demum iratũ placauit. Et, cùm obfessa  
esset ciuitas Abela à Ioab, exclamauit mu- 2. Reg.  
lier sapiens de ciuitate: Audite, audite, dicite Ioab: 29.

Appropinqua huc, & loquar tecum. Qui, cùm ac-  
cessisset ad eam, ait illi: Tu es Ioab? Et ille respon-  
dit: Ego. Ad quem sic locuta est: Audi sermones  
ancilla tuae: & postea rationibus suis ciui-

M tatem

Luc. I.

tatem ab obsidione liberauit. Ita & Angelus salutando Virginem, eam studuit attentam reddere, dicens: *Aue*. Deinde, eam ad conceptum talem idoneam iudicauit illis verbis: *Gratia plena*. Tum conceptum expressit, dicens: *Dominus tecum*. Denique, honorem consequentem, quando ait: *Benedicta tu in mulieribus*.

Secundò, intendebat eam instruere de mysterio Incarnationis, quod in ea erat implendum. Quod quidem fecit in prænunciando conceptum, & partum, dicens: *Ecce concipies in utero*, &c. & ostendendo dignitatem prolis cōceptæ, cū dixit: *Hic erit magnus*, &c. & etiam demonstrando modum conceptionis, cū dixit: *Spiritus sanctus superueniet in te*.

Tertiò, intendebat animum eius ad consensum inducere: quod fecit exemplo Elisabeth: *Et ecce Elisabeth cognata tua*, &c. & ratione ex diuina omnipotentia sumpta: *quia non erit impossibile apud Deum omne verbum*.

Itaque amemus Virginem, & eam colamus, quia & eos, à quibus honoratur, honorat. Vis exemplum? Religiosus quidam nomine Ioscio, B. Virginem singulari deuotione venerabatur, adèd vt in honorem nominis MARIA ad singulas litteras quotidie Psalmum legeret.

geret. Pro prima legebat, *Magnificat*: pro  
secunda, *Ad Dominum, cum tribularer*: pro  
tertia, *Retribue seruo tuo*: pro quarta, *In con-*  
*uertendo Dominus captiuitatem*: pro quinta,  
*Ad te leuavi oculos meos*: addens ad singulos  
Psalmos versiculum, *Post partum virgo in-*  
*uiolata permansisti*, &c. & collectam, *Concede*  
*nos famulos tuos*, &c. Anno verò Domini  
M.C. LXIII. in nocte S. Andreæ Aposto-  
li, cum præter morem à choro abesset,  
& cella eius à Superiore visitaretur,  
mortuus in lecto inuentus est: sed miræ  
pulchritudinis rosâ ex ore eius, & vtro-  
que oculo & aure excreuisse videbatur.  
In rosâ oris scriptum erat M. cum pri-  
mo versu *Magnificat*: in rosâ oculi dexte-  
ri scriptum erat A. cum primo versu se-  
cundi Psalmi: in rosâ oculi sinistri scri-  
ptum erat R. cum primo versu tertij  
Psalmi: in rosâ dexteræ auris scriptum  
erat I. cum primo versu quarti Psalmi:  
in rosâ sinistræ auris scriptum erat A.  
cum primo versu quinti Psalmi. Quo  
visò miraculo omnes obstupuerunt, &  
summas Deo ac matri eius gloriosæ  
gratias retulerunt. Contigit hoc in Mo-  
nasterio S. Bertini oppidi S. Audomari  
in Arthesia, tempore Leonis Abbatis  
dicti Monasterij, & Theodorici Flandriæ  
Comitis.

I N  
RESVRRECTIONE  
D O M I N I.

Exordium:

Gen. 39.  
&c.

**I**oseph, post captiuitatem, & compedes, post patris ploratum videntis tunicam eius cruentam, factus est dominus, & dispensator totius domus Regis Pharaonis: ad quem fratres accedentes, vt cibum emerent, non cognouerunt eum; ipse verò cognoscebat illos.

Moraliter:

Psal. 104.

Ioseph, id est, augmentum, Christum significat, de quo dicitur: *Auxit populum suum vehementer.* Hic ergo post venditionem à discipulo, post lacerationem, & cruentationem suæ carnis, resurgens à mortuis, iam ampliùs non moriturus accepit potestatem à Patre in cælo, & in terra, & factus est dispensator tam diuinæ gloriæ in futuro, quàm gratiæ in præsentì.

Euangelium:

Mar. 16.

Maria Magdalene, & Maria Iacobi, & Salome emerunt aromata, vt venientes vngerent Iesum.

Thema:

## Thema:

*Surrexit, non est hic.* Ibid.

Quatuor hic quæstiones cum D. Thoma p. 3. q. 54. tractandæ sunt: prima de Resurrectione Domini quæstio est: An post resurrectionem suam Christus habuerit verum corpus?

Respondetur, quòd, sicut Damascenus dicit l. 4. c. 28. illud resurgere dicitur, quod cecidit. Corpus autem Christi per mortem cecidit, in quantũ scilicet fuit ab eo anima separata, quæ erat eius formalis perfectio. Vnde oportuit ad hoc, quòd esset Christi vera resurrectio, vt idem corpus Christi iteratò eidem animæ vniretur. Et quia veritas nature corporis est ex forma, consequens est, quòd corpus Christi post resurrectionem, & verum corpus fuerit, & eiusdem nature, cuius fuerat prius. Si autem eius corpus fuisset phantasticum, nõ fuisset vera resurrectio, sed apparens. Vnde, cùm discipuli conturbati & conterriti existimabant se Luc. 24. spiritum videre; dixit Dominus: *Palpate, & videte, quia spiritus carnem & ossa non habet, sicut me videtis habere.*

Videtur tamen, quòd Christus post resurrectionem non habuerit verum corpus. Nam verum corpus non potest



simul esse cum alio corpore in eodem loco. Sed corpus Christi post resurrectionem fuit simul cum alio corpore in eodem loco: resurrexit enim clauso sepulchro, vt patet, nam tres istæ Mariæ dicunt ad inuicem: *Quis reuoluet nobis lapidem ab ostio monumenti?* Et cum fores essent clausæ, vbi erant discipuli congregati propter metum Iudæorum, venit Iesus, & stetit in medio.

Mar. 16.  
Ioan. 20.

Respondent quidam, quòd corpus Christi post resurrectionem, non ex miraculo, sed ex conditione gloriæ, cū alio corpore in eodē loco esse potuerit. Alij, quòd nō ex natura corporis, sed potius ex virtute diuinitatis illud corpus clausis ianuis ad discipulos introiuit. Vnde S. Augustinus *serm. 3. in Dominica octaua Pasche*, dicit, quòd quidam sic disputant: Si corpus erat, si hoc surrexit de sepulchro, quod pependit in ligno, quomodo per ostia clausa intrare potuit? Et respondet: *Si comprehendis modum, non est miraculum: vbi deficit ratio, ibi est fidei edificatio.*

Obiicitur secundo, Verū corpus non euanescebat ab aspectu intuentium, nisi forte corrumpatur. Sed corpus Christi post resurrectionem euauit ab oculis intuentium eum discipulorum. Ergo videtur, quòd Christus post resurrectionem non habuerit verum corpus.

Sed

Sed respondeo, quòd Christus resurrexerit ad immortalem gloriæ vitam. Hæc est autem dispositio corporis gloriosi, vt sit spirituale, id est, subiectū spiritui. Nam *feminatur corpus animale, surget 1. Cor. 15 corpus spirituale.*

Ad hoc autem, quòd sit omninò corpus subiectum spiritui, requiritur, quòd omnis actio corporis subdatur spiritus vocationi. Quod autem aliquid videatur, sit per actionem visibilis in visum, vt prætet ex Philosopho *l. 2. de anima, tex. 74. & 75.* Et ideo, quicumque habet corpus glorificatum, in potestate sua habet, videri quando vult; & quando non vult, non videri. Hoc tamen habuit Christus non solum ex conditione corporis gloriosi, sed etiam ex virtute diuinitatis, per quam fieri potest, vt etiam corpora non gloriosa miraculosè nō videantur. Vnde, cum Iudæi præcipitare vellēt Iesum de monte, *ipse transiens per medium illorū ibat.* Luc. 4. Et, cum tollerent lapides, vt iacerent in eum, *abscondit se, & exiit de templo.* Dicitur Ioan. 8. ergo, quòd Christus ab oculis discipulorum euauit, non quia corrumperetur, aut resolueretur in aliqua inuisibilia, sed quia sua voluntate desit ab iis videri, vel eo præsentē, vel etiam eo abscedente velociter per dotem agilitatis.

Secunda quæstio est: An corpus Christi resurrexit integrum?

Respondeo, quod corpus Christi in resurrectione eiusdē fuerit naturæ, sed alterius gloriæ. Vnde quidquid ad naturam corporis humani pertinet, totum fuit in corpore Christi resurgentis. Manifestum est autem, quod ad naturam corporis humani pertinent carnes, ossa, & sanguis, & alia huiusmodi: & ideo ista omnia in corpore Christi resurgentis fuerunt, & etiam integraliter absque omni diminutione; alioqui non fuisset perfecta resurrectio, si non fuisset redintegratum, quidquid per mortem ceciderat. Ita Iacob tulit omnem substantiam suam, & greges, & quidquid in Mesopotamia acquisierat, pergens ad Isaac patrem suum in terram Chanaan. Et, cum deuicissent filij Israel Gabaonitas, reuersus est omnis exercitus ad Iosue in Maceda, vbi tunc erant castra, sani, & integro numero. Ita Dominus Iesus, postquam in morte sua diabolum superauit, sano, & integro corpore resurrexit. Nos etiam fortiter pugnemus, vt feliciter mori valeamus, & integri resurgere, quia nobis dictum est: *Vestri capilli capitis omnes numerati sunt.* Et alibi: *Eritis odio omnibus propter nomen meum, & capillus os capite vestro non peribit.*

Morale.

## Morale.

*Maria Magdalene, & Maria Iacobi, & Salome Mar. 15.  
emerunt aromata.*

**Q**uid Maria Magdalena significat, nisi rationem; Maria Iacobi, nisi rationalem appetitum; & Salome, nisi sensitivum? Iste sunt mulieres, quæ per ciuitates & castella sequebantur Dominum, & ministrabant ei de facultatibus suis. *Se. Luc. 8.* quatur etiam anima Christiana Dominum, siue per caltra solitudinis, siue per ciuitatem multitudinis, & tribus suis potentiis illi ministret. Maria autem Magdalene primo loco ponitur, quia ratio imperare debet appetitui: facile enim sensus à via recta aberrat, & voluntas deuiat, nisi ratio illa dirigat.

*Emerunt aromata.* Quid est aromata *Mar. 16.* emere, nisi labore magno & industria, bona sibi opera comparare? Pecunia, quæ pro re emptæ datur, laborem significat, quo opera bona acquiruntur? Multi quidem vngere Dominum cupiunt, sed emere aromata nolunt. Vellent quidem gratum illi offerre obsequium, sed ut gratum sit, laborare refugiunt. Quàm durum videtur quibusdam, aliquali car-

nem ieiunio affligere, nocturnâ vigiliâ quietem interrumpere? Quàm difficile aliis, eleemosynas elargiri, imò aliena restituere? Illi tamen bene fructum aromatum expetunt, sed emere ea nolunt. Non ita fecit Dauid, qui ab Areuna Iebusæo aream emere voluit, vt altare Domino ædificaret. Et ait Areuna ad Dauid: *Accipiat, & offerat Dominus meus Rex, sicut placet ei.* Cui respondens Rex, ait: *Nequaquam vt vis, sed etiam pretio à te, & non offeram Domino Deo meo holocausta gratuita.*

**Mar. 16.** *Vt venientes vngerent Iesum.* Multi etiam ungere Iesum cupiunt, sed venire nolunt. Quid autem est venire, nisi Dominum ardentè desiderare? Tantùm abest, vt eum desiderent, vt etiam vltro venientem ad se repellant. Ita nimirum cor hominum præsentis sæculi curis obruitur, & deliciis mundi immergitur, vt nihil de salute sua cogitet, nec venientem vltro ad se Salvatorem agnoscat. Talis erat diues ille Euangelicus, qui induebatur purpurâ & bysso, & epulabatur quotidie splendide, nec Lazarum plenum vlceribus vel aspicere dignabatur.

**Mar. 16.** *Et valdè manè vna Sabbathorum veniunt ad monumentum, orto iam sole.* Quid ortus sol designat, nisi tempus gratiæ. Iam enim

apparuit



apparuit benignitas, & humanitas Saluatoris  
 nostri Dei, qui in Sole posuit tabernaculum  
 suum. Multi sanè olim vngere Domi-  
 nem voluissent, si sol exortus fuisset.  
 Quomodo, putas, vnxisset Dominum  
 mulier illa Sareptana, quæ Eliæ subci-  
 nericium afferebat panem? Quomo-  
 do Sunamitis illa mulier vnxisset Do-  
 minum, quæ hospitio excipiebat Eli-  
 zæum? Attamen tunc nondum Sol  
 exortus erat. Beati oculi, qui vident, quæ vos  
 videtis. Dico enim vobis, quòd multi Propheta,  
 & Reges voluerunt videre, quæ vos videtis, &  
 non viderunt; & audire, quæ auditis, & non  
 audierunt.

Tit. 3.  
 Psal. 18.

3. Reg.  
 17.

4. Reg. 4.

Luc. 10.

Et valdè manè. Significat illud inten-  
 tionem rectam operi bono adhiben-  
 dam. Ita Pharisei, multa bona opera fe-  
 cerunt; sed quia recta illis intentio de-  
 fuit, nequaquam Dominum vnixerunt.  
 Quomodo enim ab iis vngeretur Do-  
 minus, qui iustitiam suam faciebant coram  
 hominibus, vt viderentur ab eis? Amen dico vobis,  
 receperunt mercedem suam.

Matth. 6.

Vnâ Sabbatorum, statum designat gra-  
 tiæ, sine quo opera bona Deo nequeunt  
 placere. Quis enim nesciat, in Sabba-  
 to ab operibus vacandum esse feruili-  
 bus? Septimo die Sabbatum Domini Dei tui  
 est: non facies omne opus in eo. Ita sanè à  
 ferui-

Mar. 16.

Exod. 20

seruitute peccati liber esse debet, qui Dominum Iesum vngere studet. Ideo & Phariseus ille Dominum non vngebat, **Luc. 18.** *qui ieiunabat bis in Sabbato, & decimas omnium, quæ possidebat, dabat; quia nimirum elationis vitio inflatus erat.*

Ex his, puto, intellexistis, quid sit *vngere Iesum*; nempe virtuosa exercere opera, & proximo charitatem impendere, quia charitas nunquã otiosa. Vnguenta sunt opera fructuosa. An non vnguenta pretiosa, esurientibus cibum, sitientibus potum, nudis præbere vestimentũ? An non pretiosa vnguenta, hospites colligere, infirmos, & incarceratos visitare? Et, qui talia agunt dicuntur vngere Iesum, **Matt. 25.** *quia quamdiu fecistis vni ex fratribus meis minimis, mihi fecistis..* Vnde & Mariæ istæ veniunt ad monumentum, vt mortuum scilicet vngeret Iesum. Iam enim quasi mortuus est, & sentire non videtur vntionem bonorũ operum, viuit tamen, & quod occultius, eò fructuosius omnia obseruat. Dicit aliquando in extremi die iudicij: *Esuriui, & dedistis mihi manducare: sitiui, & dedistis mihi bibere.* Tunc respondebunt iusti: *Domine, quando te vidimus esurientem, & pauius te: sitientem, & dedimus tibi potum?* Nunquid, quando te vnxiimus, eras mortuus? Quasi mortuus omnia dissimu-

diffimulat: viuus tamen omnia notat.

*Et dicebant ad inuicem: Quis reuoluet nobis* Mar. 16.

*lapidem ab ostio monumenti? Lapis iste iustor-*

*um tentationes significat, & bonorum*

*impedimenta operum. Cum enim ope-*

*ram illis dare quis desiderat, heu, quot*

*obstacula! Tobiam, cum sepelisset mor-*

*tuos, & tamen cæcus factus fuisset, irri-*

*debant parentes eius, & cognati, dicen-*

*tes: Vbi est spēs tua, pro qua eleemosynas, & se-* Tob. 2.

*pulturas faciebas? Cum Iob cunctis nuda-*

*tus esset, & vlcere percussus pessimo, di-*

*xit illi vxor sua: Adhuc tu permanes in sim-* Iob 2.

*plicitate tua? Benedic Deo, & morere. Cum*

*Maria Magdalene vnguentum pretio-*

*sum super caput recumbentis Iesu ef-*

*funderet, indignati sunt discipuli, di-*

*centes: Vt quid perditio hac? Potuit enim istud* Matt. 26.

*venundari multo, & dari pauperibus. Quis re-*

*uoluet nobis istum lapidē ab ostio mo-*

*numenti? Frequenter enim magnus est*

*valdē. Tam magnus ille lapis quibusdam*

*videtur, vt potius opera bona relin-*

*quant, quàm obloquentium linguas in-*

*currere audeant.*

*Et respicientes viderunt reuolutum lapidem.* Mar. 16.

*Respicere significat mentem in Deum*

*intendere, & inuidentiū, vel obloquen-*

*tium susurria non curare. Ita cæcus cla-*

*mauit, dicens: Iesu, fili David, miserere mihi.* Lue. 18.

*Et,*

*Et, cui preibant, increpabant eum, vt taceret. Ipse tamen non erubuit, sed multò magis clamauit: Fili Dauid, miserere mei.*

**Mar. 16.** *Et introeuntes in monumentum. Multi Iesum vngere gestiunt, sed in monumentum introire exhorrescunt. Quid autem est in monumentum introire, nisi per humilitatem conscientiam suam discutere? Ibi videas, quàm foedus sis, quàm ad malum facilis, quomodo etiam aliquando in puluerem reuerteris. In monumentum illud intrauit publicanus à longè stans: tam profundè intrabat, vt nec oculos ad caelum leuare cuperet; sed percutiebat pectus suum, dicens: Deus propitius esto mihi peccatori.*

**Mar. 16.** *Viderunt iuuenem sedentem à dextris cooper- tum stolâ candidâ. Quid designat iuuenis iste à dextris, nisi consolationem iustorum in terris? Vnde Iacob benedicere*

**Gen. 48:** *volens Ephraim, manum dexteram po-*

**Matt. 25.** *suit super caput eius. Et Filius hominis oues à dextris suis statuet, quas ad gloriam eligit. Qui ergo Dominum Iesum vngere student, etiam in hac vita spiritu consolationis eos vnget. An non vnxit Maria Magdalene, quando dul-*

**Ioan. 10.** *citer eam interrogauit: Mulier, quid ploras? Quem quaris? An non vnxit eam, quâdo illi in verbo isto innotuit: Maria?*

An

An non vnxit eam, quando iuuenem sedentem à dextris illi misit? Et nota, quòd additur: *Coopertum stolâ candidâ*. Bene operitur stolâ, qui futuram vitam, in qua nulla erit nuditas, nulla egestas, annunciare veniebat: vnde & iuuenis ille, vt quietem illius vitæ ostenderet, sedebat. Operitur autem candidâ stolâ, vt ex splendore candoris, gloriam intelligeremus resurrectionis. Sicut exploratores terræ Chanaan retulerūt palmitem Num. 13 cum vua sua, mala granata, & ficus, vt ex vbertate fructuum, fertilitatem ostenderent terrarum.

*Et obstupuerunt.* Quis non obstupeat, qui amplam gloriæ mercedē, tenui reddendam iustorum labori considerat? *Quicunque potum dederit vni ex minimis istis calicem aquæ frigida tantum in nomine discipuli, non perdet mercedem suam.* Quis non obstupescat? Pro potu aquæ frigida, calicem gloriæ? *Dico autem vobis: Non bibam amodò de hoc genere vitis, vsque in diem illum, cum illud bibā vobiscum nouum in regno Patris mei.* Quis non obstupeat? *A saculo non audierunt, neq; auribus perceperunt: oculus non vidit, Deus, absque te, quæ praparasisti expectantibus te.* Vt autē ad istam gloriam venire valeamus, eamus, dicamus discipulis eius, & Petro, quia præcedet nos in Galilæam. Qui sunt discipuli Domini,



**Joan. 13.** Domini, nisi qui se mutuo diligunt? In hoc cognoscent omnes, quia discipuli mei estis, si dilectionem habueritis ad inuicem. Itaque diligamus proximum, instruamus verbis, dirigamus exemplis, vt sequi valeamus Dominum, & videre eum in Galilæa, vt per eum ad gloriã introire mereamur.

**Joan. 10.** Ego, inquit, sum ostium. Per me si quis introierit, saluabitur: & ingredietur, & egredietur, & pascua inueniet.

## F E R I A I I.

## RESVRRECTIONIS.

## Exordium:

**Jud. 16.** **S**amson adamauit mulierem meretricem, quæ erat in Gaza: & cum ingressus fuisset ad eã, Philisthini circumdederunt domum, & posuerunt custodes, vt manẽ facto occiderent illum. Dormiuit autem Samson vsque ad noctis medium, & inde consurgens apprehendit ambas portas fores cum postibus suis, & serã, impositasq; humeris suis, portauit ad verticem montis.

## Moraliter:

Samson denotat Christũ, qui adama-  
uit

uit humanam naturam, de qua scriptum est: Tu fornicata es cum amatoribus multis: ta- Ierem. 3.  
men reuertere ad me, dicit Dominus, & ego susci-  
piam te. Intrauit autem in Gazam, quæ  
significat, diuidens, quia, vt canit Ec-  
clesia:

*Se nascens dedit socium,*

*Conuescens in edulium:*

*Se moriens in pretium,*

*Se regnans dat in præmium.*

Igitur tempore passionis, dum obdor-  
misset per mortem, Philisthini, id est,  
Pharisæi, curarunt circumdari domum,  
id est, muniri sepulchrum, & custodiri,  
putantes coram mundo Christum ex-  
tinguere, & ipsius denigrare virtutes:  
sed post mediam noctem consurgens à  
morte, & via vitæ patefacta, ascendit in  
montem, in quo beneplacitum est ei ha-  
bitare cum sanctis suis.

### Euangelium:

Duo ex discipulis Iesu ibant ipsa die in castel- Luc. 24.  
lum, quod erat in spacio stadiorum sexaginta à Je-  
rusalem, nomine Emmiaus.

### Thema:

*Et ita intrare in gloriam suam?*

Ibid.

Tertia quæstio est: An Christi corpus  
resurrexerit gloriosum?

N

Respon-

- Respondetur, Triplici ratione apparet, Christi corpus in resurrectione fuisse gloriosum. Primò quidem, quia resurrectio Christi fuit exemplar, & 1. Cor. 15 causa nostræ resurrectionis. *Per hominem mors, & per hominem resurrectio mortuorum.* Sancti autem in resurrectione habebunt corpora gloriosa. *Seminatur enim corpus in ignobilitate, surget in gloria.* Vnde, cum causa sit potior caulato, & exemplar exemplato, multò magis corpus Christi Num. 17 resurgens fuit gloriosum. Ita virga Aaron arida fuit posita in tabernaculo testimonij: sed sequenti die germinalasse inuenta est. Christus mortuus positus in sepulchro, tertia die gloriosus resurrexit.

Iud. 6. Ita & siccū vellus positum fuit à Ge-  
deone in area, atque nocte sequenti in-  
uenit illud rore plenum. Mortuum fuit  
corpus Christi positum in tumulo, sed  
resurrexit gloria fulgidum.

- Secundò, quia per humilitatem pas-  
sionis meruit gloriam resurrectionis.  
Ioan. 12. Vnde & ipse dicebat: *Nunc anima mea tur-  
bata est: quod pertinet ad passionem: &  
postea subdit: Pater, clarifica nomen tuum:*  
Iosu. 7. in quo petit gloriā resurrectionis. Sicut  
Iosue, postquam pronus ceciderat in  
terram coram arca Domini vsque ad

vespe-

vesperam, postquam puluerem super caput suum miserat, postquā longa illi prece supplicuerat, tandem audiuit à Domino: *Surge cur iaces pronus in terra? & manè surrexit.* Gedeon, postquam coram Angelo se humiliauerat, dicens: *Ecce familia mea infima est in Manasse, & ego* Iud. 6. *minimus in domo patris mei;* audiuit à Domino: *Surge, & descende in castra Madian, quia* Iud. 7. *tradidi eos in manu tua.* Ita Dominus Iesus, postquam quasi leprosus, & percussus à Deo, & Isa. 53. *humiliatus* reputatus fuerat, descendit ad inferos, prædam faucibus inferni eripuit, surrexit à mortuis, & virtute sua aëreas potestates cōtriiuit. Saul quoque, postquam se coram Samuele humiliauerat, dicens: *Nunquid non filius Iemini ego* I. Reg. 9. *sum, de minima tribu Israel, & cognatio mea nouissima inter omnes familias de tribu Benjamin?* postquam in solario dormiuerat, dixit Samuel: *Surge, & dimittam te.* Surrexit Saul, & in Regem vnctus fuit. Ita Dominus Iesus postquam per passionem humiliatus erat, & cum sceleratis reputatus, Isa. 53. postquam dormiuerat in tumulo, surrexit à morte, & vnctus fuit unctione gloriæ suæ.

Tertiò, quia anima Christi à principio suæ conceptionis fuit gloriosa per fruitionem diuinitatis perfectam. Est

autem dispensatiue factum, vt ab anima gloria non redundaret in corpus, vt ita nostre mysterium redemptionis suae impleret passione: & ideo peracto hoc mysterio passionis, & mortis Christi, statim anima in corpus per resurrectione resumptum suam gloriam deriuauit; & ita factum est corpus illud gloriosum.

- Cum audiuisset Dauid à Nathan, moriturum filium natum ex Bethsabée, de-
2. Reg. 12. *deprecatus est Dominum pro paruulo, & ieiunauit Dauid ieiunio, & ingressus seorsum, iacuit super terram.* Christus Dominus orauit pro
- Luc. 23. *crucifigentibus se, dicens: Pater, dimitte illis: non enim sciunt, quid faciunt.* Ieiunauit, quando vinum cum felle mistum gustauit, & noluit bibere. Iacuit seorsum super
- Matt. 27. *terram, quando Ioseph ab Arimathea posuit corpus eius in monumento suo nouo, quod exciderat in petra.* Quid autem? Surrexit autem
2. Reg. 12. *Dauid de terra, & lotus vultusq; est.* Cumq; mutasset vestem, ingressus est in domum Domini. Christus Dominus a mortuis surrexit: lotus vultusque est, quando gloriam suam assumpsit: vestem mutauit, quando etiam gloriosus apparuit, & gloriosus in domum Patris sui iuit. Dixit aliquando Samuel ad Saul: *Hoc tibi signum, quia vnxit te Deus in Principem: Cum veneris in collem Dei, vbi est statio Philistinorum, insiliet in te Spiritus Domini,*



Domini, & mutaberis in virum alterum. Hoc signum, quod Dominus Iesus vinctus sit oleo Psal. 44.  
*latitie præ consortibus suis*, quia, quando surrexit à mortuis, quando milites sepulchrum custodientes transiit, insiluit in illum gloria corporis, & in alterum virum mutatus fuit.

### Morale.

*Mane nobiscum, Domine, quoniam advesperascit*, Luc. 24.  
 & *inclinata est iam dies*.

**Q**uod si Dominus olim Sodomæ per- Gen. 18.  
 percisset, si in ea 50. iustos, aut 45.  
 aut 40. aut 30. aut 20. imò & 10. reperire  
 potuisset: quid non faciet ob præsen-  
 tiam Saluatoris nostri, per cuius obedi- Rom. 5.  
 tiam iusti constituuntur multi? Nunquid ob  
 peccata nostra nos delere poterit? Mare Luc. 24.  
*nobiscum, Domine, quoniam advesperascit*. La-  
 ban etiam, cum ab eo Iacob vellet disce-  
 dere, dixit illi: *Inueniam gratiam in conspectu* Gen 30.  
*tuo: experimento didici, quia benedixit mihi*  
*Deus propter te*. Quamto magis benedicet  
 nobis propter Iesum Christum Filium  
 suum? Inueniamus gratiam in conspe-  
 ctu eius: *mane nobiscum, Domine, quoniam ad-* Luc 24.  
*vesperascit*. Quod si benedixerit Dominus do- Gen. 39.  
*mini Egyptum propter Ioseph, & multiplicauerit*

- tam in adibus, quam in agris cunctam eius substantiam: nobis, putas, propter Saluatorem nostrum non benedicet? Mane nobiscum, Domine, quoniam advesperascit. Seruiuit Israel Domino cunctis diebus Iosue, & seniorum, qui longo vixerunt tempore post Iosue, & qui nouerant omnia opera Domini, quæ fecerat in Israel. Et præsentem Iesu, Domino non seruiemus? Quomodo mandata eius transgredi poterimus? Mane nobiscum, Domine, quoniam advesperascit.*
- Luc. 24.** *Elizæus in honorem Iosaphat, Regis Iuda, Deum colentis, impetrauit aquas dari exercitui, in quo erant duo alij mali Reges, Ioram Rex Israel, & Rex Edom. Dicebat enim ad Ioram: Viuit Dominus exercituum, in cuius conspectu sto, quod si non vultum Iosaphat, Regis Iuda erubescerem, non attendissem quidem te, nec respexissem. Ita etiam nobis dabuntur aquæ gratiæ, si præsentem habeamus Salvatorem nostrum: mane nobiscum, Domine, quoniam advesperascit.*
- Act. 27.** *Dum Paulus Romam vincitus nauigaret, erant vniuersa anima in navi ducenta septuaginta sex: in summo autem potestatis periculo propter Paulum omnes saluati sunt. Astiterat enim ei nocte Angelus, & dixerat: Ecce donauit tibi Deus omnes qui nauigant tecum. Quanto magis præsentem Salvatore nostro nemo peribit? Mane nobiscum, Domine, quoniam ad-*
- Luc. 24.** *uesperascit.*

## RESVRRECTIONIS. 199

*æsperscit.* Nunc enim motus factus est magnus in mari huius sæculi, nauicula nunc operitur fluctibus; *Domine, salua nos, Matth. 8. perimus.* Vbi surget, imperabit ventis, & mari; tranquillitas magna statim aderit: *Luc. 24. mane nobiscum, Domine, quoniam adæsperscit.* Tu ad discipulos tuos venisti ambulans super mare: tu iussisti Petrum super aquas ad te venire, & cùm cœpisset mergi, extendisti illi manum tuam, & apprehendisti; cùm ascendisses in nauiculam, contrarius ventus cessauit: *mane nobiscum, Domine, quoniam adæsperscit.*

## F E R I A I I I.

## RESVRRECTIONIS.

### Exordium:

**N**Oë, cùm iam aquæ diluuij decre- *Gen. 8.* scerent, secundam misit ex arca columbam. At illa venit ad eum ad vesperam, portans rami olivæ vircentibus folijs in ore suo.

### Moraliter:

Columba ista Christi animam denotat, quæ egressa est de corpore eius in morte, quando inclinato capite emisit spiritum.

tum. Sed in resurrectione sua ad carnem rediit virore immortalitatis induta. Oliua autem misericordiam designat. Vnde Deut. 28. de scriptum est: *Quod si audire nolueris vocem Domini Dei tui, vt custodias, & facias omnia mandata eius, &c. Oliuas habebis in omnibus terminis tuis, & non vngeris oleo: quia defluunt, & peribunt. Nunc oliuæ sunt in omnibus terminis nostris: nunc Saluator noster tot modis misericordiã suam erga nos aperuit, dum pro nobis vinculis ligatus, flagellatus, spinis coronatus, crucifixus, & mortuus est: & tamen peccatoribus oliuæ illæ defluunt, & pereunt, quia nequaquam passionis Domini, & sanguinis effusi participes fiunt.*

### Euangelium:

Luc. 24. *Stetit Iesus in medio discipulorum suorum, & dixit eis: Pax vobis: ego sum, nolite timere.*

### Thema:

Ibid. *Videte manus meas, & pedes.*

Vltima nunc quaestio superest de resurrectione Domini: An corpus Christi debuerit cum cicatricibus resurgere?

Respondeo, quod conueniens fuerit, animã Christi in resurrectione corpus cum cicatricibus resumere. Primò, propter gloriam ipsius Christi. Dicit enim

Beda

Beda c. 97. in *Lucam*, quòd non ex impotentia curandi, cicatrices seruauit, sed vt in perpetuum victoriæ suæ circumferret triumphum. Vnde & S. Augustinus l. 22. de ciuitate Dei, c. 20. in princ. dicit, quòd fortassis in illo regno in corporibus Martyrū videbimus cicatrices vulnerum, quæ pro Christi nomine pertulerunt. Non enim deformitas in eis, sed dignitas erit, & quædā, quamuis in corpore, non corporis, sed virtutis pulchritudo fulgebit. Angelus, qui luctabatur cum Iacob, cum videret, quòd eum superare Gen. 32 non posset, tetigit neruum femoris eius, & statim emarcuit. Vnde ipse in signum, quòd cum Deo luctatus fuisset, claudicabat pede. Quanta hæc illi erat gloria! Si cōtra Deum fortis fuisti, Iacob, quanto magis contra homines praualebis? Ita & cicatrices vulnerum in corpore Domini, pugnæ eius & victoriæ fuere signa.

Videmus in bello Tarentino, quòd Romani cum Pyrrho Græciæ Rege gesserunt, quales illi fuerint milites. Nam apud Heracleam, & Campaniæ fluiuium, Sirim, Læuino Consule prima pugna. Quæ tam atrox fuit, vt Ferentana turmæ præfectus, Oblidius, in Regem inuectus turbauerit, coegeritque proiectis insignibus prælio excedere. Actū erat,



nisi elephanti conuersi in spectaculum belli procurrissent: quorum tum magnitudine, tum deformitate, & nouo colore, simul ac stridore consternati equi, cum incognitas sibi belluas amplius, quàm erant, suspicarentur, fugam, stragemque late dederunt. Quinam illi viri fuerunt, quos ab elephantis in isto praelio obrutos accepimus? Omnium vulnera in pectore, quidam hostibus suis immortui, omnium in manibus enses, & relictæ in vultibus minæ, & in ipsa morte ira vivebat. Quod aded Pyrrhus miratus est, vt diceret: *O quàm facile erat, orbis imperium occupare, aut mihi Romanus militibus, aut me Rege Romanis!*

Secundò, ideo Christus cum cicatricibus resurrexit, ad confirmanda corda discipulorum circa fidem suæ resurrectionis. Si enim Amalecites ille, vt probaret mortem Saul, attulit diadema, quod erat in capite eius, & armillam brachij illius ad David. Et si Rechab, & Baana attulerint caput Isboseth ad David in Hebron, dicentes: *Ecce caput Isboseth, filij Saul, inimici tui, qui quarebat animam tuam*: quantò magis oportuit Saluatorem nostrum resurrectionem suam per cicatrices probare? Et hoc est, quod di-

Luc. 24. cit: *Videte manus meas, & pedes meos, quia ego ipse*

*ipse sum.* Et, cū illis manus, & pedes ostenderet, nondum tamen eum resurrexisse credebant: quid fecissent, si catrices non habuisset?

Tertiò, vt Patri pro nobis supplicans, quale genus mortis pro homine pertulerit, semper ostendat. Ita fratres Ioseph tinxerunt tunicam eius in sanguine hœdi, quem occiderant, mittentes, qui ferrent ad Patrem, & dicerent: *Hanc* Gen. 37. *inuenimus: vide, vtrum tunica filij tui sit, an non. Quam cū agnouisset pater, si suis vestibus indutus est cilicio, lugens filium suum multo tempore, ita vt consolationem à liberis suis nollet accipere. Et Dominus Iesus, quando vulnera sua Patri ostendet, putâsne, illum non flectet? An non ad miserendum nobis eum impellet?*

Cū ex obsidione facta esset famemes magna in Samaria, & Ioram Rex Israel transiret per murum, mulier quædam exclamauit ad eum, dicens: *Salua me, Domine mi Rex.* Et ille: *Quid* 4. Reg. 6. *tibi vis?* Quæ respondit: *Mulier ista dixit mihi: Da filium tuum, vt comedamus eum hodie, & filium meum comedemus cras. Coximus ergo filium meum, & comedimus. Dixique ei die altera: Da filium tuum, vt comedamus eum. Quæ abscondit filium suum. Quod cū audisset Rex, scidit vestimenta sua,*

sua, & transibat per murum. Mulier ista diuinam significat iustitiam, quæ coëgit Filium Dei ad passionem, ita vt quali dentibus Iudæorum comederetur, cum ab  
 Matt 27. iis clamabatur: *Crucifigatur. At illis Præses: Quid enim mali secui? At illi magis clamabant, dicentes: Crucifigatur. Cum ergo Pater cælestis ista in filio suo aspiciet vulnera, putasne, iracundiæ suæ non scindet vestimenta? Imò & per murum transibit, quia, quidquid ab eo petet filius, impetrabit.*

Quartò, vt sua morte redēptis, quàm misericorditer sint adiuti, propositis eiusdem mortis indicii insinuet. Cum Saul percussisset Ammon, & dispersisset eos, ita vt non relinquerentur in eis duo pariter, dixit omnis populus ad Samuelem: *Quis est iste, qui dixit: Saul non regnabit super nos? Date viros, & interficiemus eos.* Ita & nos regnare Dominum Iesum super nos curemus, & mandata illius obseruemus: quia ipse vicit diabolum, ecce vulnera adhuc in corpore gerit. Porro, cum reuerteretur percusso Philistæo David, egressæ sunt mulieres de vniuersis vrbibus Israel, cantantes, chorosq; ducentes in occursum Saul Regis, in tympanis lætitiæ, & in sistris. Et nos nonne exultabimus? nonne Christo Domino gratias agemus? Ipse diabolū percussit,

ecce

ecce vulnera adhuc in corpore gerit.

Postremò, vt in iudicio, quàm iustè damnentur, ibidem denuntiet. Vnde S. Augustinus dicit *l. 2. de Symbolo, c. 8.* Sciebat Christus, quare cicatrices in corpore suo seruaret. Sicut enim demonstrauit Thomæ non credenti, nisi tangeret, & videret; ita etiã inimicis sua demonstraturus est vulnera, vt conuincens eos Veritas dicat: Ecce hominẽ, quem crucifixistis: videtis vulnera, quæ infixistis: agnoscitis latus, quod pupugistis: quoniam per vos, & propter vos apertũ est, nec tamen intrare voluistis. Cum Dauid audiuiſſet de morte Saul nuncium, vocans vnum de pueris suis, ait: *Accedens irue in eum. Qui percussit illum, & mortuus est.* 2. Reg. 1.

Quia nimirum Saul occiderat, vt necaretur ab alio, dignus erat. Et cùm Rechab, & Baana retulissent ad Dauid caput Isboſeth, præcepit pueris suis, & interfe- 2. Reg. 4.  
cerunt eos, præcidente s̃q̃, manus & pedes eorum, suspenderunt eos super piscinam in Hebron. Dignæ manus sunt, quæ ligauerunt, flagellauerunt Dominum Iesum, coronã spinẽam illi imposuerunt, & crucifixerũt, dignæ sunt, vt abscindãtur. Et pedes, qui illum ad Pontificem, Præsidentem, & mortem duxerunt, quid meruerunt? *Ligatis* Matt. 22.  
*manibus, & pedibus Iudæorum mittite in tene-*

bras exteriores : ibi erit fletus & stridor dentium.

### Morale.

**L**Vbet nunc ex Euangelio vobis proponere prandiolum, nempe *partem piscis assi, & fauum mellis*. Et si enim nunc carnibus vesci liceat, quorundā tamen eas ferre nequit stomachus: nec me pudebit piscem proponere, quando dignatus fuit Saluator noster ex eo comedere, & reliquias discipulis dare.

Primò, piscis non est diuturnæ vitæ. Tu etiam te moriturum aliquando cogita, & peccata deuota. In omnibus operibus tuis, ait Sapiens, memorare nouissima tua, & in æternum non peccabis.

Secundò, piscis viuunt in aquis. Ita & peccator in pœnitentia viuere debet.

**Psal. 6.** Sicut David: *Lauabo per singulas noctes lectum meum, & lacrymis meis stratum meum rigabò.*

**Matt. 26.** Et Petrus egressus foras fleuit amarè. Ac Maria Magdalena lacrymis cepit rigare pedes Iesu.

Tertid, pisces in cauernis meliores sunt, quàm in paludibus, quòd significat

**Colos. 3.** sublimitatem conuersationis. Si consurrexistis cum Christo, quæ sursum sunt, quarite, vbi Christus est in dextera Dei sedens; quæ sursum sunt, sapite, & non quæ super terram.

Quartò



Quartò, piscis assus significat charitatem. Scribit S. Hieronymus *in comment. in epistolam ad Galat. l. 3. in cap. 6.* quòd beatus Ioannes Euangelista, cùm Ephesi moraretur vsque ad vltimam senectutem, & vix inter discipulorum manus ad Ecclesiam deferretur, nec posset in plura vocem verba contexere, nihil aliud per singulas solet proferre collacta, nisi hoc: *Filii, diligite alterutrum.* Tandem discipuli, & fratres, qui aderant tædio affecti, quòd eadem iemper audirent, dixerunt: *Magister, quare hoc semper loqueris?* Qui respondit dignam Ioanne sententiam: *Quia praeceptum Domini est, & si solum fiat, sufficit.*

Quintò, tantùm appono partem piscis, vt discatis splendorem, & superfluitatem vitare in conuiujs. Nam diues ille, qui epulabatur quotidie splendide, postea Luc. 16. tristi clamat voce: *Crucior in hac flamma.*

Porro mel dulce significat saluatoris præsentiã, cuius nomen mel in ore. Exemplum ab hesterno sumamus Euangelio, quia discipuli illi præsente Domino nullum habuerunt in via tædium, sed ad inuicem dixerunt: *Nonne cor nostrum ardens erat in nobis, dum loqueretur in via, & aperiret vobis Scripturas?* Luc. 24.

Secun-

**Luc. 24.** Secundò, Mel sanat vulnera. Tristes erāt illi discipuli: sed vbi cognouerunt Dominum, abiit tristitia, & *surgentes regressi sunt in Ierusalem eadem hora.*

**Ibid.** Tertio, Mel illuminat oculos. Ita discipuli illi præsente Domino illuminati sunt: & *aperti sunt oculi eorum, & cognouerunt eum.* Det nobis Dominus ita eum in hac vita cognoscere, vt facie ad faciem illum aliquando possimus videre. Amen.

## I N F E S T O

## S. M A R C I.

## Exordium:

**Gen. 24.** **C**Um seruus Abraham veniret in Mesopotamiam, Laban apposuit iumentis, & camelis paleas, & fœnum; hominibus verò panem.

## Moraliter:

Laban frater Rebecca significat con-  
cionatorem: nam Laban est candidatio.  
Candidus enim debet esse, tã per splen-  
dorem scientiæ, quàm per lucem bonæ  
vitæ. Nam lex prædicatoribus est posita,  
vt viuendo illuminet, quibus loquendo  
suadere

suadere festinant. Hic prædicator apponere debet iumentis, id est, rudibus; fœnum & paleas, id est, expositiones grossiores, ut eas capere possint: hominibus, id est, acutioribus, subtiliora debet prædicare. Non enim vna, & eadem exhortatio omnibus congruit, quia nec cunctos peccatorum qualitas altringit. Sæpe namque alios offendunt, quæ aliis profunt: & quæ hæc animalia nutriunt, alia occidunt. Leuis etiam sibilus equos mitigat, qui canes instigat: & medicamentum, quod hunc morbum sanat, alteri virus gignit: panis etiam, qui vitam fortium roborat, paruulorum vitam necat. Pro qualitate igitur audientium formari debet sermo doctorum, ut arseorum singulis congruat, & tamen à communis ædificationis arte nunquam discedant.

### Euangelium:

*Designauit Dominus & alios septuaginta duos, Luc. 10.  
& misit illos binos ante faciem suam in omnem ciuitatem, & locum, quod erat ipse venturus.*

### Thema:

*Ite, ecce ego mitto vos sicut agnos inter lupos. Ibid.  
Et: Dicite illis: Appropinquauit in vos regnum Dei.*

O Opor-

Oportunè explicabitur, nondum regnare cœpiſſe, neque veniſſe Antichriſtum: ſed venturum, & regnaturum circa mundi finem, qui quantum adhuc abſit, nullo modo ſciri poteſt. Hæc ſententia demonſtratur ſex rationibus. Sex enim ſigna certa aduentus Antichriſti nobis in diuinis litteris dedit Spiritus S. duo præcedentia ipſum Antichriſtum: duo concomitantia: & duo ſequentia.

Primum ſignum eſt prædicatio Euangelij in toto mundo. Teſtantur enim Scripturæ, in toto mundo prædicandum Euangelium, antequam veniat vltima perfecutio, quæ excitabitur ab Antichriſto. *Matt. 24. Prædicabitur hoc Euangelium regni in vniuerſo orbe, in teſtimonium omnibus Gentibus.*

Quod autem hæc verba: *In vniuerſo orbe*, propriè, & ſimpliciter ſint intelligenda, id eſt, in omni Gente prædicari debere Euangelium, & Eccleſias conſtitui, probatur primò, nam ideo expreſſè additur: *In teſtimonium omnibus Gentibus*: id eſt, ne vlla Gens in die iudicij poſſit excuſare in fidelitatem ſuam prætextu ignorantæ.

Secundò, quia Chriſtus dicit, prædicationem illam in vniuerſo orbe eſſe ſignum conſummationis ſæculi. Sic enim ſubiungit: *Et tunc veniet conſummatio.*

At,

At, si non propriè, sed per synecdochē deberet prædicari Euangelium in toto mundo, sumendo totum pro parte, nihil valeret illud signum. Nam eo modo primis xx. annis fuit prædicatum ab Apostolis in toto mundo.

Tertiò, quia, vt Augustinus *epist. 80. ad Hefychium* argumentatur, omnes Gentes sunt Christo promissæ. *Omnes gentes seruiunt ei.* Et Christus generaliter pro omnibus mortuus est: & ideo describuntur electi *ex omnibus Gentibus, & tribubus, & populis, & linguis.* Apoc. 7.

Porro quòd hoc signum nondum impletum sit, docet experientia. Inuentæ sunt enim in Oriente, & Occidente regiones vastissimæ, in quibus nulla extat memoria Euangelij. Neque dici potest, fuisse ibi fidem, sed postea extinctā esse. Nam saltē aliqua vestigia remanerent, vel ibi, vel in scripturis veterum. Sicut, cum Iosue cum populo transisset Iordanem siccis vestigiis, *duodecim lapides positi sunt in Iordanis medio, in monumentum filiorum Israel vsque in æternum.* Præterea; scimus, vbi prædicauerūt omnes Apostoli, fuisse loca multis nota, ne dicam omnibus. At nouus orbis terræ nūc inuentus, non fuit cognitus ab Apostolorum temporibus, nisi paulò antè nostrā ætatem.



Secundum signum aduentus Antichristi est desolatio omnimoda Rom. Imperij. Sciendum est enim Rom. Imperium tandem diuidendum in decem Reges, quorum nullus erit, vel dicetur Rex Romanorum, etsi omnes occupabunt prouincias aliquas Rom. Imperij. Sicut modo Rex Gallia, & Rex Hispania, Rex Anglia, & forte alij aliqui, tenent partes Rom. Imperij, & tamen non sunt Romani Reges, vel Imperatores. Donec autem hoc non sit, non potest Antichristus venire.

Dan 2. Probat hoc Irenaeus l. 5. c. 26. primò ex illo loco, ubi describitur successio principum regnorum usque ad finem mundi per statuam quandam; cuius caput aureum significat primum regnum, id est, Assyriorum. Pectus argenteum est regnum secundum, id est, Persarum. Venter aeneus tertium regnum, id est, Graecorum. Tibiae ferrea regnum quartum, id est, Romanorum: quod longissimo tempore fuit bipartitum, sicut tibiae duae sunt, & longissimae. Porro ex duabus tibiis oriebantur decem digiti, & in eis tota illa statua desinebat: quia videlicet Rom. Imperium tandem in decem Reges erat diuidendum, quorum nullus erit Rex Romanorum, sicut nullus digitus est tibia.

Proba-

Probat secundò ex alio loco, vbi cla- Dan. 7.  
rissimè Daniel per quatuor bestias ea-  
dem quatuor regna designat; & addit, ex  
vltima bestia proditura decem cornua,  
quæ decem vltimos Reges significant,  
qui orientur quidem ex Romano Impe-  
rio, sed non erūt Romani Imperatores:  
sicut cornua ipsa oriuntur ex bestia, sed  
bestia ipsa non sunt.

Probat tertio ex illo loco, vbi descri- Apoc. 17  
bit Ioannes bestiã cum septē capitibus,  
& decem cornibus, super quam mulier  
quædam sedebat. Et explicat, mulierem  
esse vrbē magnam, quæ sedet super se-  
ptem colles, id est, Romam: septē capita  
esse septē illos montes, & etiam septem  
Reges; quo numero intelligūtur omnes  
Rom. Imperatores. Decem cornua dicit  
esse decē Reges, qui vno tempore simul  
regnabunt: & ne putemus, hos fore Ro-  
manos Reges, addit, quòd hi reges odio  
habebunt fornicariam, & desolatam fa-  
cient illā, quia ita inter se diuidēt Rom.  
Imperium, vt illud penitus destruant.

Probat quartò ex eo: Et nunc quid deti- 2. Thef. 2  
neat, scitis, vt reueletur in suo tempore, vt, qui te-  
net nunc teneat, donec de medio fiat, & tunc  
reuelabitur ille iniquus. Vbi Paulus, non  
ausus apertè scribere de euersione  
Romani Imperij, quod tamen apertè

illis coram explicauerat, sic loquitur, & sensus est: Scitis, quid impediatur aduentum Antichristi. Dixi enim vobis Romanum Imperium impedire, quia non sunt adhuc impleta eius peccata, & non ante veniet Antichristus, qui hoc imperium propter sua peccata tollat è medio. Ideo, qui nunc tenet Rom. Imperium, teneat, id est, regnet, donec de medio fiat, id est, aboleatur, & tunc reuelabitur ille iniquus.

Tertium signum est aduētus Henoch & Eliæ, qui adhuc viuunt, & ad hoc viuunt, vt venienti Christo se opponant, & conseruent electos in fide Christi, & tandem Iudæos conuertant: quod tamen certū est, nondum esse impletum.

Quatuor de hac re Scripturæ extant.

Malac 4. Prima est: Ecce ego mittam vobis Eliam Prophetam, antequam veniat dies Domini magnus, & conuertet corda patrum ad filios, & corda filiorum ad patres eorum.

Eccli. 48. Secunda est, vbi de Elia legimus: Qui receptus es in turbine ignis, in turbine equorum igneorum: qui inscriptus es in iudiciis temporum, linire iracundiam Domini, conciliare cor patris ad filium, & restituere tribus Iacob. Et: Henoch placuit Deo, & translatus est in paradysum, vt det Gentibus pœnitentiam.

Quòd hæc non possint intelligi de quibus-

quibuscunque doctoribus, vt de Luthe-  
ro, Zwinglio, & similibus, patet: nam  
Malachias dicit, ab Elia conuertendos  
esse Iudæos, & propter Iudæos præcipuè  
mittendum, vt patet ex illo: *Mittam vobis.*  
Et Eccli. *Restituere tribus Iacob.* At Luthe-  
rus & Zwinglius nullum Iudæorum  
conuerterunt.

Quod etiam non possint hæc intelli-  
gi de Ioanne Baptista ad litteram, sed  
solum de Elia, patet, quia Malachias lo-  
quitur de secundo aduentu Domini, qui  
erit ad iudicandum. Sic enim ait: *Ante-  
quam veniat dies Domini magnus, & horribilis.*  
Primus enim aduētus non vocatur dies  
magnus, & horribilis, sed tempus acce-  
ptabile, & dies salutis. Vnde etiam sub-  
ditur: *Ne fortè veniens feriam terram anathe-  
mate,* id est, ne veniens ad iudicium, & in-  
veniens omnes iniquos, omnē terram  
condemnem: ideo mittam Eliam, vt ha-  
beam aliquos, quos saluem. At in primo  
aduentu Dominus non venit iudicare,  
sed iudicari; nec perdere, sed saluare.

Quòd etiam Eccli. loquatur de per-  
sonis ipsis Henoch & Elia, non de aliqui-  
bus aliis, probatur, Nam dicit illum He-  
noch venturum, *qui translatus est in paradisi-  
sum:* & illum Eliam venturum, qui in  
curru igneorū equorum raptus fuerat.

Quæ certè non conueniunt, nisi illis particularibus personis.

Matt. 17. Tertia Scriptura est: *Elias quidem venturus est, & restituet omnia.*

Quòd illa verba intelligantur de vero Elia, nò de Ioan. Baptista, planũ est, quia Ioãnes iã venerat, & absoluerat cursum suum; & tamẽ Dñs dicit: *Elias venturus est.*

Quòd verò non intelligantur de omnibus Doctoribus; sed de vno vero Elia, probari potest. Primò, quia Apostoli, qui mouerunt quætionem de Elia, fuerunt Petrus, Iacobus, & Ioannes, & occasionem acceperunt ex transfiguratione Domini, vbi Moysem & Eliam viderũt.

Ibid. Itaque eum interrogabant: *Quid ergo scriba dicunt, quia Eliam oportet venire primum?* & loquebantur de illo Elia, quem viderãt in monte cum Christo. Et Christus respondens: *Elias quidẽ venturus est, & restituet omnia;* loquitur etiã de illo Elia particulari, qui apparuerat in transfiguratione.

Deinde; Idem patet ex illis verbis: *Et restituet omnia.* Id enim non fecit Ioannes Baptista, nec vllus alius. Nam restituere omnia, est omnes Iudæos, & hæreticos, & fortè multos Catholicos ab Antichristo deceptos reuocare ad veram fidem.

Apoc. 11. Quarta Scriptura est: *Dabo duobus testibus meis, & prophetabunt diebus M. CC. LX.*

Quòd



Quòd hæc verba intelligantur de singularibus personis Henoch & Elia, non de omnibus Doctoribus patet: nã Ioannes addit eos interficiendos ab Antichristo, & corpora eorũ per tres dies matura insepulta in platea Ierusalẽ, & post tres dies eos resurrecturos, & in calũ ascensos: quæ nulli hætenus contigerunt.

Quartum signũ est, quòd Antichristi persecutio erit notissima, & gravissima, ita vt cessent omnes publicæ religionis cæremonia, & sacrificia, quorum nihil adhuc videmus.

Quòd illa vltima persecutio sit futura gravissima, patet ex illo: *Erit tunc tribulatio* Matt 24.  
*magna, qualis non fuit ab initio mundi, neque erit.*  
 Et ex illo, vbi legimus: *Tunc satanã soluen-* Apoc. 20  
*dum, qui vsque ad illud tempus fuerat li-*  
*gatus.* De quo loco disputas August. l. 20.  
*cont. Dei, c. 8. & 9.* dicit Antichristi tẽpore  
 diabolus soluendũ, & proinde tãto grauiorẽ fore illam persecutionẽ omnibus  
 præcedentibus, quanto crudeliũs potest  
 diabolus sæuire solutus, quàm ligatus.  
 Et Hippolytus Martyr in oratione, de mundi  
 consummatione, ac Cyrillus catechesi 15. di-  
 cunt Martyres, quos Antichristus occi-  
 det, futuros illustriores omnib. præteri-  
 tis, quia præteriti cõtra homines diaboli  
 ministros; at futuri cõtra ipsũ diabolum

personaliter grassantem pugnabunt.

Quòd autem illa persecutio sit futura notissima, & manifestissima, probat sanctus Augustinus l. 20. de ciuitate Dei, c. 11. ex illis verbis: *Et circueierunt castra Sanctorum, & dilectam ciuitatē.* His enim verbis significatur, omnes prorsus impios simul futuros in exercitu Antichristi, & aperto Marte oppugnatuos omnē Sanctorum Ecclesiam. Nunc enim sunt multi ficti in Ecclesia, qui suam tegētes malitiam, corde sunt extra Ecclesiam, corpore intus: At tunc erumpēt omnes, inquit Augustinus, in apertam persecutionem ex latebris odiorum.

Denique: Quòd propter atrocitatem persecutionis Antichristi cessare debeat publicum, & quotidianum Ecclesiæ officium, & sacrificium, aperte docet Daniel: *A tempore, cū ablatum fuerit iuge sacrificium, dies M. CC. XC.* Vbi omnium consensu loquitur de tempore Antichristi, vt Patres exponunt. Et sensus est, Antichristum interdicturum omnem diuinum cultum, qui in Ecclesiis Christianorum nunc exercetur; ac præsertim sacrificium Eucharistiæ.

Quintum signū est duratio Antichristi. Non enim regnabit, nisi tres annos cū medio. Colligitur hoc ex Daniele &

Apoc.

Apoc.vbi legimus duraturū Antichristi Apoc.13  
 regnum *per tempus, & tempora, & dimidium*  
*temporis.* Nam per tēpus intelligitur vnus  
 annus; per tempora, duo anni; per dimi-  
 dium temporis, medius annus. Sic enim  
 explicat idem Ioannes. Nam dicit, An- Apoc.11  
 tichristum regnaturum mensibus XLII. <sup>13.</sup>  
 qui rectē faciunt tres annos cum medio.  
 Et dicit, Henoch & Elia m prædicaturos Apoc.11  
 diebus M.CC.LX. Nam Hebrēi utebantur  
 annis & mensibus lunaribus, etsi eos re-  
 uocarent ad solares, addendo sexto  
 quoque anno vnā lunationem. Tres  
 autem anni lunares cum medio faciunt  
 rectissimē XLII. menses, siue M. CC. LX.  
 dies: siquidem annus lunaris plenus, &  
 perfectus cōstat XII. mensibus, quorum  
 quilibet habet xxx. dies; vt Augustinus  
 docet. l. 13. de ciuit. c. 14.

Neque obstat, quòd dicitur Antichri- Dan. 12.  
 stus regnaturus M.CC.XC. diebus, id est,  
 diebus xxx. ampliùs, quā dixerat Ioan-  
 nes. Nam Ioannes loquitur de Henoch  
 & Elia, qui ab Antichristo occiduntur  
 vno mense, antequam Antichristus  
 pereat.

Confirmatur hoc signū, quia aliquo- Dan 4.  
 ties legimus septem tempora transitu-  
 ra, quibus erit futurus extra regnum  
 suum Nabuchodonosor: per illa autem  
 tempora

tempora omnes intelligunt annos.

- Deinde Scripturæ dicant, tempus diaboli soluti, & Antichristi fore breuissimum. *Va terra & mari, quia descendit diabolus ad vos, habens iram magnam, sciens, quod modicum tempus habet.* Et: *Ligant eam per mille annos: & post hæc oportet illum solui modico tempore.* Vnde Dominus: *Nisi breuiati fuissent dies illi, nõ fieret: salua omnis caro.* Denique; Christus prædicauit solum tribus annis, cum medio. Ergo decet etiam, vt Antichristus non permittatur diutius prædicare.

- Sextum signum est, quod post Antichristum statim erit mundi consummatio. Daniel enim bis loquens de Antichristo, semel narrans visionem suam, & semel exponens visionem, vtraque vice subiungit, post Antichristum statim secuturum vltimum iudicium. *Considerabam, inquit, cornua, & ecce cornu aliud paruulum ortum est, & tria de cornibus eius euulsa sunt a facie eius. Aspiciebam, donec throni positi sunt, & antiquus dierum sedet, &c.* Et infra explicans visionem: *Bestia quarta, inquit, quartum regnum erit. Porro cornua decem, decem Reges erunt, & alius consurget post eos, & ipse potentior erit prioribus, & tres Reges humiliabit, &c.* Et tradentur in manu eius per tempus, & tempora, & dimidium temporis: & iudicium sedebit, &c.

Similis

Similis est prophetia Ioannis: *Post hæc Apoc. 20*  
oportet illum solui modico tempore: & vidi sedes,  
& sederunt super illas, & iudicium datum est eis,  
&c. Et rursum idem Daniel, postquam Dan. 12.  
dixerat, Antichristi regnum duraturum  
diebus mille, ducentis, nonaginta, sub-  
iungit: *Beatus, qui expectat, & peruenit vsque*  
*ad dies mille, trecentos, & triginta quinque; id*  
*est, vsque ad dies xlv. post mortem An-*  
*tichristi: tunc enim Dominus veniet ad*  
*iudicium, & coronas iustitiæ victoribus*  
*reddet, vt exponunt Hieronymus &*  
*Theodoretus in comment. huius loci.*

Deinde; Idem colligitur ex eo: *Prædi-* Matt 24  
*cabitur hoc Euangelium regni in vniverso mundo,*  
*in testimonium omnibus gentibus; & tunc erit*  
*consummatio. Et infra: Statim autem post tri-*  
*bulationem dierum illorum sol obscurabitur, &*  
*luna non dabit lumen suum: & tunc apparebit si-*  
*gnum filij hominis, &c. Et ex eo: Tunc reuela-* 2. Thes. 2  
*bitur ille iniquus, quem Dominus Iesus interficiet*  
*spiritu oris sui, & destruet illustratione aduentus*  
*sui, &c. Vbi Apostolus docet fere imme-*  
*diatè post Antichristum, venturū Chri-*  
*stum, quia nimirū intercedet breuissi-*  
*mū tēpus: & doli, & fraudes Antichristi,*  
*quæ destrui cœptę erāt per Eliam & He-*  
*noch, destruētur penitus per Iesu Christi*  
*aduentū, & horribilia signa præcedētia.*

Denique; Idem habetur ex eo: *Filioli,* 1. Ioan. 2

*novissima*



*nouissima hora est, & sicut audistis, quia Antichristus venit, & nunc Antichristi multi facti sunt. Vnde scimus, quia nouissima hora est. Vbi Ioannes dicit, hoc tempus à Christo vsque ad finem mundi esse nouissimam horam, siue vltimam ætatem, vt Augustinus exponit. Et probat pulcherrimè ex hoc principio, quia scimus, Antichristum venturum in fine mundi: & iam videmus multos nunc adesse eius præcursores, siue minores Antichristos. Det nobis Deus vsque ad finem constantes permanere, vt cum ipso tandem regnare valeamus. Amen.*

## I N F E S T O

## S A N C T O R V M

## P H I L I P P I E T I A C O B I.

## Exordium:

Exod. 15.  
Num 33

**F**ilij Israel profecti de Mara venerunt in Elim, vbi erant duodecim fontes aquarum, & palma septuaginta: ibiq; castrametati sunt.

## Moraliter:

Mara, id est, amara, denotat infidelitatem, & statum peccati. Elim, id est, inuocatio Dei, fidem significat, & statum gratiæ,

gratiæ, in quibus Deum, & Saluatorem nostrum Christum inuocamus, & credimus. Dum ergo ab infidelitate ad fidem, aut à peccato ad virtutem conuertuntur homines, inueniunt 12. fontes, scilicet Apostolos effundentes aquas dulcedinis, doctrinæ & charitatis, quibus mundus totus irrigatur. O quàm mirabiles illi fluuios nobis effuderunt, non terram irrigantes, sed animas hominum ad producenda virtutum germina suscitantes! 70. autem palmæ designant 72. discipulos, quos Dominus designauit, & misit binos ante faciem suam, in omnem ciuitatem, & locum, quò erat ipse venturus. Illi nobis umbram adferunt, & prædicatione sua ab æstu temptationum defendunt.

### Euangelium:

*Non turbetur cor vestrum. Creditis in Deum, Ioan. 14. & in me credite: in domo Patris mei mansiones multe sunt.*

### Thema:

*In domo Patris mei mansiones multe sunt. Ibid.*

Quorum occasione verborum opportunum erit demonstrare, non esse omnes iustos inter se pares.

Conueniunt autem Lutherani in eo, ut dicant, omnes iustos æqualiter esse iustos, ita ut neque vnus sit iustior alio, neque

neque idem homo in iustitia crescat. Similem errorem docuit olim Iovinianus teste S. Hieronymo *in l. 2. aduersus Iovinianum*, quāuis non ex fundamento eodem.

Iovinianus enim docebat, virtutes esse pares, & peccata etiam paria, iuxta antiquam sententiam Stoicorum. Lutherani verò non dicunt (quòd sciam) virtutes esse pares, aut peccata paria; neque negant, posse hominē crescere in fide, spe, & charitate, aliisq; virtutibus; neque dicunt, non esse vnum alio maiorem, quod attinet ad eiusmodi virtutes: sed affirmāt, per has virtutes neminem iustificari; ac per hoc crescere in fide, spe, & charitate, non esse crescere in iustitia; & ex eo, quòd alius alio fide, & charitate sit maior, non effici, vt vnus sit alio iustior: quandoquidē vna & eadem Christi iustitia fide apprehensa, atque à Deo imputata, omnes iustificari docent.

Quòd attinet ad Iovinianū, euidenter refellitur error ipsius his testimoniis.

- Iob 1.** *Nunquid consideraſti ſeruum meum Iob, quòd non*  
**1. Reg. 9.** *ſit ei ſimilis in terra?* Et: *Non erat vir de filiis*  
**Ecli. 44.** *Iſrael melior illo. Et: Non eſt inuentus ſimilis illi,*  
**Pſal. 83.** *qui conſeruaret legem excelsi; de Abraham dicitur. Et: Beatus vir, cuius eſt auxilium abs te,*  
*aſcenſiones in corde ſuo diſpoſuit in valle lacrymarum, in loco, quem poſuit. Etenim benedictionem*  
*dabit*

dabit legislator, ibunt de virtute in virtutem, & c. Quem locum tractans S. Gregorius homil. 15. in Ezech. Non mirum, inquit, si de virtute in virtutem gradus sunt, quando ipsa vnaquæque virtus quasi quibusdam gradibus augetur, & sic per incrementa meritorum ad summa producit. Apo- Luc. 17. stoli etiam petunt sibi augeri fidem. Ex quo loco ducit argumentum S. Hieronymus, l. 2. in Iovinianum: Quare, inquit, dicunt Apostoli: *Adauge nobis fidem*, si omnium vna mensura est? Item: *Non inueni tantam fidem in Israel*. Et: *Non surrexit maior* Ioanne Baptista. Et: *Remittuntur ei peccata multa, quoniam dilexit multum*.

Huc pertinent varix similitudines. Comparatur enim Ecclesia terræ, quæ pro varia dispositione alicubi reddit fructum tricenum, alicubi sexagenum, alicubi centenum.

Comparatur etiam corpori humano, in quo sunt varia membra, alia sublimiora, alia inferiora; alia nobiliora, alia viliora.

Dicuntur in domo Dei esse vasa aurea, & argentea, lignea, & fictilia. Et sine dubio præstantiora sunt aurea, quàm argentea; & argentea, quàm lignea, & fictilia.

Denique; Idem probant omnia testi-

P monia

monia, quæ docent, præmia in cælo non  
 1. Cor. 15 esse paria. Vt: *Alia claritas Solis, alia claritas  
 Luna, alia claritas stellarum; & stella differt à  
 Ioan. 14. stella in claritate. Et hoc loco: In domo Patris  
 mei mansiones multe sunt.*

Matt. 20. Neque his repugnat, quòd dari vide-  
 tur idem præmium omnibus operariis,  
 videlicet denarius diurnus. Nam dena-  
 rius ille significat æqualitatem æterni-  
 tatis, non gloriæ, & excellentiæ. Itaque  
 datur omnibus idem denarius, quoniam  
 sancti omnes sine fine regnabunt, quam-  
 uis non omnes eadem eminētia regna-  
 bunt. Quemadmodum commune est  
 stellis omnibus, perpetuo fulgere in cæ-  
 lo, tamen aliæ aliis clariùs micent. At-  
 que hoc modo hunc locum exponunt  
 sancti Patres.

At, inquires, si denarius diurnus non  
 significat omninò par præmium: unde  
 murmurabant operarii, qui plus labora-  
 uerant, quòd eandem mercedem acci-  
 perent cum iis, qui minùs laborauerant?

Introducitur murmur illud in para-  
 bola, non quòd in cælo vllum futurum  
 sit murmur, sed vt ostendatur nullam  
 esse in Deo iniquitatem, si cum aliis li-  
 beralior, quàm cum aliis esse velit.

Huius rei figura est: Cùm fratres Io-  
 seph in domo eius mēse accumberent,  
*federunt*



*federunt coram eo, primogenitus iuxta primoge- Gen. 43.  
nita sua, & minimus iuxta aetatem suam. Et mi-  
rabantur nimis, sumptis partibus, quas ab eo acce-  
perant, maiorq; pars venit ad Benjamin, ita ut  
quinque partibus excederet. Biberunq; & ine-  
briati sunt. Eadem mensa significat: & qua-  
litate eternitatis: diuersa loca diuer-  
sitate gloriæ. Et sicut Ioseph sine alio-  
rum iniuria maiorem partem misit Benia-  
min: ita Deus non facit iniuriam ei, cui  
debitam mercedem reddidit, si parem,  
vel maiorem alteri ex liberalitate dona-  
uerit. Tunc mirabimur, bibemus, & ine-  
briabimur. Mirabimur diuinam præ-  
sentiam: audiemus nobis loquentem  
Dominum: Comedite amici, & bibite, & ine- Cant. 5.  
briamini charissimi.*

Nunc aduersus Lutheranos primò  
pugnat illud: *Iustorum semita, quasi lux splen- Prou. 4.  
dens procedit, & crescit vsque ad perfectum diem.*  
Hic enim describitur iustitiæ ipsius pro-  
gressus per similitudinem lucis, quæ ab  
aurora progreditur ad meridiem. Sicut  
enim vera lux est, quæ fulget in aurora,  
& augetur semper, & crescit vsque ad  
perfectionem meridianam: sic etiam  
vera iustitia est in hominibus iustifica-  
tis, & ea tamen semper magis, ac magis  
augetur; donec ad perfectionem beato-  
rum in cælesti felicitate peringat.

2. Cor. 9. Secundò, illud: *Augebit incrementa frugum iustitia vestra. Quomodo enim Deus augebit incrementa frugum iustitia nostræ, si nulla est in nobis iustitia, nisi Christi, quæ augeri non potest?*

Apoc. vi. Tertiò, illud: *Qui iustus est, iustificetur adhuc; & qui sanctus est, sanctificetur adhuc; & qui in sordibus est, sordescat adhuc. Quis autem dubitat, eos, qui in sordibus sunt, verè posse adhuc sordescere, & vnum esse sordidiorem alio? cur igitur non concedūt, posse etiam iustos effici iustiores, & vnum alio in iustitia esse maiorem.*

Quartò, pugnant aduersus eos omnia loca, in quibus dicitur charitas augeri, & in vno maior esse, quàm in alio. Remittuntur ei peccata multa; quoniā dilexit multum.

Et: Cui minus dimittitur, minus diligit. Item:

Ioan. 15. *Maiorem hanc dilectionem nemo habet, vt animam suam ponat quis pro amicis suis. Et: Diligis me plus*

Ioan. 21. *his?* Item: *Perfecta charitas foras mittit timo-*

1. Ioā 4. *rem. Et: Qui timet, non est perfectus in charitate.*

Nam secundum Scripturā iustitia nihil aliud est, quàm charitas. Nam Apostolus Ioannes pro eodem accipit, iustum esse,

1. Ioā. 3. & diligere. In hoc manifesti sunt filij Dei, & filij diaboli. Omnis, qui non est iustus, non est ex Deo, & qui non diligit fratrem suum: quoniam hac est annunciatio, quam audistis ab initio, vt diligatis alterutrum. Et ibidem: *Qui non diligit, manet*

in morte. Et: Translati sumus de morte ad vitam,  
quoniam diligimus fratres. Item; Apostolus  
Paulus, cum ait: Regnum Dei est iustitia, pax Rom. 14  
& gaudium in Spiritu sancto, per iustitiam in-  
telligit charitatem, cuius proprii sunt  
effectus, Pax, gaudium, iuxta illud: Fructus Gal 5.  
autem Spiritus sunt, charitas, gaudium, pax. Et  
Dominus, cum nos admonet: Nisi abundauerit iustitia vestra plusquam Scribarum &  
Pharisæorum, non intrabitis in regnum celorum;  
præcipue loquitur de charitate. Scriba-  
rum enim & Phariseorum iustitia erat,  
diligere amicos, & odio prosequi inimi-  
cos: iubet autem Christus, ut diligamus  
etiâ inimicos, & sic iustitia nostra abun-  
det plusquam Scribarum & Phariseorum.

Quinto, pugnant contra eos omnia  
loca, quæ docent, in cælo varietatē esse  
præmiorum, & coronarum, supra allata.  
Nam præmia regni celorum proprie iu-  
stis parata sunt: Ibunt iusti in vitam æternam. Matt. 25.  
Et Apostolus vocat beatitudinē brauium Philip 3.  
superna vocationis. Et apertius vocat coronam 2. Tim. 4.  
iustitia, quam reddet iustus Iudex. Quare, si di-  
uersitas est in cælo præmiorum, sine du-  
bio est diuersitas in terra meritorum: &  
si varia est corona iustitia, varia quoque  
est ipsa iustitia.

## Morale.

Ioan. 14. *In domo Patris mei mansiones multe sunt.*

**D**E priuilegijs sancti Philippi nunc agendum erit: de S. Iacobo in aliud tempus reseruabimus.

Primum Philippi priuilegium est, quod inter primos à Domino vocatus fuerit: primus namque fuit Andreas, secundus Petrus, tertius Philippus. *Ioan. 1.* In crastinum voluit exire in Galileam, & inuenit Philip-  
*Isa. 50.* *re illud: Dominus aperuit mihi aurem: ego autem non contradico, retrorsum non abij.* Sed nos  
*Iob 24.* *(heu!) quoties à Deo per bonas vocamur inspirationes, non audimus. Ipsi fuerunt rebelles lumini, nescierunt vias eius, nec reuersi sunt per semitas eius,*

Secundum priuilegium est, quod pri-  
*Ioan. 1.* *mus annunciauerit Iesum. Inuenit Philip-  
 pus Nathanael, & dicit ei: Quem scripsit Moyses  
 in lege, & Propheta, inuenimus Iesum filium Io-  
 seph, a Nazareth. Et dixit ei Nathanael: A Na-  
 zareth potest aliquid boni esse? Dicit ei Philippus:  
 Veni, & ride. Ex quo docemur, quod ma-  
 gna debeamus fiducia Philippum inter-  
 pellare in cælis, qui charitate plenus  
 dona*

donagratia, & fidei alteri communicavit in terris.

Tertium privilegium est, quod procurator collegij Christi fuisse videatur. Nam cum subleuasset oculos Iesus, & vidisset, Ioan. 6. quia multitudo maxima venit ad eum, dicit ad Philippum: Vnde ememus panes, ut manducent hi? Hinc videtur fuisse dispensator Christi, Quis, putas, est fidelis dispensator, & prudens, quem Luc 12. constituit Dominus super familiam suam, ut det illis in tempore tritici mensuram? Si ergo volumus refici in calis, ipsum honoremus in terris.

Quartum privilegium est, quod apud Christum Mediator fuit. Erant autem quidam gentiles ex his, qui ascenderant, ut adorarent Ioan 12. in die festo. Hi ergo accesserunt ad Philippum, qui erat a Bethsaida Galilaeae, & rogabant eum, dicentes: Domine, volumus Iesum videre. Venit Philippus, & dicit Andrea. Andreas rursus, & Philippus dixerunt Iesu. Si fuerit mediator in mundo, quid credendum est fieri in caelo?

Quintum privilegium est, quod aeternae felicitatis summus fuerit aemulator. Nam cum Apostoli ceteri visione filij Dei, & promissione Spiritus sancti essent contenti, Philippus ex charitatis seruire paternam visionem petere ausus est, dicens: Domine, ostende nobis Patrem, & Ioan. 14. sufficit nobis. Facit enim charitatis divinae



consolatio in homine familiaritatis ausum: ausus gustum: gustus desiderium, & i a contemptum omnium aliorum.

Sextum priuilegium est, quod familiaritate Christi multum fuerit clarus. Cuius signum vnum est, quod ceteris Apostolis non audētibus excellentissimum donū petere, ipse petiuit, scilicet gaudiū visionis paternę. Magne in Ioanne familiaritatis fuit indiciū, quod pro-

Ioan. 13. ditorem peteret: *Innuit ergo huic Simon Petrus, & dixit: Quis est, de quo loquitur?* quia ipse petere non audebat. Itaque cū recubisset ille supra pectus Iesu, dicit ei: *Domine, quis est?*

Sed adhuc maioris familiaritatis fuit aduentum eius, & finem mundi inuesti-

Matt. 24. gare. *Dic nobis, quando hac erunt? Et quod signum aduentus tui, & consummationis seculi?* Et quod patrem sibi reuelari petierit, cū

Exod. 33 Moyši hoc petenti responsum sit: *Non videbit me homo, & viuet.* Alterum signum, quod Christus magna ei reuelauerit se-

Ioan. 14. creta, dicens: *Philippe, qui videt me, videt & Patrem.* Scilicet aut in via per fidem, aut in patria per claram visionem.

Septimum priuilegium est, quod in martyrij gloria Christo fuerit similis. Nam cū Hierapolim Phrygię venisset, pro Christi nomine cruci affixus, lapidibusque obrutus est, Kalendis Maij.

Gloria

*Gloria magna est sequi Dominum. Nos etiam Eccli. 23.  
vitia nostra crucifigamus, vt inter illos  
simus, de quibus Apostolus: Qui Christi Gal. 5.  
sunt, carnem suam crucifixerunt cum vitiis, &  
concupiscentiis.*

---

IN INVENTIONE  
S. CRVCIS.

Exordium:

**V**idebam, & ecce arbor in medio terra, & Dan 4.  
altiludo eius nimia. Magna arbor, & fortis:  
proceritas eius contingens calum: aspectus illius  
erat vsque ad terminos vniuersæ terra. Folia eius  
pulcherrima, & fructus eius nimius: & esca vni-  
uersorum in ea. Subter ea habitabant animalia,  
& bestia, & in ramis eius conuersabantur volu-  
cres cali: & ex ea vescebatur omnis caro.

Moraliter:

Arbor hæc denotat crucem Christi.  
In medio terra: fertur enim, quòd mons  
Caluariæ sub Æquinoctiali situs sit. Cæ-  
lum tægit: quia nulla est alia via ad cælum,  
nisi per crucem Christi. Ad terminos terræ;  
quia omnes ad se Christus vocat. Fructus

eius Christus est. *Volucres cali sunt beati. Bestie significant viatores, qui adhuc in terris degunt.*

### Euangelium:

Ioan. 3. *Erat homo ex Phariseis, Nicodemus nomine, princeps Iudeorum. Hic venit ad Iesum nocte, & dixit ei: Rabbi, scimus, quia à Deo venisti, magister.*

### Thema:

Ibid. *Nisi quis renatus fuerit.*

Oportuna erit probare, Baptismum esse necessarium ad salutem, in re, vel in voto, ut medium (nam quod diuino Christi præcepto sit necessarius, nulla controuersia est) ita ut si quis non baptizetur, pereat, etiam si fortè ob ignorantia excusetur à præuaricatione præcepti. De hoc Concilium Trident. sess. 7. can. 2. dicit: *Si quis dixerit, Baptismum non esse necessarium ad salutem, anathema sit.*

Ioan. 3. *Probat ex Scriptura: Nisi quis renatus fuerit ex aqua, & spiritu sancto, non potest introire in regnum Dei.* Quæ verba non sonant præceptum, sed medium, ut Augustinus demonstrat l. 1. de peccatorum merito & remissionis, c. 30. ubi hunc locum accuratè expendit.

Paret etiam ex ratione, quæ redditur:

*Quod*

*Quod natum est ex carne, caro est.* Et: *Oportet* Ibid.  
*vos nasci de novo.* Indicat enim Dominus,  
 homines nasci carnales, & peccatores,  
 atque aded servos peccati; & proinde  
 necessarium esse remedium contra hæc  
 mala, quod remedium deinceps erit Ba-  
 ptismus. Idem aperitissime conuincitur Num. 23  
 ex figura ænei serpentis, quam ibidem  
 Dominus ponit. Vult enim ita reme-  
 dium esse contra mortem æternam, re-  
 nasci per fidem, & baptismum suum; vt  
 olim fuit serpens æneus remedium vni-  
 cum contra morsum serpentini. Itaque  
 illud: *Nisi quis renatus fuerit, &c.* simile est, Ioan. 3.  
 ac si quis diceret: *Nisi comedas, non vi-  
 ues: vel, Nisi pharmacum sumas, non  
 conualesces.* Ista enim non tam præcep-  
 tum, quàm medium denotât. Sed quæ-  
 stio est: Quando Baptismus cœperit esse  
 necessarius ad salutem?

Pro qua sit dogma primum: Baptismus  
*ante passionem Domini institutus est.* Negari  
 non potest, quia aliquem Baptismum  
 Christus in vltu habuerit ante passio-  
 nem: nam dicitur: *Post hæc venit Iesus, & di-* Ibid.  
*scipuli eius in terram Iudæam, & illic demoraba-*  
*tur cum eis, & baptizabat.* Et: *Vt ergo cognouit* Ioan. 4.  
*Iesus, quia audierunt Pharisei, quod Iesus plures*  
*discipulos facit, & baptizat, quàm Ioânes (quan-*  
*quam Iesus nō baptizaret, sed discipuli eius, &c.)*

Sed

Sed dubium esse potest: An ille Baptismus fuerit Sacramētum illud, quod nunc habemus, de quo fit mētio Matth. ult. an verò fuerit præparatio quædam ad Baptismi Sacramentum postea instituendum, vt erat Baptismus Ioannis?

Et quidem Chrylost. *homil. 28. in Ioan.* Theophylactus *in cap. 3. Ioannis*, aperte docent posteriorem partem. Probabilior tamen est prior pars, & est communis sententia Theologorum, cum Magistro *in 4. d. 3.*

**Ioan. 3.** Probatur primò, quia Christus dicitur baptizasse, cū tamen non ipse baptizaret, sed discipuli eius. Ergo ille Baptismus erat propriè Baptismus Christi, vt distinguitur à Baptismo Ioannis: alioqui non ipse, sed Ioannes diceretur eos baptizasse, quos discipuli Christi baptizabant. Adde, quod dicitur de Christo in præsentī: *Hic est, qui baptizat in Spiritu S.*

**Ioan. 1.**  
**Act. 19.** Probatur secundò, quia legimus rebaptizatos, quos baptizauit Ioannes. At nusquam legimus rebaptizatos, quos discipuli Christi ante passionem eius baptizauerant. Imò probabilissimū est (vt Aug. docet *ep. 108*) Apostolos non fuisse baptizatos, nisi ante Christi passionem.

Probatur tertio, Patres docent, communi consensu, Christum, cū baptizaretur



retur in Iordane, dedisse aquis vim sanctificandi: at certè non habuerunt aquæ vim sanctificandi, nisi ab eo tempore, quo cœperunt esse materia Baptismi.

Dogma secundum: *Baptismus Christi institutus est, quādo Dominus ipse in Iordane à Ioanne baptizatus est.* Nō volumus dicere, Christum in die sui Baptismi verbis docuisse materiam & formam Baptismi; sed tum primū statuisse, & decreuisse, quod postea declarauit Nicodemo, & alio tempore suis discipulis, vt aqua esset materia Baptismi, & forma esset inuocatio trium personarum diuinarum.

Determinauit enim aquas ad Baptismi materiam, cum eas tactu mundissimæ carnis suæ cōsecrare, & illustrare dignatus est. Et simul determinauit formam, cū in eius baptisinate tota Trinitas sensibiliter apparuit. Vbi etiam declaratus est effectus Baptismi à Christo instituti; nimirum quodd baptizatis aperiatur cælum, & à Patre in filios adoptantur, & à Spiritu S. replentur.

Dogma tertium: *Baptismus Christi nō fuit necessarius necessitate mediæ, aut præcepti, ante Christi mortem.*

Probatur, quia vsque ad Christi mortem lex antiqua vim suā retinuit; vt patet, quia Christus eam seruauit vsque ad mortem.

mortem. In pridie, quàm pateretur, **Matt. 23.** seruauit cæremoniam Agni Paschalis: & monebat homines, vt seruarent, & facerent, quæ Scribæ & Pharisei docebant ex cathedra Moyſis. Quare illud Christi

**Ioan. 3.** verbum: *Niſi quis renatus fuerit, &c.* non ſignificat, ab eo die, quo Dominus cum Nicodemo loquebatur, fuiſſe Baptiſmũ neceſſarium: ſed ſignificat, neceſſarium futurum fuiſſe in lege noua, poſtquam ceſſarent legales cæremonia. Similiter

**Luc. 16.** illud: *Lex & Prophetæ vſque ad Ioannem*, non ſignificat, tunc legem ceſſaſſe, quoad vim, & obligationem; ſed quoad prædicationem: Ioannes enim fuit vltimus Prophetarum. Vnde ſubiungitur: *Ex eo regnum Dei euangelizatur.*

Præterea; In morte Chriſti ceſſauit efficacia cæremoniarum, & totius legis veteris. Ergo ceſſauit etiam vis Circumciſionis. Ergo vſq; ad tempus illud vim habuit lex vetus. Porro in morte Chriſti ceſſaſſe vim legis, patet ex Euangelio:

**Matt. 27.** *ſaſſum eſt velum.* Et: *Conſummatum eſt.* Item,

**Ioan. 19.** ex Apoſtolo: *Mortificati eſtis legi per corpus Chriſti.* Item; Omnes ferè cæremonia le-

**Rom. 7.** *gis erant figuræ Chriſti.* Chriſtus autem **Coloſ. 2.** *in ſua morte compleuit opus redem-*

**Heb. 10.** *ptionis.*

Dogma quartum: *Baptiſmus Chriſti capite eſſe*

esse necessarius necessitate medij, & præcepti, in die Pentecostes, ubi promulgatus fuit.

Nota, veterem legem simpliciter cessasse in morte Christi, quia tunc cessauit vniuersaliter ratio legis: tamen ob ignorantiam huius rei obligasse adhuc Iudæos vsque ad publicam promulgationem Euangelij: & contra legem Euangelicam, & Sacramenta Christiana condita fuisse, & multum profuisse ante Christi mortem; tamen non habuisse vim præcepti, nisi post promulgationem solennem; vt Concilium Trident. dicit, sess. 6. c. 4. de Baptismo.

Et ratio est, quia promulgatio est de essentia legis, vt S. Thomas docet, 1. 2. q. 90. art. 4. Promulgatio autem solennis nouæ legis facta est in die Pentecostes.

Quod probatur primò, quia, vt diximus, lex vetus viguit vsque ad Christi mortem: ab eo autem tempore vsque ad Pentecosten, neque Christus, neque Apostoli publicè ad populū locuti sunt.

Secundò, non debuit promulgari solenniter lex noua, nisi completis omnibus mysteriis redemptionis: mysteria autem completa sunt in ascensione Christi.

Tertiò, lex vetus solenniter promulgata fuit in monte Sina, die quinquagesimo

fimo post Pascha Iudæorum primum. Ergo lex noua promulgari debuit die quinquagesimo post primum Pascha Christianorū. Fuisse autem illam legis promulgationem, figuram promulgationis Euangelij, docet August. *epist. 119.* Leo *sermone 1. de Pentecoste, & alij.*

A. A. 1.

Quartò, cōcioni primæ, quam habuit S. Petrus iplo die Pentecostes conueniunt omnes conditiones promulgationis solennis. Nam habita est in vrbe regia Ierosolymorum, presentibus omnibus hominibus omnium nationum, à summo præcone Euangelij, qui erat Apostolus Petrus: & in ea concione comprehensa sunt præcipua capita totius doctrinæ Euangelicæ. Denique; Continud etiam cœpit vsus Sacramentorum.

## DE CRUCE.

**D**E Cruce sciendum, ex tribus lignis eam factam fuisse, quorum vnum erat longū, cui corpus adharebat: alterum transuersum, superpositum longo, cui manus affigebantur: tertium lignum erat infixum in longo ligno, vt in eo pedes crucifixi starent, & affigi possent. Id testatur Irenæus, *l. 2. c. 42.* Habitus, inquit, id est, figura crucis fines, & summitates habet

habet quinque, duas in longitudinem, duas in latitudinem; vnam in medio, in qua quiescit, qui clauis affigitur. Idem habet Iustinus, in *Dialogo cum Tryphone vltra medium*. Vtrum autem lignum transuersum suprapositum esset ligno longo, ita vt non emineret lignum longum sursum versus, non est certum: nam Beda in *quest. in Gen.* vbi de victoria Abrahæ loquitur, dicit, crucem similem fuisse litteræ Græcæ T. qualem etiam olim fuisse Hebraicum Than, docet Hieronymus in *c. 9. Ezechielis*. At B. Augustinus *epist. 120. c. 26.* dicit, lignum longum eminuissè supra transuersum. Et hoc est probabilius: nam est conformius verbis Irenæi, & verbis Apolloli: *Vt possitis comprehendere cum omnibus Sanctis, quæ sit latitudo & longitudo, sublimitas & profundum*. Sublimitas enim est pars ligni, vbi est titulus supra transuersum. Ephes. 3.

Modus crucifigendi communis non erat, vt multi putant, funibus alligando, sed clauis affigendo. Pictores vero solèt ferè solum Christum depingere clauis affixum; latrones autem, & S. Petrum, atque Andream funibus. Sed non ita est: omnes enim clauis figebantur; imò & omnes crucem suam ferebant, omnesque antea flagellis cædebantur. Adde,

Q. quodd



quòdideo dubitabatur, quàm ex tribus repertis crucibus esse Dominica, quia omnes tres habebant similia foramina, & clauos.

De inuentione S. Crucis quatuor notanda sunt.

Primò, quòd non permiserit Deus lignum illud in mare mergi, vel flammis absumi. Quòd enim hostes Christianorum conati sint abolere crucem, eiusque omnia vestigia, patet ex eo, quòd altissime crucem sub terra absconderunt, & in loco crucis, Veneris simulachrum; in loco resurrectionis, Iouis; in loco natiuitatis, Adonidis posuerunt; vt refert B. Hieronymus in *epist. ad Paulinum, de institutione Monachi*. Cur, quæso, non cremarunt crucem, cùm vellent, & possent, nisi quia Deus abstulit illis mentem, vt ad solatium piorum lignum pretiosissimum seruaretur?

Notandum secundò, quòd Deus eo tempore crucem inueniri voluerit, quòtutò poterat coli, nimirum ad initium Imperij Constantini. Nam, si antea referata fuisset, regnantibus persecutionibus, magis ludibrio, quàm honore excepta fuisset: si autem diu postea, fraudata fuisset S. Crux debito honore.

Notandum tertio, quòd per euentia  
mira-

miracula demonstratum sit, esse veram  
 crucem, & proinde crucis inuentionem  
 ac reuelationem illam esse à Deo. Nam,  
 cum tres cruces simul inuentę fuissent,  
 nec posset planè crux Domini à cruci-  
 bus latronum internosci, ad motæ fue-  
 runt omnes tres ad quandam mulierem  
 in extremis agentem, & cum duæ prio-  
 res nihil egissent, tertia ad mota mulieri  
 mox illam reddidit sanitati. Scribit hoc  
 Ruffinus *l. 10. hist. c. 8.* Socrates *l. 1. cap. 13.*  
 Theodoretus *l. 1. c. 18.* Sozomenus *l. 2. c. 1.*  
 & Nicephorus *l. 8. c. 29.* Eodem tempore  
 etiam virū mortuum excitauit, vt scri-  
 bunt Paulinus *epist. 11. ad Seuerum*, Seuerus  
*l. 2. hist. sacra*, & Sozomenus *l. 2. c. 1.*

Notandum quartò, quòd Helena non  
 ex se incitata sit ad crucē Domini qua-  
 rendam, sed diuinis admonita reuela-  
 tionibus. Sic enim testatur Eusebius in  
*Chronico*, quod Hieronymus Latinum fe-  
 cit. Et idem Ambrosius, Ruffinus, Pauli-  
 nus, Sulpitius, & alij dicunt.

## Morale.

*Ita exaltari oportet filium hominis.*

Ioan 3.

**F** Vit autem passus Christus in cruce.  
 Primò, propter exemplum virtutis.

Q 2

Oues

Gen. 30. Oves Iacob, dum varium virgarum colorem aspiciunt, maculosas, & vario resperfas colore oves pariunt. Ita nos humilitatem in cruce Christi aspiciamus; patientiam, charitatem, obedientiam; & illa imitemur.

Gen. 32. Iacob ait: *In baculo meo transiui Iordanem istum.* Si nihil, nisi baculum, in via habebat, profectò illum frequenter manibus agitabat. Ita nos oportet de cruce Domini frequenter cogitare, & cum Apostolo dicere: *Mihi absit gloriari, nisi in cruce Domini nostri Iesu Christi, per quem mihi mundus crucifixus est, & ego mundo.*

Secundò, Christus pependit in cruce, quia Eva in ligno peccauit: vnde ipse in ligno satisfecit. *Quæ non rapui, tunc exolvebam.* Et sicut Ioseph scyphum in sacco Benjamin ligari iussit, & ob hoc eum comprehendere voluit: ita Dominus Iesus ob peccata nostra comprehensus fuit, & illa ad montem Caluariæ tulit.

Tertiò, ideo in excelsso ligno, & non sub recto passus est, vt ipsius aëris natura mundetur; sed & ipsa terra simile beneficium sentiat decurrentis de latere sanguinis stillatione mundata. Hoc iterum illa figura designat Euangelij: *Sicut Ioan. 3. Moyses exaltauit serpentem in deserto: ita exaltari oportet Filium hominis, &c.*

Quartò,

Quartò, per hoc, quòd in altum moritur, ascensum nobis parat in cælum.

*Ego si exaltatus fuero à terra, omnia traham ad meipsum.* Vnde & Zachæus, dum in arborem sycomorum ascendit, Saluatorem mundi vidit, & ab eo vocatus fuit. Ioan. 12.  
Luc. 19.

Quintò, quia hoc competit vniuersali saluationi totius mundi. Sicut David, dum baculo suo Philistæum superat, 1. Reg. 17. vniuersum Israel à seruitute eius liberat: ita Christus Dominus diabolum in cruce vicit, & ita ab eius seruitute nos omnes liberauit.

Either cum duabus famulabus ad Afuerū intrat, & cū vultum Regis terribilem aspiceret, corruit, & lassum super ancillulam reclinauit caput: at ille festinus exiliuit de solio, dicens illi: *Quid habes, Esther?* Ego sum frater tuus, noli metuere. *Et tulit auream virgam, & posuit super collum eius, & osculatus est eam.* Esther humanum genus designat, quod innitebatur legi nouæ, & sequebatur illud vetus lex. Hoc, dum diuinæ rigorem iustitiæ considerat, nimirum est, si non per humilitatem cadat. Sed Christus Dominus, dum ex cælo in terram exiliit, & carnem humanam assumendo frater noster factus fuit; dum per pretiosum crucis lignum nos redemit, quid aliud, quàm osculando

pacem composuit? Et ita vniuersum  
genus hominum redemit.

---

I N  
A S C E N S I O N E  
D O M I N I.

Exordium:

**L**Egimus in historiis Romanorum,  
quod Romulus, cum concionē ha-  
beret ante urbem apud Caprę paludem;  
repentē è conspectu ablatu sit. Discer-  
ptum aliqui à Senatu putant ob asperius  
ingenium: sed oborta tempestas, solis-  
que defectio consecrationis speciem  
præbuere: cui mox Iulius Proculus fi-  
dem fecit, visum à se Romulum affir-  
mans augustiore formâ, quàm fuisset:  
mandare præterea, vt se pro numine ac-  
ciperent: Quirinum in cælis vocari pla-  
citum Diis: ita gentium imperio Roma  
potiretur.

Quantò magis nos Salvatorem no-  
strum Iesum colere debemus, qui ante  
urbem Ierusalē, in monte Oliueti, dum  
disci-



discipulis suis loquitur, *videntibus illis ele-* A<sup>ct.</sup> 1.  
*natus est, & nubes suscepit eum ab oculis eorum?*

## Euangelium:

*Recumbentibus vndecim discipulis, apparuit Mar. 16.*  
*illis Iesus, & exprobrauit incredulitatem eorum,*  
*& duritiam cordis, quia iis, qui viderant eum re-*  
*surrexisse, non crediderunt.*

## Thema:

*Assumptus est in calum.*

*Ibid.*

Occasione huius festi operæ precium  
 erit errorem Lutheranorum refellere,  
 qui Christum vbique esse docent.

Repugnat autem Vbiquitas ista primò  
 expressis Scripturis, quæ dicunt Chri-  
 stum hominē ratione humanitatis ali-  
 cubi non fuisse; & proinde non semper  
 fuisse vbique.

*Lazarus mortuus est, & gaudeo propter vos, vt* Ioan. 11.  
*credatis, quoniam non eram ibi. Et: Non est hic,* Matt. vlt.  
*sed surrexit.* Mar. vlt.

Repugnat secundò, illis Scripturis,  
 quæ dicunt, Deum esse vbique, vt hoc  
 modo illū discernant ab omnibus crea-  
 turis. *Calum & terram ego impleo.* Et alibi: Iere 23.  
*Quò ibo à Spiritu tuo, & quò à facie tua fugiam?* Psal 138.  
 Vnde Patres ex hoc Dei attributo pro-  
 bant, Spiritum sanctum esse verum  
 Deum, non creaturam, quia scriptum

Sap 1. est: *Spiritus Domini repleuit orbem terrarum.*

Repugnat tertio Vbiquitas testimoniiis, quibus Patres probant, in Christo duas esse naturas. Præcipuus enim locus

Ioan 3. est: *Nemo ascendit in calum, nisi qui descendit de celo, Filius hominis, qui est in celo.* Ex quo loco plurimi Patrum deducunt, Christum esse Deum & hominem, quia, quando erat corpore solum in terra, dicebat tamen se esse in celo, nimirum Deitate. At si vera sit Vbiquistarum sententia, hoc argumentum nihil concludit. Nam dicerent Eutychiani ab Vbiquistis edocti, etiam carne tunc fuisse Christum in celo, in terra, & ubique.

Præterea; Probant Patres, Christum Deum esse & hominem, ex illis locis, ubi dicitur Christus iter fecisse, ac mutasse loca, nunc naui, nunc pedibus, nunc etiam a seculo, cum tamen, ut Deus ubique esset, & moveri non posset. At secundum Vbiquistas ista omnia nihil probant. Nam, si Christi caro ubique erat, certe non poterat moveri, nisi metaphoricè: sicut Deus dicitur aliquando descendere de celo in terram, quia apparet hominibus, non ubi non erat, sed ubi non videbatur. Nam moveri propriè de loco in locum, est deferere unum locum, & acquirere alium: qui autem est ubique,

que, nec potest deferere vnum, nec alium acquirere.

Repugnat quartò Vbiquitas articulis Symboli.

Ac primò conceptioni Christi. Nam fides habet, in solius Mariæ vtero fuisse carnem Christi. At secundum Vbiquitas mox à conceptione fuit illa caro in vteris omnium mulierum; imò & viro-  
rum: & proinde illa laus est communis omnibus: *Beatus venter, qui te portauit.* Luc. 11.

Secundò Natiuitati Christi. Docet enim fides, Christi corpus post nonum mensem produisse ex vtero in lucem, & sic verè esse natum. At secundum Vbiquitas ante nonum mensem, imò primo die conceptionis fuit extra vterum; & post decimum mensem adhuc erat in vtero, imò inde nunquam exiuit.

Tertiò morti Christi repugnat. Fides enim requirit, vt in morte Christi, corpus & anima separata fuerint; & corpus quidem in sepulchro fuerit, anima verò ad infernum descenderit. At secundum Vbiquitas, in sepulchro etiam erat anima cum corpore, & in inferno erat caro cum anima.

Quartò resurrectioni Christi. Tradit enim fides, corpus post tres dies rediisse à morte ad vitam, & exiisse de monu-

mento clauso, & intrasse ad discipulos ianuis clausis, quæ notantur ab Euangelistis, tanquam miracula. At secundum Ubiquitas nûquam exiit de sepulchro Christus, nec intrauit ad discipulos suos; sed manifestauit solum se extra sepulchrum, quamuis ibi manserit inuisibiliter; nec intrauit ianuis clausis ad discipulos, sed tantum fecit se visibilem in loco, ubi erat visibiliter.

Quintò Ascensioni Christi. Habet enim fides, Christum in cælum ascendisse, & inde venturum ad iudicium. At secundum Ubiquitas nec ascendit, nec descendit. Porro Catholici credunt, Christum in verum cælum corporeum ascendisse, siue maneat intra ipsum cælum, siue maneat supra, & extra omnes cælos. Ista enim non sunt certa. Illud certum est, Christi corpus nunc esse visibile, & palpabile, & tantum spacium occupare, quanta est moles corporis, & esse in cælo isto corporeo, siue sit intus, siue suprâ.

Probatur primò, quia Christus ad illud cælum ascendit, ubi est sedes Dei. *Psal. 113.* Illud autem cælum corporeum est. *Cælum cali Domino: terrâ autem dedit filiis hominum.* Vbi, cum opponatur cælum terræ, & terra propriè accipiatur corporea ista,

ista, quam calcamus, certè & cælum proprie accipi debet. *Calum mihi sedes est: terra* Isa 66. *autem scabellum pedum meorum.* Et: *Nolite iurare per calum, quia thronus Dei est, neque per terram, quia scabellum est pedum eius.* Et: *Pater noster, qui es in calis.* Et infra: *Fiat voluntas tua, sicut in calo, & in terra.* Vides, vbicunque dicitur cælum sedes Dei, semper opponi terræ, quam nos inhabitamus. Quæ antithesis apertissime docet, cælū istud corporeum, quod supra nos cernimus, sedem esse Dei, & proinde ad hoc cælum Christum ascendisse.

Probatur secundò ex historia ascensionis, quæ ita describitur in Scriptura, vt nō possit vllō modo per tropos euer- ti, nisi quis impudens planè esse velit. *Videntibus illis eleuatus est, & nubes suscepit eum ab oculis eorum.* A. 1. Huc vsque non est locus tropis. Nam Apostoli viderunt eum euntem vsque ad nubes: quæ autem videntur, corporea sunt, nisi fortè præstigiatores faciant Christum. Quòd autem terminus, ac finis illius veri motus non esset nubes, patet: *Et factum est, dum benediceret illis, recessit ab eis, & serebatur in cælum.* Luc. 24. Christum autem vere peruenisse eò, quò ibat, testatur Marcus: *Et Dominus quidem Iesus, postquam locutus est eis, assumptus est in cælum, & sedet à dextris Dei.* Mar. 16. Itaque nar- rant



252 IN ASCENSIONE

rant Euangelistæ initium, progressum, & finem ascensionis. Initium autem fuit verum, & propriū, non metaphoricum, non phantasticum. Igitur & progressus, & finis vera, & propria fuerunt. Verè igitur, ac proprie Christus ascendit in cælum.

Probatur tertio ex descensu de cælo ad iudicium. Nam de eo cælo descendet ad iudicium, ad quod ascendit. *Ita veniet,* A. 1. *sicut vidistis eum euntem in cælum.* Et: Tunc ap- Matt 24. *parebit signum filij hominis in cælo.* Et: Ipse Dominus in iussu, & in voce Archangeli, & in tuba 1. Thes. 4. *Dei descendet de cælo.* Et: In reuelatione Domini Iesu de cælo. At certum est, Dominum non descensurum de cælo metaphorice, ita vt descendere de cælo sit relinquere gloriam, regnum, & maiestatem; quin potius tunc maxime apparebit in potestate magna, & maiestate. Igitur cælum, vnde descendet, non est regnum, & maiestas, sed locus quidam.

Probatur quarto ex loco Sanctorum. Nam ibi est homo Christus, vbi sunt, & erunt sancti homines. *In domo Patris mei* Ioan. 14. *mansiones multe sunt. Si quò minùs, dixissem vobis, quia vado parare vobis locum. Et, si abiero, & preparauero vobis locum, iterum veniam, & accipiam vos ad meipsum, vt, vbi ego sum, & vos sitis. At Sancti non erunt vbique, sed in certo loco,*

loco, & si in certo loco certè in nobilissimo, id est, in cælo. Ergo & Christus homo in eo loco est, & erit.

Repugnat quintò Ubiquitas cum ipso Sacramento Eucharistiæ. Nam si caro Christi est vbique, non egemus Eucharistia, & frustra imus ad templa, frustra recitamus verba cœnæ, frustra paramur ad illam cœnam, cùm domi habeamus in pane, & vino, & aliis omnibus cibis corpus Christi.

### Morale.

*Assumptus in calum.*

Mar vii.

**C**hristus ex monte Oliueti ascendit in cælum. Multi cum illo in cælum vellent ascendere; sed alios cum ipso montes nolunt subire.

Primus mons, quem priùs ascendere oportet, est ille, de quo scriptum est: *Assumit Iesus Petrum, & Iacobum, & Ioannem, fratrem eius, & ducit illos in montem excelsum seorsum, & transfiguratus est ante eos. Significat mons ille, propositum nos debere habere in omnibus actionibus gloriæ æternæ finem. Vnde Apostolus: Sic currite, vt comprehendatis. Et: Ego sic curro, non quasi in incertum.* Mart. 17. 1. Cor. 9.

Secun-

- Secundus mons est, de quo legimus:
- Matth. 4.** Iterum assumpsit eum diabolus in montem excelsum valde, & ostendit ei omnia regna mundi, & gloriam eorum, &c. Significat contemptum
- 1. Cor. 7.** temporalium, iuxta illud: Tempus breue est: reliquum est, ut, qui habent uxores, tanquam non habentes sint: & qui sient, tanquam non sientes: & qui gaudent, tanquam non gaudentes: & qui emunt, tanquam non possidentes: & qui utuntur hoc mundo, tanquam non utantur: praterit enim figura huius mundi.
- Matth. 5.** Tertius mons est: Videns Iesus turbas, ascendit in montem, & cum sedisset, accesserunt ad eum discipuli eius, & aperiens os suum, docebat eos. Significat doctrinam vitæ, ad quam
- Prou. 1.** nos adhortatur Sapiens: Audi, fili mi, disciplinam patris tui, & ne dimittas legem matris tue, ut addatur gratia capiti tuo, & torques collo
- Prou. 4.** tuo. Et alibi: Fili mi, ne obliuiscaris legis meæ, & præcepta meæ cor tuum custodiat: longitudinem enim dierum, & annos vitæ, & pacem apponent tibi.
- Matt. 14.** Quartus mons est: Dimissa turbâ ascendit in montem solus orare. Significat intentionem rectam in operibus bonis. Cum oratis, non eritis, sicut hypocrita, qui amant in synagogis, & in angulis platearum stantes orare, ut videantur ab hominibus: amen dico vobis, receperunt mercedem suam.
- Matt. 15.** Quintus mons est: Ascendens in montem, sedebat

sedebat ibi. Tunc curauit cæcos, mutos, claudos, debiles, & alios multos: & quatuor millia septem panibus nutriuit. Significat opera misericordiæ. Ibi Christus dixit: *Misereor turbæ, quia iam triduo sustinent me, &c.* Et pauperum nullus nostrum miseretur. Quò ditiores homines sunt, eò auariores.

Sextus mons est: Et baiulans sibi crucem, Ioan. 19. exiuit in eum, qui dicitur Caluaria, locum. Significat patientiam. *Qui non baiulat crucem suam, Luc. 14. & venit post me, non potest meus esse discipulus.*

Septimus mons est, ex quo ascendit Dominus: Vndecim autem discipuli abierunt Matt. 28. in Galilaam, in montem, vbi constituit illis Iesus. Qualis ille mons fuerit, Lucas indicat:

Tunc reuersi sunt Ierosolymam, à monte, qui vocatur Oliueti, qui est iuxta Ierusalem, Sabbathi habens iter. Si quis ergo ex hoc monte ascendere cum Domino desiderat, alios prius necesse est, montes cum eo conscendat. Vnde matri petenti: Dic, ut sedeant hi duo filij mei, vnus ad dexteram tuam, & vnus ad sinistram, in regno tuo: respondit Dominus: Potestis bibere calicem, quem ego bibiturus sum? quasi dicat: Prius laborandum erit in patientia, antequam sedendum in gloria.

# I N F E S T O S. BERNARDINI

Ordinis Minorum.

## Exordium:

Num. 4. **O**Lim tres familiæ Leuitarũ ad cultum Sanctuarij erant deputatæ, Gersonitæ, Meraritæ, Caathitæ. Quæ significant tria hominum genera, quæ ad colendum Deum in Christiana religione deputata sunt. Gersonitæ in protectione castrorum portabant cortinas, & tectum tabernaculi, & vela, & quæque tactu mollia: & in erectione castrorum ad occidentem, post tabernaculum castrametabantur. Hi sunt molles Christiani, qui non nisi leuia pœnitentię opera agunt, & proinde in humiliori gloriæ splendore locabuntur. Meraritæ portabant tabulas tabernaculi, & columnas, & vestes, & illa maximè, quæ dura erant, & media inter cortinas, & Sanctuarium: & in erectione tabernaculi ad Aquilonem castrametabantur. Hi sunt Christiani aliquantò perfectiores, qui multa bona opera faciunt; ad perfectionem tamen



tamen religiosorum non pertingunt. Caathitæ portabāt ipsum Sanctuarium, id est, arcam, & altare, & mensam propositionis cum vasīs suis; inuoluta tamen, & cooperta: & in erectione tabernaculi castrametabantur ad Meridiem. Hi Religiosos significant, qui dura pœnitentiæ onera ferētes, ceteris altiore in cælis gloriam consequentur. Talis etiā fuit S. Bernardinus. Prioribus duabus familiis iussit Dominus dari plaustra: hi verò, qui sèruiunt in tabernaculo, onera propriis portabant humeris: quia sæculares à bonis tēporalibus subsidium habent; Religiosi verò his destituti, tantò grauius in via Domini laborant, quanto magis à temporalibus se rebus elongant.

### Euangelium:

*Dixit Simon Petrus ad Iesum: Ecce nos reli-* Mat. 19.  
*quimus omnia, & secuti sumus te. Quid ergo erit*  
*nobis?*

### Thema:

*Secuti sumus te.*

Antequam ad vitam S. Bernardini accedamus, videndum erit, quid sit Religio.

*Religio est status hominum ad perfectionem Christianam per paupertatis, continentis, & obedientie*

R

dientia

*diencia vota tendentium. Sunt autem quædam notanda.*

Primum est, verā perfectionē in charitate consistere. Perfectio enim vniuscuiusque rei in eo posita est, vt suo fini vltimo quā arctissime cōiungatur. Finis verò hominis Deus est. Caritas autem maximē vnit hominem cum Deo, iuxta illud: *Qui manet in charitate, in Deo manet, & Deus in eo.* Et: *Caritas est vinculum perfectionis: id est, vinculum, quod ligans hominem cum Deo, hominem reddit perfectum. Vel (vt Chrysostomus exponit) vinculum, quod ligans, & continens in homine omnes virtutes, hominem reddit perfectum. Vt enim spiritus humanus ligat, & continet omnes humores, & partes alioqui dilapsuras: ita spiritus sanctus inhabitans corda nostra per charitatem, continet omnes virtutes alioqui dilapsuras. Quod Apostolus ostendit, dicens: *Caritas patiens est, benigna est, & quæ sequuntur.* Itaque *hienæus l. 5. c. 6.* exponens illud Apostoli: *Vt integer spiritus vester, & anima, & corpus conseruetur,* dicit, hominem perfectum tribus constare, corpore, anima, & spiritu sancto inhabitante per charitatem. Vt enim, si desit ei corpus, vel anima, erit imperfectus in genere naturæ: ita, si desit caritas, erit imperfectus.*

1. Ioan. 4.

Colof. 3.

1. Cor.

13.

1. Thes.

vl.

imperfectus in genere moris. Et eo modo hunc locum intelligunt fere omnes Græci.

Denique, quod charitas sit Christiana perfectio, ex eo patet, quod ad eam omnia referantur: *In his duobus preceptis vniversa* Matt. 22.  
*lex pendet, & Propheta.* Et: *Finis precepti, cha-* 1. Tim. 1  
*ritas.*

Notandum secundò ex Diuo Thoma *opusculi de perfectione*, quatuor esse gradus charitatis, proinde etiam quatuor esse gradus perfectionis. Dicitur enim perfectum id, cui nihil deest in ordine ad aliquem finem. Quare non repugnat, aliquid esse perfectum & imperfectum, si cōparetur ad diuersos gradus, seu fines. Gen. 2.  
*Vnde flumini egrediebatur de loco voluptatis ad irrigandum paradysum, qui inde diuiditur in quatuor capita: Phison, Gebon, Tygrin, & Euphraten.*

Primus gradus est, diligere Deum, quantum est diligibilis, id est, infinito amore. Qui gradus soli Deo conuenit; & idcirco solus Deus in ordine ad illum gradum est perfectus. Angeli, & Sancti omnes imperfecti sunt: quanquam hæc imperfectio non est proprie dicenda priuatio, aut vitium, sed pura negatio.

Secundus est, diligere Deum, non quantum est diligibilis, sed quantum potest creatura diligere: ita ut semper actu

de Deo cogitet, & sine intermissione in eum per affectum feratur, & ne primos quidem motus cupiditatis sentiat contra Deum. In hoc gradu versantur beati, quorū comparatione omnes alij sunt imperfecti. Quare Apostolus, cū dixisset:

Philip. 3. *Quicumque perfecti sumus, hoc sentiamus; idem ait: Non quod iam acceperim, aut iam perfectus sim.*

Tertius gradus est, diligere Deū, non quantum est diligibilis, nec quantum potest creatura quælibet absolute diligere; sed quantum potest creatura mortalis, quæ à se remouit omnia diuini amoris impedimenta, & totam se Dei obsequio consecrauit. Qui in hoc gradu versantur, imperfecti sunt, respectu beatorum; sed perfecti, respectu aliorū hominum, etiam iustorum, & piorum.

Et hæc est perfectio, de qua loquuntur Theologi, cū dicunt, statū Episcoporum esse statum perfectionis adeptæ, & statum religiosorum esse statum perfectionis acquirendæ.

Quartus gradus est, diligere Deum, non quantum est diligibilis, nec quantum potest creatura vel absolute, vel in hac vita diligere; sed tamē ita, vt nihil æque, aut magis, quàm Deū diligat, id est, nihil admitat contrarium diuinæ dilectioni.

Et

Et hic gradus præceptus est omnibus,  
 & quandam habet perfectionem, licet  
 respectu superiorum sit imperfectus.  
 Vnde dicitur: *Qui seruat verbum eius, verè in* 1. Ioan. 2  
*hoc charitas Dei perfecta est.* Et tamen Domi-  
 nus ei, qui dicebat, se omnia præcepta  
 Domini seruasse ait: *Si vis perfectus esse,* Matt. 19.  
*vade, vède omnia,* &c. Loquitur enim Ioan-  
 nes de isto quarto gradu: Dominus au-  
 tem de tertio, de quo nos in definitione  
 agimus.

Notandum tertio, instrumenta aptif-  
 sima, atq; vtilissima ad hanc perfectio-  
 nem acquirendam, esse illas tres virtu-  
 tes: paupertatem, continentiam, & obe-  
 dientiam. Nam, vt quis perfecte Deum  
 diligat, debet & se totum Deo tradere, &  
 omnia impedimenta remouere. Vtrum-  
 que consequimur per has virtutes.

Tradimus enim nos Deo totos, quan-  
 do tradimus animam, corpus, & res ex-  
 ternas: nihil enim habemus aliud. Tra-  
 dimus autem animam per obedientiam,  
 corpus per continentiam, & res exter-  
 nas per paupertatem. Ita Gabaonitæ of-  
 ferunt se Iosue, dicentes: *Serui tui sumus.* Iosu. 9.  
 Item; Per has virtutes remouentur om-  
 nia impedimenta diuini amoris. *Radix* 1. Ioan. 2  
*enim omnium malorum est cupiditas:* quem-  
 admodum radix omnium bonorum est



charitas, vt Augustinus adiungit, *ser. 12. de verbis Domini*. Omnis autem mala cupiditas ad tria capita reuocatur, luxuriam,

1. Ioan. 2

auaritiam, & superbiam. *Quidquid est in mundo, aut est concupiscentia carnis, aut est concupiscentia oculorum, aut superbia vitæ.* Hos tres impedimentorū fontes obstruunt tres virtutes illæ: concupiscentiam carnis continentiam; concupiscentia oculorum paupertas; superbiam vitæ obedientia.

Iud. 7.

Notandum quartò, non sufficere ad religionem has tres virtutes, nisi etiam accedat votum, id est, sacra promissio Deo facta, qua quis obstringat se perpetuò ita victurum. Religio enim est status quidam: status autem significat immobilem rem, & perpetuam. Gedeon trecentos tantum milites elegit cōtra Madianitas, qui aquas lambuerant, sicut solent canes lambere. Et illi *stantes* erant *singuli in loco suo per circuitū castrorū hostilium*. Ita Religiosi per humilitatē se prostertere debent, ad lambendas aquas diuine gratiæ: & per vota emissa contra hostes suos pugnando stare. Gladij designant verbum Dei. Lagenæ cogitationē mortis. Lampades castitatem. Obedientes etiam erant Gedeoni: & pauperes, quia nihil aliud, quàm iam dicta, habebant.

Morale

## Morale de S. Bernardino.

**P**Verulus nutrici dixit: *Demus pauperi, quod mihi in cœna præsaretur; cum panis deesset.*

Cum alij adolescentes minùs honesta inter se conferrent, & Bernardinum accedere viderent, à sermone diuertentes, dicebant: *En Bernardinus adeſt.*

Anno ætatis 17. se recepit in hospitale de la Scala, in sodalitate B. Mariæ. Et anno 1400. sæuiente illa generali, & terribili peste, duodecim Religiosos ad se vocat, & ægrotis in omnibus deuotè cum illis ministrabat: Deus tamen incolumem illum seruabat. Vnde Propheta: *Et si ambulauero in medio vmbre mortis, non timebo mala, quoniam tu mecum es.* Psal 22.

Anno 1404. ætatis 22. in Ordine Diui Francisci receptus est. Et cum vestiretur, Ioannes Tristorius, senex Ordinis Minorum, magna voce exclamauit: *Hodie miles strenuus datus est nobis, fructus vberri- mos in horrea Domini congregaturus.*

Iuuenis, cum panem mendicaret, & à matrona ad turpia peteretur, nudâ egregie flagello excepit. Laudabile sane fuit impudentem eius libidinē honesta vincere fraude. Sicut Athanasius Episco-

pus Alexandrinus, cum à muliercula accusaretur, quòd stuprum illi intulisset, introduxit secum Timotheum Presbyterum: qui simulans se Athanasium esse: *Egone*, inquit, *mulier apud te sum diuersatus? Egone te violauit?* Cui illa petulanter: *Tu mihi vinum attulisti*, idque iureiurando affirmans, iudicum fidem obtestabatur, vt tantum flagitium vindicarent. Qua cognita fraude, reiecta est mulieris impudentia.

Bernardinus Sacerdos factus ignitas ad populum habebat conciones: & ided solem manu gestans pingi solet. Fabro etiam tellerario ob conciones illius de inopia lucri conquerenti, circino circum exprelsit, in eoq; Solem depinxit, & in medio Solis sacrosanctum nomen Iesu. Hanc effigiem iussit illum fabrum sua arte imitari, ex qua pauper diues factus est. Romæ quoque de illo nomine sublimiter concionatus, quidam hæresin ei impingere conati sunt. At postero die, in confirmationem concionis præcedentis, nomen Iesu miro splendore coruscans super illum concionantem apparuit.

Vitia acriter perstringebat, iuxta illud S. Francisci 9. cap. *Regula: Annunciando eis vitia, & virtutes, pœnam, & gloriam cum breuitate*

*uitate sermonis.* Cúmque Principem Mediolanensem grauitè offendisset, & minas illius non curaret: ipse, vt insigni Bernardinum ignominia afficeret, misit illi poculum aureis nummis refertum. Illo autem recusante, iterum, atque iterum ad illum remisit. Tum Bernardinus virum nobilem munus adferentem se sequi iussit, & ad carcerē duxit, vbi magnam multitudinem obaratorum pecunia ista redemit. Duobus autē adhuc manentibus in carcere promisit se in illorum locum successurum. Quo cognito gratis redempti sunt.

Sicut Mitrades olim apud Romanos Cyzicum urbē obsidebat. Sed fiduciam opidanis resistēdi nuncius fecit docens aduentare Lucillum: qui horribile dictu per medias hostium naues vtre suspensus, & pedibus iter adgubernans, videntibus procul, quasi marina pistrix, euaserat. Mox clade conuersa, cū ex mora obsidentem Regem, & ex fame pestilentia vrgeret, recedentem Lucillus assequitur, adeoque cecidit, vt Granicus, & Asapus amnes cruenti redderentur. Rex callidus, Romanæque auaritiæ peritus, spargi à fugientibus sarcinas, & pecuniam iussit, quā sequentes moraretur.

Cum fama sanctitatis eius longè lateque dimanaret, à tribus ciuitatibus Senensi, Ferrariensi, & Vrbinate, Episcopus electus est. Quin & Pontif. Eugenius IV. suis manibus mitram capiti eius imposuit. Sed ille humiliter eum rogauit, ne vellet eum compedibus illis à salute proximi vincire.

Romam quandoque ad concionem iturus, in ipso itinere claudum miserabili voce opem eius implorantem vidit. Cui Bernardinus: *Credis, inquit, in Christi nomine me tibi sanitatem reddere posse?* Illo respondente: *Credo utique, posse me à Deo per preces tuas illam adipisci.* Tum vir sanctus porrectâ manu e terra illum subleuauit, prorsusque incolumem à se dimisit.

Post hæc in Apuliam iturus, in ipso itinere morbo prægrauatus, Aquilam declinauit, vbi in quodam Ordinis sui cœnobio lætus ex mortali corpore ad cælos migravit, anno ætatis suæ 63. Corpus eius, cum Fratres Senas deferre vellet, quamplurimi piis clamoribus totam ciuitatem repleuerunt: *Mortuus est vir sanctus, Bernardinus.* Quidam autem surdus virtute aquæ, quâ corpus eius ablutum fuerat, auditum recepit. Duo etiam claudi ad funus illius sanati sunt, quorum alter Antonius de Bagno vocabatur.



tur. Det nobis Deus eius sequi vestigia,  
vt cum ipso aliquando regnare possi-  
mus in patria. Amen.

## I N F E S T O P E N T E C O S T E S .

### Exordium:

**D**ixit Elias ad puerum suum: *Ascende, 3. Reg.*  
& prospice contra mare. Cūque sepi-<sup>18.</sup>  
ma vice contemplatus esset, Ecce nubecula  
parua, quasi vestigium hominis, ascendebat de ma-  
ri. Et mox cali conenebrati sunt, & nubes, &  
ventus, & facta est pluuia grandis.

### Moraliter:

Nubecula ascendens de mari fuit hu-  
manitas Christi, quæ de pœnalitate flu-  
ctuum nostræ iniquitatis ascendit ad cæ-  
lum: & postmodum in die Pentecostes  
facta est pluuia gratiarum in mundum,  
quâ priuatus extiterat per quinque mil-  
lia annorum: & ita corda fidelium tali  
pluuia madefacta germinauerunt, veluti  
campi, fructus Deo gratos, quibus me-  
diantibus ad patriam redituri sumus.

Euange-

IN FESTO  
Euangelium:

Ioan 14. Si quis diligit me, sermonem meum seruabit,  
& Pater meus diliget eum, & ad eum veniemus,  
& mansionem apud eum faciemus.

Thema:

Ibid.

*Paracletus autem Spiritus sanctus.*

Occasione festi huius probandū est,  
Spiritus sanctum esse verum Deum: id  
quod aduersarij tametsi negant, tamen  
non magnopere de eo laborant. Ipsi  
enim contendunt pro excellētia Patris:  
sed si ea excellētia tolli debeat propter  
confessionem alicuius Personæ æqualis  
Patri, parum referre credunt, vtrum ea  
Persona sit vna, vel duæ. Itaque Valen-  
tinius Gentilis semper fere dicebat, de  
Spiritu sancto non esse quæstionem.  
Transyluani autem l. 2. c. 5. negant qui-  
dem Spiritum sanctum esse adorandum,  
aut vocandum Deum, tamen non accu-  
rate id probant, nec reuellunt cōtraria.

Prima itaque classis argumentorum  
ad probandam Spiritus sancti diuinita-  
tem, ex Testamento veteri sumitur.

Hæc sunt verba nouissima, quæ dixit  
2. Reg. 23. Dauid: Spiritus Domini locutus est per me, &  
sermo eius per linguam meam. Dixit Deus Israel,  
qui mihi locutus est, fortis Israel, dominator homi-  
num. Vbi aperte vides, illum ipsum, qui  
dicitur Spiritus Domini, eundem dici  
Deum

Deum Israel: ex quo sequitur, ut sit Deus verus.

Secunda classis ex nouo Testamento, ex quo vnus etiam locus sufficiat: *Euntes* Matt. ult. baptizate omnes gentes in nomine Patris, & Filij, & Spiritus sancti. Non enim Dominus copularet cum Patre, & Filio Spiritum S. si creatura esset. Deinde, ut S. Gregorius Nazian. ratiocinatur *oratione 5. de Theolog.* quomodo posset Spiritus sanctus per Baptismū nos regenerare, & Deos quosdam facere, nisi ipse esset verus Deus? nam gratiam & gloriam dabit Dominus. Psal. 83.

Tertia classis ex utroque simul Testamento clarissimum nobis testimonium prebet. Nam illū ipsum, quem Isaia vocat Dominū exercituum, quēmq; omnes fatentur esse Deum verū, illum ipsum, inquā, Apostolus, dicit esse Spiritum S. Dicit Dominus exercituum Isaia: *Vade, & dic populo huic, audite audientes, & nolite intelligere, &c.* Isa. 6. Et Apostol. *Bene Spir. S. locutus est per Isaiam* Act. ult. *dicens: Vade ad populū istū, & dic eis: Aure audietis, & non intelligetis, &c.* Præterea, Omnes Prophetæ, cu sermones suos ad populū explicarēt, nonne identidē repetebant: *Hæc dicit Dominus Deus?* At: *Spiritu S. inspirati,* 2. Pet. 1. *locuti sunt sancti Dei homines.* Igitur ille Dominus Deus erat Spiritus sanctus. Quare Zachar. ait: *Benedictus Dominus Deus Israel.* Luc. 1. Et

Et mox: *Sicut locutus est; ex os Sanctorum, qui à seculo sunt, Prophetarum eius.* Quibus verbis non potuit clarius Zacharias exprimere, Spiritum sanctum esse ipsum Dominum Deum Israel: quibus vocibus verum Deum significari, aduersarij passim testantur.

Quarta classis ex nominibus est: ex qua sumuntur tria argumenta.

- Primum negatiuum, quia nusquam in Scriptura Spiritus sanctus dicitur creatura, aut factus; cum tamen multis in locis enumerentur præcipuæ creaturæ: vt in cantico puerorum: & in isto Psalmo: *Laudate Dominum de calis, &c.* Vbi excitantur omnes creaturæ ad laudem Dei, & nominatim Angeli, cæli, aquæ, homines, bestię, &c. Spiritus verò sancti nulla mentio fit. Enumerantur etiam Colos. 1. nobilissimæ creaturæ ab Apotolo, throni, dominationes, potestates, principatus. & ab 1. Pet. 3. alio: *Profectus est in calum (Christus) subiectis sibi Angelis, & potestatibus, & virtutibus.* Quibus locis debuisset omnino etiam Spiritus sanctus nominari, si creatura esset, & ipso Filio Dei minor, vt aduersarij docent.

Alterum argumentum sumitur ab ipso nomine Dei: nam solus Deus verus in Script. dicitur absolute Deus. At Spiritus

ritus sanct. vocatur absolute Deus: Ana- Act. 5.  
 nia, cur tentant Satanas cor tuum mentiri te  
 Spiritui sancto? Non es mentitus hominibus, sed  
 Deo. Ecce expressum nomen Dei tribu-  
 tum Spiritui sancto contra mendacium  
 Trantyluanorum l. 2. c. 5. vbi dicunt nus-  
 quam expressè vocari Deum Spiritum  
 sanctum.

Tertia ex cōfessione aduersariorum:  
 nam Ariani eraserant ex suis codicibus  
 illa verba: *Spiritus est Deus*, vt testatur Am- Ioan. 4.  
 brosius l. 3. de Spiritu sancto, c. 11. Ergo pu-  
 tauerunt Spiritum sanctum in Scriptura  
 Deum esse appellatū. Si enim putabant,  
 sensum esse: Deus est spiritualis natu-  
 ræ: quare illa verba deleuerunt? Sed ma-  
 gis eis nocuit litura sua, quàm littera  
 Dei: siquidem verba illa Dei non neces-  
 sariò de Spiritu sancti persona sunt in-  
 telligenda: at litura illa clamat, hæreti-  
 cos Arianos in reprobum sensum da-  
 tos, in Spiritum sanctum peccare, cum  
 malint Scripturas sanctas delere, quàm  
 errores suos deponere.

Quinta classis constat ex attributis.  
 Nam solus Deus est immēsus, & vbique.  
 At de Spiritu sancto legimus: *Quò ibo à Psal. 138.*  
*Spiritu tuo?* Et: *Spiritus Domini repleuit orbem Sap. 1.*  
*terrarum.*

Solus Deus est omnipotens. At de  
 Spiritu



Sap. 7. Spiritu sancto legimus: *Omnem habens virtutem.*

Solus Deus cognoscit seipsum perfectum. Et de Spiritu sancto legimus: *Nemo scit, quid sit in Deo, nisi Spiritus Dei. Et rursum: Spiritus scrutatur omnia, etiam profunda Dei.*

Solus Deus templum habet. At de Spiritu sancto legimus: *Membra vestra templum sunt Spiritus sancti. Et ita: Portate, & glorificate Deum in corpore vestro.*

Sexta classis sumitur ex operibus. Nam primò solius Dei opus est creatio. Et tamen legis: *Spiritus Dei fecit me.* Et: *Verbo Domini celi firmati sunt, & Spiritu oris eius omnis virtus eorum.* Et: *Emitte Spiritum tuum, & creabuntur.*

Secundò, solius Dei est conservare: Sap. 1. & tamen legis: *Spiritus Domini replevit orbem terrarum, & hoc tæveûµα, quod continet omnia, &c.*

Tertiò, solius Dei est saluare, & iustificare: & tamen legis: *Iustificati estis in nomine Domini Iesu Christi, & in Spiritu Dei nostri.*

Quartò, solius Dei est futura prædicare, & scrutari corda. Et tamen legis: *Spiritu sancto inspirati locuti sunt sancti Dei homines.* Et: *Renum illius testis est Deus, & cordis illius scrutator est verus, quoniam Spiritus Domini replevit orbem terrarum, & hoc, quod continet omnia,*

omnia, scientiam habet vocis. id est, ideo Deus scrutatur corda, quia Spiritus eius est v-  
bique, omnia penetrat, omnia nouit ge-  
nera linguarum, etiam quæ in intimo  
corde sunt.

Quintò, solius Dei est miracula face-  
re. At Christus ipse in Spiritu Dei eiiciebat *demonia*. Et Paulus auctorem facit doni  
linguarum, sanitatum, &c. Spiritum S. 1. Cor.  
Et omnia miracula, quæ per Apostolos  
fiebant, vocat Spiritus sancti distributiones. Heb. 2.

Sextò, solius Dei est, Ecclesiam rege-  
re absolutâ potestate. At Spiritus sanctus  
gubernat Ecclesiam, quæ est regnum  
Christi, planè vt Dominus absolutus, &  
non minùs, quàm Pater & Filius. Dixit  
Spiritus Petro: Ecce viri tres quarunt te. Sur- *Act 10.*  
ge itaque, & descende, & vade cum eis nihil dubi-  
tans, quia ego misi eos. Et: Dixit Spiritus sanctus: *Act 13.*  
Segregate mihi Saulum & Barnabam in opus, ad  
quod assumpsi. os. Et paulò pòst: Et ipsi quidem  
misi à Spiritu sancto abierunt Seleuciam, &c.  
Et: Visum est Spiritui sancto, & nobis, nihil ultra *Act 15.*  
imponere vobis oneris, &c. Et Saulus, & Timo-  
theus vetati sunt à Spiritu sancto loqui verbum *Act 16.*  
in Asia. Et Paulus ad maiores natu Eccle-  
siæ: Attendite vobis, & vniuerso gregi, in quo vos *Act 20.*  
Spiritus sanctus posuit Episcopos regere Eccle-  
siam Dei. Et: Omnia operatur vnus, atque idem Spiri- *1 Cor.*  
tus diuidens singulis, prout vult. *12.*

S. Morale

## Morale.

Ioan. 14.

*Paracletus autem Spiritus sanctus.*

**Q**Uod si Spiritum sanctum Deum creditis, cur ergo eum tristitia afficitis, resistitis illi, contemnitis; imò occiditis?

**Gen. 49.** Dixit Iacob ad Ruben: *Ruben primogenitus meus: tu fortitudo mea, & principium doloris mei. Quare, quæso? Quia ascendisti cubile patris tui, & maculasti stratum eius. Nimirum*

**Gen. 35.** *quando dormiuit cum Bala, concubina patris sui: quod illum minime latuit. Nos, quoties in peccata incidimus, toties creaturis Dei nimis adhæremus, & ita Spiritui sancto dolori sumus: & ideo nobis etiam dicet*

**Gen. 49.** *verba Iacob: Non crescas.*

**Num. 22** *Cùm Balaam proficisceretur ad Balac, Regem Moab, stetit Angelus Domini in via contra eum, euaginato gladio, & ait: Ego veni, vt aduersarer tibi, quia peruersa est via tua, mihiq; cōtraria. Nos etiam, quando peccamus, in terrā Moab tendimus. Aduersatur nobis sæpe Spiritus sanctus, & gladium minatur furoris sui, & nos (heu cæci!) non videmus. Afina autem etiam percussa ter, transire nolebat, sed Balaam Angelum non aduertebat. Ita*  
bruta

bruta animantia instinctu naturæ à Deo inditæ, non audent se opponere: sed homo per peccata sua Deum non timet offendere.

Achab, Rex Israel, cùm pepercisset 3. Reg.  
Benadad, Regi Syriæ, occurrit ei in via 20.

Propheta, qui aspersione pulueris os, & oculos suos mutauerat, & in parabola illum admonuit. Sed reuersus est Rex in domum suam audire contemnens, & furibundus venit in Samariam.

Quando peccata non delemus per poenitentiam, quid aliud nos, quàm Regi Syriæ parcimus? Venit ad nos Spiritus sanctus, & mutat aspersione pulueris os, & oculos suos, quia mittit ad nos frequenter cõcionatores pauperes, & mendicantes, qui nos admonent: nos autem contemnimus audire, & in domum reuertimur, quia monitiones eorum contemnimus, & ad desideria nostra, & peccata redimus. Quid dico, cõtemnimus? Sæpe etiam Spiritum sanctum, quantum in nobis est, occidimus. Noë, quando Gen. 8.  
aperiens fenestram arcæ, coruum dimisit, egressus est coruus, sed non reuersus, quia in aqua submersus fuit. Nos etiam, quando peccato consentimus, quasi ad aquas fenestram animæ aperimus: per illam Spiritus sanctus dimittitur, & non reuertitur, sed per peccata

nostra (cheu!) à nobis alienatur. Si igitur Spiritum sanctum Deum credimus, vt Deum eum honoremus, vt aliquando ab eo coronemur. Amen.

## FERIA II.

## PENTECOSTES.

## Exordium:

Apoc. 22. **E**T ostendit mihi fluuium aqua vitæ, & splendidum, tanquam crystallum, procedentem de sede Dei, & Agni. In medio platea eius, & ex vtraque parte fluminis lignum vitæ, afferens fructus duodecim, per menses singulos reddens fructum suum; & folia ligni ad sanitatem Gentium.

## Moraliter:

Pfal. 119. Fluius iste denotat Spiritū sanctum, qui suo splendore viam pandit æternæ vitæ, quæ prius ignota erat: *Notas mihi fecisti vias vitæ.* Hic procedit à sede Dei Patris pariter, & Agni: quia Spiritus sanctus à Patre & Filio procedit. Fluit etiam in medio plateæ, quia per sanctam Ecclesiam Catholicam decurrit in canalibus sanctorum Doctorū. Habet hoc flumen  
duo



duo latera , & in vtroque est lignum vitæ: quia Spiritus sanctus duas habet vitas, contemplatiuam & actiuam, & in vtraq; est spiritualis refectio animarum, & æterna retributio. Producit hoc lignum duodecim fructus , qui sunt duodecim fructus Spiritus sancti. Iste fluuius fecunditate sua omnia implet; sua velocitate omnia subito mutat; sua claritate omnia mundat, & clarificat.

### Euangelium:

*Sic Deus dilexit mundum, vt filium suum vni-* Ioan. 3.  
*genitum daret, vt omnis, qui credit in illum, non pereat, sed habeat vitam æternam.*

Heri sextuplicia argumenta in medium adduximus, vt Spiritus sancti diuinitatem probaremus: vnum adhuc, aut alterum ponamus.

### Thema:

*Sic Deus dilexit mundum.*

Septima itaque classis argumentorum constabit ex comparatione Spiritus sancti ad Christum. Nam, si probemus Spiritum sanctum maiorem esse Christo, quatenus Christus homo est, probatum quoque erit, Spiritum sanctum vnum esse Deum cum Patre: siquidem aduersarij nihil omnino esse volunt

S 3 Christo,

Christo, quem nudum hominē faciunt, maius, præter Deum Patrem.

Esse igitur Spiritum sanctum, homine Christo maiorem, omnibus illis demonstratur argumentis, quibus aduersarij probant, Deum Patrem esse Christo maiorem.

Primò, maior est Pater homine Christo, quia eum misit: *Testimonium perhibet de me, qui misit me, Pater. At eundem misit Spiritus sanctus: Et nunc Dominus meus misit me, & Spiritus eius.*

Secundò, Pater sanctificauit Filium: *Quem Pater sanctificauit, & misit in mundum.*  
 Isa. 51. Sanctificauit etiam Spiritus sanctus: *Spiritus Domini super me, eo quod vixerit me, euangelizare pauperibus misit me.*

Tertiò, Pater Filij incarnationē operatus est: *Misit Filium suum in similitudinem carnis peccati. Idem operatus est Spiritus sanctus: Quod in ea natum est, de Spiritu sancto est.*

Quartò, in virtute Patris Filius faciebat miracula: *Pater in me manens ipse facit opera.* Et de Spiritu sancto dicit: *Si ego in Spiritu Dei eicio dæmonia.*

Quintò, Pater Filium obtulit ad mortem: *Sic Deus dilexit mundum, &c. Et: Proprio Filio suo non pepercit.* Idem fecit Spiritus sanctus: *Per Spiritū sanctū obtulit semetipsum.*

Sextò,

Sextò, Pater suscitauit filium à mor- A. 2.  
 te. Idem Paulus dicit de Spiritu sancto:  
*Spiritus eius, qui suscitauit Iesum à mortuis, habi-* Rom. 8.  
*tat in nobis.*

Septimò, grauius est peccare in Spiri- Matt. 12.  
 tum sanctum, quàm in Christum homi-  
 nem. Ex quo planè sequitur, maiorem  
 esse Spiritum sanctum Chrsti humani-  
 tate: ac proinde esse Deum verum.

Octaua classis argumentorum sumi-  
 tur ex Patribus.

Nona constat ex miraculis. Vnum in-  
 signe est apud Gregorium Turonensem  
 l. 2. hist. Franc. c. 3. Cum in Africa Cirola,  
 quidam Patriarcha Arianorum, Catho-  
 licos persequeretur, & eodem tempore  
 tres sancti Episcopi, Eugenius, Vinde-  
 mialis, & Longinus, qui præter ceteros  
 ei resistebant, miraculis omnes corusca-  
 rent, voluit etiam hæreticus miraculum  
 facere. Itaque cuidam quinquaginta au-  
 reos numerauit, vt se cæcum fingeret:  
 sed dum transeunte per viam Cirolâ,  
 ille cæcum se simulans Cirolæ auxilium  
 postularet, accessit Cirola, & oculos eius  
 tetigit, imperans, vt videret in signum  
 veritatis, quam prædicabat: repente ve-  
 rò tantus ardor oculos illius miseri oc-  
 cupauit, vt coactus fuerit manibus eos  
 comprimere, ne è fronte exsiliirèt: tum

verò detexit dolum, & fidem Catholicam alta voce confessus, à S. Eugenio signo crucis repente curatus est.

## Morale.

Ioan. 3.

*Sic Deus dilexit mundum.*

1. Reg.  
10.

**I**Am verò, vt virtutem Spiritus sancti cognoscamus, Samuelem loquentem audiamus ad Saul: *Infiliet in te Spiritus Domini, & prophetabis cum eis, & mutaberis in virum alium.* Nos etiam, si Spiritum Domini in nos infilire velimus, in virum alium mutemur oportet. Qui auari, fiant liberales: qui superbi, humiles: qui iracundi, mansueti: qui impudici, casti: qui tepidi, feruentes.

Apostoli, quando Spiritum sanctum acceperunt, quomodo in viros alios mutati! Antequam acceperant Spiritum sanctum, *Discipuli omnes relicto eo fugerunt.* At postquam illum acceperant, *stans Petrus cum vndecim, leuauit vocem suam, & locutus est eis.*

Luc. 24. " Antea dicebatur illis: *Sedete in ciuitate, quoadusque induamini virute ex alto.* Sed postea ibant gaudentes à conspectu concilij, quoniam *digni habiti sunt pro nomine Iesu contumeliam pati.*

Antea

Antea fores erant clausæ, vbi erant discipuli Ioan. 20. congregati, propter metum Iudeorum. At postea: Angelus Domini per noctem aperiens ianuas A& 5. carceris, & educens eos, dixit: Ite, & stantes loquimini in templo plebi omnia verba vite huius.

Antea Petrus vnus vocem ancillulæ expauit, quæ dicebat: Et tu cum Iesu Galilæo eras. At ille negauit coram omnibus, dicens: Nescio quid dicis. At postea nec Principem Sacerdotum, nec concilium timuit, sed A& 5. Petrus, & Apostoli dixerunt: Obedire oportet Deo magis, quam hominibus.

Antea vnam tantum linguam nouerant, ad eum ut ideo proderetur Petrus, cui dicebant: Verè tu ex illis es: nam & loquela tua manifestum te facit. At postea coeperunt loqui variis linguis, prout Spiritus sanctus dabat eloqui illis. Matt. 26. A& 2.

Antea interrogabat des Iesus: Quid in via tractabatis? At illi tacebant: siquidem in via inter se disputauerant, quis eorum esset maior. At postea gaudebant, quia digni habiti sunt pro nomine Iesu contumeliam pati. Mar. 9. A& 5.

Antea accefferunt ad Iesum discipuli eius, dicentes: Ediffere nobis parabolam zizaniorum. Et alibi Petrus dixit ei: Ediffere nobis parabolam istam. At ille dixit: Adhuc & vos sine intellectu estis? Sed postea per Spiritum sanctum illuminati sunt, ad eum ut Scripturas ipsi tunc exponerent. Matt. 13. Matt. 15. A& 2.



Antea non poterant eicere demonium : *Matt. 17.* Obtuli eum discipulis tuis, & non potuerunt curare eum. *Act. 5.* Sed postea currebat multitudo vicinarum ciuitatum Ierusalem, afferentes agros, & vexatos à spiritibus immundis, qui curabantur omnes.

Antea nō nisi mollitiem quærebant, & mortem fugiebant, aded vt, cū Iesus passionis suæ mentionem faceret, *Matt. 16.* assumens eum Petrus, cæperit increpare illum, *Matt. 17.* cens: Absit à te, Domine: non erit tibi hoc. Et: Faciamus hîc tria tabernacula. At postea omnes ferè pro nomine Iesu sanguinem suum fuderunt, omnes pro Christi nomine mortui sunt.

Si ita per Spiritum sanctum Apostoli mutati fuerint, æquum est, nos etiā mutari. *Gen. 35.* Iacob conuocat à omni domo suâ, ait: Abiicite Deos alienos, qui in medio vestri sunt, & mundamini, ac mutate vestimenta vestra. Nos etiam Deos alienos abiicere debemus, id est, terrenorum affectum relinquere; mundari à peccatis; & vestimenta, id est, opera externa in meliora mutare; & tunc in Bethel poterimus ascendere, id est, Spiritum sanctum recipere. Ita etiam *Gen. 41.* ad Regis imperium eductum de carcere Ioseph tonderunt, ac veste mutatâ obtulerunt ei. Nos quando de carcere peccatorum educimur, tondere debemus desideria carnalia, ac  
mutato

P E N T E C O S T E S . 283

mutato veteri homine in nouum, ad recipiendum Spiritum sanctum offerri, vt per ipsius gratiam tandem mereamur in æterna tabernacula deduci. Amen.

---

F E R I A I I I .

P E N T E C O S T E S .

Exordium:

**L**Egimus in historiis Romanorum, quòd Romulus & Remus gemini erant. Itaque in condenda noua Vrbe vter auspicaretur, & regeret, adhibere placuit Deos. Remus montem Auentinum, Romulus Palatinum occupauit. Prior ille vi. vultures; hic postea, sed duodecim vidit. Sic victor augurio Urbem excitat, plenus spei bellatricem fore: ita illi assuetæ sanguini, & prædæ aues pollicebantur.

Moraliter:

Nos omnes fratres sumus, & æquale ius ad regnum cælorum habemus. Quis tamen occupabit illud? Eamus ad montem Oliueti, & accipiamus cum Apostolis dona Spiritus sancti, qui melius secun-

secundum illa operabitur, dignior ille  
Rex in cælo coronabitur. Eamus, quia  
Ioan. 10. vocat nos pastor bonus: oves vocem eius au-  
diunt, & sequuntur eum.

### Euangelium:

Ibid.

*Amen, amen dico vobis, qui non intrat per  
ostium in ouile ouium, sed ascendit aliunde, ille  
fur est, & latro.*

### Thema:

*Ille fur est, & latro.*

Superioribus diebus diuinitatem Spi-  
ritus sancti probauimus, nunc argu-  
menta hæreticorum refutabimus.

Transyluani l. 2. c. 5. nihil ferè aliud  
adferunt aduersus diuinitatem Spiritus  
sancti, quàm quòd nusquam in Scriptu-  
ra appelletur Deus, aut Dominus: quod  
argumentum fuit veterum Arianorum,  
teste Gregorio Nazian. lib. 5. de Theologia.  
Sed facile est respòdere. Nam & falsum  
est, non vocari Deum, cùm legamus:

Act. 5. *Anania, cur tentauit Satanas cor tuum mentiri  
te Spiritui sancto. Non es mentitus hominibus, sed*

1. Cor. 6. *Deo. Et: Membra vestra templum sunt Spiritus  
sancti. Et paulò infrà: Glorificate ergo, & por-  
tate Deum in corpore vestro. Et præterea, licet  
nomen, Deus, in Scriptura non haberetur,  
nonne satis esse deberet, si euidentè  
ostenda-*

ostendatur in Scriptura ex operibus Deo soli propriis, Spiritū sanctum esse Deum? Quid, quòd Scriptura nusquam dicat, Spiritum sanctum esse creaturam; & tamen aduersarij audacter Spiritum sanctum creaturam appellant?

Veteres Ariani obiiciebant quædam loca Scripturæ, quæ tamen facile à sanctis Patribus explicabantur.

Primò, obiiciebant illud: *Ego firmans totum nitru, & creans spiritum.* Sed respondit Basiliius l. 3. in Eunonium, ventum eo loco spiritum esse vocatum, non Spiritum sanctum. Sicut in Psalmo dicitur, *Spiritus procellarum.* Eodem modo exponunt omnes interpretes eius Prophetæ, vt Hieronymus, Theodoretus, Rupertus.

Secundò obiiciebant illud: *Ipse spiritus* Rom. 8. *postulat pro nobis gemitibus inenarrabilibus.* Respondit Augustinus l. 1. cōtra Maximinum, non longè à principio, his verbis: *Intellige, inquit, locutionem, blasphemiam deuitabis.* Sic enim dictum est: *gemitibus interpellat, vt intelligeremus; gemitibus interpellare nos facit.* Denique alio loco Apostolus, cū dicit: *Clamantem, Abba,* Gal. 4. *Pater, exposuit, quid sit, clamantem, Abba, Pater, dicendo: In quo clamamus, Abba, Pater:* Rom. 8. *ac per hoc quid est, clamantem, nisi, clamare facientem?* Hæc ille. Chrysostom. quoque

quoque homilia decima quarta in epistolam ad Romanos per Spiritum sanctum clamantem intelligendum esse docet donum orationis, quo anima clamat, ac gemit.

Joel. 2. Tertio obiciebant illud: Effundam de

Ioan. 15. Spiritu meo. Et: Cum venerit Spiritus veritatis, quem ego mittam vobis à Patre, &c. Nam ut refert Augustinus lib. 2. de Trinitate, cap. 5. Ariani docebant, eum, qui mittitur, minorem esse eo, à quo mittitur: & quoniam legebant, Filium missum esse à Patre; Spiritum sanctum verò à Patre & Filio; inde colligebant, Filium minorem esse Patre, & Spiritum sanctum utroque. Sed respondet Augustinus, missionem per modum imperij significare excellentiam mittentis; non autem quamlibet missionem. Ita Dominus ad Samuelem: Imple cornu tuum oleo & veni, ut mittam te ad Isai Bethlehemitem. Et Samuel ad Isai: Mitte, & adduc eum. Misit ergo, & adduxit eum. Misit etiam Saul nuncios ad Isai, dicens: Mitte ad me David, filium tuum. Et ipse munera misit per manum David, filij sui Sauli. Porro Filius & Spiritus sanctus non mittuntur ita secundum imperium, sed solum dicuntur mitti, quia Filius à Patre procedit; & Spiritus

1. Reg.  
16.

1bid.



Spiritus sanctus à Patre & Filio: & tam Filius, quàm Spiritus sanctus cœpit ex tempore, nouo modo, & quidem manifesto, & visibili, esse in creatura. Nam Filius apparuit in carne: Spiritus sanctus in columbæ specie, & rursum aliàs in linguis igneis. Itaque illa manifestatio visibilis personæ inuisibilis ab alio procedentis, in Scriptura missio nominatur. Et nihil officere hanc missionem veræ diuinitati Filij, aut Spiritus sancti: ex eo colligit sanctus Augustinus, quòd vterque missus est ad eum locum, vbi antea erat inuisibili maiestate. Nam de Filio dictum est: *In mundo Ioan. i. erat, & mundus eum non cognouit.* Et postea: *In propria venit.* Et de Spiritu sancto: *Quòd Psal. 138. ibo à Spiritu tuo?*

Quartò obiiciebant illud: *Omnia per Ioan. i. ipsum facta sunt.* Respondet Chrysostomus homilia 4. in Ioannem, Euangelistam idcirco statim addidisse: *Et sine ipso factum est nihil, quod factum est, vt excluderetur obiectio Arianorum; & intelligeremus, non omnia omnino, quæ sunt, facta esse per Verbum; sed solùm omnia, quæ facta sunt.* D. Cyrillus autem, & D. Augustinus legunt: *Et sine ipso factum est nihil. Quod factum est, in ipso vita erat, &c.* Et  
Arianis

Arianis respondent, Ioannem sine dubio loqui solum de creaturis, cum ait: *Omnia per ipsum facta sunt.* Alioqui etiam Patrem oporteret esse factum per Verbum, si omnia, quæ sunt, per Verbum facta sunt.

Quintò obiciebant ratiunculā. Sunt duo modi agendi: per naturam, & per artem. Nam per naturam gignuntur filij: per artem efficiuntur opificia. At solum Verbum productum est à Deo per modum naturæ, siquidem est Filius Vni-  
genitus. Igitur Spiritus sanctus ex arte processit, proinde opificium est.

Respondemus modū agēdi per naturam esse duplicē in iis rebus, quæ mente atque intelligentia præditæ sunt: vnum per intellectum, alterum per voluntatem. Nam & intellectus naturaliter producit notionem, & voluntas naturaliter producit amorem. Hoc tamen interest inter Deum & creaturas: quòd ille intelligendo, atque amando substantiam producit: creaturæ verò accidentia. Ex quo fit, vt Verbum, & Spiritus sanctus veræ sint hypostases: nostræ autē mentis conceptus, nostræque voluntatis amor hypostases dici non possint.

## Morale.

*Oves vocem eius audiunt.*

Ioan. 10.

**H**Æc de Spiritu sancto audiui-  
 sed ante omnia laborandum, vt in  
 nobis illum habeamus. Nam Deus dixit:  
*Non permanebit spiritus meus in homine in æter-* Gen. 6.  
*num, quia caro est.* Si ergo Spiritū sanctum  
 in nobis habere velimus, opera carnalia  
 fugiamus. Tunc enim Deus adduxit spiri- Gen. 8.  
*eum super terram, quando imminuta sunt aquæ.*  
 Aquæ desideria carnalia significant:  
 quantò magis minuuntur illa, tantò ma-  
 gis Spiritus crescit, iuxta illud: *Flabit Spi-* Psal. 147.  
*ritus eius, & fluent aquæ.* O quàm preciosus  
 Spiritus sancti thesaurus est! Dixit Pha-  
 rao ministris suis de Ioseph: *Num inuenire* Gen. 41.  
*poterimus talem virum, qui Spiritu Dei plenus sit?*  
 Et ad illum: *Tu eris super domum meam: vno*  
*tantum regni folio precedam te.* An etiam in-  
 ter nos inuenire poterimus aliquē, qui  
 Spiritu Dei plenus sit? In multis, me-  
 tuendū, habitat spiritus diaboli, in aliis  
 spiritus peccati, in aliis spiritus mundi.  
 Vbi autem spiritu Dei pleni erimus, in  
 cælesti domo etiam reges erimus: vno  
 tantum incomprehensibilitatis gradu  
 Deus præcedet nos.

T

Quid

- Gen. 45. Quid ergo? Cum vidisset Iacob plaustra, & vniuersa, quæ miserat Ioseph, reuixit spiritus eius. Misit nobis Spiritus sanctus sua dona: misit Dei Filius sua Sacramenta: o aptissima plaustra! Noster nunc etiã animus,
- Psal. 142. Domine Deus, reuiuifcat. Spiritus tuus bonus in terram rectam nos deducat. Vultis scire,
- Exod. 15. quantum possit Spiritus ille? Flauit Spiritus tuus, & operuit eos (Ægyptios) mare: submersi sunt, quasi plumbum, in aquis vehementibus. Si Spiritum sanctũ habuerimus, omnes facile hostes vincemus, & quasi in mari illos submergemus. De illo etiam Spiritu
- Exod. 28. tu dicitur: Et loqueris cunctis sapientibus corde, quos repleui Spiritu prudentia, vt faciant vestes Aaron, in quibus sanctificatus ministret mihi. Sapientes illi iustos denotãt, qui nimirum
- Matt. 25. acceperunt oleum in vasis suis: illi quando boni instinctu spiritus pauperibus charitatis opera exhibent, quid aliud, quàm vestes Aaraoni nostro Christo Domino faciũt. Vnde ipse ait: Quamdiu fecistis vni ex his fratribus meis minimis, mihi fecistis.
- Ibid.
- Exod. 31. Impleant Dominus Beseleel spiritu Dei, sapientia, & intelligentia in omni opere, ad excogitandum, quidquid fabrefieri potest ex auro, & argento, & ære, & marmore, & gemmis, & diuersitate lignorum. Nos, si Spiritũ sanctum habuerimus, facile etiam diuersas virtutes exercere poterimus. Multi in auro, argento,

gento, ære, &c. sculperc volunt, sed quia politici sunt, & Spiritu Dei non aguntur, opera illorum Deo grata non sunt.

Dedit quidem Dominus de Spiritu Moysis septuaginta viris: super Eldad quoque, & Medad requieuit Spiritus: sed quis tribuat, ut omnis populus propheteret, & det eis *Num. 11.*  
Dominus Spiritum suum?

Multi proprium quærunt commodum, constituere sibi ducem volunt, ut reuertatur in Ægyptum: at seruum meum, Caleb, dicit Dominus, qui plenus alio spiritu *Num. 14.*  
secutus est me, inducam in terram hanc, quam circuiuit, & semen eius possidebit eam.

Qui caelestem illam terram promissionis sincero spiritu circumeundo desiderat, dignus est, ut eam accipiat.

Sed politici nostri, sicut Balaam, faciunt, qui eleuans oculos, vidit Israel in tentoriis *Num. 24.*  
commorantem per tribus suas, & irruente in se Spiritu Dei prophetauit, & populo Dei benedixit: verumtamen pergens ad populum meum, ait ipse ad Balac, regem Moabitaram, dabo consilium, quid populus tuus populo huic faciat ex. remo tempore. Ita multi, quando florent Catholici, catholici sunt: sed in aduersis ad populum suum pergunt, & contra ipsos consilium struunt.

At de Gedeone, cum aram Baal destruxisset, legitur: Spiritus Domini induit *Iud. 6.*



*Gedeon, qui clangens buccina conuocauit domum Abiezer, vt sequeretur se.*

Nos non tantum buccina debemus clangere, sed ante prius destruere Baal, id est, non tantum verbis alios ad virtutem prouocare, sed prius exemplis. Plus enim ad hoc exempla valent, quam verba.

- Iud. 11.** *Factus est etiam super Iephthe Spiritus Domini, & circueus Galaad, & Manasse, Maspha quoque, & Galaad, & inde transiens ad filios Ammon, votum vovit Domino. Nobis etiam cum filiis Ammon, id est, cum diabolo, & instrumentis eius quotidie pugnandum est: eia, Spiritum sanctum accipiamus, & animam nostram Deo deuoueamus, & ita hostes nostros virtute Spiritus sancti vincamus. Quam fortis illo Spiritu Samson fuit! Irruit Spiritus Domini in Samson, & dilacerauit leonem, quasi hœdum in frusta discerpens, nihil omnino habens in manu. Quam noxius leo est auaritia! Quam fœdus, superbia! Quam terribilis, iracundia! Quam sordidus, luxuria! Quam rapidus, gula! Et tamen, si Spiritum sanctum habuerimus, facillimè eos dilacerare poterimus.*
- Iud. 14.** *Ligauerunt etiam viri Iuda Samson duobus nouis funibus, vt traderent eum Philistæis. Ita nos etiam amici nostri duobus frequenter funibus ligant, quando amo-*

rem

rem proprium, & amorem mundi nobis instillant. Noui funes sunt, quibus nos ornare volunt: & (cheu!) nescientes sæpe in manus Philisthijm nos tradunt. Sed cùm Philisthijm vociferantes occurrissent Samsoni, irruit *Spiritus Domini in eum*, & sicut solent ad odorem ignis ligna consumi, ita vincula, quibus ligatus erat, dissipata sunt, & soluta. Et de nobis ira ligatis triumphare gessit inimicus: sed, si Spiritum Dei habuerimus, facillime vincula illa rumpemus. Vnde vir, per quem locutus est *Spiritus Domini*, laudando Dominum clamat: 2. Reg. 23.  
*Dirupisti vincula mea, tibi sacrificabo hostiam Psal. 115. laudis.*

## I N F E S T O

## S A N C T I S S I M A E

## T R I N I T A T I S.

## Exordium:

**T** Arquinius Priscus, quintus Romanorum Rex, aliquando Attium Neuium in experimētum rogauit; Fierine posset, quod ipse mente cōceperat? Ille rem expertus augurio, posse respondit.

T 3 Atque

Atque hoc, inquit, agitabam, an cotem illam secare nouacula possem? Augur: Potes ergo, inquit: & secuit.

### Moraliter:

Si summus ille augurio, nescio qua arte, cotē nouacula secare potuit, quod naturalem tamen vim nouaculæ superat, quantò magis in Diuinis credi debent, quæ natura negat fieri? quantò, inquam, magis in Sanctissima Trinitate tres Personæ credi debent, & vna natura?

### Euangelium:

Matt. 28. Dixit Iesus discipulis suis: *Data est mihi omnis potestas in calo, & in terra. Euntes ergo docete omnes gentes, baptizantes eos in nomine Patris, & Filij, & Spiritus sancti.*

### Thema:

Ibid. *In nomine Patris, & Filij, & Spiritus sancti.*  
 Occasione illorum verborum de forma Baptismi disputabimus: illa enim certissimè est forma Baptismi, quam omnes Orthodoxi colligunt ex illis Christi verbis: *Baptizantes eos, &c.* Itaque sic dicendum est: *Ego te baptizo in nomine Patris, & Filij, & Spiritus sancti.* vt D. Thomas p. 3. q. 66. art. 5. & omnes in 4. d. 3. docent.

cent. Estque hæc forma etiam ab omnibus iam Sectariis receptissima, explosis quibusdam aliis formis ineptis hæreticorum veterum, quarum mentio etiam fit can. 49. Apostolorū, vbi sic habetur: *Si quis iuxta præceptum Domini non baptizat in nomine Patris, & Filij, & Spiritus sancti; sed in tribus sine initio principijs, aut in tribus paracletis, aut in tribus Filiis, abiiciatur.*

Afferunt etiam hanc eandē Baptismi formam sancti Patres: ac nominatim S. Irenæus l. 1. c. 18. Athanasius *serm. 3. contra Arian. circa medium*, Basilii *lib. de Spiritu sancto, c. 12.* & alij: qui omnes ex prædicta sententia Domini afferunt, hanc etiam baptizandi formam esse planè necessariam, ita vt sine illa Baptismus non valeat.

Quod est notandum contra paradoxon Lutheri l. *de captiuitate Babylon. c. de Baptismo*, & Zwinglij l. *de vera Religione, cap. de Baptismo*, qui, etsi admittant hanc Baptismi formam, censuerūt tamen sine illa etiam Baptismum valere. Quam in re repugnant sententiæ illi Domini, & Ecclesiasticæ traditioni: sed etiam manifestissimæ rationi. Nam nihil est tam essenziale, & necessarium Sacramento, quàm Sacramenti forma. Vnde & postea Lutherus ipse in *hom. 1. de Baptismo an. 1535.*

fassus est, non valere Baptismum nisi adhibitâ prædictâ verborum formâ.

Verùm cum in hac forma Baptismi quatuor omninò exprimatur: primum, causâ principalis, scilicet Personæ diuinæ: secundum, Minister: tertium, persona baptizati: quartum, actus ipse baptizandi; quæstio est: An ad veritatem Baptismi oporteat omninò omnia hæc, & singula exprimere in forma?

Et de actu quidem baptizandi conuenit inter omnes, quòd sit necessariò exprimendus: vt etiam explicatum est in Concilio Florentino.

Item, conuenit, personam baptizati exprimi debere: quia, si ille taceretur, non satis exprimeretur ipse actus Sacramentalis, qui est nimirum ablutio, quatenus est passio quædam, & receptio in hac persona.

Quanquam ista determinatio personæ, quæ baptizatur, nō ita necessaria est, vt si contingeret quoad hoc errare circa determinatam omninò personam, quæ baptizanti proponitur, ideo Baptismus nullus futurus sit. Imò verò Sotus *in d. 11. 5.* & alij rectè sentiunt, fore Baptismum validum, quamuis Minister nominaret, & putaret se baptizare puerum, cum esset femella, vel hunc, cum esset



esset ille. Ratio est, quia secundum intentionem Ecclesiæ, quæ in Ministro prævalet particulari cogitationi, & intentioni suæ, satis est, quod nominetur illa persona indiuidua, quæ ad baptizandum proponitur, qualiscunque illa sit, quoad rationes magis particulares, & determinatas.

Præterea etiam conuenit inter Doctores, non necesse esse, ut persona Ministri expressè indicetur, sed sufficere, si significetur implicite: quod fit eo ipso, quo actus ipse baptizandi exprimitur. Itaque licet omittatur particula, *Ego*, nihilominus valebit Baptismus. Ita docet D. Thomas *ar. 5. ad 1.* estque receptissima sententia.

Quinimò neque necesse est, ut actus baptizandi verbo illo declaretur, *Baptizo*, quo magis indicatur persona Ministri; sed sufficit secundum omnes, si ille declaretur quomodocunque; scilicet, si dicas: *Baptizo*, vel *Baptizetur*, vel *Baptizatur* talis à me. Atque hinc D. Thomas loco citato & alij communiter probant Baptismum Græcorum, qui dicunt: *Baptizetur seruus Christi in nomine Patris*, &c.

Quamquam Innocentius *in c. 1. de Baptismo, & eius effectu*, negat esse verum Baptismum, si quis apud Latinos dicat:

T 5

Bapti-

Baptizetur, vel Baptizatur iste. Sed rectè ab Adriano refutatur in *q. de Baptismo ar. 2.* & à Soto *d. 3. q. vnica art. 5.* ex communi aliorum sententiâ. De qua iam post Concilium Florētinum dubitare non licet, cū ibi in decreto vnionis ea forma Græcorum reputetur valida.

Nihilominus tamen mortale peccatum esset, eo animo, & intentione, quâ Græci schismatici vsurpāt illā formam Baptismi, Baptismū conferre. Illi enim eo modo dicunt, vt significant suum errorem, quo pertinaciter putant, formam Baptismi apud nos vsitatam non esse validam. In quo perspicuum est, eos peccare mortaliter: sed et si quis apud nos non hac intentione vsurparet illam formam Græcorum; tamen sapenumero propter scandalum, & suspicionem esset mortale; aliàs tantum esset veniale.

Cum igitur de his inter Doctores conueniat, magna tamen quæstio est circa causam Baptismi principalem; An scilicet significatio trium personarum debeat esse distincta, & expressa per illa verba: *In nomine Patris, &c.* Et est ratio dubitandi propter varietatem sententiarum. Communiorē tamen, certiorē, & solidiorē longè doctrinam animadu-  
uerto

uerto eam esse, quā ponit D. Thom. *ar. 6.*  
 & inter ceteros sequitur Petrus à Soto, *l.*  
*de instit. Sacerd. lect. 1. de Baptis.* & tuetur co-  
 piose Domin. à Soto *d. 3. q. unica, art. 6.* Ea  
 verò est, Trinitatem personarum esse  
 claris, & sensibilibus verbis expressè si-  
 gnificandam.

Ad quam expressam significationem  
 duo pertinere dicimus.

Primò, ut ipsæ Personæ, quatenus Per-  
 sonæ tales in se sunt, nempe *Pater, & Fi-*  
*lius, & Spiritus sanctus* significetur per ver-  
 ba, quæ vel ex natura sua, vel etiam ex  
 accommodatione vsus primariò, & for-  
 maliter Personas easdem indicent sub  
 ea ratione, qua diximus. Alioqui si no-  
 mina sint eiusmodi, quæ vel ex natura  
 sua, vel ex accommodatione vsus tan-  
 tùm materialiter, & secundariò signifi-  
 cent Personas, quatenus tales secundum  
 se sunt, non erit expressa illorum signi-  
 ficatio sub ea ratione. Sicut album v.g.  
 quoniam substantiam significat non nisi  
 secundariò, & materialiter, non omninò  
 expressè eam significat, sed quodam-  
 modò confuse, & implicite: albedinem  
 autem explicite, quoniam illam prima-  
 riò, & formaliter significat. Itaque ut sit  
 expressa significatio Personarum, qua-  
 lem in proposito requirimus, oportet,  
 vt

vt dixi, nomina vel ex natura sua, vel ex accommodatione certè significare formam, & primariò Personas, vt sunt in se tales, nempe *Pater, Filius, & Spiritus sanctus*.

Dicimus secundò ad hanc expressam significationem pertinere, vt virtus, & auctoritas Personarum, quatenus sunt principalis causa Baptismi, significetur singulariter illo verbo: *In nomine*.

*Ibid.* Hæc sententia probatur primò ex mandato Domini: nam talem formam ita expressam Dominus præscripsit illis verbis: *Euntes docete omnes gentes: baptizantes eos in nomine Patris, & Filij, & Spiritus S.*

Probatur secundò ex auctoritate Ecclesiæ, & summorum Pontificum. Nam Concilium Florentin. cum requirit, vt exprimatur *actus baptizandi cum SS. Trinitatis inuocatione*, perspicuū est (si locus ille inspiciatur) nomine Trinitatis ibi intelligi ipsas Personas distincte significatas. Nam paulò antè ibi definitur, formam Baptismi contineri expressâ illâ significatione Trinitatis: *Ego te baptizo in nomine Patris, & Filij, & Spiritus sancti*. Quare cum Concilium definiat, necesse esse, vt sic Trinitas exprimatur, expressam illam significationē requirit. Item Zacharias Papa, *de consecrat. d. 4. can. in Synodo*,  
 probans

probans decretum cuiusdam Concilij Anglicani super hac re editum, sic inquit: *Si quis vnā de Trinitate Personam nō nominaret, illud baptisma verum esse non posset.*

Quod testimonium, quoniam valdè illustre est, est defendendum aduersus falsas opiniones Caietani hic, & Adriani in q. de Baptis. ar. 3. ad 1. rationem principalem. Interpretatur enim Caietanus sententiam ibi Pontif. esse, si quis ne implicite quidem vnā Personam nominet. Sed hæc expositio certissimè pugnat cum ipsa mente, & oratione Pontif. Definit enim, Baptismum tum esse nullum, cū contingit aliquam Personam nominari, vel etiam aliquas, & aliam quandam ex tribus non nominari. At cū aliqua Persona nominatur, ipse Caietanus fatetur, implicite nominari hoc ipso reliquas Personas omnes. Ergo Pontifex ibi plane cēset, Baptismum tum etiam esse nullum, cū tantū vna, vel altera Persona nominatur expresse, etiam si alia nominetur implicite: atque aded non solum loquitur in casu, quo ne implicite quidem nominatur vna aliqua Persona, sicut vult Caietanus.

Deinde Adrianus exponit, Pontificem tantū loqui in casu, quo Minister vnā tantum esse Personam, vel alteram crederet;



deret; atque ita baptizaret ea intētiōe, ut Baptismus valeret hoc ipso solum, quòd vna, vel altera Persona nominaretur, & non ex vi etiam alterius vllō modo, id est, neque expresse, neque implicite nominata, si videlicet omninò talis alia Persona esse negaretur ab eiusmodi Ministro. Hāc etiam interpretationem dico minime conuenire textui.

Nam primò Pontifex id absolute, & simpliciter pronunciat de Baptismo, qui ita daretur à quouis omninò Ministro, quantumcunque fideli: & dicit ideo illum esse nullum, quoniam vna aliqua Persona non nominatur; id quod etiam potest accidere, siue Minister credat omnes personas, siue neget aliquam. Neque vllū est in eo Canone indicium, quod propter defectum intentionis improbet Pontifex talem Baptismum, sed propriè improbat ob defectum formæ. Nam quod ad confirmationem suæ definitionis subiungit: *perfectum Christianum non esse, qui aliquam de Trinitate Personam non confuetur*, eò pertinet, ut ostēdat, nisi omnes Personæ distincte exprimātur, non fieri in forma Baptismi tam perfectam, & absolutam confessionem fidei de SS. Trinitatis mysterio, quàm omninò requiratur ad veritatem Baptismi, eò quòd  
est

est peculiari ratione Sacramentū fidei.

Deinde magnum contra Adrianum argumentum est, quòd si perfecta alioqui, & vera forma Baptismi esset, cum nominaretur tantum expresse vna, vel altera Persona, non debuisset, neque potuisset Pōtifex absolute improbare, tanquam inualidum eiusmodi Baptismum, propter defectum intentionis in Ministro ita hæretico, sicut interpretatur Adrianus. Etenim non obstāte illo priuato errore, posset in eiusmodi Ministro nihilominus præponderare generalis intentio faciendi, quod facit Ecclesia: atque ita valeret tunc ille Baptismus, si in eo casu nihil deest alioqui ad integritatem formæ.

Præterea, Pelagius Papa de consecrat. d. 4. Cap. Si reuera, ad Gaudentium Episcop. sic dicit: Si reuera hi de hæreticis, qui in locus dilectioni tue vicinis commorari dicuntur, solummodo in nomine Domini baptizatos se fuisse confitentur, sine cuiusque dubitationis ambiguo eos ad fidem Catholicam venientes in SS. Trinitatis nomine baptizabis. Vbi similiter contra Glossas falsas Caietani, & Adriani diligēter est obseruandum, ideo Pontificem improbare Baptismum in nomine Domini solummodo administratum: quoniam non sit datus in nomine Trinitatis, id est, Patris, & Filij,

&c

& Spiritus sancti. Hinc enim patet, nihil obitare nobis, siue ibi loquatur de Baptismo collato in nomine Dei, vt parum probabiliter exponunt Caietanus, & Adrianus: siue in nomine Christi, qui secundum phrasin Scripturæ, & Ecclesiæ appelletur ibi Dominus. Vtroque enim modo apparet ex Canone, Baptismum in nomine Trinitatis omninò conferendum.

Quòd verò ibidem, *In nomine Trinitatis* significet tantundem, atque in nomine Patris, & Filij, & Spiritus sancti, patet ex aliis multis Canonibus, *ead. dist. 4.* vbi est perspicuum hoc sonare modum illum, quo breuitatis, & compendij causa dici solet à Pontificibus, & Patribus, *In nomine SS. Trinitatis.* Maximè verò id patet in Can. *Quamuis*, & Can. *Multi sunt*, *ead. d.* Vbi item Zacharias Papa ex Euangelio confirmat formam debere esse: *In nomine Patris, & Filij, & Spiritus S.* Quanquam quod ibidem de trina merfione ait, non requirit quidem, vt necessarium; sed declarat eum ritum esse congruentē cum forma in Euangelio præscripta.

Probatur tertio assertio auctoritate sanctorum Patrum. S. Athanasius *serm. 3. contra Arianos circa medium*: Nominatur, ait, Pater in Baptismate: necessarium ergo est & Filium

*Filium nominare. Et paulò superiùs de Spiritu sancto dixerat: Eadem ratione, quem Filius baptizat, is in Spiritu sancto initiatur. Et infra probat, planè vacuum, ac inutile fuisse Baptisma ab Arianis datum: quia non illud etiam in nomine Filij dabāt eo sensu, quo debebant. Saluator enim, inquit, non quouis modo baptizandum praecepit. Sed primum dixit: Docete: ac deinde: Baptizate in nomine Patris, & Filij, & Spiritus sancti: vt ex doctrina recta fides oriretur, & cum fide Baptismatis integra initiatio perficeretur.*

Item S. Basiliius l. de Spiritu sancto, cap. 12. Neminem, inquit, ad errorem impellat illud Apostoli, quòd nomen Patris, ac S. Spiritus in Baptismatis mentione saepe omittit, neque ob id putet nominum nomenclaturam non necesse esse obseruare. Et infra: Separatio, inquit, Spiritus in Baptismate à Patre, & Filio, periculosa est baptizanti, & inutilis baptismum suscipienti.

S. Augustinus l. 7. de Baptismo contra Donatistas, c. 53. cùm quædam alia inquirendo tantum, & dubius ibi de Baptismo disputet; tamen hoc tanquam certissimum ponit, Baptismum, vt valeat, debere saltem administrari, & consecrari verbis Euangelicis. Quod etiam alibi passim reperit.

Didymus l. 2. de Spiritu sancto: Qui ita, inquit, baptizare conatur, vt vnum de prædictis no-

minibus (Personarum trium) *pratermittat*,  
*sine perfectione baptizat*, id est, nō verè. Hoc  
 enim in hac materia, significat apud  
 Doctores, *sine perfectione*. In eandem sen-  
 tentiam loquuntur alij Patres.

Probatur quartò ratione, quā intelli-  
 getur rectè, sic institutum fuisse à Chri-  
 sto, vt fieret expressa significatio diui-  
 narum omnium Personarū. Sacramen-  
 tum enim hoc, cū sit ianua quædam,  
 & aditus ad Christianam Religionem,  
 peculiari ratione est, & appellari solet  
*Sacramentum fidei*, quam idcirco ibi profi-  
 temur. Itaque necesse, vt saltem præci-  
 pui mysterij, quod est SS. Trinitas, fiat  
 ibi expressa, & absoluta confessio.

Probatur vltimò à S. Thoma *sup. art. 5.*  
 à signo, & indicio quodam huius institut-  
 tionis. Nam, cū Christus à Ioanne ba-  
 ptizaretur (quo tempore putatur insti-  
 tuisse Baptismum) trium Personarum  
 distincta significatio ibi apparuit, scili-  
 cet Patris in voce, filij in humana natu-  
 ra, Spiritus sanctus in columbæ specie.

### Morale.

Matt. ult. Baptizantes eos in nomine Patris, & Filij,  
 & Spiritus sancti.

**I**N veteri Testamento gloria Trinita-  
 tis quoq; prædicatur: nam Dominus  
 Deus



SANCTISS. TRINITATIS. 307

Deus ter sanctus ab Angelis proclamatur. *Sanctus, Sanctus, Sanctus Dominus Deus Isa. 6. exercituum.* Sanctus enim est in seipso, sanctus in homine Christo, sanctus in opere sancto. Sanctus, inquam, in tribus personis, in tribus substantiis vnius personæ, in tribus operibus vnius essentia, scilicet bonitatis diuinæ.

De primo dicitur: *Sancti estote, quia ego Leuit. 19 sanctus sum Dominus Deus vester.*

Nam Pater sanctus est: *Pater sancte, serua Ioan. 17. eos in nomine tuo, quos dedisti mihi, vt sint vnum, sicut & nos.* Serua eos in nomine tuo in vita bona, ne pereant in nomine diaboli in vita mala. Nam si quis acceperit characterem nominis bestie in fronte sua, aut in manu sua, *Apoc. 14 cruciabitur igne, & sulphure.*

Filius etiam sanctus est: *Semel iuravi in Psal. 88. sancto meo. id est, in homine Christo.* Iuravi, inquit, quod *semē filij mei, id est, Christiani, maneat in aeternum: & thronus eius sicut sol in cōspectu meo.* nempe quod bonos omnes glorificabit in cælo: sicut iurauit etiam, quod malos damnabit in inferno. *Iurauit Dominus Deus in sancto suo, quia ecce dies Amos 4. venient super vos, & leuabunt vos in contis, & reliquias vestras in ollis feruentibus.*

Spiritus sanctus quoque sanctus est: *Et erit lumen Israel in igne, & Sanctus eius in Isa. 8. flamma.* Spiritus sanctus est lumen illuminans,

minans, & sanctus sanctificans, flamma-  
que inflammans animas nostras, sicut  
linguis igneis inflammauit Apostolos.  
Per hanc flammam vitatur alia, de qua

Luc. 16. dicitur: *Crucior in hac flamma.*

Sanctus ergo Deus in tribus Personis.

Exod. 15. *Quis similis tui in fortibus, Domine? Quis similis  
tui, magnificus in sanctitate, terribilis, scilicet  
Pater in potestate, atque laudabilis Filius  
in veritate, & faciens mirabilia Spiritus  
sanctus in bonitate?*

Luc. 1. De secundo: *Quod enim ex te nascetur san-  
ctum, vocabitur Filius Dei.* De hac sanctitate

Isa. 6. bene etiam dicitur: *Sanctus, Sanctus, Sanctus  
Dominus Deus.*

Sanctus enim est Filius in corpore.

Psal. 64. *Sanctum est templum tuum, utique corporis,*

Ioan. 2. de quo dicitur: *Soluite templum hoc, &c.* Fuit  
autem hoc templum solutum vulnera-  
tione, & separatione ab anima, non cor-  
ruptione. Nec dabis sanctum tuum videre cor-  
ruptionem.

Psal. 85. Sanctus est Christus in anima. *Custodi  
animam meam, quoniam sanctus sum.* Hoc pro-

Psal. 96. prie conuenit Christo: *Custodit Dominus  
animam sanctorum suorum.* Et quia anima eius  
pi. omnibus sancta est, ideo prae omni-

Prou. 6. bus detestatur, quidquid sanctitati est  
contrarium. *Sex sunt, quae odit Dominus, &  
septimum detestatur anima eius.*

Sanctus

SANCTISS. TRINITATIS. 30.

Sanctus etiam est Christus in diuina natura. Domini est assumptio nostra, id est, carnis nostræ, & sancti Israel regis nostri. Sanctificat enim, & regit nos assumptio in utero Virginis, per quæ Sanctus sanctorum ad nos venit, de quo dicitur: *Talis enim decebat, ut nobis esset Pontifex, sanctus in bono, innocens in corpore, anima, diuinitate.* Ideo bene additur: *impollutus in corpore: segregatus à peccatoribus, id est, immunis à peccato in anima: & excelsior cælis factus, in diuinitate, quia Angeli cum adorant.*

De tertio: *Sanctus in omnibus operibus suis.* Psal. 144.  
De hac etiam sanctitate bene dicitur: *Sanctus, Sanctus, Sanctus Dominus Deus.* Isa 6.

Nam sanctus est in opere creationis. Ego Dominus sanctus vester, creans Israel Rex vester. Nullam enim creauit Dominus iniquitatem, nullum ad iniquitatem, nec dæmonem, nec hominem. Vidit Deus cuncta, quæ fecerat, & erant valde bona. Bona valde, quæ fecit, quanto melior ille, qui fecit?

Sanctus in opere redemptionis: Hæc dicit Dominus redemptor vester, sanctus Israel. Propter vos emisi Babylonem, & detraxi vestes viros, & Chaldaeos in nauibus suis gloriantes.

Redemptor noster est per passionem: Filius hominis non venit ministrari, sed ministrare, & dare animam suam redemptionem pro multis.

ris. Ille detraxit vestes vitiorum, & Chaldaeos, id est, dæmones per fluctus sæculi huius animas circumducentes, & in eo gloriantes.

**Isa 60.** Sanctus etiam in opere glorificationis. *Adducam filios tuos de longè: argentum eorum, & aurum eorum cum eis nomini Domini Dei tui, & sancto Israel, quia glorificauit te. Ierusalem cui hæc glorificatio promittitur, significat Ecclesiam, quæ à sancto Israel in cælo glorificabitur. Ille autè amplius cum Ecclesia ædificabitur in cælo, qui argento fidei, & auro charitatis amplius in Ecclesia abundauerit in mundo.*

**Apoc. 4.** De tribus his operibus dicitur: *Sanctus, Sanctus, Sanctus Dominus Deus omnipotens, qui erat, & qui est, & qui venturus est. Qui erat in principio mundi creator: qui est in medio mundi redemptor: qui venturus est in extremo remunerator.*

I N F E S T O  
C O R P O R I S  
C H R I S T I.

Exordium:

**C**Um Samuel introduxisset Saulem  
in triclinium, dixit coquo: *Dap- 1. Reg. 9.*  
*tem, quam d. di tibi, & praecepi, vt reponeres seor-*  
*sum apud te. Leuauit autem coquus armum, &*  
*posuit ante Saul. Dixit q̃, Samuel: Ecce quod re-*  
*mansit, pone ante te, & comede: quia de industria*  
*seruatum est tibi, quando populum vocaui.*

Moraliter:

Introduxit nos cælestis Samuel, Chri-  
stus Dominus, in triclinium, quādo nos  
in Catholicam per verā fidem vocauit  
Ecclesiam. Partem autē apud coquum  
reposuit, quando Sacerdotibus conse-  
crandi corpus Dominicum potestatem  
dedit. Tunc verò ante Saul coquus ar-  
mum ponit, quando fidelibus corpus  
Domini Sacerdos distribuit. Multa enim  
in Ecclesia sunt fercula, multa gratia-  
rum dona, multa Spiritus sancti mune-  
ra: sed optimum illud de industria ser-



Ioan. 6. uatum est Saul, quando populum vocauit: quia panis quem ego dabo, caro mea est pro mundi vita.

### Euangelium:

Ibid. Dixit Iesus turbis: Caro mea verè est cibus, & sanguis meus verè est potus.

### Thema:

*Qui manducat hunc panem, viuet in aeternum.*

Occasione horum verborum de effectibus Sacramenti altaris agemus. Constat enim quosdam effectus habere hoc Sacramentum primariò, & per se ex sua institutione: alios secundariò, vt contingit videlicet in aliquo casu eum esse effectum, qui Sacramentum istud suscipit.

Priori modo id efficit (analogia quadam) in vita spiritali animæ cõfirmanda, & stabilienda illud Sacramentum, quod efficit cibus & potus in stabilienda, & roboranda vita corporis: tum etiam præstat isto modo ex institutione sua quadam, ad quæ peculiariter Scriptura ipsum valere significat.

Itaque primariò & ex institutione suâ primus huius Sacramenti effectus est, quòd conferat augmentum habitualis gratiæ: & etiam conciliat homini peculiaria quædam auxilia diuina actualia, vt exercitio charitatis, & aliarum virtutum, calori

calori concupiscentiæ resistendo possit  
conseruare vitam gratiæ. Quo ipso aug-  
mento gratiæ, & auxiliis, etiam recupe-  
rat quis illum feruorem charitatis, qui  
quotidianis peccatis, quasi æstu quodam  
eiusdem concupiscentiæ identidem mi-  
nuitur, itemque delectatur, & gustat ali-  
quis spiritualiter eo ipso, *quàm suavis est Sap. 12.*  
*Dominus.*

Probatur hoc optimè à D. Thomap. 3.  
q. 76. art. 1. ex analogia cibi, & potus cor-  
poralis. Nam vt hic sustentat vitam cor-  
poralem, & auget eam, & instaurat de-  
bilitatione ortam actione continua ca-  
loris naturalis, atque etiam delectat: ita  
oportet hæc omnia spiritualiter præstet  
in vita spirituali hic ciuus, & potus spi-  
ritualis. Præstat id autem conferendo  
gratiæ augmētum, & auxilia illa ex qui-  
bus sanè conflatur ea gratia Sacramen-  
talis, quæ proprius, atque præcipuus hu-  
ius Sacramenti est effectus. Hanc etiam  
vim habent sententiæ Patrum, vbicun-  
que ij facultates, & energiam spiritualis  
cibi huic Sacramento tribuunt.

Idcirco figura huius Sacramenti fuit  
manna, quod habebat in se omnis saporis  
suauitatem. Confirmatur etiam à Patribus  
sermone Christi: *Qui manducat me, uiuet Ioan. 6.*  
*propter me. Item: Caro mea verè est cibus. Et*

rursus : *Qui manducat meam carnem, & bibit meum sanguinem, in me manet, & ego in eo.*

Quanquam transformamur quidem per illum ipsi potius in Christum, id est, reddimur ei similes per gratiam : non autem illum conuertimus in nos, sicut cibum corporalem. Quod benè explicari potest illis verbis S. Augustini lib. 7. *confess. c. 11. Cibus, inquit, sum grandium: cresce, & manducabis me, nec tu me mutabis in te, sed tu mutaberis in me.*

Quod si verò non sentitur aliquando à sumentibus illa delectatio, & suauitas, causa non est, quia ipsum per se Sacramentum eam non afferat, præstando auxilium ad charitatis motus feruentes: sed quia vel animi palatus est malè affectus, vel non satis meditatione quasi masticatus hic cibus; id est, quia à peccatis venialibus impedimur, neque satis rem tantam nobiscum reputamus, ac meditamur.

Secundus effectus est remissio peccatorum venialium; ad quæ tamen non amplius in animo vigeat affectus. Ita docet D. Thomas *sup. ar. 4.* Ac sequitur effectus hic ex primo. Nam peccata venialia post præteritum actum cōsistunt in priuatione feruoris cuiusdā charitatis. Sed hic feruor restituitur per illud Sacramentum.

mentum. Igitur per illud etiam peccata venialia delentur: atque ad eò condonatur eo ipso diuinitus illa paruula Dei offensa, quæ incurritur per eiusmodi peccata. *Si dixerimus, quoniam peccatum non habemus, ipsi nos seducimus, & veritas in nobis non est.* 1. Ioan. 1

Deinde id confirmatur ex eo, quòd quidquid illud est mali in peccatis venialibus, id quidem quædam quasi labes est vitæ spiritualis, quam incurrimus ferè vitio interni quasi caloris, ac fomitis concupiscentiæ. Sed ad istud Sacramentum omninò secundum institutionem eius pertinet, instaurare omnem eiusmodi iacturam. Ergo etiam delere peccata venialia.

Ita definitum est in Concilio Tridentino sess. 1. cap. 2. & asseritur luculenter à Patribus. Vnde paterfamilias dixit seruo suo: *Pauperes, ac debiles, & cacos, & claudos introduc huc.* Luc. 14.

Tertius effectus est, quòd præseruat etiam à peccatis mortalibus; vt D. Thomas art. 6. docet ex duplici capite.

Primò, quia ea etiam est vis cibi, vt robur suppeditet vitæ, quo valeat ipsa resistere contrariis. Id autem facit hic cibus spiritualis hoc ipso, quòd augmentum illud gratiæ, & auxilia confert, de quibus

**Iud. 14.** quibus antea. Ita irruit Spiritus Domini in Samson, & dilicerat leonem, quasi hoc dum in frustra decerpens, nihil omnino habens in manu.

Secundò, quia Christi passionem modo quodam suo repræsentat: quæ cum sit demonibus formidabilis, eo ipso istud Sacramentum deterret demones à tentando. Quò pertinet illud Chrysostomi hom. 45. in Ioannem: *U't leones, inquit, flammam spirantes, sic ab ipsa mensa discedamus terribiles effecti diabolo.* Ita cum Habacuc

**Dan vlt.** prandium ferret Danieli, ipse ait: *Recordatus es mei Deus, & non dereliquisti. Iusti diligentes te. Surgensque Daniel comedit.*

Quartus effectus est, quòd eo ipso quoque per gratiam fideles & cum Christo capite, & inter se vnit. Quare in pane, & vino institutù est: quæ res sunt symbolum vnitatis, cum panis ex multis granis, vinum ex multis racemis fiat, vt docet D. Thomas art. 1. ex August. tract. 26. in Ioannem. Itaque Sacramentum vnitatis, & charitatis ab eodem Augustino ibi appellatur. Idem docet Apostolus: *Vnus panis, & vnum corpus omnes sumus in Christo.* Neque verò solum per gratiam; sed etiam re ipsa, & corporaliter nos per hoc Sacramentum cum Christo vniri, testantur Patres.

Quintus effectus est Ius ad vitam æternam,

**1. Cor.  
10.**



nam, & adeptio eius suo tempore: idque non solum ratione illa generali, quatenus videlicet id eius est consequens ex gratia, quam confert illud Sacramentum, sed quia peculiariter ex sua ratione sustentat vitam non perituram ex sese, ut cibus corporalis, sed æternam per se. Æterna enim est ex sese vita gratiæ, quæ hic incipit, & perdurat ipsa perpetuò in beatitudine. Hinc Christus: *Qui Ioann. 6. manducat meam carnem, viuet in æternum.* Et: *Ut si quis ex ipso manducauerit, non moriatur:* quod ad vitæ gratiâ sempiternâ, quantum est quidem ex vi Sacramenti, referri debet, ut interpretatur D. Augustinus *tract. 26. in Ioannem, & l. 21. de ciuit. c. 25.*

Accedit etiam alia ratio peculiaris, cur hoc Sacramentum vitam æternam conferat: quia scilicet vires præstat, ut ad illam perueniatur. Quocirca viaticum dicitur: cuius figura præcessit in pane illo subcinericio, in cuius fortitudine; *Reg. ambulauit Elias vsque ad montem Dei.* Itaigi-<sup>19.</sup> tur & doctrina S. Thomæ *hic ar. 2.* & aliorum Patrum intelligenda est, cum effectum huius Sacramenti asserunt esse vitam æternam.

Sextus effectus est immortalitas corporis post resurrectionem, ut hæc sit vis illius sententiæ Christi: *Qui Ioann. 6. manducat hunc panem,*

Ibid. panem, viuet in aeternum. Sicut etiam clariùs ait: Ego resuscitabo eum in nouissimo die, nempe immortalem. De hoc effectu etiam præclare sancti Patres differunt. Sicut discipulis in Emmaus porrigebat Christus panem: & aperti sunt oculi eorum, & cognouerunt eum. & ipse euauit ex oculis eorum.

Luc. 24. panem: & aperti sunt oculi eorum, & cognouerunt eum. & ipse euauit ex oculis eorum.

Denique quidquid dignitatis, & effiaciæ à sanctis Patribus huic Sacramento secundum institutionem eius tribuitur, id ad aliquem istorum effectuum iam enumeratorum facillè reuocari poterit.

Porrò effectus per accidens, seu ex consequenti, sunt tres.

Primus est, quòd conferat primam gratiam, atque aded etiam remissionem peccati mortalis. Id fit, quando aliquis sine sua culpa (id est, probabiliter se putans esse in gratia) accedit, & percipit Sacramentum hoc in peccato mortali, cuius neque conscientiam habet, & affectum etiam alioqui deposuit. Vt si v.g. habuit attritionem, quæ satis per se non fuerit ad gratiam conciliandam; licet ipse quidem putauerit, habere se veram contritionem: vel si probabiliter putes, te fuisse legitimè absolutum in confessione, cum tamen non sis.

Ita docet D. Thomas *hic ar. 3.* & magis *infra declarat q. seq. ar. 4. ad 5.* Item Scotus

in 4. dist. 9. q. 1. & communiter alij Theologi. Atque id etiam haud dubie volunt sancti Patres, cum absolutè tribuunt huic Sacramento remissionem peccatorum, eò quòd sit instrumentum passionis Christi, vt indicatur verbis illis in consecratione calicis: *Qui pro vobis, & pro multis effundetur in remissionem peccatorum.* Quod Patres huc accommodant.

Secundus effectus ex accidenti est remissio poenae temporalis, si eius reatu tenetur, qui suscipit. Hunc autè effectum habet consequenter, quatenus excitat motum charitatis, qui pro sua quidem perfectione valet plus, vel minus ad satisfaciendum pro poena. Ita declarat hoc D. Thomas art. 5.

Quamquam si hoc Sacramentū consideretur, non tantum vt sumitur, tanquam Sacramentū, sed etiam quatenus offertur, vt sacrificium; sic quidem ex institutione sua valet etiam ad satisfaciendum; vt D. Thomas ibidē declarat. Sed in satisfactione, inquit, magis attenditur affectus offerentis, quàm quantitas oblationis. Nam de vidua paupercula mittente ara minuta duo in gazophylacium dixit Dominus: *Vidua haec pauper, plus quàm omnes misit.* Luc. 21.

Tertius non absurdè etiā in effectibus  
per

per accidēs huius Sacramenti numerari  
 potest illud malū, quod sibiipſi creant,  
 qui ſumunt indigne, iuxta illud: *Iudicium*  
*sibi manducat, & bibit.* Vnde de Iuda dici-  
 tur: *Et poſt buccellam introiuit in eum Satanas.*

1. Cor.  
 11.

Ioan. 13.

## Morale.

Ioann. 6. *Qui manducat hunc panem, viuet in aeternum.*

**H**ic panis ſeptuplicem adfert dul-  
 cedinem ſpiritualem.

Prima dulcedo eſt præſentia Ieſu in  
 hoc ſacramento, in quo habemus om-  
 nia, quæ deſiderari poſſunt. Magnum  
 fanè reputauit Miphiboſeth beneficiū,  
 2. Reg. 9: quòd diceret illi Dauid: *Tu comedes panem*  
*in menſa mea ſemper.* Qui adorans eum, dixit:  
*Quis ego ſum ſeruus tuus, quoniam reſpexiſti ſuper*  
*canem mortuum ſimilem mei?* At maius eſt  
 non menſe Domini Ieſu aſſidere, ſed  
 propriam eius carnem manducare.

3. Reg.  
 19.

Secunda dulcedo eſt Angelorum aſ-  
 ſiſtentia, & beatorum. Si enim Regina  
 Saba dixit Salomoni: *Beati viri tui, & beati*  
*ſerui tui, qui ſtant coram te ſemper, & audiunt*  
*ſapientiam tuam:* quanto beatiores fideles  
 ſunt, qui corā Angelis, & beatis Domi-  
 no Ieſu in ſacramento aſſiſtunt, & ſum-  
 mam ab eo dulcedinem percipiunt?

Tertia

# CORPORIS CHRISTI. 32

Tertia dulcedo est, quòd conuertat hominem quodammodo in Christum. Si enim magnum Ioseph videbatur fratribus suis præstare beneficium, quando dicebat: *Ponite panes. Quibus appositis, seorsum* Gen. 43. *Ioseph, & seorsum fratribus, Ægyptus quoque, qui refcebantur simul, seorsum sedentibus coram eo, mirabantur nimis, sumptis partibus, quas ab eo acceperant. Quàto magis eos mirari, & amare decet, quibus Christus ipse apponitur, vt non iam seorsum ab eo sedeant, sed in ipso per amorem habitent, & ille in eis.*

Quarta dulcedo est refectio animæ. Nam si Elias comedit, & bibit, & ambulauit in 3. Reg. fortitudine cibi illius quadraginta diebus, & quadraginta noctibus, vsque ad montem Dei Horeb: quanto magis roborabitur anima, quæ iam nō pane & aqua, sed corpore Christi, & sanguine pascetur! Vnde refert Cæsarius in suo Dialogo, quòd Colonix quædam matrona in communicando tâta reficiebatur dulcedine, vt sine omni fame ab vna Dominica in alteram ieiunaret ab omni cibo corporali. Vt autem magis in hoc probaretur, data fuit illi ignorantia hostia non consecrata, & mox aded cœpit esurire, vt se morituram crederet.

Quinta dulcedo est, quòd dignè su-



**Ioann. 6.** mentibus sit vitæ æternæ solatium. *Non sicut manducauerunt patres vestri manna, & mortui sunt. Qui manducat hunc panem, viuet in æternum.*

Sexta dulcedo est memoria passionis, & amoris Domini. Vnde in Canone Missæ post consecrationem calicis le-  
**Matt. 26.** guntur hæc verba: *Hæc quotiescunque feceritis, in mei memoriã facietis. Sicut Dominus de muliere dicit: Mittens enim hæc vnguentum hoc in corpus meum, ad sepeliendum me fecit. Amen dico vobis, vbicumque prædicatum fuerit hoc Euangelium in toto mundo, dicetur & quodd hæc fecit in memoriã eius.*

Septima dulcedo huius panis est, quodd homo per illum securus redditur de beatitudine pluribus modis.

Primò, quia est figura vitæ æternæ.  
**Luc. 14.** Vnde quidam de simul discumbentibus dixit illi: *Beatus, qui manducabit panem in regno Dei.*

Secundò tanquam viaticum, cuius vigore ad patriã peruenitur. Vnde Abraham tribus viris dixit peregrinis: **Gen. 18.** *Ponam buccellam panis, & confortate cor vestrum, postea transibitis.*

Tertiò, tanquam pignus gloriæ securum. Si enim Thamar credebatur Iudæ  
**Gen. 38.** danti ei anulum suum, & armillam, & baculum, quem tenebat manu: quanto magis debemus Christo credere danti nobis frequenter

quenter in hac peregrinatione corpus  
suum, & sanguinem, donec introducat  
nos in patriam cælestem.

## I N F E S T O

## S. A N T O N I I

## P A D V A N I.

## Exordium:

**T**Empore Ochoziæ, Regis Israel,  
cùm fames esset in terra, dixit Eli-  
zæus: In tempore hoc cras modius simila vno sta- 4. Reg. 7.  
tere erit, & duo modij hordei statere vno in porta  
Samaria. Respondens vnus de ducibus, super cuius  
manum Rex incumbbat, homini Dei, ait: Si Do-  
minus fecerit etiam cataractas in calo, nunquid  
poterit esse, quod loqueris? Porro altera die  
Rex Duce[m] illum constituit ad portam,  
quem conculcauit turba in introitu porta, & mor-  
uus est.

## Moraliter:

Tempus famis significat statu[m] mundi,  
in quo magna penuria est diuinæ gratiæ.  
Dux ille, super cuius manum Rex in-  
cumbat, mūdānum hominem, signi-  
ficat,

ficat, qui exemplo suo, & facultatibus mundanas sustentat vanitates. Talis sæpe nihil de Deo cogitat, nihil de futura vita: inò sæpe gratiæ diuinæ abundantiam, & remissionem peccatorum suorum impossibilē putat. Sed quid? Dum minime putat mori cogitur, & tunc in exitu vitæ frequenter anima eius à curis huius sæculi, deliciis, & diuitiis conculcatur, & ita in infernum demergitur.

### Euangelium:

*Matt. 15. Vosestis sal terra. Quod si sal euanuerit, in quo salietur? &c.*

### Thema:

*Idem.*

Oportunum nunc quærere : Vnde proueniat Ordinum Religiosorum diuersitas?

Respondeo, & dico primò, Diuersitas Ordinum Religiosorum non prouenit ex aliquo, quod Religioni est essentialē; vt sunt tria vota essentialia, & approbatio Ecclesiæ. Hæc enim omnibus sunt communia. Itaque si essentialia spectentur, omnes sunt eiusdem speciei : consistit enim omnium essentia in obligatione trium votorum ab Ecclesia acceptatorum.

Quare

Quare Ionathas, cum pugnare vellet cum Philistiim, dixit ad armigerum suum: *Ascendamus, sequere me: tradidit enim* 1. Reg. *Dominus eos in manus Israel.* Ita Religiosi Ordines, quasi vnus armiger, sequuntur Saluatorem nostrum in essentialibus Religioni.

Dico secundò, hæc diuersitas Ordinum prouenit ex duobus.

Primò ex particulari fine, seu functione, ad quem quisque Ordo institutus est speciatim. Quidam enim sunt instituti, vt præter obseruantiam votorum essentialium, potissimùm se exerceant in operibus vitæ contemplatiuæ. Tales ferè sunt, quos antiquiores Patres instituerunt, Antonius, Pachomius, Basilus, Benedictus, Bruno, Ordo Cisterciensium, & Cluniacensium. Horum cultores propriè vocantur Monachi, quia vacant solitudini, & τῇ μονάδι, id est, vnitati, quæ Deus est, sunt intenti. Alij instituti sunt ad opera vitæ actiuæ corporalia: vt, ad redimendos captiuos, ad suscipiendos peregrinos, ad seruiendum infirmis, ad defendendam Ecclesiam contra hostes fidei: quales sunt equites Ierosolymitani, S. Iacobi, S. Ioannis. Alij partim ad contemplationem, partim ad opera vitæ actiuæ, sed spiritualia, quæ supponunt

contemplationem, vt Ordines mendicantium.

1. Reg.  
10.

Sicut David, cū pugnasset aduersus Amalechitas. & de victis retulisset prædam, diuisit illam cum ducētis viris, qui laesi subliterant ad torrentem Besor, dicens: *Aequa pars erit descendētis ad prælium, & remanentis ad sarcinas, & similiter diuident:* ita contemplatiui tantum merētur aliquando, quantum actiui.

Secundò prouenit Ordinum diuersitas ex particularibus ritibus, & mediis, quibus vtuntur, vel ad vota sua melius seruanda, vel ad functionem propriam melius obeundam. Sic inter ordines ad contemplationem institutos videmus magnam varietatem in habitu, victu, ieiuniis, aliisque piis exercitiis. Similiter inter Ordines mendicantium. Et quamuis non numerentur à Doctōribus, nisi quatuor regulæ approbatæ, sub quibus omnes Ordines Religiosi militant (præter Carthusianos, qui habent sua statuta, & Societatem Iesu, quæ suas constitutiones) videlicet Basilij, Augustini, Benedicti, & Francisci: tamen singuli suæ regulæ proprias constitutiones adiunxerunt, quibus inter se discrepant, etiam si eandem regulam sequantur. Sub regula enim S. Basilij viuūt penè omnes Græci Monachi.



Monachi. Sub regula S. Augustini omnes Canonici regulares, Dominicani, Augustiniani, Seruitæ, Hieronymiani, Hospitalarij, Cruciferi, & alij aliqui. Sub regula S. Benedicti Monachi nigri, Cluniacenses, Cistercienses, Camaldulenses, Cælestini, & alij: quamuis hi omnes propriis constitutionibus regulæ superadditis, & habitu multùm differant.

Hæc autem varietas Ecclesiæ est ornameto. Sicut enim Reip. politicæ est ornameto, habere omnia genera opificiorum, quæ iuuent, & oblectent vitam istam temporalem; ita Ecclesiam, quæ est diuina quædam Resp. exornat tanta varietas opificiorum, & exercitiorum spiritualium ad excolendam animam, & vitam spiritualem inuentorum. Vnde Salomon omnes parietes templi per circuitum 3. Reg. 6. sculpsit variis calaturis, & torno: & fecit in eis Cherubim, & palmas, & picturas varias, quasi prominentes de pariete, & egredientes.

Deinde; Est etiam summè utilis. Sic enim quamplurimis patet aditus ad statum perfectionis. Nam qui non est idoneus ad hoc genus exercitij, v.g. ad contemplationem; est idoneus ad aliud, scilicet ad actionem; & contrà. Vnde Salomon ad ædificationem templi varia habuit genera operariorum. Nam *elegit Rex 3. Reg. 3.*

operarios de omni Israel, & erat inditio triginta millia virorum. Fueruntq; Salomoni septuaginta millia eorum, qui onera portabant, & octoginta millia latomorum in monte, absque Praepositis, qui praeerant singulis operibus, numero tri-millium, & trecentorum. Alij ferebant lapides: alij dolabant eos. Alij ligna excidebant, & aptabant. Alij terram fodiebant: & alia alij opera exercebant. Vnde Ieremias:

Ierem. 1. Et dixit Dominus ad me: Ecce dedi verba mea in ore tuo: ecce constitui te hodie super Gentes, & super regna, vt euellas, & destruas, & disperdas,

Matt. 20. & disipes, & adijces, & plantes. Et Dominus varios misit operarios in vineam suam: nimirum primo mane, & circa horam tertiam, & circa sextam, & nonam horam, & circa vndecimam. Alij vineae irrigabant radices, atque inutiles abscindebant palmites, alij ligabant dissolutos, alij vermes depellebant, alij vineam custodiebant.

## DE S. ANTONIO.

**O**Lyssipone in Lusitania templum est D. Marię sacrum, in quo B. Vincentij Martyris corpus requiescit. Ad eius templi Occidentem B. Antonij parentes domicilium habuere, in quo natus est B. Antonius, qui Ferdinandus primum

mum vocatus est. Parentes nobiles: pater Martinus nomine miles Regis Alphonſi fuit: ſicut B. Antonius miles Chriſti.

Litteris imbutus fit Canonicus regularis: ſed cum crebra amicorum viſitatione in vocatione ſua impediretur, locum mutavit, & ad aliud monaſteriũ D. Auguſtini, ſcilicet S. crucis de Conimbrica zelo ſeuerioris diſciplinæ commigravit. Sicut Philiſtæi, cum remittere vellent arcam Domini, tollentes duas vac-  
*cas, quæ lactabant vitulos, iunxerunt ad plauſtrum, vituloſq; earum concluſerunt domi. Ibant autem in directum vacca per viam, quæ ducit Bethſames, & itinere vno gradiebantur. Ita & parentes facere deberent, qui religioſos habent filios: filios nimirum ſuos relinquere, & recto itinere ſuo ire.* 1. Reg. 6.

*Omnis, qui reliquerit domum, vel fratres, aut* Matt. 19.  
*ſorores, &c.* Sed cum Petrus primogenitus Regis Marochio attuliſſet reliquias Franciſcanorum Martyr. Berardi, Petri, &c. & ſe à magnis periculis illorum meritis liberatum diuulgaret, cœpit etiam Ferdinandus flagrare deſiderio martyrij: ideò & Franciſcanus factus nomen Antonij aſſumpſit. Et ad Saracenos ſemel nauigans, vi morbi fuit compulſus redire.

Cum conuenisset Alsifium ad capitulum generale, à nemine expetitus est: ita commendans se Gratiano ministro Æmilix, in prouinciam illam abductus in eremum secessit: & pœnitentiã egit. Tandem orationem habere iussus omnium opinionem superauit: paulò post Prædicator factus omnes ad se trahebat. Pontifex max. eum arcam Testamenti appellabat: ita enim Scripturas memoria tenebat, vt instar Esdræ eas restituere potuisset.

1. Reg.

17.

Sicut de Dauid: *Non uales resistere, quia puer es.* Guardianus existens homini lubrico reuerentiam exhibuit, tanquam futuro Martyri.

Iud.9.

Vt autem liberiùs prædicationi incumberet, à fratrum regimine absolui cupit. Sicut in parabola loatham, dixerunt ligna ad arborem ficum: *Veni, & super nos regnum accipe. Quæ respondit eis: Nunquid possum deferere dulcedinem meam fructusq; suisissimos, & ire ut inter cetera ligna promouear?*

Valde autẽ potens verbo fuit, & maleus hæreticorũ indefessus dictus, multos etiam ad fidem conuertit.

Ad petitionem hæretici mulum adorare s. Eucharistiam coëgit.

Puero à mortuis excitato loquelam restituit, vt parêtes ab iniuria liberaret.

Moritu-

S. ANTONII PADVANI. 331

Moriturus Dominum Iesum vidit.

Lingua eius post 32. annos integra, & incorrupta inuenta est.

Quæ licet imitari non liceat, admirari tamen non pigeat, vt erga Ordinem S. Francisci nobis accendatur deuotio, & qui sub eius vexillo militauimus in terris, in felici eius confortio etiam triumphemus in cælis. Amen.

---

IN NATIVITATE

S. IOANNIS

BAPTISTÆ.

Exordium:

**C**um filius mulieris Sunamitis iuif- 4 Reg. 4  
set in agrū, ægrotus rediit, & mortuus est. Elizæus autem misit Giezi puerum suum, cum baculo suo, vt à mortuis excitaret eum: sed non erat vox, neque sensus. Tandem Elizæus ipse venit, & incubuit super puerum. Posuit que os suum super os eius, & oculos super oculos eius, & manus suas super manus eius, & incurauit se super eum, & celsa facta est caro pueri.

Mora-



## Moraliter:

**Mat. i.** Puer iste humanum genus significat, quod in Adam spiritualiter mortuum fuit in Paradiso. Missus fuit Ioannes in desertum baptizans, & pradicans baptismum penitentiae in remissionem peccatorum. Sed ipse tollere peccata non potuit, nec humanum genus redimere: donec tandē ipse Dominus noster Iesus Christus per incarnationem suam super puerum incubuit; & ita humanum genus à morte aeterna morte sua liberavit.

## Euangelium:

**Luc. i.** Elisabeth impletum est tempus pariendi, & peperit filium, & audierunt vicini, & cognati eius, quia magnificavit Dominus misericordiam suam cum illa, & congratulabantur ei.

## Thema:

Exponitur Euangelium.

**Ioan. 3.** D. Augustinus *hom. 2. de nativitate Ioannis*, & Beda *hom. de eadē nativitate*, notavit non vacare mysterio, quod Ioannis natiuitas in illos dies incidat, qui decrescere incipiunt: Domini autem natiuitas, cum dies crescunt; secundum illud: *Illum oportet crescere, me autem minui*. Creuit quippe Dominus, quia per totū orbē Christus, quod

quòd Messias esset, fidelibus innotuit. Decreuit Ioannes, quia, qui Christus existimabatur, id est, Messias, quòd non Christus, sed præco Christi esset, apparuit. Nam, cum mitterent Iudæi ab Ierosolymis sacerdotes, & Leuitas, vt interrogarent eum: *Ioann. 1.*  
*Tu quis es? confessus est, & non negauit: & confessus est: Quia non sum ego Christus.*

*Elisabeth impletum est tempus pariendi.*

Obseruauit Origenes, Ambrosius, & Theophylactus non omnibus, sed solis sanctis mulieribus tempus pariendi impleri in Scriptura dici: vt Elisabeth hîc, & de Maria: *Factum est autem, cum essent ibi, Luc. 2.*  
*impleti sunt dies, vt pareret: quòd (vt ait Ambrosius) plenitudinem iusti vita habeat; inanes autem sint dies impiorum: quia nimirum bonis operibus, Dei que gratia sunt vacui. Pleni autem dies iustorum, quia præclaris actionibus, & charitate diuina abundât. Dicit quidem Iob: Sic & Iob 7.*  
*ego habui menses vacuos, & noctes laboriosas enumerauit mihi. Habent viri iusti menses vacuos præmio illo æterno, quod expectant; sed plenos meritis: at impij menses habent vacuos tam meritis nunc, quàm præmio post mortem: vanitate verò plenos. Sicut enim vacuû vas aëre plenum est: sic vacua impij vita plena est vanitate; quodq; peius est, sceleribus.*

**Verum**

Verum non eam arbitror hoc verbum  
vin habere, sed eam potius, vt indicet  
Euangelista, eo prorsus modo, eoque or-  
dine succellisse omnia, quo ab Angelo  
prædicta fuerant. Dixerat autem Ange-  
lus de vtraque, Maria & Elisabeth, fore,  
vt conciperet filium, & pareret. Ideo  
Angelus non contentus dixisse, vtram-  
que concepisse, addidit, impletum fuisse  
pariendi tempus : quasi dicat, ne vno  
quidem die retardatam fuisse diuinam  
promissionem.

*Et audierunt.*

Credibile est, vicinos atque cognatos  
iam antea audiuisse, concepisse Elisa-  
beth: sed dicuntur audiuisse nunc, quod  
in partu maximè Dei erga illam cogno-  
uerint misericordiam. Ante partū enim  
dubius semper, & multis expositus pe-  
riculis conceptus est: tunc censetur per-  
fectum, & cumulatam Dei beneficium  
esse, cum, quæ concepit, etiam peperit.  
**Gen. 35.** Rachel enim in partu mortua est.

*Quia magnificauit Dominus misericordiā suam.*

Magnam vocat misericordiam, quod  
sterili, & seni dedisset filium: sicut ipsa

**Luc. 1.** indicaui supra: *Quia sic fecit mihi Deus  
in diebus, quibus respexit auferre opprobrium*

**Matt. 21.** *meum inter homines. Et quia filius eius erat  
magnus coram Domino, adeo vt inter natos*

*mulie-*

*mulierum non surrexerit maior.*

*Et congratulabantur ei.*

In Græco est: *καὶ συνεχαίρον αὐτῇ*, ad  
verbum: Congaudebant ei. Quod ideo  
videtur Euangelista dixisse, vt indica-  
ret, impletum fuisse, quod Angelus præ-  
dixerat. Et *multi in natiuitate eius gaudebunt.* Luc. 1.

Congaudent, & congratulantur felici-  
tati alienæ viri probi: sunt enim bene-  
ficia Dei quædam suauissimi odoris pre-  
tiosa vnguenta, quorum odore, qui cha-  
ritate præditi sunt, trahuntur. Vnde  
sponsa: *Trabe me: post te curremus in odorem* Cant. 1.

*vnguentorum tuorum.* Traxit quoque odor  
iste Deiparam Virginē: nam abiit in mon- Luc. 1.  
*tana cum festinatione: vt Elisabeth congra-  
tularetur, sicut ceteri cognati. Et ante  
alios quia Angelo nunciante, odorem  
illum percepit. Inuidi autem odore tali  
torquentur, iuxta illud: Inuidus alterius  
macrescit rebus opimis.*

Vt enim vaccæ illæ macilentæ, quas Gen. 42.  
in somnis vidit Pharaō, pingues alias  
deuorauerunt: ita inuidi macilenti eo-  
rum, quibus inuident, pinguedinem de-  
uorare conantur. *Non nobis, dixit olim  
Cato senior, sed bonis, quæ nos circumstant, in-  
uident homines.* Vnde illud Plutarchi, lib. de  
odio, & inuidia: *Nemo est, qui miseris inuideat.*  
Et illud: Sicut Cantharides lætioribus  
frumen-

frumentis, & viridioribus rosis maximè inhaerent: ita inuidia eos præcipuè tangit, qui boni sunt, quique ad virtutem, gloriamque grassari videntur.

Sed, sicut Sol radiis umbram; ita charitas suo splendore inuidiam ex animo pellit, & omnium felicitati congaudet.

1. Cor.

*Charitas non emulatur.* Nato Isaac dixit Sara:

13.

*Risum fecit mihi Dominus: quicumque audie-*

Gen. 21.

*rit, corridebit mihi. Si risum facit alicui*

Deus, si gaudium, si opes, si virtutes tribuit, charitas lato corridet vultu.

*Et factum est in die octavo.*

Ab ortu. Is enim à lege dies circumcisioni erat præscriptus. *Infans octavo die circumcidetur in vobis.*

Gen. 17.

Elegerat Deus octauum circumcisionis diem multis de causis. Prima fuit, ut mysterium significaretur. Septem dies temporalem: octauus spiritualem, & æternam vitam designare solet: quia septem diebus tota temporalis vita circumacta traducitur; octauus ultra est. Quod autem ultra temporalem vitam est, spirituale & æternum est. Circumcisio autem spirituale significabat vitam, qua opera carnis amputanda erant. Cyprianus *serm. de circumcisione.*

Secunda fuisse creditur, quòd octauus dies transacta iam hebdomade primus sequentis



sequentis hebdomadis dies erat, quo Christus erat resurrecturus: vt docemur, nouam post circumcisionem vitam instituendā esse, nosque cum Christo resurgere debere, & in nouitate vitæ ambulare. Cyprianus *l. 3. epist. 8.* & Augustinus *serm. 15. de serm. Domini, & verb. 141. de tempore.*

*Et venerunt circumcidere puerum.*

Hinc nonnulli colligunt, morem Iudeorum fuisse, vt pueri in Synagoga circumciderentur, interpretātes, *venerunt* parentes eius in Synagogam, vt puer ū circumciderent. Nam quos dicūt alios posse intelligi venisse? & vtrumque parētem circumcisioni interfuisse, manifestè constat: *Et respondens mater eius, &c.* nec potuisset venire in domum suam, vbi iam erāt, sed in Synagogam, vbi non erant. Denique, etiam nunc eam inter Iudæos consuetudinem permanere, vt in Synagoga circumcisio celebretur.

Alij domi factam fuisse malunt, nam nullam alibi, quā in domo factā fuisse, in Scriptura legi. Domi circumcisum Abraham, & domi eundē Abrahamum filium, vernāsque omnes suos circumcidisse. Domi Sephoram filium, quem ex Moyse susceperat, arrepto circumcidisse cultro, ne ab Angelo perimeretur.

**Y** Domi

Iosu. 5. Domi Iosue totum circumcidisse populum traiccto deserto.

Certè Ioannem non in Synagoga, sed in domo paterna circumcisum fuisse, satis mihi videtur ex hoc ipso loco probari posse. Constat enim Elisabetham, matrè Ioannis, cùm circumcideretur, fuisse præsentem, cùm respondeat: *Nequaquam: sed vocabitur Ioannes.*

Luc. 1.

At non poterat octo dierum puerpera exire domo, & in Synagoram ire, cùm ex præscripto legis in sanguine triginta dies esse deberet. Qui ergo dicuntur venisse, vt puerum circumciderent? Possumus intelligere amicos, & cognatos. Neque enim dubium est, quin aliqua celebritate amicis cognatisque cõuenientibus, vbicunque tandem circumcisio fieret, fieri soleret. Possumus & aliter interpretari, venisse, id est, ventum esse ad puerum circumcidendum, vt Hebræorum phrasis sit.

*Et vocabant eum.*

Incipiebant vocare, amici scilicet, & cognati.

*Nomine patris sui Zachariam.*

Duo ex hoc loco colliguntur. Vnum est, consueuisse apud Iudæos in circumcissione, sicut apud nos in Baptismo, nomina infantibus imponi. Num ante, an postquam

### 3. IOANNIS BAPTISTAE. 339

postquam puer circūcisus esset, id non satis constat. Theophylactus quidem, Euthymius, Chrysostom. apud D. Thomam, post circumcisiōē imposita fuisse putant. Verūm qua ratione factum id in circumcisiōe fuerit, & in Baptismo nunc fiat, diuersæ à diuersis auctoribus rationes assignantur. Theophylact. quòd tunc homines Deo nasci, & in eius populum referri censentur. Alij, quòd nominum impositio dominij argumentum esset: ideoque solitos fuisse dominos, aut noua seruis suis nomina dare, aut mutare vetera: sicut legimus Iosephum à Pharaone Saluatorem mundi *Gen. 41.* linguā suā vocatum: & Dānieli, atque eius sociis nomina mutata: *Imposuit eis Dan. 1.* *prepositus Eunuchorum nomina: Danieli, Baltasar; Anania, Sadrach; Misaeli, Misach; & Azaria, Abdenago.* Adnotauit hoc Chrysost. homil. de ferendis reprehensionibus, & conuersione D. Pauli, & Ioannes Damascen. l. 2. de fide, c. 30. In circumcisiōe igitur imposita fuisse nomina, quòd tunc infantes iugum, ac seruitutem Dei subire incipere viderentur.

Alterum, quod hinc colligitur, est consueuisse plerumque Iudæos infantibus nomina patrum, aut cognatorum imponere. Hinc Zachariam Ioannem

Y 2      vocare

- Luc. 1.** vocare voluerunt; & postea, cùm mater dixisset, vt vocaretur Ioannes, responderunt: *Nemo est in cognatione tua, qui vocetur hoc nomine.* Hæc, inquam, eius ætatis consuetudo fuit, vt apparet. Nam primis illis sæculis, quæ sunt in sacris litteris consignata, nihil legimus eiusmodi: quin ex euentu aliquo plerumque nomina dabantur. Sicut Eua primū filium
- Gen. 4.** suum vocavit *Cain, quia possedi hominem*, inquit, *per Deum.* Tertium vocavit *Seth*, dicens: *Posuit mihi Deus semen aliud pro Abel.* Porro, Zacharias Hebræis idem est, quod Græcis, *μνησθεο*. id est, memor Dei. Quod nomen alioqui pium decebat filium.

*Et respondens mater eius.*

Respondisse mater dicitur, aut quia interrogata fuerat, quod valdè vero simile est, cùm Zacharias mutus, & surdus commodè interrogari non posset: aut quia ipsa ex puerperio decumbens consultantes de vocando filio nomine patris sui Zachariæ inaudiuit: aut quia Hebraico idiomate respondere dicitur, quisquis etiam non interrogatus, etiam nemine antè locuto, aggreditur loqui.

*Nequaquam, sed vocabitur Ioannes.*

Neque ab Angelo ipsa audiuerat, vocandum esse Ioannem, qui in solo tem-  
pli

pli adyto solus cum solo Zacharia fuerat locutus; neq; à Zacharia, qui surdus, & mutus erat. Reliquum ergo est, vt Spiritu sancto impleta, totum mysterium per reuelationē cognouerit, quod prius Angelus Zachariæ declarauerat; vt Origenes *homil. 9.* Ambrosius, Beda, Euthymius, Theophylactus notarunt.

*Quia nemo est in cognatione tua.*

Licet hīc animaduertere carnales, & spirituales homines inter se pugnantes. Amici & cognati, vt fieri solet, carnem tantum considerantes, nomen aliquod gentile dare volebant puero: pater verò & mater, quia non tam carnales, quàm spirituales erant, gratiam, non carnem, sequuntur, & Ioannem, quasi gratiosum, quemadmodum Deum velle intelligebant, vocandum esse contendunt.

*Innuebant autem.*

Nutibus, & signis, quia non solum mutus, sed etiam surdus erat.

*Et postulans pugillarem.*

Græcis *πυγίλιον*, tabellam, quales hodie apud nos memoriæ causa esse solent. At quomodo postulauit? Nutibus, & signis, ait Euthymius.

*Ioannes est nomen eius.*

Non dixit, sit, aut erit; sed, *est*, vt indicaret,



caret, non se tunc nomē imponere, sed antē ab Angelo impositum declarare; & non posse mutare homines, quod decretum est à Deo. Significat autē Ioannes (Hieron. interprete *l. de Hebraicis nominibus*) Dei gratiam: eandēque interpretationem sequuntur Beda, Origenes, Rupertus, & alij.

Et meritò quidem hoc nomen infans diuinitus accepit. Primò, quia gratiam Dei, Spiritu S. ab utero matris repletus habuit, & nunquā amisit. Secundò, quia ex gratia Dei parentibus datus est. Tertiò, quia omnes Prophetas gratiā anteiuit. Quartò, quia gratiæ Dei, id est, Euangelij, nuncius fuit. Quintò, quia fuit velut orizon legis, & gratiæ, iuxta illud: *Lex & Propheta vsque ad Ioannem.*

Porro Elisæbeth significat Dei iusiurandum: Zacharias memoriam Dei. quā recordatus est iuramēti sui, gratiam Dei mundo protulit, iuxta illud: *Memorari testamenti sui sancti, iusiurandum quod iurauit ad Abraham patrem nostrum.* Et: *Suscepit Israel puerum suum, recordatus misericordiæ suæ; sicut locutus est ad patres nostros, &c.*

Quod si quæras: An fuerit hoc nomen nouum? Resp. nouum quidem fuisse in cognatione Ioannis: non tamen inter Iudæos; iam enim olim alij

1. Mach.  
2. & 16.

eo nomine fuerunt appellati.

*Et mirati sunt vniuersi.*

Intelligentes nomen non ab hominibus, sed à Deo esse impositum ; vt patet per Elisabeth & Zachariam.

*Apertum est autem illicd.*

Quod dicit, *Illicd*, indicat ipsā nominis impositione, causam fuisse, vt impedita prius Zachariæ lingua solueretur : sicut veteres auctores notarunt. De auditu restituto nihil dicitur : sed credendum, aures etiam eius, quæ semel occlusæ fuerant, simul apertas, vt Euthymius admonuit.

*Et factus est timor.*

Gaudium potius, quàm timorem inde nasci oportebat. Sed timor sic vocatur ex Hebræorum idiomate religio, reuerentia. Quasi dicat, ea re cognita impletos fuisse omnium animos religione, intelligentes tot signis non posse, nisi singulare aliquid, & admirandum à Deo portendi. Viderant Elisabeth sterilem, senémque peperisse. Viderant mutum factum propter incredulitatem Zachariam. Viderant matrem nouum, & inusitatum infanti nomen imposuisse. Viderant patrem idem scripsisse nomen, indicasseque id ab Angelo datum fuisse. Viderant statim eius solutam linguam.

Magnam hæc omnia religionem animis hominum ingerebant.

- Mar. 4. Similis phrasidis apud Marcum est: Et timebant timore magno, & dicebant ad alterutrum: Quis putas, est iste, quia ventus & mare obediunt ei? Item: Et vident illum, qui a demonio vexabatur, sedentem, vestitum, & sanæ mentis, & timuerunt.

Etenim manus Domini erat cum illo.

- Verba sunt Lucæ rationem reddentis præcedentium. Manus Domini potentia eius vocatur. Aliquando etiam prophetia vocatur manus Domini, quia impetu quodam, ac vi in hominem irruit, vt solet Scriptura loqui, dicens: Irruit in eum spiritus Domini. Huius significationis multa exempla apud Prophetas leguntur:
- Ezech. 1. Factum est verbum Domini ad Ezechielē, filium Buzi, sacerdotem in terra Chaldaorum, secus flumen Chobar: & facta est super eum ibi manus Domini. Et: Et facta est super me manus Domini, & dixit ad me, &c. Vterque sensus conuenit in hunc locum: nam & Dei potentia, & spiritus prophetiæ, cum Ioanne fuisse potest significari, quod singularia in eo vtriusque signa cernerentur.

## Morale.

*Et peperit filium.*

Ioan. 1.

**N**Os etiam concepimus puerum, scilicet animam nostram, in creatione: peperimus illum in Baptismo. Conueniunt amici, & vicini, id est, gratia Dei, & Angeli boni, vt animam nostram circumcidamus, id est, à vitiis abstrahamus.

Sed vnus cum Agar abiicit puerum subter Gen. 21.  
*vnam arborum: id est, in concupiscentiam, & ibi puer moritur solus. Admonemur autem ab Angelo: Surge, tolle puerum, & tene manum illius, quia in gentem magnam faciam illum.* Ita nos surgere debemus, & puerum tollere, id est, curam animæ nostræ gerere: manum illius tenere, id est, opera eius dirigere: quia ad regnum cælorum vocata est.

Alij festinant cum nutrice Miphiboseth, vt fugiant, & cadit puer, & claudus efficitur vtroque pede. id est, alij ita obiter animæ curam gerunt, vt mirum non sit, si nunc in peccatum cordis, nunc in peccatum operis cadat, & ita vtrumque pedem lædat.

Quid autem? Cùm Moyse esset initi- Exod. 4.

nere, in diuersorio occurrit ei Dominus, & volebat occidere filium eius. Quòd si nos tam par-uam animæ nostræ curam habeamus, occurret nobis diuina iustitia, & merito damnabit eum. Sed *Sephora tulit illicò acutissimam petram, & circumcidit præputium filij sui, & dimisit eum Dominus ob circum-cisionem.* Ita nos pœnitentiam amplecti debemus, qua vitiosa amputabitur caro animæ, & ita poterit viuere. Tunc etiam Ioannes vocabitur, quia in gratia Dei gradietur. donec tandem perueniat ad gloriam. Amen.

## I N F E S T O

## S A N C T O R V M

## P E T R I E T P A V L I.

## Exordium:

Num. 13. **E**Xploratores terræ promissionis per-gentes vsque ad torrentem botri, absciderunt palmitem cum vua sua, quem portauerunt in veste duo viri.

## Moraliter:

Duodecim illi exploratores duode-cim Apostolos significât, qui ad torren-

tem



tem botri venerunt, quando Dominus Iesus conuocatis duodecim discipulis suis, dedit illis potestatem spirituum immundorum, ut eiicerent eos, & curarent omnem languorem, & omnem infirmitatem. Illi palmitē abscindunt cum vua sua, quando prædicandi auctoritatem accipiunt, & futuram gloriam annunciant: Euntes autem prædicate, dicentes: quia appropinquauit in vos regnum celorum. Et duo viri qui portauerunt palmitem in veste designāt SS. Petrum & Paulum, qui verbum Dei prædicauerunt vbique summo cum labore.

### Euangelium:

Venit Iesus in partes Casarea Philippi, & interrogabat discipulos suos, dicens: Quem dicunt homines esse filium hominis? in-Matt 16.

### Thema:

Tibi dabo clāues. Ibid.

Ex hoc Euangelio vniuersi Ecclesiæ Doctores Petri primatum collegerunt. Tot enim penè ex hoc loco argumenta duci possunt, quot sunt in illa oratione Christi verba.

Primò, *Beatus es Simon Bariona.* Quem admodū ex omni illo numero Apostolorum Petrus solus respōderat, & vsque adeò præclaram de Christo professione ediderat, dicens: *Tu es Christus, filius Dei*

Dei viui: ita Christus prætermiſſis ceteris, nomine proprio eum compellat, parentis etiam nomine indicato, vt ea re facilius intelligeretur, ad quem nā propriè, ac ſingulariter ſequentes promiſſiones referendæ eſſent.

Secundò, *Quia caro & ſanguis non reuelauit tibi, ſed Pater meus, qui in calis eſt.* Nempe declarauit etiam iis verbis, quantā certitudinem habitura eſſet ea doctrina fidei, quæ à Petro traderetur ex præcipua illa auctoritate, quam deinde illi promittit. Non enim ſenſu, qui ſæpe fallit, carnis & ſanguinis, (Nam Iſaac Iacob tetigit, & olfecit, & tamen in filio errauit) ſed cæleſtis Patris inſpiratione fides de Chriſto, atque adèò de aliis omnibus myſteriis (vt quæ ad Chriſtum omnia reuocantur) concipienda à Petro, atque adèò explicanda erat. Ita Ahias, licet cæcus eſſet, bene tamen ex reuelatione agnouit vxorem Ieroboam, licet mutaret veſtes.

3. Reg.  
14.

Tertiò, *Et ego dico tibi.* Mercedē, inquit B. Hieronymus l. 3. comment. in Matth. recepit vera confellio. Et B. Cyrillus lib. 4. Dialog. de Trinitate cum Hermia, paulò poſt initium: Tam veræ, inquit, ſententiæ remunerationem Petrus reportauit, id eſt, donum aliquod, atque prærogatiuam ſingularem

gularem vicissim Christus Petro pollicetur in præmium illius verissimæ confessionis, quam ipse solus præ aliis de Christo fecerat. Quod similiter diuus Chrysostomus, Theophylactus, Euthymius, Hilarius in commentario eius loci intellexerunt.

Quartò, *Quia tu es Petrus.* Hæc nominis commutatio promissæ etiam in omnes fideles auctoritatis indicium est. Quod primùm apparet ex Scripturæ analogia in aliis locis. Vbi enim aliàs similis commutatio nominis diuinitus facta perhibetur, singularis alicuius dignitatis symbolum eam fuisse intelligimus.

*Nec ultra vocabitur nomen tuum Abram: sed appellaberis Abraham, quia patrem multarum gentium constitui te. Item: Sarai, uxorem tuam non vocabis Sarai, sed Saram. Et benedicam ei, & ex illa dabo tibi filium; cui benedicturus sum, eritque in nationes, & reges populorum orientur ex eo. Et Angelus: Nequaquam Iacob appe-* *Gen. 17.*  
*bitur nomen tuum, sed Israel: quoniam si contra Deum sortis fuisti, quanto magis contra homines praualebis?* *Gen. 32.*

Deinde; Idem in proposito confirmat ipsa ratio impositi nominis. *Petrus* enim Latine, Græcè Πέτρος, & Syriacè, atque Hebraicè (qua lingua Christus tunc usus est) *Cephas* est. Quod vocabulum signifi-

significat saxum firmū, & magno ponderi sustinendo aptum. Eum igitur, qui in primis doctrinæ cælestis soliditate, ac firmitudine totam Ecclesiæ fabricam sustentaturus erat, aptissimo vocabulo Christus Petrum appellat: nempe qui tanquam saxum immobile in ædificio Ecclesiæ futurus esset, quod totius operis Christiani molem, atque compagem contineret, vt D. Ambrosius *serm. 47. de fide Petri* disertis verbis interpretatur.

Accedit, quòd multo etiam antea eam appellationem Petro Christus promiserat. Cùm primùm enim Petrus ab Andrea adductus esset ad Christum, intuitus eum Iesus, dixit: *Tu es Simon, filius Iona: tu vocaberis Cephas, quod interpretatur (inquit Euangelista) Petrus.*

Quorsum tanto antea hæc tam seria appellationis promissio, si vacat mysterio? Equidem hic mihi subaudire videor Christum rationem eius nominis ab officij auctoritate, quam erat Petro collaturus aliquando, reddentem: perinde ac si apertè subiunxisset: Ideo vocaberis Cephas, quoniam instar firmissimi saxi totam molem ædificij Ecclesiæ eris sustentaturus. Hoc enim procul dubio illud est, quod animo Christus voluebat tum, cùm minimè ociosè intuens in Petrum,

trum, aiebat : *Tu vocaberis Cephæ.*

Quemadmodum igitur Deus Abræ  
dicens : *Appellaberis Abraham*, ratione eius Gen. 17.  
appellationis ab eius futura dignitate  
subiunxit : *quia patrem multarum gentium*  
*constitui te* : ita Christus Petro dicens : *Tu* Ioan. 1.  
*vocaberis Cephæ*, futuram dignitatē illius,  
& principatum in ædificio Ecclesiæ in-  
sinuauit, etsi nondum tum quidem pe-  
nitus expresserit; sed postea demū, cum  
is est confessus diuinitatem Christi; vt  
ait Chrysostomus hom. 38. in Ioannem.

Quintò, *Et super hanc petram ædificabo Ec-  
clesiam meam.* Quam non explicauerat ra-  
tionem appellationis, cum Petro id no-  
men promitteret, eam tandem his ver-  
bis apertissimè exponit in ipsa nominis  
attributione. *Tu es*, inquit, *Petrus.* Quam-  
obrem verò? Et qui tandem eiusmodi  
appellatio tantum valet, vt mercedem  
illam contineat, quam (vt Patres asseue-  
rant) recepit vera confessio? Nempe  
quia *super hanc petram*, inquit, id est, super  
te, Petre, *ædificabo Ecclesiam meam.* His au-  
tem verbis quemadmodum Dominus  
Petro promiserit primariam illam in  
Ecclesia auctoritatem, quam diximus,  
ita declaramus, & probamus. Ex multis  
nominibus, quibus Ecclesiæ dignitas, at-  
que status propter varietatem, & ordi-  
nem,



nem, qui in ea cernitur, commodè potest significari, est vnum, Domus. Quod vocabulum ideo etiam bene in Ecclesiam conuenit, quia vt domus ab inquilino, ita cœtus fidelium à Spiritu sancto inhabitatur. Hanc domum Deus per filium suum Iesum Christum ædificat, vt

1. Cor. 3. Apostolus ait: *Dei ædificatio estis.* Nec verò diuinitus hanc domum ædificari aliud est, quàm fide, & cultu, & moribus aptari diuino beneficio, atque perfici fideles, vt, postquam gratia demùm expoliti, ac tum inter se, tum cum Christo quàm optimè coniuncti fuerint, ex illis construatur quasi dignū Deo habitaculum, secundum gratiam quidem in hac vita, & secundum æternam beatitudinem in altera: quò spectat omnis hæc Ecclesiæ fabrica. Hæc est illa ædificatio, cuius Apostolus meminit, quam dicit esse cum primis in charitate & fide: ad quam omnia, quæ fiunt, referri vult, & in qua perficienda suorum opera ministrorum Deum vti docet, id est, Doctorum & Pastorum, quos dedit Deus, inquit, in ædificationem corporis Christi, ad consummationem Sanctorum, vt euadamus omnes in virum perfectum. Cum Christus igitur singulariter supra petram se Ecclesiam suam ædificaturum dixit, Petrum constituit facere huius domus,

2. Cor.

10. 12.

13.

Ephes. 2.

& 4.

domus, atq; ædificationis singulare fundamentū: vt ei videlicet post Christum, tanquam firmæ petræ, tota illa fabrica spiritualis innitatur. Id verò aliud non est, quàm auctoritatem prorsus solidam ac firmam Petro promissam esse, quæ certò niti oporteat omnes fideles in iis rebus, quæ ad fidem, cultum, mores, id est, ad ædificationē Ecclesiæ pertinent.

Sextò, *Et tibi dabo clauēs regni cælorum.* Illustrat his verbis Christus alia metaphora vim auctoritatis illius primariæ, quam Petro ad constituendum de iis rebus, quæ pertinent ad salutem fidelium, pollicebatur. Nam clauēs regni cælorum eam potestatem vocat, propterea quòd eius vsu multiplici cælū fidelibus vel clauditur, vel aperitur. Quid enim est aliud, doctrinam fidei certò explicare; peccata remittere; leges salutares condere; ea, quæ ad sanctissimum cultum pertinent, constituere; aliisque id genus rationibus hominum saluti consulere; quàm iisdem cælū, id est, aditum ad eternam beatitudinem aperire? Contrà verò, cū beneficium remissionis peccatorū iusta ex causa negatur; cū alicuius aut vita, aut doctrina condemnatur; cum excluditur ex communione fidelium; huic nimirum quasi clauditur

Z cælum,

cælum. Itaque intelligendum est, cùm soli Petro in hoc loco clauēs regni cælorum promittuntur, summam illi post Christum in Ecclesia promitti potestatem. Nempe eiusmodi, qua omnibus aliis, atque aded etiam ipsis Apostolis, & omnibus modis aperire potuerit regnum cælorum.

Non enim Apostolis item reliquis aut promississe, aut tradidisse ipsas cæli clauēs Christum legimus. Etsi attribuit illis quidem quandam auctoritatē vsus eiusmodi clauium; vt scilicet clauderēt cælum, aut aperirent, retinendo, vel remittēdo, seu quod idē est, soluendo, vel  
 Matt. 15. ligando peccata. *Amen dico vobis, quæcunque alligaueritis super terram, erunt ligata & in calo: & quæcunque solueritis super terram, erunt soluta*  
 Ioan. 20. *& in calo. Et: Quorum remiseritis peccata, remittuntur eis: & quorum retinueritis, retenta sunt.* Quod sanè discrimen inter Petrum & alios Apostolos, quod attinet ad potestatem clauium, præclarè veteres Patres animaduertunt.

Accedit præter auctoritatem eorum analogia Scripturæ, eiusque phrasis in aliis locis. Etenim clauium nomine summa potestas designari in Scriptura sacra solet. *Dabo* (inquit Dominus Eliachim summo Sacerdoti, qui typum Christi gessit)

gessit) *clauem domus David super humerū eius. Isa. 22.*  
*Et aperiet, & non erit, qui claudet; & claudet, &*  
*non erit, qui aperiat. Quid verò hæc clauis*  
*significat? Nempe potestatem talem in*  
*domo David, id est, in Ecclesia, vt quod*  
*ab ea rectè, ac legitimè constitutum sit,*  
*ratum apud omnes, ac firimum esse de-*  
*beat, nec possit à quoquam rescindi.*  
*Hanc clauem, id est, potestatem in Ec-*  
*clesia, quæ & dicitur regnum cælorum,*  
*Christus præstantissima ratione habet.*  
*Ipse enim est sanctus ille, & verus, inquit* Apoc. 3.  
*Ioannes, qui habet clauem David, qui aperit, &*  
*nemo claudit; claudit, & nemo aperit. Petro igitur*  
*vices suas in hac vsurpanda clauē, id*  
*est, summam post ipsum auctoritatem*  
*in terris promisit hoc loco. Ac sanè in*  
*politicis etiam id similiter obtinuisse vi-*  
*demus, vt cui regendæ ciuitatis summa*  
*auctoritas attribuitur, huic tanquā eius*  
*dignitatis symbolum quoddam, clauē*  
*ciuitatis tradantur.*

Septimò, *Et portæ inferi non praualebunt ad-*  
*uersus eum. Portæ inferorum, inquit Epi-*  
*phan. in lib. Anchoratus non longè ab initio, sunt*  
*hæreses, & hæresiarchæ. Quo pacto & alij*  
*Patres hoc loco portas inferorum in-*  
*terpretantur. Si igitur ita supra Petrum*  
*est fundata Ecclesia, vt possit opera Pe-*  
*tri, & ministerio aduersus omnes hære-*

ses, & omnem vim inferorum firmare; confiteri necesse est, talem Petro auctoritatē tributam esse, qua is potuerit tum in omni fidei quæstione certò docere, quod verissimum est; tum quæ essent fidelibus aut in cultu, aut in moribus salutaria, sanctè constituere.

Octauò, *Et quodcunque ligaueris super terram, &c.* Quibus verbis non qualicumque modo eum significat ligare, aut soluere posse; sed tanquam eum nimirum, qui auctoritatem ipsam clauium regni cælorum absolutam, atque plenam habet. Quo sanè pacto ceteri Apostoli clauium auctoritatem non acceperunt, vt diximus. Sicut Elizaëus, quando percussit aquas pallio Eliæ, non sunt diuisæ aquæ, nisi cùm diceret: *Vbi est Deus Eliæ etiam nunc?*

### Morale.

Matt. 16.

*Tibi dabo clauēs.*

**H**Osetiam, si clauēs regni cælorum accipere velimus, id est, si illud intrare, Dominum nostrum Iesum Christum confiteri, & agnoscere debemus. Cùm Saul Rex creatus esset, filij Belial dixerunt: *Num saluare nos poterit iste? Et despe-*

1. Reg.  
10.

*tunt*



runt eum, & non attulerunt ei munera: ille verò  
 dissimulabat se audire. Ita nunc etiam qui-  
 dam Dominū Iesum agnoscere nolunt,  
 qui eum Deum negant, aut veram car-  
 nem habuisse non credunt. Quod si con- Tit. i.  
 fitentur se nosse Deum, factis sanè negant: cum  
 sint abominabiles, & incredibiles, & ad omne opus  
 bonum reprobi. Alij eum despiciunt viden-  
 tes paupertatem eius, & vilitatem. Alij  
 munera non afferūt, quia eleemosynas  
 pauperibus amore illius erogare nolūt.  
 Sed ipse nunc omnia dissimulat, donec  
 ad iudicium vltimum iustus iudex ve-  
 niat. Tunc vltionem sumet de hostibus  
 suis. Tunc diuina clamabit iustitia: *Quis* 1. Reg.  
*est iste, qui dixit: Saul non regnabit super nos?* Da- 11.  
*te viros, & interficiemus eos.* Qui sunt, qui Do-  
 minum Iesum contempserunt? Date  
 viros, & in ignem æternum coniciem-  
 mus eos.

Semei etiam procedebat egrediens, & male- 2. Reg.  
 dicebat, mittebatque lapides contra Dauid, & con- 16.  
 tra vniuersos seruos Regis Dauid. Ita nos, quo-  
 ties peccamus facto, toties lapides mit-  
 timus cōtra Dominum Iesum. Nec tan-  
 tū mittebat lapides, sed etiam terram  
 spargebat. Nos, quoties peccamus ver-  
 bo, toties terram spargimus contra Do-  
 minum Iesum.

Quòd si clauēs regni cælorum acci-

2. Reg.

14.

pere velimus, potiùs cum muliere The-  
cuite dicere debemus: *Sicut Angelus Dei, sic  
est Dominus meus rex, ut nec benedictione, nec ma-  
ledictione moueatur: vnde & Dominus Deus tuus  
tecum est. Et Dominus Iesus sicut Ange-  
lus Dei; non tamen Angelus, sed maior  
illo: nec Deus cum ipso tantùm, sed ip-  
se Deus est.*

Et iterum: *Tu autem, Domine mi rex, sa-  
piens es, sicut habet sapientiam Angelus Dei, ut  
intelligas omnia super terram. Maiorem ta-  
men habet Christus Dominus Angelo  
sapientiam, quia sapientia eius est infi-  
nita. Quòd si ita Deum illum confitea-  
mur, placatus faciet, quod petimus: re-  
uocabit nobis puerum Absolom, id est,  
dimittet nobis peccata nostra, & in re-  
gno suo collocabit. Amen.*

# IN VISITATIONE B. M A R I Æ.

## Exordium:

**I**oram Rex Israel obsederat Ramoth Ga-4 Reg. 9.  
laad, & reuersus fuerat, vt curaretur in Israel,  
propter vulnera, quia percusserant eum Syri pra-  
liantem contra Hazael, regem Syria. Et Ochozias  
rex Iuda descenderat ad visitandum Ioram.

## Moraliter:

Ita etiam in piis illis personis Elisa-  
beth & Maria, hac festiuitate contigit,  
sed alio prorsus modo. Non enim com-  
parare volumus sanctas personas cum  
regibus impiis, Angelos cum Syris, re-  
gnum cælorum cum Ramoth Galaad.  
Itaque Elisabeth cælestem ciuitatē ob-  
sedet, quādo pro filio Dominum roga-  
uit. Vulnerata fuit à Syris, quando An-  
gelus ad Zachariam ait: *Vxor tua Elizabeth Luc. 1.  
pariet tibi filium.* Reuersa fuit, vt curare-  
tur, quando impletum est tempus eius pariendi,  
& peperit filium. Tunc Maria cum festinatione  
in montana abiit, & Elizabeth visitauit.

## Euangelium:

*Exurgens Maria abiit in montana cum festi- Ibid.*

natione in ciuitatem Iuda, & intrauit in domum Zacharia, & salutauit Elisabeth.

*Exurgens Maria.*

Ab oratione exurrexiffe Virginem ad iter Dionysius Carthusianus, Lyranus, & alij pie existimāt. Dicendi tamen modus significat proficiscendi gestum: qui enim aliquo proficiscitur, à loco, in quo sedet, exurgit. Vnde legimus: *Tryphon exurgens abiit in Bethsan, &c.*

1. Mach.  
12.

Dubium verò est: An B. Virgo mox post diuini Verbi incarnationem ad Elisabeth profecta sit, an post aliquot dies? Theophylactus, Beda, Ambrosius, Origenes putant, quod statim profecta sit. Verba tamen Euangelij, *In diebus illis*, id est, in tempore illo, innuere videntur, post aliquot dies iter susceptum.

*Abiit.*

Qui dicunt experiendæ, probandæ-que fidei causâ tam subitam profectio- nem Mariam suscepisse, non satis honorificè mihi videntur de illa sentire: etsi Theophylactus, bonus auctor, in ea quoque videatur esse sententia. Nam neque curiosa sanè erat, & de verbis Angeli non dubitabat, cùm illi Elisabeth dicat: *Beata, quæ credidisti.*

Sed prima profectio- nis eius causa est Baptis-  
ta in vtero sanctificatio: vt nimi-

rum

rum Ioannes diuinitus à peccato originali expiaretur, & Spiritu sancto adhuc ex vtero matris suæ repleretur, quod Angelus Zachariæ prædixerat: & ut exultatione Ioannis in vtero, gloriosior esset Christi conceptio.

Secunda, ut Elisabeth congratularetur de admirando præcursoris conceptu. Si enim David fecerit misericordiam cum Hanon, filio Naas, impio homine & gentili, ut consolaretur eum per seruos suos super patris interitu: quanto magis decuit D. Virginem eam charitatem cognatæ suæ Elizabeth exhibere, ut ei de tanti conceptu filij gratularetur?

Tertia, humilitas fuit, ut Elisabeth ministraret. Sicut Samuel sanctior, & maior Heli, ministrabat Domino coram Heli; nec dubium, quin frequenter ipsi Heli ministraret. Nam cum vocaret Heli Samuelem, statim respondit: *Præsto sum*. Ita Maria Elisabeth, licet sanctior, maior, & melior illa esset.

*In montana.*

εις τὸ ὄρεον. In montanam, scilicet regionem: montes Iudææ intelligit, qui frequentibus etiam ciuitatibus habitantur.



*Cum festinatione.*

Græcè, μετὰ σπουδῆς, id est, festinatione, studio, diligentia.

Prima causa festinationis fuit, ne extradomum diu in publico moraretur: Gen. 34. nam egressa Diua filia Lia violata est.

Secunda causa fuit gaudium, quo Virginis cor in Deum exultauit. Ita Rebecca, Gen. 24. cum locuta esset seruo Abraham, eucurrit puella, & nunciauit in domum matris sue omnia quæ audierat. Et Rachel cum locuta fuisset Iacob, festinans nunciauit patri suo. Gen. 29.

Tertia causa est Spiritus sancti gratia, & impulsus. Sicut enim Samson, cum irrueret in eum Spiritus Domini, descendit in Ascalonem, & percussit ibi triginta viros: ita Diua Virgo eiusdem Spiritus impulsu ascendit.

Quarta, festinabat, ut Christus in utero Virginis Ioannem sanctificaret, & à peccato originali expiaret. Ita etiam Luc. 19. Dominus ad peccatorem: Zachæe, festinans descende, quia hodie in domo tua oportet me manere.

*In ciuitatem Iudæ.*

Ciuitatem hanc Iudæ, in qua Zacharias & Elisabeth habitabant, volunt aliqui fuisse Ierusalem. Sed refutatur illa sententia duabus rationibus. Prior est, quia, cum de Ierusalem Euangelistæ agunt,

agunt, semper illam proprio nomine appellant Ierusalem, non ciuitatē Iuda. Posterior, quia Ierusalem ad tribum Benjamin potius, quàm ad tribum Iuda pertinebat. Nam in libro Iosue Ierusalem perspicuè inter vrbes tribus Benjamin numeratur. Iosu. 18.

Verisimiliùs Cardinalis Baronius sentit, in apparatu, hanc ciuitatem, quam Dei parens petiit, fuisse Hebron. Erat Iosu 21. enim ciuitas Hebron in mōtanis Iudææ sita, & ad Sacerdotes pertinebat. Cum ergo Zacharias sacerdos esset, verosimile est in ea habitasse; non tamen certum. Distat autem Hebron à Ierusalem, teste Abulensi *Gen. 2. qu. 22.* octo leucis. Credibile autem est, Virginē, antequam Elizabetham inuiferet, Ierosolymitanum templum adiisse, & pro tanto accepto incarnationis beneficio Deo gratias egisse.

*Et intrauit in domum Zacharie, & salutauit, &c.*

Venit propinqua ad proximā, iunior ad seniorē. Nec solum venit, sed etiam prior salutauit. Decet enim, vt quanto castior virgo, tanto humilior sit. Nouerat deferre senioribus. Sit magistra humilitatis, in qua est professio castitatis.

*Et*

*Et factum est, ut audiuit salutationem, &c.*

Id est, statim ut audiuit. Voluit enim Euangelista significare salutationem ipsam Mariæ causam fuisse, ut & Ioannes exultaret in utero, & uterque mater & filius Spiritu sancto repleretur. Quem quidem Spiritum prius Ioannes infans in utero, quam mater hausit, haustumque in matrem effudit, atque vniuersa naturæ lex in re non naturali mutata est. Solent infantes in utero clausi ex matre vitalem spiritum capere: at Elisabeth contra ex filio suo spiritum cepit.

*Exultauit infans in utero.*

Qua ratione Ioannes exultauerit, utrum sentiens Saluatoris aduentum, an sine ullo sensu suo, solâ diuinâ potentia, ut ex eius exultatione Elisabeth intelligeret, quis ille esset, quem in utero Maria gestaret, disputari inter interpretes solet.

Calvinus non solum nullum illi sensum, sed ne gaudium quidem, aut motum vllum præter naturam illi tribuit. Naturale enim esse ait, ut gaudio gestiente matre infans in utero moueatur, & modo quodam exsiliat.

Alij diuinitus quidem exultationem factam esse putant, sed sine eius sensu,  
sine

sine cognitione, sine fide: sicut & diuinâ potentia, sine suo tamen sensu, conceptus fuerat.

Confirmant hanc opinionem multa.

Primò, quòd Euangelista, vt Augustinus argumentatur *epist. 57. ad Dardanum*, de solo loquatur motu: de sensu verò, de cognitione, de fide infantis nihil dicat.

Secundò, quòd etiam in vtero Rebec- Gen. 25.  
cæ duo infantes, Iacob & Esau rixati fuerint, idque sicut Ioannes, vt magnum aliquod matri mysterium declararent, cùm tamen id sine vllo suo sensu fecisse credantur.

Tertiò, si anticipatus in Ioanne fuisset vsus rationis, semper postea, & in ipso vtero, & in lucem editus eundem rationis vsum habuisset. Quod etsi Ambrosius explicans illa verba: *Elisabeth impletum est tempus*, sponte concedere videtur: non video tamen vulgò credi.

Quartò, sunt, qui id etiam ex Græco verbo confirmant, *σχιστῶν*, quod animalium ratione carentium, & infantium sine suo etiam sensu in vtero gestientium proprium est.

Libentiùs plures sequor auctores, melioribus præsertim rationibus suâ mihi probantes opinionē. Pluriū verò opinio  
est,

200 IN VISITATIONE

est, Ioanni ad Christi aduentum rationem anticipatam. Quin etiam aliqui existimant, propterea à Christo postea dictum esse: *Inter natos mulierum non surrexit maior Ioanne Baptista*, quod in vtero Ioannes prophetasset.

Matt. 11.

Argumenta quoque huius opinionis maiora sunt.

Primò, si nihil Ioannes sensisset, nihil de eo noui, & nihil magni dictum esset. Atqui perspicuum est, Euangelistam aliquid de illo diuinum, ac singulare dicere voluisse.

Luc. 1.

Secundò, quod Angelus dixerat: *Spiritu sancto replebitur adhuc in vtero matris sue*, non potest, nisi nunc, cum in vtero Ioannes exultat, & quodam modo venientem salutatur Christum, esse completum. Spiritu sancto autem nemo, nisi sentiens, impletur.

Tertiò, quomodo Spiritu sancto Ioannes repletus est, nisi quo ipse repletus repleuit matrem? Mater autem dicitur repleta fuisse Spiritu sancto, quia præter naturæ ordinem exultare in vtero suo sentiens infantem, in prophetiam erupit, matremque Domini sui ad se venientem agnouit. Eodē igitur modo Ioannes repletus Spiritu sancto; eodem modo, quem indicauit matri, prius agnouit Christum.

Itaque



Itaque illud : *Exultauit in gaudio infans in utero meo*, non potest intelligi de gaudio matris ; vt Calvinus vult : sed de gaudio Ioannis intelligi debet. Si enim de gaudio matris intelligeretur, non ex filij exultatione matris gaudium, sed ex gaudio matris exultatio filij secuta esset. Atqui Elisabeth ex filij exultatione minimè obscurè indicat, se & Christi matrem cognouisse, & lætitia tanta perfusam esse, vt exclamauerit : *Vnde hoc mihi, vt veniat mater Domini mei ad me?*

Ad primam obiectionem prioris opinionis respondeo, Euangelistam satis de cognitione, & fide Ioannis dixisse, cum ad Christi aduentum exultasse infantem dixit, indicans haud dubiè iam tum præcursoris functum officio.

Ad secundam obiectionem de filiis Rebeccæ non est simile. Neque enim ad aduentum Domini rixati sunt, sed aut naturaliter, dum diuersis in utero motibus agitantur, quare ad significandum mysteriũ Spiritus sanctus vsus est: aut si aliquo supra naturam instinctu, certè sine cognitione, quæ ad id, quod agebatur, non erat necessaria.

Ad tertiam, non sequitur, si anticipatus in Ioanne fuit vsus rationis, eundem in eo postea permanere debuisse, quia  
cum

cùm ad demonstrandum tantum Christum illi datus esset, necesse non erat, ut eo demonstrato permaneret. Sicut in Prophetis, postquam ea prædixerant, quæ Deus volebat populo significari, non semper manebat Spiritus Prophetiæ.

Ad quartam, ex verbo Græco nihil argumenti sumi potest, quia etsi animantium ratione carentium proprium est; tamen ad homines lætitiâ gestientes per metaphoram ritè transfertur.

*Et exclamavit voce magna.*

Quia scilicet laudes Virginis magnæ sunt, & magnam vocem flagitant. Vnde  
 Luc. II. & alio loco: *Extollens vocem quadam mulier de turba, dixit illi: Beatus venter, &c.*

*Benedicta tu inter mulieres, &c.*

Vel hinc apparet, hanc vocem Elisabeth Spiritu sancto afflatam emisisse, quòd eadem verba dixit, quæ Angelus. Quasi dicat, nunc intelligo, te meritò ab Angelo benedictam inter mulieres appellatam, cùm sis mater Domini mei.

*Et vnde hoc mihi.*

Id est, Vnde, aut quare ego merui? Non sunt ergo verba ignorantis, sed se indignam affirmantis. Eodem modo Matth. 3. Ioannes postea dixit: *Ego à te debeo baptizari, & tu venis ad me?*

*Vt veniat mater Domini mei.*

Paucis verbis Elisabeth de præsentibus, præteritis, futuris, vaticinatur. De præsentibus, cum Mariã vocat matrem Domini sui. De præteritis, cum dicit: *Beata, qua credidisti.* De futuris, cum addit: *Quoniam perficientur ea, qua dicta sunt tibi à Domino.*

Nos etiam si à D. Virgine visitari velimus, strenuè nos in bonis operibus exercere debemus: nam, ut in Speculo historiali legimus, F. Reinaldus primò miles fuit, postea conuersus Ordinis Cisterciensis. Cum autem quadam die exisset ad metendum cum ceteris, iussus est sedere & quiescere, eò quòd delicatas manus atque seniles, labor tantæ difficultatis non admitteret. Sedens autem percutiebat cor suum, & ægrè ferens, quòd non laboraret cum ceteris, ita loquebatur apud se: O miser homuncio, quanti sapientes & nobiles secundum carnem hic laborant, qui si in sæculo permansissent, grande nomen habituri essent: tu autem hinc sedes totâ die ociosus inueterate dierum malorum, cum ante te portent pondus diei & æstus delicati iuuentuli, qui in gloria mundæ conscientiæ non dederunt maculam peccati. Dum sic miraretur fratrum in-

A a      stantiam

stantiam, vidit turbam candidatarum de colle descendere, cui præerat quædam forma procerior, & ante eam aliæ duæ, manutergia gestantes manibus. Hæc Domina veniens, cum cuneo suo, salutavit Fratres in osculo sancto, amplexans brachiis charitatis suæ, duabus quoque comitibus linteola prætendentibus extergebat pulverem, & sudorem de Monachorum frontibus, & durius laborantes dulcius consolabatur. *Ex libro, qui dicitur Exordium Ordinis Cisterciensis, cap. 29.*

## I N F E S T O

## S. M A R I Æ

## M A G D A L E N Æ.

## Exordium:

4. Reg.  
12.

**E**T tulit Ioiada Pontifex gazophylaciū vnum, aperuitque foramen desuper, & posuit illud iuxta altare ad dexteram ingredientium domum Domini; mittebantque in eo Sacerdotes, qui custodiebant ostia, omnem pecuniam, qua deferebatur ad templum Domini.

Morale.

## Moraliter:

Gazophylacium illud rectè Mariam Magdalenā designat. Hanc Ioiada Pontifex tulit, quando Deus illi præuenientem gratiam dedit, quā ad poenitentiam conuersa fuit. Foramē desuper aperuit, quando illi efficacem ad conuersionem gratiam dedit. Posuit illam iuxta altare, quando retrò secus pedes Iesu stetit. Et tunc Luc. 7. mittebāt in eam Sacerdotes pecuniam, quando lacrymis cepit rigare pedes Iesu, & capillis capitis sui tergere, & osculari pedes eius, & unguento ungere. Ad dexteram iuxta altare posita fuit, quando audiuit: *Remittuntur tibi peccata tua.*

## Euangelium:

Rogabat Iesum quidam Phariseus, vt mandu- Ibid.  
caret cum illo: & ingressus domum Pharisei, discubuit.

## Thema:

*Quoniam dilexit multum.*

Videndum est, quomodo debeamus Deum diligere: de quo quatuor dicenda sunt.

Primum est, Posse, ac debere Deum amari à nobis secundum se immediatè, vt docet D. Thomas 2. 2. q. 27. art. 4.

Probatur, quia debemus illum amare

Aa 2 conue-



conuenienter ipsi naturæ amoris. Amor autem tendit in rem, prout est in seipsa; cum cognitio tendat in illam, vt est in cognoscente aliquo modo. Hæc differentia amoris, & cognitionis expressa est in Martha, & Maria Magdalena: quarum illa foras exiuit, & Iesum in domum suam excepit: ista sedens secus pedes Domini, audiebat verbum illius.

Neque obstat, quod nihil potest amari incognitum, vt Augustinus ait lib. 3. de Trinit. c. 1. & 2. Deus autem non perfectè, & secundum se cognoscitur à nobis. Et si enim oporteat rem ipsam cognosci, vt ametur; tamen potest secundum se amari, etiam si perfectè cognoscatur: sicut v. g. etsi aliquis non perfectè cognoscat scientiam Theologiæ, vel artem pingendi, tamen ob aliquam generatim, quæ de illarum excellentia prædicari audiuit, eas diligit, & proinde ad eas perdiscendas animum applicare statuit.

Atque hinc est, quod, vt ait Apostolus, *Charitas illa erga Deum, quam in hac etiam vita habemus, nunquam excidit*, quia videlicet est suo modo perfecta, & circa Deum, prout est in seipso: tametsi illum in hac vita non cognoscamus, nisi admodum imperfectè, quasi per speculum, & in enigmate, vt ait Apostolus. Quod si  
Ruth

1. Cor.  
13.

3. MARIAE MAGDALENÆ. 573

Ruth tam fideliter adheſerit ſocrui ſuæ,  
vt diceret ei: Ne aduerſeris mihi, vt relinquam Ruth  
te, & abeam. Quocunque enim perrexeris, per-  
gam: & ubi morata fueris, & ego pariter mora-  
bor. Populus tuus, populus meus; & Deus tuus,  
Deus meus. Quæ te terra morientem ſuſceperit, in  
ea moriar, ibique locum accipiam ſepultura. Hac  
mihi faciat Deus, & hac addat, ſi non ſola mors  
me & te ſeparauerit: quid non oporteat nos  
facere in adhærendo diuinæ miſericor-  
diæ, per quam Deus filium ſuum miſit  
in mundum, vt ſponſus eſſet Eccleſiæ,  
qui & pro ea mortuus eſt?

Secundò, dicendum eſt, poſſe item, ac  
debere Deum totaliter à nobis amari,  
tum ex parte ipſius Dei, quia & ipſe to-  
tus, & omnia, quæ ad illū pertinent, ſunt  
diligenda ex charitate. Ita Moyſes, tam-  
eſſi plurima à Deo beneficia acceperat,  
& multa illi etiam dilectionis ſigna ex-  
hibuerat, valdè tamen faciem Domini  
videre deſiderabat, vt totaliter eum a-  
mare poſſet, dicens: Si inueni gratiam in Exod. 34  
conſpectu tuo, oſtende mihi faciem tuam, vt ſciam  
te, & inueniam gratiam ante oculos tuos. Et ite-  
rum: Oſtende mihi gloriam tuam. Tum ex  
parte diligentis, iuxta illud: Diligis Domi- Matt 22.  
num Deum tuum, ex toto corde tuo, & in tota ani-  
ma tua, & in tota mente tua. Non autem ex  
parte modi etiam diligendi, ita vt quan-

tum Deus diligibilis est, tantum à nobis ametur. Sic enim solus ipse potest se totaliter amare, cum sit infinite diligibilis, & ille solus se amet amore infinito, ut docet D. Thomas *artic. 5.* Vnde Salo-

*Reg. 8.* mon: *Si enim calum, & calicorum te capere non possunt: quanto magis domus hac, quam edificauit?*

Tertio, dicendum est, sic esse à nobis Deum diligendum, ut sine mensura illum amare conueniat; ita ut nunquam tam perfecte, quin perfectius amare conemur.

Id probatur primò ex D. Bernardo, qui *l. de diligendo Deum, sub initium*, cum interrogatus esset, propter quid, & quomodo esset diligendus Deus: *Causa*, inquit, *diligendi Deum, Deus est: modus, sine modo eum diligere.*

Probatur secundò ratione D. Thomæ *art. 6.* Nam Deum diligimus tanquam finem, & quidem vltimum. Actio autem ea, qua finem attingimus, non habet mensuram, sed ea, quæ est circa media. Nam finis, ut finis non mensuratur per aliquid aliud, sed ipse potius est mensura mediorum ad illum.

Quòd si tempore belli, Latini, qui semper quidem æmulatione imperij, & magistratuum Romanis infesti erant;  
tum

tum verò contemptu Urbis incensæ, cum ius ciuitatis, partemque imperij, ac magistratum poscerent pari imperio, atque iam amplius, quoddam congruere auderent: si, inquam, eo tempore Decius Mus tantum patriæ suæ amorem exhibuit, ut quasi monitu Deorum capite velato primam ante aciem Diis manibus se deuouerit, & in confertissima se hostium tela iaculatus, nouum ad victoriam iter sanguinis sui semitam aperuerit: quid nos amore Dei viuui, & cælestis patriæ facere non oporteat? Quomodo non caput nostrum, id est, animam nostram contra peccata velabimus, & Deo nostro æternum nos deuouebimus?

Sed multi (eheu!) aliquos Carthaginis ciues imitantur. Nam tertio bello Punico, deploratis nouissimè rebus, quadraginta se millia virorum dediderunt, quod minus credas, Duce Asdrubale. Multi, inquam, animam suam hostibus suis per iracundiam, blasphemiam, iniustitiam dedunt. Quoties fortius alij ciues, qui sponte domibus, ac templis suis tantum immiserunt incendium, ut per continuos decem, & septem dies extinguere non potuerit, ut, quatenus urbs eripi Romanis non poterat triumphis, arderet? Ita nos etiam charitate erga Deum incen-

dere debemus, vt in hostium manus non deueniamus. Quàto etiam fortius femina, & vxor Ducis? Quæ comprehensis duobus liberis, à culmine se domus in medium misit incendium, imitata reginam, quæ Carthaginem condidit. Ita Maria Magdalena à culmine peccatorum se misit in incendium amoris Domini, quando lacrymis caput rigare pedes Iesu, & capillis capitis sui tergere.

Luc. 7.

Quartò dicendum, debere à nobis diligi Deum propter se, tanquam propter vltimum finem rerum omnium.

Probat, quia debet diligi super omnia appreciatuè. Ex quo sequitur, non esse licitum Deum principaliter diligere propter rem aliquam, ad quam Deum ordinemus, tanquam ad finem. Id enim esset peruersè vti re fruendâ, & vtendâ frui: vt docet D. Augustinus l. 1. de doctrina Christi. c. 4.

Sed hoc tempore multi Deum ex solo timore, ob vtilitatem suam diligere cupiunt. Sicut Abimelech, rex Geraræ, pepigit foedus cum Abraham dicens:

Gen. 21. Iura per Deum, ne noceas mihi, & posteris meis, stirpiq; meae: sed iuxta misericordiam, quam feci tibi, facies mihi, & terra, in qua versatus es aduena. Ita multi potentissimum Deum sciunt: & ided, ne noceat illis, foedus



cum eo ineunt. Sic etiam Gabaonitæ audientes cuncta, quæ fecerat Iosue Iericho, & Iosue 9. Hai, dixerunt ei, atque simul omni Israeli: De terra longinqua venimus, pacem vobiscum facere cupientes. Multi cum Deo pacem facere cupiunt, quia æternas illius pœnas exhorrescunt: sed illa charitas perfecta non est: quia *timor non est in charitate, sed* 1. Ioan. 4. *perfecta charitas foras mittit timorem.*

Alij Deum, & religionem amant in prosperis: blasphemant in aduersis. Ita Semei, cùm fugeret Dauid Absalom, maledicebat Regi, dicens: *Egredere, egre-* 2. Reg. 16. *dere, vir sanguinum, & vir Belial.*

Sed cùm reuerteretur Dauid, festina- 2. Reg. 19. *uit Semei, & descendit cum viris Iuda, in occursum regis Dauid. Et prostratus coram rege, dixit ad eum: Ne reputes mihi, Domine mi, iniquitatem, &c.*

Alij Deum amant, vt videantur ab hominibus. Vnde Dominus ad Discipulos: *Attendite, ne iustitiam vestram faciatis co-* Matth. 6. *ram hominibus, vt videamini ab eis: alioqui mercedem non habebitis apud Patrem vestrum, qui in celis est. Et: Nisi abundauerit iustitia vestra plus-* Matth. 5. *quam Scribarum & Phariseorum, non intrabitis in regnum calorum.*

Quicumque ergo Deum amare desiderat, sincerè illum amet. Ita Chusai in aduersis amavit Dauid, quando occurrit ei 2. Reg.

scisti veste, & terra pleno capite.

- Ira etiam Maria Magdalena amavit  
 Luc. 7. Iesum. Quia ex amore attulit alabastrum  
 vnguenti: ex amore stetit retrò secus pedes Iesu:  
 ex amore lacrymis caput rigare pedes eius: ex  
 amore capillis capitis sui tergebat: ex amore  
 osculabatur pedes eius: ex amore vnguento vn-  
 gebat. Qualis ille amor? Ex amore sedens  
 Luc. 10. secus pedes Domini, audiebat verbum illius. Ex  
 amore fortè erat inter illas mulieres,  
 Luc. 23. quæ sequebàtur Iesum, atque plangebant,  
 & lamentabantur eum. Ex amore erat Ma-  
 ria Magdalene in monte Caluarie inter  
 Matt. 27. mulieres à longè, quæ secutæ erant Iesum à  
 Ibid. Galilea, ministrantes ei. Ex amore erat ibi  
 Maria Magdalene, & altera Maria, sedentes con-  
 Ioan. 20. tra sepulchrum. Ex amore vna sabbathi Maria  
 Magdalene venit manè, cùm adhuc tenebræ essent,  
 ad monumentum. Ex amore cucurrit, & venit  
 ad Simonem Petrum, & ad alium discipulum. Ex  
 amore Maria stabat ad monumentum foris plo-  
 rans. Ex amore inclinavit se, & prospexit in  
 monumentum. Ex amore conquesta fuit:  
 Tulerunt Dominum meum, & nescio, vbi posue-  
 runt eum. Ex amore conuersa est retrorsum, &  
 vidit Iesum stantem. Ex amore ait illi: Domi-  
 ne, si tu sustulisti eum, dicito mihi, vbi posueris  
 eum; & ego eum tollam. Ex amore venit Mag-  
 dalene annuncians discipulis. Ex amore post  
 ascensionē Domini in vastam altissimi  
 montis

montis speluncam se cōtulit, & per triginta ibi annos in contemplatione vixit. Nec dubium, quin amore elanguit, quando quotidie ibi ad audiendas cælestium laudes in altum ab Angelis elata est.

Quòd si nondum Magdalenæ exemplum ad amorem incitare possit, saltem animalium irrationalium nos trahat exemplum. Scribit Iustus Lipsius *epist. i. ad Belgas, epist. 44.* Pyrrhus quidā fuit, inquit, à quo mortuo canis non abscessit. Cùm efferretur, ille lectū eius adsilire: cū in rogū deferretur, insilire, atque ibi vltro passus se comburi. Quòd si canis rationis expers mortali ita adhærebat domino: quantò magis nos ratione præditi immortali oportet vt adhæreamus Deo?

# I N - F E S T O . S . I A C O B I .

## Exordium:

**I**Oannes describens ciuitatem nouam  
 Apoc. 21. Ierusalem, inter cetera dicit: *Et murus  
 ciuitatis habens fundamenta duodecim, & in ipsis  
 duodecim nomina duodecim Apostolorum Agni.*

## Moraliter:

Si quis in nouam ciuitatem Ierusalem  
 desiderat ingredi, muro doctrinae Chri-  
 stianae circumcingi debet: cuius muri  
 fundamenta sunt duodecim, & in illis  
 duodecim nomina Apostolorum, quia  
 tota Ecclesiae Catholicae doctrina super  
 fundamenta ista Apostolica aedificata  
 est.

## Euangelium:

Matt. 20. *Accesit ad Iesum mater filiorum Zebedaei  
 cum filiis suis, adorans, & petens aliquid ab eo.*

## Thema:

Ibid. *Sedere autem ad dexteram meam, & sini-  
 stram, non est meum dare vobis.*

Occasione verborum istorum de Chri-  
 sto Iudice dicendum erit: de quo fate-  
 mur

mur non venisse in mundum aduentu suo primo, vt exerceret iudicium : hoc enim ipse testatur: *Non misit Deus Filium suum in mundum, vt iudicet mundum, sed vt saluetur mundus per ipsum.* Sed dicimus etiam Christum à nobis cogitandum quoque, atque adedò timendum esse, vt Iudicem alio tempore venturum, atque etiam vt iudicaturum nos particulari iudicio in morte.

*Ipse est, inquit Petrus, qui constitutus est à A. A. 10. Deo iudex viuorum, & mortuorum. Huic Pater Ioan. 5. omne iudicium dedit. Huic omnis potestas data Matt. 25. est in calo, & in terra.* consequenter etiam ad iudicandum.

Dico primò, quòd Christus iudiciũ faciet non aliqua auctoritate, quam habet ex se, quatenus homo, sicut iam de illo loquimur. Sic enim Deus tantum, cuius erit conferre præmium, & pœnam infligere, iudicium feret. Sed faciet id iudicium Christus ex auctoritate sibi diuinitus commissâ. Nam & ob eam rem Iudex ille constitutus dicitur, & data ei potestas. Atque idedò etiam Apostolus dicit: *In die, cum iudicabit Deus occulta hominum per Iesum Christum: quasi per eum videlicet, cui iudiciariam potestatem commisit.*

Dico secundò, quòd non tantum fungetur hoc munere in vniuersali iudicio  
sub



sub mundi finem, sicut habet articulus fidei: sed etiā fungetur in morte vniuscuiusque faciēdo iudicium particulare.

Quod probatur primò ex communi sententia Theologorum, & consensu vnanimi omnium fidelium.

Eccli. 11. Probatur secundò ex Scriptura: *Facile est coram Deo in die obitus retribuere vnicuique*

Heb. 9. *secundum vias suas. Et: Statutum est hominibus semel mori, post hoc autem iudicium.* Item ex parabola de virginibus imprudentibus, quæ statim audierunt illam sententiam:

Matt. 25. *Nescio vos. Et de eo, qui veste nuptiali carebat.* Et villico iniquitatis, qui statim damnationis sententiam acceperunt.

Matt. 22.  
Luc. 16.

Probatur terriò, quia ex fide certum est, atque ita in Concilio Florent. definitum, animas post mortem sine mora recipi in celum, si omninò expiatæ sint; vel amandari in infernum, si peccato mortali obstrictæ ex corpore discesserint. At hoc omninò fatendum est fieri non posse sine peculiari sententia, & iudicio Christi, tametsi non aequè sollemniter, & in forma iudicij, atque postea fiet in die iudicij extremi.

Probatur quartò, quia ita sentit vniuersa Ecclesia, & nominatim id, velut rem certam, affirmant S. August. lib. 2. de anima & eius orig. c. 4. S. Hieronymus in c. 2.

Ioelis.

*Ioelis. S. Chrysostomus hom. 14. in Matth.*

Dico tertio, Christus merito suo etiam proprio cōsecutus est illam potestatem iudiciariam; sicut & gloriam corporis. Patet ex Scriptura: *Ego vici, & sedi in throno* Apoc. 5. *Patris mei.* Item dignitas illa est pars exaltationis Christi, de qua Apostolus: *Propter quod & Deus exaltavit illum: quam in passione sua promeruit.*

Dico quarto, Christus ut homo habet eam auctoritatem in omnem actum humanum, & in omnes etiam Angelos, quoad præmia saltem eorum, vel supplicia accidentalia.

Et hoc manifestum est primo, quia si *spiritualis indicat omnia*, in quantum mens *1. Cor. 2.* eius verbo Dei inhæret, multo magis anima Christi, quæ plena est veritate Verbi Dei, super omnia iudicium habet.

Secundo, apparet idem ex merito mortis eius: quia *in hoc Christus mortuus est, Rom. 14* & resurrexit, ut vivorum, & mortuorum dominetur. Et ideo super omnes habet iudicium: propter quod & Apostolus ibi subdit, quod omnes stabimus ante tribunal Christi. *Ibid.* Et Daniel dicit, quod antiquus dierum dedit *Dan. 7:* ei potestatem, & honorem, & regnum: & omnes populi, tribus, & linguae ipsi servient.

Tertio, apparet ex comparatione regum humanarum ad finem humanæ salutis.

lutis. Cuicumque enim committitur principale, committitur & accessorium.

**Matt. 25.** Omnes autem res humanæ ordinantur in finem beatitudinis, quæ est salus æterna, ad quam homines admittuntur, vel etiam repelluntur iudicio Christi. Et idè manifestum est, quod ad iudiciariam potestatem Christi pertinent omnes res humanæ.

Angeli etiam subsunt iudiciariæ potestati Christi, non solum quantum ad diuinam naturam, prout est Verbum Dei, sed etiam quantum ad humanam.

**Heb. 2.** Quod patet ex tribus. Primò quidem ex propinquitate naturæ assumptæ ad Deum: quia nusquam Angelos apprehendit, sed semen Abraha. Et idè anima Christi magis est repleta virtute Verbi Dei, quàm aliquis Angelorum: vnde & Angelos illuminat: & proinde de eis habet iudicare.

Secundò, quia per humilitatem passionis humana natura in Christo meruit exaltari super Angelos, & bonos, & malos. In cuius signum dicitur, quod

**Apo. 7.** omnes Angeli stabant in circuitu throni.

Tertio, ratione eorum, quæ circa homines operatur: quorum Christus speciali quodam modo est caput. Vnde dicitur: Nonne omnes sunt administratores spiritus,

**Heb. 2.**

*in ministerium missi propter eos, qui hereditatem  
cipient salutis?*

Subsunt autem iudicio Christi vno  
quidem modo, quantum ad dispensatio-  
nem eorum, quæ per ipsos aguntur, quæ  
quidem dispensatio fit per hominem  
Christum, cui *Angeli ministrabant*; & à quo *Matth. 4.*  
dæmones petebant, vt in porcos mitte- *Matth. 8.*  
rentur.

Secundò, quantum ad alia accidenta-  
lia præmia bonorum Angelorum, quæ  
sunt gaudia, quæ habent de salute homi-  
num: *Gaudium erit coram Angelis Dei super* *Lucæ 15.*  
*vno peccatore penitentiam agente.* Et etiam  
quantum ad pœnas accidentales dæmo-  
num, quibus torquentur vel hîc, vel re-  
cluduntur in inferno. Et hoc etiam per-  
tinet ad hominem Christum. Vnde dæ-  
mon clamauit: *Quid nobis & tibi Iesu Naza-* *Marci 1.*  
*rene: venisti perdere nos?*

Tertiò, quantum ad præmium essen-  
tiale bonorum Angelorum, quod est  
beatitudo æterna: & quantum ad pœ-  
nam essentialem Angelorum malor-  
um, quæ est damnatio æterna. Sed hoc  
factum est per Christum, in quantum est  
Verbum Dei, à principio mundi.

## Morale.

Matt. 20.

*Calicem quidem meum bibetis.*

**Q**uatuor sanctus Iacobus priuilegia habuit.

Primum est, quodd fuerit nepos Virginis Mariæ, & consanguineus Christi, sicut & Ioannes frater eius. Fuerunt enim filij Zebedæi de Maria tertia filia B. Annæ. Nos etiam consanguinei Domini erimus, si præcepta eius seruauerimus:

Marci 3.

*Qui enim fecerit voluntatem Dei, hic frater meus, & soror mea, & mater mea est.*

Secundum priuilegium est, quodd vocatus sit Iacobus maior, & alter Iacobus minor, qui tamē ætate maior erat. Prior enim à Christo ad Apostolaturn vocatus est. Et maiorem cum Christo familiaritatem habuit, atque ex tribus vnus fuit, quos Saluator maximè dilexit, & testes esse voluit suæ transfigurationis: & interesse miraculo, cū Archisynagogi filiam à mortuis excitaret: & adesse, cū secessit in mōtem Oliueti, Patrem oraturus, antequam à Iudæis comprehenderetur.

Matt. 10.

Lucæ 6.

Tertium priuilegium est, quodd inter Apostolos tertius fuerit, nimirum post Petrum,

Petrum,



Petrum, & Andream. Ordo autem ille secundum merita, & sanctitatem sumitur. Imò & à S. Marco secundus numeratur. Marci 3

Quartum priuilegium est, quod primus pro Christo inter Apostolos martyrium subierit. Nam cum ex Hispania rediisset Ierosolymā, & Herodes Claudio Imp. ad regnum elatus esset, vt Iudæorum gratiam iniret, Iacobum liberè Iesum Christum Deum confitentem capitis dānauit. Quem cum is, qui cum duxerat ad tribunal, fortiter martyrium subeuntē uidisset, statim se & ipse Christianū esse professus est. Ad supplicium cum raperentur, petiit ille à Iacobo veniam: quem Iacobus osculatus: *Pax, inquit, tibi sit.* Itaq; vterque est securi percussus, cum paulò antè Iacobus paralyticum sanasset. 2.

Deus autem, quos magis diligit, maioribus sæpe tribulationibus exponit tribus de causis.

Prima est, vt innotescant virtutes Sanctorum, qui nobis in exemplum dati sunt. Ita de Tobia dicitur: *Hanc autem* Tob. 2.  
*tentationem idè permittit Dominus euenire illi, vt posteris daretur exemplum patientiæ eius, sicut & S. Iob.*

Secunda est, ob maius meritum. Nam

Ind. 1. Sancti Dei, quod altius proficiunt, eò grauius, quod tolerēt, inueniunt: sicut ignis flatu premitur, vt crescat. Ita dixit Caleb: *Qui percusserit Cariath Sepher, & vastauerit eam, dabo ei Axam filiam meam uxorem: vt qui maius incurrerat periculum, maius obtineret premium. Cum cepisset eam Othniel filius Cenes frater Caleb minor, dedit ei Axam filiam suam coniugem.*

Ibid.

Tertia est, ob maiorem dilectionem Dei: magis enim per patientiam assimilantur Christo, & quod fideliores inuenti sunt, eò magis dilecti sunt. Omnes, qui pie volunt viuere in Christo Iesu, persecutionem patientur.

2. Tim 3

## I N F E S T O

## S. L A V R E N T I I.

## Exordium:

**V**etusto Macedoniae more Regi Alexandro nobilissimi pueri praestabant sacrificanti. E quibus vnus thuribulo accepto ante ipsum astitit, in cuius brachium carbo ardēs delapsus est: quo ctsi vrebatur, vt adusti corporis eius odor ad circumstantium nares perueniret,

niret, tamen & dolorem silentio preſiſit  
& brachium immobile tenuit, ne ſacri-  
ficium Alexandri aut excuſſo thuribulo  
impediret, aut edito gemitu aures regias  
aſpergeret. Rex quoque patientia pueri  
magis delectatus, hoc certius experi-  
mentum perſeuerantiæ voluit ſumere;  
ſolito enim ſacrificauit diutiùs, nec hæc  
re eum à propoſito repulit.

Sed S. Laurentij patientia hunc pue-  
rum longè ſuperauit, qui in craticula  
poſitus toto corpore aſſatus fuit.

### Euangelium:

*Dixit Ieſus diſcipulis ſuis: Amen amen dico Ioan. 12.  
vobis: Niſi granum frumenti cadens in terram  
mortuum fuerit, ipſum ſolum manet.*

### Thema:

*Si autem mortuum fuerit, multum fructum Ibid.  
affert.*

Occaſione horum verborum de me-  
rito nobis agendum erit: quid, & quotu-  
plex illud ſit: & an apud Deum aliquod  
meritum hominis ſit?

Meriti vocabulum tum in bonā, tum  
in malam partem accipit ſolet. In bo-  
nam accipitur ibi: *Domini ſententiæ erat, vt Iofue 11.  
non mererentur vliam clementiam.* In malam  
ibi: *Vtinam appenderentur peccata mea, quibus Iob 6.  
iram merui, in ſtatera!* Hic verò accipimus

in bonam partem : quod ita generatim  
definiri potest.

*Meritum est opus liberum, bonum, ad alterum  
aliqua ratione spectans, quod proinde secundum  
modum aliquem æqualitatis, siue iustitiæ, aliquo  
munere ab alio compensari debet.*

Nā famulus, verbi gratia, hoc ipso sti-  
pendiū à Domino mereri dicitur, quod  
in illum officium aliquod bonum con-  
tulit, quod secundum iustitiam commu-  
tatiuam debeat dominus illi compensa-  
re. Et bonus ciuis mereri dicitur portio-  
nem aliquam iuxta æqualitatem iustitiæ  
distributiue, ex bonis communibus in-  
ter Reipub. partes distribuendis sibi re-  
spondentem, si in Remp. officia aliqua  
utilia contulit : & eò maiori portione  
bonorum eiusmodi dignus, quò plus de  
Rep. meritus est. Apostolus etiam, cū  
distinguit inter modum, quo aliquid da-  
tur, tanquam merces meriti, & modum,  
Rom. 4. quo aliquid datur gratis, inquiens: *Et au-  
tem, qui operatur, merces non imputatur secun-  
dum gratiam, sed secundū debitum*: satis signi-  
ficat Meritum esse id, quod secundum  
iustitiam aliquam compensari debet.

Quod autem addimus, meritum esse  
opus liberum, rationem meriti remo-  
uet à rerum naturalium, & brutorum  
actionibus, quæ non solent censerī me-  
rita,

rita, propter defectum libertatis.

Quod adiunximus, esse opus bonum ad alterum aliquo modo spectans, ideo additum est, quoniam eam ob causam debet meritum compensari, quia scilicet attinet aliquo modo ad alterum.

At secundum analogiam huius meriti propriè dicti, dicitur etiam meritum minùs propriè id opus, quod etsi nō debeat secundum aliquem modum iustitiæ compensari aliquo munere, tamen congruum est, & decet secundum honestatem quandam, vt compensetur. Sicut si diceremus filium, quando debitā obedientiam patri suo præstat, mereri hoc modo à parente aliquam remunerationem. Et hoc vocatur meritum de congruo: sicut prius meritum de condigno.

Porro Meritum apud Deum sic describi solet: *Meritum est opus liberum, ex gratia profectum, ad Deum aliqua ratione spectans, quod proinde per aliquem iustitiæ modum aliquo munere à Deo compensari debeat.*

Extare autem posse meritum hominis apud Deum verè, & propriè secundum hanc descriptionem, certissimè tenendum est.

Et probatur primò ex Scriptura, quæ multis in locis subindicat eiusmodi meritum, quod à Deo debeat compensari.



Iere. 31. *Est merces operi tuo, ait Dominus. Et: Qui reddet*  
 Rom. 2. *unicuique secundum opera eius. Item: Si cuius*  
 1. Cor. 3. *opus manserit, quod superadificauit, mercedem*  
 1. Cor. 15. *accipiet. Et: Abundantes in opere Domini semper,*  
*scientes, quod labor vester non est inanis in Do-*  
*mino.*

Probatur secundò, ex Patribus, Cy-  
 priano l. 4. epist. 6. Ambrosio *serm.* 3. & 14.  
 in *Psalm.* 118. Hieronymo *inc.* 1. & 49. *Isa.*  
 Augustino *tract.* 3. in *Ioannem*, & alibi.

Probatur tertio ratione. Nam etsi  
 non ita extare possit meritum hominis  
 apud Deum, vt propter solam bonita-  
 tem aliquam humani operis, seclusa or-  
 dinatione, & promissione diuina, Deus  
 obligetur ad illud compensandum, iux-  
 ta modum aliquem æqualitatis, seu iusti-  
 tiæ: tamen posita etiam eiusmodi aliqua  
 ordinatione, seu promissione, qua scili-  
 cet Deus sese obliget ad bonitatem ali-  
 quam humanorum operum secundum  
 iustitiæ modum aliquem compensan-  
 dum, verissimè eiusmodi opera habe-  
 bunt rationem meriti, ac debebūt com-  
 pensari secundum aliquem iustitiæ mo-  
 dum. Est enim Deus *fidelis*, & *negare se ip-*  
*sum non potest.*

Obiicitur primò. Ad huius meriti ra-  
 tione: pertinet, vt sit opus aliquo mo-  
 do spectans ad illum, apud quem est me-  
 ritum.

ritum. At nullum opus hominis affert emolumentum Deo. *Si iuste egeris, quid donabis ei, aut quid de manu tua accipiet? homini, qui similis tui est, nocebit impietas tua; & filium hominis adiuuabit iustitia tua.* Et: *Quis prior dedit illi, & retribuetur ei?* Et ita nullum opus hominis videtur spectare ad Deum aliquo modo, qui ad meritum sufficiat.

Respond. licet opus eiusmodi non ita spectet ad Deum, vt Deo per se adferat aliquod emolumentum, ex quo perfectioni diuinæ fiat accessio; satis tamen, quantum ad rationem meriti requiritur, spectat ad ipsum, quatenus illi gloriam parit, conciliando scilicet illi dignam existimationem, tanquam auctori bonorum omnium.

Quæ existimatio licet in Deo ipso nihil ponat, sed potius homini utilis sit; tamen quia diuinæ bonitatis cognitio primum quasi aditum humanæ mentis aperit Deo, vt homini se communicet, omnino hac ratione bonum opus ad Deum spectat: quandoquidem excitando existimationem, & notitiam diuinæ bonitatis, confert ad illum Dei finem, & propositū communicandi se hominibus. Item spectat bonum opus ad Deum, ea ratione, qua redundat in bonū communis, cuius Deus est rector supremus.

Obiicitur secundò, Opus hominis aded nullam vtilitatem adfert Deo, vt potius ipsum sit nouum beneficium, ac donum Dei: siquidem *in ipso viuimus, mouemur, & sumus.* Ergo nihil omnino debet Deus operi qualicunque nostro; sed potius nos debemus rursus pro qualicunque opere nostro referre gratiam Deo.

Resp. per illud solum probari, quodd non teneatur Deus compensare bonum opus hominis, spectata sola ipsius operis bonitate, quandoquidem illius est beneficium: tenetur tamen illud compensare, si spectetur simul ipsius Dei ordinatio, & promissio, qua se ad id obligauit. Ita filia Pharaonis tenebatur mercedem dare matri Moyfis: licet enim iure naturę hæc filium suum nutrire debebat, promissionem tamen mercedis à filia Pharaonis acceperat: *Accipe,* ait, *puerum istum, & nutri mihi: ego dabo tibi mercedem tuam.*

### Morale.

Ioan. 12.

*Si autem mortuum fuerit, multum fructum adfert.*

**V**T opera nostra Deo accepta sint, plura requiruntur,

Primò,

Primò, requiritur bonitas in operante. Bonus homo de bono thesauro cordis sui profert bonum, & malus homo de malo thesauro profert malum. Ex abundantia enim cordis os loquitur. Et iterum: Non potest arbor bona malos fructus facere: neque arbor mala bonos fructus facere. Ita Abel obtulit de primogenitis gregis sui, Gen. 4. & de adipibus eorum: & respexit Dominus ad Abel, & ad munera eius. Neque enim placuit Abel ex munere, sed munus ex Abel.

Secundò, requiritur promptitudo in voluntate. Ita dicebat Dauid: Populum tuum, qui hic repertus est, vidi cum ingenti gaudio tibi offerre donaria. Domine Deus Abraham, & Isaac, & Israel patrum nostrorum, custodi in aeternum hanc voluntatem cordis eorum, & semper in veneratione tui mens ista permaneat. Ratio est: Si enim voluntas prompta est, secundum id, quod habet, accepta est, non secundum id, quod non habet: ait Apostolus. Quod autem non est voluntarium, non est Deo acceptum. In omni dato hilarem fac vultum tuum, & in exultatione sanctifica decimas tuas.

Tertiò, requiritur recta intètio in operatione, ut soli Deo placere studeamus. Si oculus tuus simplex fuerit, totum corpus tuum lucidum erit. Oculus noster intentionem significat: quæ, si recta fuerit, omnia opera bona faciet. Nam Deus discretor

intention-

inventionum, & cogitationum cordis est.

Quartò, requiritur difficultas in opere, vt arduum sit. Vnde Christus dicit:

Euc. 22. Ego dispono vobis, sicut disposuit mihi Pater meus, regnum; nimirum per dura & aspera: vt edatis & bibatis super mēsam in regno meo. Item

Act. 14. Paulus & Barnabas reuersi sunt Lystram, & Iconium, & Antiochiam, confirmantes animas discipulorum, exhortantesque, vt permanerent in fide, & quoniam per multas tribulationes oportet

Gal. 5. nos intrare in regnum Dei. Et alibi: Qui sunt Christi, carnem suam crucifixerunt cum vitis, &

Heb. 12. concupiscentiis. Item: Quem enim diligit Dominus, castigat: flagellat autem omnem filium, quem recipit.

Quintò, requiritur studiosa diligentia in opere. Dixit enim Ezechias Sacerdotibus & Leuitis:

2. Par. 19. Filij mei nolite negligere: vos elegit Dominus, vt stetis coram eo, & ministretis illi, colatisque eum, & cremetis incensum. Vbi autem amor est, ibi nihil negligitur. Vnde

1. Cor. 14. Apostolus: Sed in Ecclesia volo quinque verba sensu meo loqui, vt & alios instruam: quàm decem millia verborum in lingua. Non enim diurnitas temporum, non numerositas operum, sed maior dilectio auget hominis meritum, & præmium. Iussè, quod iustum est, persequeris: vt viuas, & possideas terram,

Deut. 16. quam Dominus Deus tuus dederit tibi. Hoc autem fit, quando cum diligentia opus exequi-



exequimur, in captiuitatem redigentes omnem <sup>2</sup> Cor.  
intellectum in obsequium Christi. Nam Spiritus <sup>10.</sup>  
sanctus auferet se a cogitationibus, quæ sunt sine <sup>Sap. 1.</sup>  
intellectu.

Sexto, requiritur charitas in operan- <sup>1. Cor.</sup>  
te. Si linguis hominum loquar, & Angelorū; cha- <sup>13.</sup>  
ritatem autem non habeam, factus sum velut as  
sonans aut cymbalum tinniens. Vbi quatuor  
nobiliora ponit exercitia, quæ si non va-  
leant sine charitate, quanto minus igno-  
bilia valebunt? Fortis enim est, vt mors, <sup>Cant. vii.</sup>  
dilectio, quæ nihil aliud amantem cogita-  
re sinit, quàm quod amat. Omnia vestra in <sup>1. Cor.</sup>  
charitate fiant. <sup>16.</sup>

Septimo, requiritur, vt omnia corpo-  
ris membra, & omnes vires animæ mu-  
tuo se adiuuent, & certatim ad laboris  
obsequium conueniant. Frater, qui adiuua- <sup>Prou. 18.</sup>  
tur à fratre, quasi ciuitas firma. Et hoc mul-  
tum placet Deo: In tribus placitum est spiri- <sup>Eccli. 25.</sup>  
tui meo, quæ sunt probata coram Deo, & homini-  
bus: Concordia fratrum, & amor proximorum, &  
vir & mulier bene sibi consentientes. Si autem  
fratres dissentire incipiant, citò necesse  
est, vt omnia corruant. Vnus adificans, & <sup>Eccli. 34.</sup>  
vnus destruens: quid predest illis, nisi labor? Vnde  
Apostolus: Obsecro autem vos fratres, per no- <sup>1. Cor. 1.</sup>  
men Domini nostri Iesu Christi, vt ipsam dicatis  
omnes, & non sint in vobis schismata: sitis autem  
perfecti in eodem sensu, & in eadem sententia.

Rectè

998 IN ASSVMPTIONE

Rectè ergo nos ad bona opera hortatur Ecclesiastes dicens : *Quodcunque facere potest manus tua, instanter operare: quia nec opus, nec ratio, nec sapientia, nec scientia erunt apud inferos, quò tu properas.* Et vltima verba Eccli.vlt. Ecclesiastici sunt : *Operamini opus vestrum ante tempus, & dabit vobis mercedem vestram in tempore suo.* Nam secundum differentiam meritorum erit retributio præmiorum.

*Apoc. 14 Opera enim illorum sequuntur illos.* Vnde David : *Secundum opera manuum eorum tribue illis: redde retributionem eorum ipsis.*

---

I N  
A S S V M P T I O N E  
B. M A R I Æ.

Exordium:

5.Reg.2. **V**enit Bethsabæe ad regem Salomonem, ut loqueretur ei pro Adonia, & surrexit rex in occursum eius, adoravit quæ eam, & sedit super thronum suum: positusque est thronus matri regis, qua sedit ad dexteram eius.

Moraliter:

Christus Dominus, qui pacem inter Deum Patrem, & genus humanum composuit,

posuit, per Salomonem intelligitur, qui pacificum designat. Dum autem ille in cælorum sedet regno, venit ad eum beata Virgo Maria, mater eius, quando assumpta fuit in cælum. Neque dubium est, quin ipse surrexerit, in occursum eius prodierit, matrem salutauerit, & ad dexteram suam in aeterno illo regno collocauerit.

### Euangelium:

Intrauit Iesus in quoddam castellum, & mulier quædam Martha nomine, excepit illum in domum suam. Luc. 10.

### Thema:

Maria optimam partem elegit.

Ibid.

Quia hodierno die B. Virgo per assumptionem ad statum gloriæ transiit, & mors est terminus viæ, ac transitus ad beatitudinem, operæ precium erit de morte eius differere.

Quæritur itaque: Vtrum B. Virgo corporalem mortem passa sit?

Epiphanius *heresi* 78. hanc quæstionem attingens insolutam relinquere visus est: *Querant*, inquit, *vestigia scripturarum*, & *inuenerint* utique neque mortem Maria, neque an mortua sit, aut non mortua, neque an sepulta sit, an non sepulta. Et inferius: Ego enim non audeo dicere, sed silentium mihi impero: fortassis enim

alicubi etiam vestigia inuenerimus sanctæ illius, ac beate, sic nec inuenire datur mor: ē ipſius. Et paulo poſt: Non autem omnino deſino hoc, & non dico, quod immortalis manſit, ſed neque affirmo, an mortua ſit. Fundamentum eius eſt: Exceſſit enim Scriptura mentem humanam, & in ſuſpenſo reliquit propter vas pretioſum, ac excellentiſſimum. Cui fundamento adiungi poteſt, quod nec ex hiſtoriis humanis aliquid certi habemus de morte eius. Libellus enim, qui de tranſitu Virginis inſcribitur; & à Trithemio Melitoni Sardicenſi tribuitur, & apocryphus eſt, teſte Gelafio Papa in cap. Sancta Rom. d. 15. & falſo Melitoni imponitur; vt ex Hieron. de ſcriptoribus Eccleſ. colligi poteſt. Referens enim Melitonis ſcripta, huius non meminit. Et ex Beda in retract. Act. c. 8. vbi & opus ipſum refutat, quod multa hiſtoriæ Lucæ de Actis Apoſtolorum repugnantiæ contineat, & non dicit eſſe Melitonis, ſed illi imponi. Præterea alius liber, qui de eodem tranſitu, ſeu aſſumptione Virginis inter opera Hieron. refertur, omnium ſententiâ non eſt Hieronymi, quia in eo mentio ſit Hæreſum Neſtorij, & Eutychetis, quæ poſt Hieronymum exorta ſunt. Quæ coniectura eodē modo probat non eſſe Sophronij, vt aliqui exiſtimant, quia Sophronius æqualis eſt

Hiero-

Hieronymo, vt ex libro eiusdem Hieronymi de Scriptoribus Ecclesiasticis constat. Nihil ergo est scriptum, vnde aliquid certi de Virginis obitu definiri possit.

Nihilominus sine vlla dubitatione dicendum est, B. Virginem mortem obiisse. Ita sentit hoc tempore vniuersa Ecclesia: ad id confirmandum sufficit generis regula Scripturæ. Nam omnes filij Ade corporali morte obnoxij sunt: *In quocunque die comederis ex ligno scientia boni, & mali, morte morieris: à qua regula neque auctoritas vlla, neque ratio suadet excipiendam esse Virginem.* Gen. 2.

Quin potius grauissimi, & antiquissimi Patres eam mortuam esse testantur: vt Damascenus, Epiphanius, Andreas Cretensis, Simeon Metaphrastes, &c.

Ratio etiam hoc suadet: quia in primis decuit B. Virginem esse similem Christo. Cum ergo Christus mortem suscepit, non oportuit B. Virginem ab hac lege excipi. Si enim Saul non pepercit filio suo, Ionathæ, quò minus eum ob gustatum mel morti adiudicaret, dicens: *Hec faciat mihi Deus, & hæc addat, uia morte morieris, Ionathæ: quando mirus seruis suis, & ancillis pepercisset? Ita Deus Pater, si proprio filio suo non pepercit, quò minus morti* 1. Reg. 14. Rom. 8.



*illum traderet: putas, quòd ancillam suam morti eriperet?*

Deinde; vt per mortem Virginis constaret euidentius, & indiguille Christi morte, qua fuit redempta; & habuisse carnem passibilem, à qua Christus similem sumpsit; & ita excluderetur error eorum, qui finxerunt B. Virginem fuisse cuiusdam cælestis, seu Angelicæ naturæ. Sicut itaque cum reuenteretur percusso Philistæo David, egressæ sunt mulieres de vniuersis vrbibus Israel, cantantes, chorosq; ducentes in occursum Saul regis, in tympanis latitia, & in sistris: ita meritò occurrere debuit B. Virgo filio suo à cæde diaboli post resurrectionem suam reuertenti, per quam ipsa tam gloriosam in cælo sedem accepit.

Denique, quia mors nullam imperfectionem includit, quæ Virginem non deceat: quin potius est pœna, quæ propter Deum suscepta magnū gratiæ potest incrementum promereri: vnde pretiosa in conspectu Domini mors sanctorum eius dicitur. Ita cum Xixtus II. sub Valeriano ad martyrium duceretur, occurrēti S. Laurentio, & dolenter in hunc modum interroganti: *Quò progredieris sine filio pater? Quò sacerdos sancte, sine ministro properas?* respondit: *Non ego te deiero, fili: maiora te manem pro Christi fide certamina: post triduum me sequeris; sacerdotem Le-*

*nita,*

uita. vt habet Breuiarium. Ergo nulla est causa, ob quam à morte corporis fuerit præseruata. Neque Epiphanius hanc veritatem negat loco citato; sed solum asserit in Scriptura nihil de illius morte referri.

Sed quæret aliquis primò, Quæ fuerit causa, vel occasio mortis Deiparæ; an scilicet morbo aliquo, seu ægritudine vsque ad mortem laborarit; vel absque aliqua naturali causa, sola Dei voluntate, & arbitrio sit defuncta? Sic mortuus videtur Moyse, cui dixit Deus: *Ascende Deut. 32. in montem, & morere ibi.* Vnde subditur: *Mortuusque est ibi Moyses, seruus Domini, inter-* Deut. 34. *ra Moab, iubente Domino.* Sic etiam mortuus videtur Ioannes Euangelista, si vera est historia, quam Nicephorus refert lib. 2. c. 42. qui propter hanc fortasse causam dixerat l. i. c. 35. Ioannem mortuum fuisse eo modo, quo Dei genitrix.

Ex quibus exemplis hæc posterior pars verisimilis fieri videtur.

Primò, quia hic mortis modus videtur excellentior, & innocentior, ac puritati Virginis quodammodo debitus. Solet enim mors ferè correspondere vitæ, vt qui atrociter vixerint, eodem moriantur modo: & qui innocenter vixerint, similem sortiantur mortem. Ita cum

2. Reg. 4. Rechab, & Baana occidissent Isboſeth dormientem ſuper ſtratum ſuum meridie, & rem narrarent Dauid, ille *precepit pueris ſuis, & ſtatim etiam interfece-  
runt eos.*

Secundò, quia mortua creditur ſine dolore, vt Damaſcen. ſentit *orat. 2. de dormi-  
tu. Virginiſ*: tum quia ſine libidine concepit, omniq̃ue inordinata cōcupiſcentia ſemper caruit: tum etiã, quia in morte filij maiores dolores, quam in morte ſentiantur, deguſtauit. Et hoc prænunciau-  
 Luc. 2. *erat Simeon dicens: Et tuam ipſius animam pertransibit gladius, ſcilicet doloris.*

Addere tamen poſſumus, quamuis B. Virgo mortua non fuerit vi alicuius morbi corporalis, vi tamen amoris, & ardentisſimi deſiderij, & intentiſſimæ contemplationis obiiſſe. Fieri enim po-  
 teſt, vt mens tantâ efficaciã, & intentione in his actibus occupetur, vt veluti deſtituat corpus, ita vt paulatim eius diſpoſitiones remittantur, ac deficiant; ac tandem ob earum defectum non poſſit anima in corpore conſeruari. Sicut rex  
 2. Reg. 18. Dauid intelligens mortẽ Abſalom, contriſtatus aſcendit cornaculum portæ, & fleuit, & ſic loquebatur, vadens: *Fili mi, Abſalom, Abſalom, fili mi: quiſ mihi tribuat, vt ego moriar pro te, Abſalom, fili mi, fili mi, Abſalom.*

Quæres secundo, Quo ætatis anno mortua fuerit?

Resp. rem esse incertā. Videtur enim annum egisse 49. quando Christus Dominus mortuus est: quia quando illum peperit, iam 15. annum expleuerat, & Christus 34. ætatis anno inchoato mortuus est. Expleuerat ergo tunc temporis B. Virgo 48. ætatis annos, & agebat 49. Post Christi autem mortem quidam dixerunt vixisse tantum annū integrum, & aliquot menses. Quæ tamen sententia inter omnes est improbabilissima, & solum in quadam incerta, & apocrypha reuelatione fundata.

Alij verò existimāt, vixisse Virginem vsque ad 2. annum Imperij Claudij, qui fuit 11. à Christi morte, quo primū Petrus profectus fuit Romam, teste Eusebio in *Chronico*, & Hieron. de *script. Ecclesiasticis*. Vnde fit coniectura, Petrum permansisse in Iudæa, quamdiu Deipara vixit: statim verò post mortem eius discessisse, vt Romā pergeret. Quocirca iuxta hanc sententiam B. Virgo obiit anno ætatis 59. vel iam expleto, vel propè. Quæ fuit sententia Euodij apud Niceph. *lib. 2. hist. c. 3.* quam ipse videtur sequi tam ibi, quàm *c. 21.* vbi dicit, B. Virginem obiisse, cū annum ageret 60. Vnde sentit,

quod Euod. dixit, intelligendum esse de annis 59. expletis. Non tamen sibi constat Niceph. dum dicit, B. Virginē mortuam esse 5. anno Imperij Claudij, qui est 14. à morte Christi, ut aperte constat ex Chronico Eusebij. In eandem sententiam de 59. annis refertur Hippolytus Thebanus ab Epiphanio Presbytero Constantinop. in *serm. de Deipara*, ut refert Turrianus l. 3. *pro Epistolis Pontificiis*, cap. 16. Quanquam (ut refert Cæsar in *Annal.* an. 48.) ille auctor potius asseruit B. Virginem tantum 57. annos vixisse: & ibid. refert, alios asseruisse, 58. ætatis anno diem humanæ vitæ clausisse. Quæ fortasse varietas ex eo orta est, quod circa annum conceptionis, vel mortis Christi aliter, quàm nos supponimus, opinabantur. Ab hac sententia discrepat parum Driedo 3. *lib. de dogmat. sacra Scriptura tract.* 3. c. 4. ubi dicit B. Virginem obdormisse anno 12. post Christi mortem, secundum Eusebij Chronologiam. Sed apud Euseb. hoc ego non reperio: quin potius in Chron. eius assumptio B. Virginis annotatur in anno 6. Imperij Claudij, qui est 15. à morte Christi; quâquam annotatio illa videatur potius ab aliquo addita, quàm ab Eusebio scripta. Sic enim habet: *Maria Virgo Iesu Christi, ad filium in celum*



calum assumitur, vt quidam fuisse sibi reuelatum scribunt. Nunquam enim Eusebius huiusmodi incertis reuelationibus vti solet, neque ante ipsum aliquid de eiusmodi reuelatione scriptum inuenimus.

Hinc autem orta est aliorum opinio dicentium, B. Virginem obiisse annum agētem 63. quam esse vulgi opinionem, Turrianus ait. Cæsar autem Baronius ait, opinionem hanc fundari in traditione quadam, eamque distinguit ab opinione, quæ colligitur ex dicto loco Eusebij. Sed si iuxta principia posita fiat computatio, nulla est diuersitas.

Vltima verò sententia, quæ in re ambigua videtur, verisimilior est, B. Virginem mortuam fuisse anno ætatis 72. Ita sentit dictus Epiphanius presbyter, & Cedrenus in comp. histor. & insinuat Andreas Cretensis *serm. de dormitione Deiparæ*, dum inquit Virginem peruenisse ad summam ætatem. Et hanc sententiam confirmat eleganter Cæsar ex testimonio Dionysij c. 3. *de diuinis nominibus*, vbi sic ait: Nam & apud ipsos diuino spiritu plenos Pontifices nostris, cum & nos (vt nosti) & plerique ex sanctis fratribus nostris ad contuendum corpus illud, quod auctorem vitæ, Deumque ceperat, conuenissimus; aderat autem & frater Domini, Iacobus & Petrus, supremum decus, antiquissimū Theologorum

columen, vbi post contuitum placuit, vt infinitè po-  
 tentem, diuine infinitatis bonitatē Pontifices lau-  
 darent omnes, quisque pro capiti suo. Quæ ver-  
 ba de sancto corpore B. Virginis, & non  
 de sepulchro Christi, aut de domo Ioan-  
 nis, in qua Christus cœnauerat, esse in-  
 telligenda, & ipsa verba per se sumpta  
 satis suadent, & est communis sententia  
 Sanctorum, qui ex hoc loco colligunt,  
 diuinâ providentiâ factum esse, vt Apo-  
 stoli omnes, qui tunc temporis vivebāt,  
 & præcipue ex eorum discipulis, ac Pon-  
 tificibus Ecclesiæ, ad transitum, & funus  
 B. Virginis conuenirent. Ita Maximus,  
 D. Thomas, & Albertus Magnus illum  
 locum exponentes: Damascenus, & An-  
 dreas Creten. *orationibus de dormitione & as-  
 sumptione Virginis*. Epiphanius presbyter,  
 & Simeon Metaphrastes scribentes de  
 vita & educatione Deiparæ. Nicepho-  
 rus & Iuuenalis Ierosol. *apud eundem lib. 2.*  
*hist. c. 21. 22. & 23.* vbi hanc historiam de  
 transitu, & glorioso funere virginei cor-  
 poris latè describit. Et inter alia affirmat,  
 etiam Christum Dominum magna An-  
 gelorum multitudine comitatum dor-  
 mitioni eius interfuisse. Quod etiam af-  
 firmat Damascenus, Andreas Cret. &  
 alij. Igitur scribit Dionysius loco citato  
 transitum Virginis, & Apostolorum  
 conuen-

conuentum illius causa coactum. At vero Dionysius (vt ex historia Actuum colligitur) non venit ad fidem vsque ad 18. annum à Christi nece, qui fuit 52. à nauitate eius, quia non antea Paulus peruenit Athenas. Ergo vt posset ad eam mori Virginis, necesse est, vt B. Virgo ultra 66. annos vixerit: & evertuntur ita omnes sententia superiores.

Verisimile autem est, à conuersione Dionysij vsque ad aduentum eius in Ierusalem, aliquot annos fluxisse, praesertim si conuentus ille Apostolicus absque miraculo, suauis dispositione diuinæ prouidentiae factus sit: quia & Petrus eo tempore Româ Ierosolymam rediisse creditur, & Paulus etiam circa illa tempora Ierosolymam reuersus fuit post conuersionem Dionysij; & alia ab eo gesta quæ in Actibus narrantur. Est ergo in re Act. 18.  
incerta verisimilis hæc coniectura. ad 21.

### Morale.

**E**X epistola hodierna exaltationem B. Mariæ discimus, quomodo in cælis sit glorificata.

*Quasi cedrus exaltata sum in Libano.* Cedrus Eccli 24  
significat Angelos propter naturæ sub-

- Ezech. 31. limitatem. Cedri non fuerunt altiores illo in paradiso Dei, id est, Angeli non fuerunt sublimioris naturæ Lucifero.
- Eccli. 24. Et quasi Cypressus in monte Sion. Cypressus significat Patriarchas & Prophetas, propter odoris suauitatem. Vnde de vno
- Gen. 27. dictum est: Ecce odor filij mei, sicut odor agri pleni, cui benedixit Dominus.
- Eccli. 24. Quasi palma exaltata sum in Cades. Palma significat Apostolos propter gloriosum de vniuerso mundo triumphum. Palma
- Apoc. 7. enim significat victoriam: Et palma in manibus eorum.
- Eccli. 24. Et quasi plantatio rose in Iericho. Rosa significat Martyres per effusionem sanguinis, qui colorem habet rubeum. Et
- Eccli. 39. quasi rosa plantata super riuos aquarum fructificata.
- Eccli. 24. Quasi oliua speciosa in campis. Oliua significat Confessores propter oleum. Ego
- Psal. 51. autem sicut oliua fructifera in domo Dei speravi in misericordia Dei.
- Eccli. 24. Et quasi platanus exaltata sum iuxta aquas. Platanus significat virgines, propter frigiditatem libidinis incendium extinguentem: crescit enim iuxta aquas: & in aquis notatur frigiditas.
- Ibid. Sicut cinamomum, & balsamum aromatizans. Cinamomum quantum subtilius est, tantum melius est, & magis odoriferum: & per hoc

hoc humilitas intelligitur. Balsamum autem quantò grauius, & ponderosius est, tãtò melius: vnde probatur in aqua, & si citò descendat ad fundum, habetur probatum: & per hoc intelligitur grauitas morum.

Iam verò B. Virgo exaltata fuit super Angelos: habuit enim meritum Angelorum Angelicè viuēdo. In carne enim præter carnem viuere, non terrena vita est, sed cælestis.

Exaltata fuit super Prophetas: nam meritum Prophetarum habuit prophetando: *Beatam me dicent omnes generationes.* Luc. 1. Vidit enim spiritu Prophetico, & prophetauit, quòd deberet beatificari ab omnibus gentibus, & quòd omnes gentes deberent recipere Dei filiū, & suum.

Habuit etiam meritum Apostolorum & Euangelistarum docēdo: Multa enim scripta sunt, & prædicata, quæ nō potuerunt Sancti, nisi per reuelationem eius scire: sicut de ingressu Angeli in conceptione, & aliis pluribus.

Habuit meritum martyrum, mortem crucis cum filio patiēdo. *Et tuam ipsius animam gladius pertransibit.* Luc. 2.

Habuit meritum confessorum, deuotè Dominum confitendo. *Magnificat anima mea Dominum.* Luc. 1.

Habuit



412 IN ASSVMPT. B. MARIAE.

Ibid. Habuit meritum Virginum, inchoando virginitatem, & conseruando: *Ingressus est Angelus Gabriel ad Mariam Virginem.*

Sicut ergo habuit meritum Sanctorum omnium, ita decuit, vt super omnes  
 Cant. 6. eleuaretur in cælum. *Quæ est ista, quæ progreditur, quasi aurora consurgens, pulchra vt Luna, electa vt Sol, terribilis vt castrorum acies ordinata?* Nos itaque ad patrocinium eius confugiamus, in omni tribulatione, & angustia opem eius imploremus, quia magnæ ipsa in cælis est auctoritatis. Si  
 9. Reg. 2. enim Salomon matri suæ dixerit: *Pete, mater mea: neque enim fas est, vt auertam faciem tuam:* putas, quòd saluator noster matri suæ quidquam negabit, quòd faciem eius auertet? Nequaquam: sed quidquid petierit, infallibiliter sine dubio impetrabit.

## I N F E S T O

## S. BARTHOLOMÆI.

## Exordium:

**A**Naxarchus, cū à Tyranno Cy-  
priorum Nicocreonte torquere-  
tur, nec vlla vi inhiberi posset, quo mi-  
nus amarissimorum eum maledictorum  
verberibus ipse retorqueret, ad vlti-  
mum linguæ amputationem minitanti:  
*Non erit, inquit, effeminata adolescens, hæc quo-  
que pars corporis mei tuæ ditionis.* Protinusque  
dentibus abscissam, & commāducatam  
linguā in os eius ira patens expuit. Mul-  
torum autem aures illa lingua, & inpri-  
mis Alexandri regis admiratione sui at-  
tonitas reddiderat, dum terræ conditio-  
nem, ambitum maris, siderum motus,  
totiusque denique mundi naturam pru-  
dentissimè, & facūdisimè exprompsit:  
penè tamen occidit gloriosius quàm vi-  
guit, quia tam forti sine illustrem pro-  
fessionis actum comprobavit, Anaxar-  
chi que non vitam modo deseruit, sed  
mortem reddidit clariorem. Refert Va-  
lerius Max. l. 3. c. 3.

Ita S. Bartholomæus, cū in India ci-  
teriore

teriore plurimos ad Iesum Christū conuertisset, & multos labores, calamitatesque perpeſſus in maiorem Armeniam venisset, Polemonem ibi regem, & coniugem eius, ac duodecim præterea ciuitates ad Christianam fidem perduxit. Quæ res magnam in eum inuidiam concitauit illius gentis Sacerdotum: nam vsque adeò Polemonis regis fratrem in Apostolum incenderunt, vt is viuo Bartholomæo pellē crudeliter detrahi iuſſerit, ac caput abſcindi.

### Euangelium:

**Luc. 6.** *Exiit Iesus in montem orare, & erat pernoctans in oratione Dei: & cum dies factus eſſet, vocauit discipulos suos.*

### Thema:

*Vocauit discipulos suos, & elegit duodecim ex ipsis.*

Occaſione horum verborū dogmata duo de institutione miniſtrorum Eccleſiæ instituemus.

Primum eſt: Non decuit Christianos Sacerdotes carnali ſucceſſione propagari.

Probatur primò ex figura, quæ in lege nature præceſſit. Nam Melchiſedech, ſecundum cuius ordinem Chriſtus, & Chriſtiani Sacerdotes eſſe dicuntur, id-

circo

circo sine patre, sine matre, sine genealogia fuisse describitur, vt intelligeremus Sacerdotes Christianos non debere nasci, sed fieri.

Probatur secundò ex prophetia: *Assumam, inquit Dominus, ex eis Sacerdotes & Leuitas.* In quem locum obseruat S. Hieronymus, ideò dixisse Prophetam, *Assumam ex eis*, quia in Testamento nouo, de quo apertissimè eo loco loquitur Isaias, non erant Sacerdotes nascituri ex vna aliqua familia, sed assumendi ex omnibus gentibus.

Probatur tertio ex differentia Testamenti noui & veteris. Vt enim in Testamento veteri populus Dei propagatur per carnalem generationem ex Iacob; in nouo autem propagabatur per spiritualem ex Christo regenerationem: ita quoque par erat, vt in Testamento veteri Sacerdotes carnali successione propagarentur; in nouo autem spirituali electione assumerentur. Item quemadmodum sacerdotium Aaronicum carnale fuit, quippe quod totum in bobus, & ouibus maectandis occuparetur; Christianum sacerdotium spirituale est, cum in hostia spirituali, ac diuina sacrificanda occupetur: sic etiam æquum erat, vt sacerdotum propagatio in Testamento  
veter

Veteri carnalis, in nouo spiritualis esset.

Adde, quòd illi vxores, & liberos habebant; proinde facile potuit illa ratio institui, vt filij parentibus succederent: nostri autè Sacerdotes cœlibes esse debent, præsertim secundum ritum Ecclesiæ purioris: quare non potest vllò pacto fieri, vt Sacerdotium Christianum successionem carnalis generationis consequatur.

Probatur quartò ratione naturali. Christianæ enim Reip. (quæ sane perfectissima est) perfectissima ratio conuenit instituendi ministros Ecclesiæ. At longe est melior ratio per electionem, quam per generationem. Nam si electio valeat, semper optimi, & doctissimi pastores præfici possunt Ecclesiis: si autem generatio locum habeat, cogemur non rarò pueros habere Episcopos, aut viros improbos, & imperitos.

Dogma alterum: Ordinatio tum Episcoporum, tum aliorum Ecclesiæ Ministrorum, non ad plebem, sed ad solos Episcopos pertinet.

Testantur id passim diuinæ Scripturæ, testantur decreta Conciliorum, testantur veteres Patres, testantur denique mos populi, & exempla maiorum.

Aaronem, & filios eius, sacerdotes  
primos



primos veteris Testamenti solus Moy- *Leuit. 8.*  
 ses Sacerdos, & Pontifex ordinauit, &  
 consecrauit. Moysen autē fuisse Sacer-  
 dotem, testatur Dauid: *Moyse & Aaron in Psal. 98.*  
*Sacerdotibus eius.* & Patres testantur.

In Testamento nouo, vbicunq; men-  
 tio fit manus impositionis, quo ritu et-  
 iam apud aduersarios ordinatio cele-  
 bratur, semper ea Apostolis, ceterisque  
 Episcopis, nunquam verò plebi tribui-  
 tur. Nam soli Apostoli per manus impo- *Act. 6.*  
 sitionem Diaconos ordinarunt. Et: *Noli* *1. Tim. 4.*  
*negligere gratiam, quæ in te est, quæ data est tibi*  
*per impositionem manuum Presbyterij.* Quo lo-  
 co Presbyterium Episcoporum cœtum  
 significat, vt testatur omnes ferè inter-  
 pretes, ac præsertim Græci. Item ad Epi-  
 scopum Apostolus dicit: *Manus cito nemini* *Ibid.*  
*imposueris.* Rursus: *Admoneo te, vt resuscites* *2. Tim. 1.*  
*gratiam Dei, quæ est in te per impositionem ma-*  
*nuum mearum.*

Prob. etiam ex can. 1. Apostolorū, in  
 quo definitū est, Episcopū à tribus Epi-  
 scopis ordinandū esse. Qui canon quar-  
 tus est inter canones Concilij 1. Nicæni  
 Oecumenici: duodecimus est Concilij  
 II. Carthaginensis: tricesimus nonus  
 III. secundus IV. & quartus VI.

Accedat, quodd veteres Patres con-  
 stanter docent solius Episcopi esse ini-

ciare sacris, siue Presbyteros, siue Diaconos, siue ipsos etiam Episcopos, neque id vlllo modo Presbyteris licere: multò minus licebit clericis inferioris gradus, aut laicis.

Denique ita docet antiquissima, & perpetua Ecclesiæ vniuersæ consuetudo, quæ optima iuris interpret esse solet. Nam à sæculo non est auditum, vt Episcopum non Episcopus ordinaret, neque huius rei vllum vnquam vel institutum ex disciplina, vel exemplum ex historiis, vel etiam vsurpatio ex hæretica licentia proferetur. Nam apud Lutheranos quoque & Calvinistas, qui Ecclesiasticos ritus penè omnes sustulerunt, ij solum manus imponunt, & Pastores, seu ministros faciunt, qui Pastores, & Episcopi licet re vera non sint, tamen haberi, & appellari volunt.

## Morale.

Luc. 6.

*Vocauit discipulos suos.*

**Q**ui discipulus Christi esse desiderat, temporalia omnia debet relinquere: nam, vt ipse ait, qui non renunciauerit omnibus, quæ possidet, non potest meus esse discipulus. Idque ob plures rationes.

Luc. 16.

Prima

Prima est, propter angustam mortis  
viam. *Nihil intulimus in hunc mundum: haud* Tim. 6.  
*dubium, quod nec auferre quid possumus.* Et Sal-  
uator: *Angusta porta, & arcta via est, qua ducit* Matth. 7.  
*ad vitam.* Iterum: *Amen dico vobis, quia diues* Matt. 19.  
*difficile intrabit in regnum calorum.* Bona enim  
temporalia arctius diliguntur adepta,  
quàm concupita. Vnde addit: *Facilius est* Ibid.  
*camelum per foramen acus transire, quàm diuitem*  
*intrare in regnum calorum.* scilicet qui diui-  
tias tanquam finem vltimū habet iuxta  
Marcum: *Filii, quàm difficile est confidemes* Marc. 10.  
*in pecuniis, in regnum Dei introire!*

Secunda ratio, quia diuitiæ charitati  
contrariæ sunt, & quantum crescit cu-  
piditas, tantum decrescit charitas: sicut  
& quantum crescit charitas, tantum de-  
crescit cupiditas. Quemadmodum ve-  
nenum nunquam in igne manet, sed aut  
illum extinguit, aut ab eo exilit: ita nec  
cupiditas cum caritate. Christus autem  
ait: *Ignem veni mittere in terram, & quid volo,* Luc. 12.  
*nisi ut accendatur?* Non ergo mirum est, si  
extinguere voluerit cupiditatem.

Tertia ratio est propter periculum:  
cupiditas enim ad omnia vitia trahit.  
Nam qui volunt diuites fieri, *incidunt in tentatio-* 1. Tim.  
*nem, & in laqueum diaboli, & desideria multa* ult.  
*inutilia, & nocua, qua mergunt homines in inter-*  
*itum, & perditionem.* Nunquam Iudas tra-

didisset suum Dominum, & periisset, si à  
 Matt. 26. cupiditate immunis. Vnde dicebat: *Quid  
 vultis mihi dare, & ego vobis eum tradam?*

Quarta ratio est, quia cupiditas adeo  
 Ephes. 5. animum occupat, vt à Christo ad idolo-  
 latriam trahat. Hoc sciote intelligentes, quod  
 omnis fornicator, aut immundus, aut auarus, quod  
 est idolorum seruus, non habet hereditatem in  
 regno Christi & Dei. Dicitur autem auaritia  
 idolorum seruitus: tum quia auarus di-  
 uitiis fidem seruat, ne eas legat minuen-  
 do, sed potius augeat offenso Deo: tum  
 quia se totum illis tribuit, & magis in il-  
 lis, quàm in Deo confidit. Radix omnium  
 1. Tim. vi. malorum est cupiditas, quam quidam appetentes  
 errauerunt à fide, & inseruerunt se doloribus  
 multis.

Quinta ratio est propter inutilē cor-  
 dis anxietatem. Nam diuitiæ non acqui-  
 runtur, nisi cum dolore; non custodiun-  
 tur, nisi cum timore; non amittuntur,  
 nisi cum dolore. Nunquam etiam ani-  
 mum satiant, sed quātò magis iis homo  
 Eccle. 5. abundat, tantò auidius iis inhiat. *Auarus  
 non implebitur pecunia: & qui amat diuitias, fru-  
 ctum non capiet ex eis: & hoc ergo vanitas.* Bene  
 Philip. 3. ergo ait Apostolus: *Omnia detrimentum feci,  
 & arbitror, vt stercora, vt Christum lucrifaciam.*  
 Sicut enim stercus, si reseruetur, aërem  
 foetore suo inficit; si autem in terram  
 sparga-

spargatur, fructiferam illam reddit: ita diuitiæ reſeruatae animum ad peccatum alliciunt: pauperibus elargitæ fructum æternum faciunt. *Diſperſit, dedit pauperibus: iuſtitia eius manet in ſæculum ſæculi.* *Psal. 112.*

## I N N A T I V I T A T E

## B. M A R I Æ.

## Exordium:

**F**uit B. Virgo Maria figurata per fontem in paradifo, qui *aſcendebat è terra,* *irrigans vniuerſam ſuperficiem terre.* *Gen. 2.*

Est enim ipſa

Rigans mundum nouo rore,  
 Nouæ prolis nouitate,  
 Noua facit nouo more,  
 Cuncta mira claritate.  
 Ex diuina bonitate  
 Fons aſcendens in honore,  
 Rigans terram charitate,  
 Dei creſcens in amore.

## Euangelium:

*Matth. 1.*

*Liber generationis Ieſu Chriſti, filij Dauid, filij Abraham. Abraham genuit Iſaac, Iſaac autem genuit Iacob.*

Dd 3

Hodie



## 422 IN NATIVITATE

Hodie natiuitas est B. Mariæ Virginis, de qua pauca in diuinis litteris videntur scripta: multa tamen loca sunt, ex quibus petuntur argumenta.

Principio in Testamento veteri frequens est B. Virginis mētio prophetica, vel aperta, vel figurata. Nam, vt Bernardus ait, *in sermone Signum magnum: Longè antè est Patribus caluus repromissio, mysticis præfigurata miraculis, oraculis annūntia Prophetis.* Et *epist. 174.* dicit Patriarchis, & Prophetis fuisse præcognitam. Augustinus l. de assump. in initio: *Facta thronus Dei, & aula regis æterni, secundum quod nos docuisti per sanctos tuos Patriarchas, Prophetas, & Apostolos, figuris, & sermonibus, quibus credimus & certi sumus, quia nunquam fefellisti.* Addere possumus, sicut Paulus de Christo dicit, in capite libri de illo scriptum esse; ita de B. Virgine in sacra

Heb. 10. *Scrip. initio scriptum esse: Inimicitias ponam inter te, & mulierem: ipsa conteret caput tuum.* His enim verbis Deum ipsum Mariam Virginem prædixisse, communis est antiquorum Patrum sententia. Totum præterea Canticorum librum, non solum per accommodationē, sed etiam in sensu aliquo à Spiritu sancto intento, Virginem præcinere, omnes ferè Patres, qui illum interpretantur, intelligunt.

Sunt

Sunt præterea in Scriptura veteri Virginis proprietates, & perfectiones, in variis personis, & rebus præfigurata, quas hoc loco congerere non oportet, quia vulgares fere sunt, & in sanctis Patribus facile reperiuntur. Nonnulla etiam ex libris Psalmorum, & Sapientialibus Ecclesia ad Virginem accommodat, ex quibus interdum non leue sumi potest argumentum.

Secundò, in nouo Testamento pauca quidem verba de Virgine scripta sunt, quoniam tota Euangelistarum, & Apostolorum intentio referebatur ad Christum, quia illo cognito, eiusque fide satis fundata, non poterat matris eius excellentia aut ignorari, aut occultari. In illis verò paucis verbis, eisque grauissimis, quadam præcipua capita indicata sunt, quæ omnia, quæ de Virgine dici possunt, virtute continent. Quod in ceteris fere rebus, etiam in gestis à Christo, quæ narrantur ab Euangelistis, obseruare licet. Est enim totum Euangelium breue, & concisum: *quoniam verbum abbreviatum fecit Rom. 9. Dominus super terram.* Cum enim non possent Euangelistæ singula prosequi, ea, quæ maximè necessaria erant, attigerunt, vt ex eis reliqua intelligeremus.

Percontabitur fortasse aliquis: Cur

#### 414. IN NATIVITATE

Christus Dominus, qui fidem Centurionis, Magdalene charitatem, & Ioannis laudes interdum prædicauit, nunquam de matre sua quidpiam simile locutus sit?

Respondetur primò, ad temperantiam quandam, & modestiam id spectare potuisse: quidquid enim de Virgine diceret, ad seipsum referri, & pertinere diceretur.

Sicut Sara separari voluit Ismael ab Isaac propter matrem, quæ seruilis erat conditionis. Nam cum vidisset Sara filium Agar Ægyptiæ ludentem cum Isaac filio suo, dixit ad Abraham: *Eiice ancillam hanc, & filium eius: non enim erit haeres filius ancillæ cum filio meo Isaac.*

Deinde, vbi res ipsæ, & opera, quibus Christus matrem honorauit, clamabāt, verba non erāt necessaria. Ita non multis Dauid laudatur verbis: sed tantum dicitur: *Acceptus erat in oculis vniuersi populi, maximeque in conspectu famulorum Saul.*

Tertiò, præter ea, quæ in Scripturis canonicis continentur, sunt alia multa de B. Virgine per traditionem, quæ ab ipsis Apostolis manauit, & per manus Patrum ad nos vsque peruenit, communi sensu Ecclesie, & definitione recepta: ut constat ex Dionysio c. 3. *de diuinis nominibus,*

nibus, & epist. 4. ad Caium. Ignatio, Irenæo, Epiphanio, Hieronymo, Augustino, & aliis antiquissimis.

Illud verò obseruatione dignum censeo, videlicet ex quatuor primis Conciliis generalibus, quæ Gregorius vt quatuor Euangelia veneratur, primum Nicenum honorem Filij, & consequenter honorem etiam Patris contra Arium defendisse: secundum, scilicet Constantinopolitanum I. diuinitatem Spiritus sancti statuisse cōtra Macedonium: tertium scilicet Ephesinum, ad tuendam matris Dei dignitatem contra Nestorium, esse congregatū. In quo tam multa sunt dicta de laudibus Virginis, vt vix aliquid addi posse videatur; quæ postea in quarto Concilio Chalcedonensi, & in 5. & 6. Synodo, & in ceteris vsque ad Tridentinum confirmata sunt, & explicata.

Quartò, tandem non sine singulari Spiritus S. consilio factum est, vt nonnulla Virginis mysteria & priuilegia, nec scripta sint, nec certa traditione recepta, vt occasio daretur fidelibus amplius meditandi, & recogitandi hæc mysteria, loquendi quæ, ac scribendi de Virgine, & principiis traditis, plura ratiocinando, & colligendo. Quocirca rationibus etiam in hac materia vtendum

42<sup>6</sup> IN NATIVITATE

est, quæ vel in dictis principiis, vel in ipsarum rerum natura, & decentia fundatæ, multum ponderis, & efficacitatis in Theologia habet. Ita coram Dario rege variis tres iuvenes disputarunt, rationibus, quid esset fortissimum. *Unus scripsit: Forte est vinum. Alius scripsit: Fortior est rex. Tertius scripsit: Fortiores sunt mulieres: super omnia autem vincit veritas.*

Sed ut magis appareat, quænam hodie nata sit, quærendum est: Vtrum B. Virgo verè ac propriè fuerit mater Dei, & hominis?

Hæc quæstio potissimum versari cœpit in Ecclesia post annum quadringentesimum, tempore Concilij Ephesini: quia licet ante illa tempora hæretici, qui negauerunt Christum esse verum Deum, aut verum hominem verâ humanâ carne constantem, consequenter negarent Virginem fuisse verâ matrem Dei, aut hominis; ex iis tamen, qui Christum Deum, & hominem confessi sunt, primus fuit Nestorius, qui negare ausus est, Mariam Virginem verè ac propriè fuisse matrem Dei, ut constat ex historia Concilij Ephesini, & ex Vincentio Lyrineni lib. 1. contra profanas vocum nouitates, & Cassiano lib. 1. & 2. de incarnatione, & Theophylacto Ioan. 9. in quo errore versari etiam



etiam hoc tempore nonnullos hæreticos, refert Canisius *l. 3. de B. Virgine, c. 22.* Fundamentum huius erroris fuit, vel quia vnionem veram humanæ naturæ cum Verbo diuino negauit, & consequenter veram, ac propriam communicationem idiomatum; vel quia saltem negauit, hanc vnionem factam esse in utero Virginis. Hinc enim consequens esse videtur, licet B. Virgo fuerit mater Christi, non tamen Dei, quia nec concepit, nec peperit Deum.

Veritas tamen est, B. Virginem verè ac propriè fuisse matrem Dei, vt definitum est in Cōcilio Ephes. & Chalcedon. & in 6. Synod. *act. 4. & 11.* & habetur etiam in 7. Synodo *act. 4. & 7.* & in Concilio Lateran. sub Mart. i. c. 3. & aliis frequenter.

Vt autem veritatem hanc ex propriis principiis probemus, oportet nonnulla supponere.

Primum est, B. Virginem propriè esse matrem huius hominis, scilicet Christi.

Ita enim expresse dicitur: *Et erat mater Iesu ibi.* Et: *Vnde hoc mihi, vt veniat mater Domini mei ad me?* Et: *Simeon dixit ad Mariam, matrem eius.* Et: *Accipe puerum, & matrem eius.*

*Ioan. 2. 1.*

*Luc. 1.*

*Luc. 2.*

*Matth. 1.*

*& 2.*

Dices: Similibus testimoniis probatur, Iosephum fuisse patrem Christi.

*Resp.*

# 428. IN NATIVITATE

Resp. hoc ipso explicare veritatem:  
**Luc 3.** tum quia propterea additum est: *Ut putabatur, filius Ioseph;* quod de Virgine nunquam est dictum: tum etiam, quia de Iosepho nunquam dicitur in Euangelio genuisse Christum; de Virgine autem dicitur concepisse, & peperisse filium. Hoc etiam confirmat illa frequens appellatio, qua Christus in Euangelio *Filius hominis* vocatur, ut notavit Irenæus.

**Luc 19.** *l. 3. con. hares. c. 32. Venit Filius hominis querere, & saluum facere, quod perierat.* Et eandem etiam efficaciam habet, quod dicitur *Filius David*, vel *Abraham*: media enim generatione ex Virgine matre ab illis descendit. Vnde dicitur: *Egredietur virga de radice Iesse, & flos de radice eius ascendet.* Sicut ergo flos vere producit ex arbore; ita Christus ex Virgine. Eandemque vim habet hoc testimoniū, etiam si per virgam Christum intelligamus, quia Christus non fuit de radice Iesse, nisi mediante Virgine.

Confirmatur, secundò. Nam Christus in cruce moriens se esse filium Virginis professus est, cum dixit Virgini: *Ecce filius tuus.* Illo enim exemplo, ut August. tract. 119. in Iohannem, Chrysostomus hom. 84. & Cyrillus lib. 12. c. 34. notarunt, parentes honorandos, & illorum curam à nobis geren-

fuiſſet gerendam eſſe docuit. Recognovit igitur & honorauit Virginem, vt matrem: & ideo in extrema anguſtia poſitus tantam curam illius habuit.

Dices: Quid igitur tam illo loco, quàm Ioan. 2. & aliis locis, Virginē mulierem vocat, nunquam verò matrem? Et, quod difficilius eſt, cur matrem negare viſus eſt, dicens: *Quæ eſt mater mea?*

Matt. 13.

Ad priorem partem reſp. Chriſtum illo modo fuiſſe locutum, quia ita decebat: tum propter Chriſti modeſtiam, & grauitatem: tum etiam propter exemplum noſtrum. Dixerat enim: *Nolite vocare vobis patrem ſuper terram.* Fortaſſe etiam in illo loco Ioan. 19. matris appellationem vitauit, ne Virginem ampliùs commoueret, vt ibi notauit Lyranus.

Matt. 22.

In alio verò loco Ioan. 2. id fecit, vt indicaret, illud opus, & miraculum, quod B. Virgo poſtulabat, eſſe diuinæ virtutis, non humanitatis propriū, quam ſolam à matre ſuſceperat, vt Auguſtinus notat tract. 8. in Ioan. & l. de fide, & ſymb. cap. 4. Vel certè, ſicut ſe vocabat filium hominis: ita Virginem per antonomafiam mulierē appellabat, vt eam indicaret mulierem illam, per quam damna primæ mulieris inſtauranda forent.

Ad aliam verò partem reſp. non negaſſe

430 IN NATIVITATE.

gasse Christum matrem suam, sed illis verbis reprehendisse eos, qui se con-  
cionantem importunè interpellabant.

Matt. 12. Vnde ait: *Quicumque fecerit voluntatem Patris mei, &c.*

Deinde docuisse, propter consanguineos non esse opus Dei omittendum.

Matt. 16. *Caro & sanguis non revelant tibi.*

Tertiò quorundam iactantiam frænare voluit, qui de Christi consanguinitate gloriabatur, significando eam sine spiritali coniunctione nihil prodesse; hanc verò per se multum valere.

Quartò addunt Hilarius *can. 12. in Matt.* Gregorius *hom. 3. in Euang.* & Ambrosius *l. 6. in Lucam*, hoc facto significasse Christum, Ecclesiam, quæ credidit, synagogæ fore præferendam, ex qua ipse erat secundum carnem.

Secundò supponendum est, humanitatem Christi eo temporis momento, quo perfecte formata fuit in utero Virginis, & existeret incepit in rerum natura, fuisse assumptam, & unitam Deo hypostaticè. Vnde concludimus, hunc hominem Christum semper à primo instanti conceptionis suæ fuisse Deum & hominem, & nunquam purum hominem extitisse.

Tertiò, hinc faciliè concluditur in-  
tenta

tenta veritas, scilicet B. Virginem verè  
ac propriè esse matrem Dei.

Probatur ex dictis, quia Virgo conce-  
pit, & peperit Deum. Ergo est mater Dei.  
Ant. constat ex dictis: quia cōcepit hunc  
hominem: & hic homo in ipsa conce-  
ptione fuit Deus: ergo concepit Deum.  
Vnde & Scriptura sacra sic aperte lo-  
quitur: nam Filius Dei hoc sensu dici-  
tur *factus ex muliere: & factus ex semine David* Gal. 4.  
*secundum carnē: & quod ex te nascetur sanctum,* Rom. 1.  
*vocabitur filius Dei.* Vocabitur, inquit, non Luc. 1.  
falsa appellatione, sed vera; & non so-  
lū post natiuitatem ex vtero, sed in  
ipsamet conceptione in vtero, de qua  
Angelus loquebatur, rationē reddens,  
quare Spiritus sancti virtute esset effi-  
cienda, quia nimirum ipse Deus concipiendus erat. Et hoc etiam confirmat  
Isaias: *Ecce virgo concipiet, & pariet filium, & Isa. 7.*  
*vocabitur nomen eius Emmanuel; quod est inter-*  
*pretatū, Nobiscum Deus,* ait Matthæus. Hanc Matth. 1.  
denique veritatem confitetur Elisabeth  
dicens: *Vnde hoc mihi, vt veniat mater Domini* Luc. 1.  
*mei ad me?* Illa enim vox, Domini, diui-  
nam significat Personam: vt Damasc.  
ait l. 3. de fide, c. 12.

Et eodem modo loquuntur omnes  
antiqui Patres: & hac ratione vocant  
etiam Virginem *thronum, thalamum, taber-*  
*naculum,*



## 432 IN NATIVITATE

*naculum, & templum Dei, & similibus titulis, qui p[er]s[on]am in sanctis Patribus reperien-  
tur.*

Confirmatur tandem: Nam Deus est mortuus, quia hic homo est mortuus: Ergo Deus est conceptus & natus, atque aded[um] filius Virginis, quia hic homo est filius eius. Ergo e[st] contrario Virgo, sicut est mater huius hominis, ita Dei.

Ultimò addi potest coniectura, seu congruentia. Quia nimirum voluit Deus sese omnibus modis hominibus communicare, & (vt ita dicam) omnes cognationis, & affinitatis modos perfectionem importantes cum illis contrahere. Vnus autem, & valdè perfectus est, vt Deus non tātū sit homo, sed etiam filius hominis, & vt quædam humana persona creata sit coniuncta Deo, quantum esse potest in ratione personæ. Vnde etiam factum est, vt non solum humana in Christo natura, sed etiam persona creata in Virgine super omnes Angelorum choros fuerit exaltata.

Iam verò cū qualitatē personæ hodie natæ vidimus, quid aliud restat, nisi vt cum ipsa renascamur? Nam Dominus dixit Nicodemo: *Amen, amen dico tibi, Nisi quis renatus fuerit denud, non potest videre regnum Dei. Dicit ad eum Nicodemus: Quo-*

*modo*

*modo potest homo nasci, cum sit senex? Nunquid potest in ventrem matris suae iterum introire, & renasci? Et Dominus: Quod natum est ex carne, caro est: & quod natum est ex spiritu, spiritus est. Ut ergo cum Maria Virgine renascamur, in nouitate vite ambulemus, ut cum ipsa in aeterna vita regnemus. Amen.*

---

## I N F E S T O

## S. M A T T H A E I.

## Exordium:

**P**ERUICACISSIMI olim Latinorum Aequi & Volsci fuerunt Romanis, & quotidiani, ut sic dixerim, hostes. Sed hos praecipue L. Quinctius domuit, ille dictator ab aratro, qui obsessa, ac penè iam capta L. Minutij Consulis castra, egregia virtute seruauit. Mediũ erat forte tempus sementis, cum patricium virum innoxium aratro suo lictor in ipso opere deprehendit. Inde in aciem profectus, ne quid à rustici operis imitatione cessaret, victos more pecudum sub iugum misit. Sic expeditione finita rediit ad boues rursus triumphalis agricola. Fi-

des numinis, qua velocitate! intra xv. dies cœptum, peractumque prorsus est bellū, ut festinasse dictator ad reliquum opus videretur.

Ita etiam S. Matthæus à Domino vocatus aratrum suum, id est, telonium, & terram, id est, diuitias reliquit, & statim ad spiritualem se militiam contulit, in qua & palmam martyrij obtinuit.

### Euangelium:

March 9. *Vidit Iesus hominem sedentem in telonio Matthæum nomine, & ait illi: Sequere me.*

### Thema:

*Sedentem in telonio.*

Occasione horū verborum agendum erit de negotiatione per emptionem, & venditionem, quatenus ea sit licita vel illicita. Ac si negotiationis vocabulum improprie sumatur, pro commutatione rerum cum rebus, vel rerum cum pecuniis, instituta necessitatibus humanæ vitæ subueniendi causa, non est dubium, quin sit licita, & laudabilis.

Sed loquimur nunc de negotiatione proprie accepta pro commutatione pecuniarum cum pecuniis, vel quarumcunque rerum cum pecuniis, non necessitatis, sed lucri causa suscepta.

De hac negotiatione conuenit inter  
Doctores

Doctores primò, habere eam quandam speciem turpitudinis. Nam seruit cupiditati lucri, quæ nullum habet terminum. Neque habet vllum proximum finem honestû, vel necessarium. Quamquam non est quidem negotiatio turpis intrinsecè, & positivè, quasi per se contraria virtuti; sed negativè, quia scilicet non habet secundùm se aliquam honestatem. Ita cùm David emere vellet aream ab Arcuna ad ædificandum altare Domino, ipse ait: *Accipiat, & offerat dominus meus rex, sicut placet ei. Omnia dedit Arcuna rex regi.* 2. Reg. vlt.

Secundò inter Doctores convenit, negotiationem posse ex circumstantiis reddi licitam, & laudabilem, ac præcipuè ex bono, & honesto fine extrinseco. Ut si quis referat lucrû ad sustentationem familiæ, vel pauperum, vel ad utilitatem Reip. Ita David tandem emit aream ab Arcuna, & boves, argenti siclis quinquaginta: & ædificavit ibi altare Domino, & obtulit holocausta, & pacifica: & propitiatus est Dominus terræ, & cohibita est plaga ab Israel. Et propterea sanctus Augustinus (aut quisquis auctor est) in l. questionum veteris & novi Testam. distinguit negotiationē ab aliis, quæ sunt intrinsece mala. Fornicari, inquit, nunquam licet: negotiari autem aliquando licet, aliquando

*non licet.* Ratio clara est: nam velle abundare rebus temporalibus, quod est finis negotiationis proximus, non aduersatur obligationi alicuius virtutis, si non addatur aliqua extrinseca circumstantia mala: vt addit, qui ita constituit vltimum finem in lucro, vt quæuis peccata mortalia admittat facile propter illud. Quanquam aduersatur quidem negotiatio ex se perfectioni virtutis: quæ cernitur in contemptu rerum temporalium. Quod si aliqua incommoda sequi videntur ex negotiatione, vt quod res plerumque carius emuntur, quàm si immediatè à primis dominis emerentur, ed quod sequatur inde quandoque penuria rerum, &c. Hæc compensantur vtilitate, quæ ex negotiatione ad communitem redundat. Efficit enim negotiatio aliunde res aduehendo, & alio transferendo, vt Resp. non careat rebus necessariis: quod secus sæpe eueniret negotione sublata; cum non omnia in omnibus locis suppetant, neque quiuis possit emendi causa quocunque com-  
meare.

Tertiò conuenit inter Doctores, negotiationem, sicut ex circumstantiis potest fieri licita, ita etiam ex multis circumstantiis reddi illicitam posse.

Potest



Potest enim primò reddi illicita ex parte rei, quæ venditur. Vt si non sit venalis, quia prohibeatur vendi. C. *Quæ res vendi non possunt*. Tale est venenum, quod nulla re alia adiuncta utile fieri possit: ut patet l. *Quod sape*. ff. de contrahenda emptione. Item homo liber ab alio vendi non potest: quanquam pater in necessitate possit vendere filium. l. 1. & 2. ff. de patribus, qui filios distraxerunt. Res sacræ etiam vendi non possunt. Ita Petrus dixit ad Simonem, qui Spiritum sanctum pecunia volebat emere: *Pecunia tua tecum sit in perditionem: quoniam donum Dei existimasti pecunia possideri.* Act. 8.

Secundò redditur negotiatio illicita ex parte personæ vendentis, si ei specialiter prohibeatur: quemadmodum prohibetur clericis. 88. dist. per totam.

Si tamē sit negotiatio vera, & proprie dicta, qua videlicet res non mutata carius venduntur. Si enim clerici propria opera, & curatione res efficiant meliores, non prohibetur illis, quin carius etiam vendant. c. *Clerici*, Extrau. de vita, & honestate clericorum. & 91. distinct. Can. *Clericus*. Vbi fit illis facultas proprio artificio, & labore sibi, & suis providere de rebus necessariis; exemplo D. Pauli, qui artem scenofactoriam exercebat. Nam egressus Act. 18.

ab Athenis venit Corinthum, & inueniens quendam Iudæum nomine Aquilam, & Priscillā uxorem eius, accessit ad eos. Et quia eiusdem erat artis, manebat apud eos, & operabatur. Erant autem scenofactoria artis.

Addit etiam Medina q. 31. de rebus restituendis, non esse Clericis prohibitum negotiari etiam proprie per alios, quibus pecuniam committant. Tunc enim non habent locum rationes, propter quas illis negotiatio prohibetur: siquidē per seipsos non negotientur. Neque enim illis est prohibitum omne genus lucri.

Denique licitum est illis etiam exercere opera ruralia. In omnibus tamen cauere debent scandalum, & ne aliquid temporis rebus suis necessario detrahāt. Ita dicebat Simon Petrus aliis discipulis:

Ioan. vlt. *Vado piscari. Dicunt ei: Venimus & nostecum. Et exierunt, & ascenderunt in nazim; & illa nocte nihil prendiderunt.*

Tertiò redditur illicita negotiatio ex parte emptoris, seu personæ, cui res venditur. Vt quando quis vendit aliquid personæ, quam verisimiliter putat, aut facile putare potest re abusuram. Quod præcipue habet locum in rebus, quæ valent ad voluptates, & inimicitias persequendas: cuiusmodi sunt chartæ luforiæ, ornamenta quædam, cibi lasciu,

arma offensiva, &c. Tunc enim quis cooperatur ad malum, præbens materiam peccandi.

Ita peccasset, qui Saul gladium vendidisset, quando seipsum interficere volebat; quando ad arinigerum suum dicebat: *Euagina gladium tuum, & percutite me: ne forte veniant incircumcisi isti, & interficiant me illudentes mihi: quando arripuit gladium, & irruit super eum.* Et hoc modo intelligendum est, quod Innocentius in cap. unico de sagittariis ait, artem sagittariorum pestiferam esse, & ex Rep. Christiana exterminandam. Intelligitur enim, si quis ea ita utatur, ut absque discrimine vendat omnibus, siue sint bene, siue male vsuri.

Ex hoc autem non sequitur illicitum esse locare domum meretrici in locis, quibus tales mulieres à publica potestate permittuntur: aut etiam vsurario. Non enim perinde se habet locus ad peccatum, atque peccati materia. Qui enim alteri confert peccati materiam, hoc ipso censetur peccato cooperari, cum det id, quod intrinsecè pertinet ad peccatum. Locus autem habet se omnino extrinsece. Itaque licite quis eum locat homini peccaturo, si tantum intendit, ut is in eo viuat, nec directa, aut indirecta intentione per eam locatio-

non ad peccatum cooperatur, aut ad id inducit alterum.

Prohibentur etiam Christiani tempore belli vendere arma infidelibus, & etiam ligna, & alia, quæ pertinet ad rem bellicam, ut patet *Extra. de Iudæis & Saracenis*. Item prohibentur vendere illis qualiacunque omnino mercimonia, nisi quis forte super hoc habeat dispensationem. Item excommunicantur, qui ferunt arma ad terras infidelium, in *Bulla Cœna Domini*.

Quartò redditur illicita negotiatio ratione loci. Non enim licet vendere in loco sacro: ut patet *De immunitate Ecclesiarum l. 6. Capit. Decet domum Dei*. Vnde *Matt. 21.* Christus eiciebat omnes vendentes & ementes in templo, & mensas numulariorum, & cathedras vendentium columbas euerit. Et dicit eis: Scriptum est: domus mea domus orationis vocabitur: vos autem fecistis illam speluncam latronum. Intelligitur hoc etiam extra tempus, quo diuina celebrantur: non tamen extra illud tempus esset peccatum mortale, colloquendo dumtaxat in Ecclesia negotiari, secluso scandalo: secus si exponerentur ibi merces, & fieret clamor, & quasi quidam nundinatio: tunc enim esset mortalis irreuerentia.

Quintò redditur negotiatio illicita ratione

ratione temporis. Non enim licet in diebus festis: vt patet *Extra. De feriis*: nisi in iis rebus, in quibus necessitas aliud postulare videtur. Vnde excusantur pharmacopolæ, & vendentes victualia, etiam ante sacrorum auditionem. Sicut etiam in festis excusantur alij exercentes necessitatis causa alia opera serui- lia. Ita cum Iudæi oppugnarentur à mi- litibus Antiochi die Sabbatorum, non re- 1. Mach. sponderunt eis, nec lapidem miserunt in eos, nec 2. oppilauerunt loca occulta, ne polluerent diem Sab- batorum: & mortui sunt ipsi, & vxores eorum, & filij eorum, & pecora eorum, vsque ad mille ani- mas hominum. Postea tamen dixit vir proxi- mo suo: Si omnes fecerimus, sicut fratres nostri fe- cerunt, & non pugnauerimus aduersus gentes pro animabus nostris, & iustificationibus nostris: nunc citius disperdent nos de terra. Et cogitauerunt in die illa dicentes: Omnis homo, quicumque venerit ad nos in bello die Sabbatorum, pugnemus aduer- sus eum: & non moriemur omnes, sicut mortui sunt fratres nostri in occultis.

Sextò redditur negotiatio illicita ra- tione modi, qui latissime patet. Primò enim quæ vitia solent aliis artibus ad- misceri, hic sunt frequentiora: vt bla- phemia, periuria, &c. quæ tamen vitia non efficiunt negotiationem secundum se illicitam esse.

Et 5. Deinde



Deinde peculiariter in modo negotiationis peccari solet ratione finis: si quis vsque aded inhiat lucro, vt in eo constituat vltimum finem, negligendo eius causa præcepta diuina: quod constat genus esse auaritiæ pessimum, & Reip. nocentissimū. Coarceruare enim solent tales res venales, & afferunt annonæ caritatem, &c. Ac de eiusmodi iniquis negotiationibus intelligendi ferre sunt S. Patres, cū seuerē negotiationes damnant. Item illud: *Quoniam non cognoui litteraturam, (vel negotiationem secundum LXX.) introibo in potentias Domini.*

### Morale.

Matth. 9.

*Vidit Iesus hominem.*

**V**idet Deus homines multis modis. Primò, amabiliter videt bonos.

Psal 33. *Oculi Domini super iustos, & aures eius in preces eorum.*  
Gen 4. *Ita respexit Dominus ad Abel, & ad munera eius.*

Secundò, respicit inimico oculo peccatores. *Vultus autem Domini super facientes mala, vt perdat de terra memoriam eorum.* Et  
Habac. 1. *alius: Mundi sunt oculi tui, ne videas malum; & respicere ad iniquitatem non poteris. scilicet*  
Gen. 6. *amabiliter, & approbādo. Ita videns Deus,*

*quodd*

quod multa malitia hominum esset in terra, & cuncta cogitatio cordis intenta esset ad malum omni tempore, pœniuit eum, quod hominem fecisset in terra.

Tertiò, videt Deus quosdam execrabiliter maledicendo: vt dæmones omnes, & damnatos. *Intende ad visitandas omnes gentes; non miserearis omnibus, qui operantur iniquitatem. Item: Ignis eorum non extinguetur: & erunt vsque ad satietatem visionis omni carni.* Psal. 58. Isa. vlt.

Sed quæstio est: Vtrum Beati delectentur in visis pœnis damnatorum? Resp. quod beati non delectentur in pœnis damnatorum per se; nam perfectissima in ipsis charitas est, qua inimicos suos diligunt: & per consequens nec ipse Deus, cuius misericordiæ non est numerus. Per accidens tamen tribus modis in pœnis damnatorum delectantur.

Primò, quia in illis pœnis vident iustitiæ diuinæ executionem. *Latabitur iustus, cum viderit vindictam.* Psal. 57.

Deinde, quia vident in seipsis diuinæ misericordiæ beneficium, quo pœnas tales, ac tantas euaserunt. *Manus suas lauat in sanguine peccatoris, id est, propter opera sua munda gaudebit iustus se euasisse illas pœnas ex misericordia diuina.* Ibid.

Denique, quia gloria beatorum ex pœnis

**Ibid.** pœnis illis augmentum habet: quia opposita iuxta se posita magis elucescunt. *Et dicet homo: id est, quilibet rationabiliter loquens. Si utique est fructus iusto. id est, quia est fructus iusto in augmento gloriæ. Utique est Deus indicans eos in terra.*

**Sap. 4.** Quartò, videt Deus quosdam feliciter: beatos scilicet, & animas in cælum deducendas. *Gratia Dei, & misericordia in sanctos eius, & respectus in electos illius. Et Christus: Et vos nunc quidem tristitiam habetis, iterum autem videbo vos, & gaudebit cor vestrum: & gaudium vestrum nemo tollet à vobis.*

**Ioan. 3.** Quintò, videt Deus quosdam misericorditer; scilicet peccatores, quos à peccatis conuertit. Ita *Vidit Deus opera eorum, quia conuersi sunt de via sua mala: & misertus est Deus super malitiam, quam locutus fuerat, ut faceret eis, & non fecit. Vnde David: Respice in me, & miserere mei: quia vnicus & pauper sum ego. Vide humilitatem meam & laborem meum: & dimitte vniuersa delicta mea. Vnicus, id est, vnicam animam habeo, qua perdit omnia pereunt.*

Quatuor autem signa sunt, quod Deus aliquem oculo misericordiæ aspexerit. Primum est timor de peccato commissio. **Psal. 103.** *Qui aspicit terram, id est, terrenum peccatorem, & facit eam tremere. Sicut Prou. 15.* *Reus tremit aspectu iudicis. Per timorem Domini*

Domini  
de  
ratio  
gus,  
tus ej  
ueni  
set  
Te  
con  
foras  
dissol  
pecc  
rant p

S.

D  
S  
quod  
tres in  
ingred  
tus em  
tris A

*Domini declinat omnis à malo.*

Secundum est bonæ voluntatis in-  
spiratio. Ita cum adhuc longè esset filius prodi-  
gus, vidit illum pater ipsius, & misericordia mo-  
tus est. Fortè enim ad patrem non per-  
uenisset, si aspectu misericordiæ caruis-  
set. Luc. 15.

Tertium est cordis compunctio. Ita  
conversus Dominus respexit Petrum. Et egressus  
foras Petrus fleuit amarè. Nam sicut ignis  
dissolvit ceram, ita oculus Domini cor  
peccatoris. Sicut fluit cera à facie ignis, sic per-  
eant peccatores à facie Dei. Luc. 22.  
Psal. 67.

## I N F E S T O

## S. M I C H A E L I S.

## A R C H A N G E L I.

## Exordium:

**D**E, S. patre nostro Francisco refert  
S. Bonaventura, in vita eius, c. 8. §. 6.  
quòd onem habebat, quæ audiens fra-  
tres in choro cantare, & ipsa Ecclesiam  
ingrediens flectebat genua, vocem bala-  
tus emittens ante altare Virginis ma-  
tris Agni, ac si eam salutare gestiret. In-  
super

super & cū eleuaretur sacratissimum Christi corpus inter Missarū solemnia, flexis curuabatur poplitibus, tanquam si reuerens pecus de irreuerentia indevotos argueret, Christoque devotos ad Sacramenti reuerētiā inuitaret. Cū autem agniculum illum dominæ Iacobæ de septem solis conferuandū commisisset, ille quasi in spiritualibus eruditus à Sancto, dominæ cuncti ad Ecclesiam, stanti, & reuertenti societate inseparabili adhærebat. Si matutinali hora domina tardaret exsurgere, agnus impellebat eam corniculis, & balatibus excitabat, gestibus adhortās, & nutibus, ut ad Ecclesiam properaret. Ob quod amabilis, & admirabilis à domina servabatur.

Ita etiam S. Angeli nos ad virtutem ignorantes excitant, ad virtutem dirigendū iuvant.

### Euangelium:

*Matt. 18. Accesserunt discipuli ad Iesum, dicentes: Quia, putas, maior est in regno calorum?*

### Thema:

*Ibid. Angeli eorum semper vident faciem Patris. Angeli sancti multiplicia nobis præstant obsequia, quæ ad nouem reduci possunt.*

Primò,



S. MICHAELIS ARCHANG. 447

Primò, obfistunt nobis in malis, ponentes impedimenta, sine quibus in varia sæpe incideremus peccata. Ita cùm displiceret Domino via Balaam, stetit Num. 22  
*Angelus Domini in via contra Balaam, qui infidebat asina. Et ait illi: Cur tertio verberas asinam tuam? Ego veni, vt aduersarer tibi, quia perversa est via tua, mihiq̃ue contraria: & nisi asina declinasset de via, dans locum resistenti, te occidissem, & illa viueret.* Itaque Angeli sancti aduersarij nostri sunt, de quibus Christus: Matth. 5.  
*Esse consentiens aduersario tuo citò, dum es in via cum eo: ne fortè tradat te aduersarius iudici, & iudex tradat te ministro, & in carcerem mittaris. Amen dico tibi, non exies inde, donec reddas nouissimum quadrantem.*

Secundò, Angeli resistunt aduersariis, & repellunt hostilia tentamenta. Ephes. 6.  
*Non est nobis colluctatio aduersus carnem & sanguinem: sed aduersus principes & potestates, aduersus mundi rectores tenebrarum harum, contra spiriualia nequitia.* Diabolus enim modò impugnat per violentiã tribulationum, modò per blanditias temptationum, modò per astutias & fraudulentias illusionum, modò per deceptionem curiositatum. Iob 41.  
*Non est super terram potestas, quæ comparetur ei, qui factus est, vt nullum timeret.* Contra hostes tam callidos & potentes, nequaquã humana stare posset fragilitas, nisi

nisi sanctos haberet Angelos adiutores.

**Dan. 6.** Vnde Daniel ad Regem : *Deus meus misit Angelum suum , & conclusit ora leonum , & non nocuerunt mihi. Leones isti dæmones sunt.*

**Psal. 73.** *Ne tradas bestiis animas confitentes tibi. Item Angelus Tobix religauit dæmonium As-*

**Tob. 8.** *modæum nomine in deserto superioris Ægypti, vt nemini noceret. Iudith etiam ait:*

**Iudit. 13** *Vixit ipse Dominus, quoniam custodiuit me Angelus eius, & hinc euntem, & ibi commorantem, & inde huc reuertentem, & non permisit me Dominus ancillam suam conquinari.*

Tertiò, peccatores illuminant, & ad pœnitentiam excitant. Sicut enim dicit

**Ioan. 8.** *Saluator: Qui facit peccatum, seruus est peccati, & peccatum non potest detestari, quamdiu voluntas eius illi est astricta: ideo vndique incitant Angeli. Ita Agar fugienti à facie Sarai occurrit Angelus Domini, & dixit ei: Vnde venis, aut quò vadis? Reuertere ad dominam tuam, & humiliare sub manu illius. Agar, quæ interpretatur aduena, est anima nostra, quæ in hoc mundo debet esse peregrina. Sara, quæ interpretatur particeps, est æterna sapientia, cui mens nostra debet esse subiecta. Igitur Angelus Domini transgredienti diuina mandata, & à facie Domini fugiēti dicit: Reuertere ad dominam tuam, conuerte te ad diuinā sapientiam, & hu-*

& humilia te sub manu eius, recogno-  
 scendo culpam, petendo veniam. Simi-  
 liter Petro in carcere constituto *Angelus A.G. 25.*  
*Domini astitit, & lumen refulsit in habitaculo:*  
*percuſſoq; latere Petri, excitauit eum, dicens: Sur-*  
*ge velociter. Et ceciderunt catena de manibus eius.*  
 Lumen refulget in habitaculo, quando  
 peccatori vinculis peccati compedito  
 Angelus aliquem illuminationis suæ in-  
 fundit radium. Astat Angelus, & latus  
 peccatoris percutit, quando eum ad la-  
 mentum contritionis excitat, & dicit:  
 Surge velociter, peccatū derelinquen-  
 do. Et tunc cadunt catenæ de manibus  
 per absolutionem, & bonæ operationis  
 restitutionem.

Quartò, Angeli pro nobis apud Deum,  
 interpellant, & gratiam impetrant. Vn-  
 de respondit *Angelus Domini, & dixit: Domine Zach. 1.*  
*exercituum, vsquequa tu non misereberis Ierusa-*  
*lem, & urbium Iuda, quibus iratus es? iste iam*  
*septuagesimus annus est. Et respondit Dominus*  
*Angelo, qui loquebatur in me verba bona, verba*  
*consolatoria. Et sequitur: Reuertar ad Ierusa-*  
*lem in misericordiis.*

Quintò, Angeli nos corroborant, &  
 confirmant, promouent, & confortant  
 ad exercitia virtutum. Ita cùm Tobias  
 vellet mittere filium suum ad Gabe-  
 lum, & viam ignoraret ille, dixit ad eum:

Tob. 5. Perge nunc, & inquire tibi aliquem fidelem virum, qui eat tecum salua mercede sua. Et egressus inuenit iuuenem spediidum, stantem, praeinctum, & quasi paratum ad ambulandum. Et ignorans, quod Angelus Dei esset, salutauit eum, & dixit: Nosti viam, quae ducit in regionem Medorum? Cui respondit: Noui, & omnia timera eius frequenter ambulauimus. Quem cum filius ad patrem introduxisset, quaesuit ab eo: Nunquid poteris perducere filium meum ad Gabelum in Rages ciuitatem Medorum? dixit ei Angelus: Ego ducam, & reducam eum sanum ad te. In omnibus his nihil aliud significatur, nisi quod Angeli nos in via perfectionis dirigunt, ipsi ducunt, ipsi deducunt, ipsi reducant. Huc pertinet etiam, quod de Elia dicitur: Ecce Angelus Domini tetigit illum, & dixit illi: Surge, comede: grandis enim tibi restat via. Qui cum surrexisset, comedit, & bibit, & ambulauit in fortitudine cibi illius quadraginta diebus, & quadraginta noctibus, vsque ad montem Dei Oreb. Angelus Domini hominem tangit, quando tepescentem excitat. Surge, dicit, comede: quando ad aggrediendum ardua eum confortat: atque ita toto laboriosa huius vitae decursu ambulat, donec ad perfectionis statum perueniat, ac tandem ad sublimem, & stabilem aeternitatis quietem pertingat.

3. Reg.  
19.

Sexto, exhibent nobis salutaria documenta,

S. MICHAELIS ARCHANG. 451

menta, & reuelant myſteria. Norunt enim cauſas rerum, antequam fiant, & rationes in Verbo Dei vident. *Angeli eo-* Matt. 18.  
*rum ſemper vidēt faciem Patris.* Omnia etiam veteris Teſtamenti myſteria ferè facta ſunt mediantribus Angelis. Lex enim miniſterio Angelico fuit tradita, & vt Apoſtolus ait, *ordinata per Angelos in manu* Gal. 3.  
*Mediatoris.* Patet quoque in omnibus Prophetis. Vnde Zacharias: *Et dixit ad me An-* Zach. 1.  
*gelus Domini, qui loquebatur in me.* Et Ioannes: *Apocalypſis Ieſu Chriſti, quam dedit illi Deus pa-* Apoc. 1.  
*lam facere ſeruis ſuis, quæ oportet fieri citò: & ſignificauit mittens per Angelum ſuum ſeruo ſuo Ioanni.*

Septimò, mentem noſtram eleuant, & inflāmant, deſideria lætificant, & ſpiritualia ingerunt ſolatia. *Qui facit Angelos ſuos* Pſal. 103.  
*ſpiritus, & miniſtros ſuos ignem vrentem.* Vnde Ioannes: *Suſtulit me Angelus in ſpiritu in mon-* Apoc. 21  
*tem magnum, & altum, & oſtendit mihi ciuitatem ſanc̃tam Ieruſalem.* In montem tollit in ſpiritu, quando mentem in infimis iacentem ad amorē ſupernorum erigit. & gaudia illius ciuitatis oſtendit. Et Angelus Raphael ſic ſalutauit Tobiam: *Gaudium tibi ſit ſemper. Forti animo eſto: in pro-* Tob. 5.  
*ximo eſt, vt à Deo cureris.* Angelus etiam nunciauit gaudium natiuitatis Domini, dicens: *Euangelizo vobis gaudium magnū, quod* Luc. 2.



452 IN FESTO S. MICHAEL. ARCH.

erit omni populo : quia natus est vobis hodie Saluator mundi. Angelus nunciauit gaudium

**Matt. vlt.** resurrectionis: Nolite timere vos: scio enim, quod Iesum, qui crucifixus est, quaritis. Non est hic: surrexit enim, sicut dixit, &c.

Octauo, in conspectu Dei deferunt omnia nostra bona opera: non quod Deus illa ignoret, quem nullum latet secretum, sed quia ita constituit, & fieri

**Tob. 12.** vult. Vnde Raphael Tobia: Quando orabas cum lacrymis, & sepeliebas mortuos, & dereliquebas prandium tuum, ego obtuli orationem tuam

**Act. 10.** Domino. Et Angelus ad Cornelium; Orationes tuae, & eleemosyna tua ascenderunt in memoriam in conspectu Dei.

Nondum, Angeli perducunt electos ad regna caelestia, & introducunt eos in illa.

**Exod. 23** In Testamento veteri: Ecce ego mittam Angelum meum, qui praeceat te, & custodiat in via, & introducat in locum, quem praeceparui. Et

**Luc. 16.** in nouo: Factum est autem, ut moreretur mendicus, & portaretur ab Angelis in sinum Abrahae. Illum introitum nobis etiam aliquando concedat, qui sine fine viuunt & regnant. Amen.

I N F E S T O  
S. L V C Æ.

Exordium:

**O**lim apud Romanos Manlius Torquatus adeò hebetis, & obtusi cordis inter initia iuuentutis existimatus est, vt à patre Manlio amplissimo viro, quia & domesticis, & Reip. vñibus inutilis videbatur, rus relegatus agresti opere fatigaretur: postmodum tamen patrem reum iudiciali periculo liberauit; filium victorem, quòd aduersus imperium suum cum hoste manù conseruerat, securi percussit; patriam Latino tumultu fessam speciosissimo triumpho recreauit. In hoc credo fortunæ nubilo contemptu adolescentiæ perfusum, quò senectutis eius decus lucidiùs enitesceret.

Ita Christus septuaginta duos elegit Luc. 10.  
discipulos, abiectos quidem secundum mundum, sed qui verbum Dei cum multis seminarunt periculis, & laboribus, de quo & fructus multos retulerunt.

Ff 3 Euan-

## Euangelium:

Ibid.

Designauit Dominus & alios septuaginta duos:  
& misit illos binos ante faciem suam in omnem ci-  
uitatem, & locum, quo erat ipse venturus.

## Thema:

Designauit Dominus & alios septuaginta duos:  
& misit eos binos ante faciem suam.

Magna de hoc discipulorum nume-  
ro queritio est, quia non solum Græci  
plerique codices, & Syriaci septuaginta  
solum legunt, sed etiam auctores vete-  
res, maximeque Græci, cum eos nume-  
rant, aut mentionem de illis quoquo  
modo faciunt, non nisi septuaginta po-  
nere solent.

Sunt, qui id quoque ratione confir-  
ment. Nam numerus hic septuaginta,  
sicut & duodecim, Iudæis in honore, &  
veneratione fuit: hic quidem propter  
duodecim Patriarchas: ille verò pro-  
pter septuaginta animas, quæ cum Ia-  
cob ingressæ sunt in Ægyptum, vnde  
totus deinde Iudæorum populus propa-

Gen. 46. gatus est. Omnes anima domus Iacob, quæ in-  
gressæ sunt in Ægyptū fuere septuaginta. Moyses  
etiam non septuaginta duos, sed septua-  
ginta tantum seniores consilio Iethro  
loceri sui elegit, qui iudices infra se es-

Exod. 18 sent. Prouide autem de omni plebe viros potentes,

& ti-

& timentes Deum, in quibus sit veritas, & qui ode-  
 rint auaritiam, & constitues ex eis tribunos, &  
 centuriones, & quinquagenarios, & decanos, qui  
 iudicent populum omni tempore. Et: Ascende ad Exod. 24  
 Dominum tu, & Aaron, Nadab, & Abiu, & se-  
 ptuaginta senes ex Israel, & adorabitis procul.  
 Deus etiam septuaginta seniores parari  
 sibi iussit. Congrega mihi septuaginta viros de Num. 11  
 senibus Israel, quos tu nosti, quod senes populi sunt,  
 ac magistri: & duces eos ad ostium tabernaculi  
 fœderis, faciesque ibi stare tecum, vt descendam,  
 & loquar tibi: & auferam de spiritu tuo, tradam-  
 que eis, vt sustentent tecum onus populi, & non tu  
 solus graueris. In Elim quoque, vbi popu-  
 lus ex Ægypto fugiens castrametatus  
 est, duodecim fuerunt fontes, quibus  
 duodecim Apostoli; & septuaginta pal-  
 mæ, quibus septuaginta isti discipuli si-  
 gniñcarentur. Venerunt autem in Elim filij Exod. 15  
 Israel, vbi erant duodecim fontes aquarum, &  
 septuaginta palmæ: & castrametati sunt iuxta  
 aquas.

Sed non dubito, quocunque tandem  
 modo hoc loco legendum sit, septua-  
 ginta duos, quos Christus designasse hic  
 dicitur, fuisse discipulos. Fieri enim po-  
 test, vt cum septuaginta duo fuerint, se-  
 ptuaginta tantum ab Euangelista nomi-  
 nentur. Itaque si probamus legendum  
 esse septuaginta duos, septuaginta duos

fuisse probatum erit: si quis verò probauerit legendum esse septuaginta, non continuò probauerit, non fuisse plures.

Ratio ergo eadem, qua duodecim elegit Apostolos, efficit, vt credamus septuaginta duos discipulos elegisse. Dubium non est, quin propterea duodecim Apostolos elegerit, quia duodecim erāt tribus, vt vnaquæque tribus suum Apostolum haberet. Ergo etiam credibile est eodem numero discipulos elegisse, vt æqualiter inter duodecim tribus diuidi possent. Numerus verò septuaginta inter duodecim æqualiter diuidi non potest: septuaginta verò duo si diuidantur, vnicuique tribui obuenient sex. Septuaginta igitur duo electi sunt.

Probatur hæc opinio iisdem exemplis, quibus auctores alij contrariã probare solent. Nam si spectemus numerum eorum, qui reipsa cum Iacob in Ægyptum ingressi sunt, non erunt septuaginta, sed sexaginta sex, vt eodem loco Scriptura testatur. Si verò numeremus & ipsum Iacob, & Ioseph, qui iam in Ægypto erat, & duos eius filios, qui non in Ægyptum ingressi, sed ibi nati sunt, erunt quidem septuaginta: sed si eodẽ iure duos filios Iudæ numeremus, Her & Onan, qui, antequam ingrederentur



rentur Ægyptum, mortui fuerāt, erunt  
septuaginta duo. *Mortui sunt autem Her & Ibid.*  
*Onan in terra Chanaan.*

Moyſen verò septuaginta duos ſe-  
nioreſ elegiſſe, præterquam quòd boni  
auctoreſ ſentiunt, ex ſacriſ etiam litte-  
riſ, & ex Iudæorum moribꝯ colligi po-  
teſt. Dederat Moyſeſ duodecim tribu-  
buſ optionem, vt ipſæ ex omni populo  
viroſ prudenteſ, & incorruptoſ elige-  
rent, qui iudiceſ eſſent.

Quiſ autem credat homineſ ambi-  
tioſoſ, qualeſ Iudæi erant, non æqualem  
ex ſinguliſ tribubuſ numerum elegiſſe;  
vt & honoſ ille æqualiter omnibuſ par-  
ticiparetur; & iudiciuſ minꝯ ſuſpe-  
ctum eſſet, cùm ex ſinguliſ tribubuſ æ-  
qualiſ iudicium numeruſ eſſet electuſ?  
Quòd ſi æqualiſ ex ſinguliſ tribubuſ  
electuſ eſt numeruſ, non potuerunt eli-  
gi, niſi ſex. Si enim plureſ electi fuiſſent,  
vt minimũ fuiſſent octoginta quatuor,  
quod nemo concedit: ſi paucioſeſ, non  
fuiſſent, niſi ſexaginta, quod minꝯſ con-  
cedet quiſquam. Neceſſe eſt ergo ſenoſ  
ex ſinguliſ tribubuſ iudiceſ electoſ fuiſ-  
ſe. Cur igitur & in Scriptura, & à Philo-  
ne, & Iosepho, & ab omnibuſ aliis au-  
ctoribuſ electi ſeptuaginta dicuntur?  
Cur ij, qui Ptolomæi Philadelphi iuſſu

sacras litteras ex Hebræo in Græcum  
 sermonem conuerterunt, septuaginta  
 interpretes ab omnibus appellantur,  
 cum omnes prorsus auctores scribant  
 fuisse septuaginta duos? Sanè regula S.  
 Augustini vera est, solere etiam in litte-  
 ris sacris cardinalem, quem vocant, nu-  
 merum exprimi, etiam si aliquid illi aut  
 super sit, aut desit. l. 2. qq. in Exod. q. 47. Sicut  
 filij Israel fuisse dicuntur quadringen-  
 tos annos in Ægypto, cum aliquanto  
 plures fuerint. *Habitatio filiorum Israel, qua*  
*manserunt in Ægypto, fuit quadringentorum*  
*triginta annorum.* Eadem regula & senio-  
 res illos, quos Deus per Moysen eligi  
 iussit, & illas palmas, quæ circum duo-  
 decim erant fontes, septuaginta duas  
 fuisse credo, quamuis septuaginta tan-  
 tum à præcipuo numero nominentur.  
 Eadem ratione, quamuis Lucas septua-  
 ginta discipulos electos fuisse diceret,  
 septuaginta duos fuisse electos crede-  
 rem.

Adde, quòd & Latini omnes, & Græci  
 multi codices septuaginta duos legant,  
 & maior pars veterum auctorum eun-  
 dem numerum ponat. Quòd si omnes  
 auctores septuaginta tantum posuissent,  
 non plus inde profectò probaretur,  
 quàm si ipse Euangelista septuaginta  
 fuisse

Exod 12

fuisse dixisset. Atqui iam probauimus, etiamsi Euāgelista dixisset septuaginta, septuaginta duos fuisse credi debuisse. Nec inde magis sequeretur non nisi septuaginta fuisse discipulos, quia non plures ab auctoribus nominarentur; quàm septuaginta tantum interpretes fuisse, quia omnes auctores septuaginta illos, non septuaginta duos vocare solent.

Solus Dorotheus mouere potest, quia non solum septuaginta, vt alij, vocat, sed etiam numerat, & singulorum nomina recenset. Sed scriptoris huius non admodum grauis est auctoritas: Græco enim ingenio scripsit historiam. Vnde etiam ille inter tot antiquiores auctores solus singulorum discipulorum nomina didicit? Qui potuit nomina fingere, aut ficta ab alio leuiter credere, potuit numerum.

Alia adhuc quæstio est: Cur hoc numero potius, quàm alio, eos Christus elegerit? Eius numeri rationem vnam suprâ indicauius, quòd Iudæis sanctus quodammodo esset, & multis insignis exemplis, septuaginta duorum hominum, qui ex Iacob, & eius filiis propagati fuerunt; septuaginta duorum iudicum, in quos spiritus Moyſis est effusus;

fus; septuaginta duarum palmarum, quæ circa fontes duodecim adnatæ erant; septuaginta duorum interpretum, qui Scripturam sacram in Græcam conuerterant linguam.

Gen. 11. Alias duas rationes adfert Beda in *comment.* Alteram, quòd totidem mundi plagæ essent, in quas esset disseminandum Euangelium. Nam in septuaginta duas linguas, totidemque gentes fuisse illos diuisos, qui Babylonicam extruebant turrim, constans veterum auctorum opinio est: quia totidem familias turrim ædificasse ex præcedenti capite colligitur.

Alteram magis allegoricam, quam sumpsit ex Augullino l. 2. de *consensu Euangelist.* c. 14. Duodecim Apostoli duodecim anni mēsis: discipuli viginti quatuor horis diei respondent: quæ aut propter Trinitatis mysterium, aut propter tres Dominici sepulcri dies per tria multiplicatæ, efficiunt septuaginta duas horas, quot discipuli erant.

Ex hoc loco manifestum est, voluisse Christum in Ecclesia sua aliquod personarum esse discrimen, & non solum Ecclesiasticos ministros hominibus laicis, sed inter ministros etiam ipsos alios aliis esse superiores. Nec enim tempore

pore eodem, neque numero, neq; gradu eodem Apostolos & discipulos elegit. Indicat Apostolorum paucitas eos discipulis maiores fuisse.

Sed qui nunc in Ecclesia Apostolorum, qui discipulorum locum teneant, de eo inter auctores antiquiores non satis constat. Communis opinio est, Episcopos Apostolis, presbyteros septuaginta duobus discipulis successisse. Alij Episcopos Christo, presbyteros Apostolis, diaconos septuaginta duobus discipulis similes faciunt. Fuerunt etiam, qui dicerent Episcopos Dei Patris, presbyteros Christi, diaconos Apostolorum personam gerere. Sed prima opinio verior est.

*Et misit illos binos ante faciem suam.*

Luc. 10.

Hebraicè, ante se. Vt ibi: *Praibis enim ante faciem Domini. Et: Ecce mitto Angelum meum ante faciem tuam.*

Luc. 1.

Luc. 7.

Quare autem binos miserit, ratio non est obscura. *Vt soli, quia cum ceciderit, non habet subleuantem se.* Voluit enim discipulos suos alios aliis in rebus aduersis, aut necessariis adiumento esse. *Frater, qui adiuuatur à fratre, quasi ciuitas firma.*

Eccle. 4.

Secunda ratio est, quia duo sunt charitatis præcepta: vnum, quod in Deo: alterum,



alterum, quod in diligendo proximo versetur.

Tertia est, quia Christus voluit discipulos suos perpetuos habere actionum suarum testes, ne quis male eorum solitudinem interpretaretur, quasi idem soli essent, ut liberiùs sine teste peccaret.

Quarta est, quia hoc semper vñitatum fuit. Nam & Moyli, ut ex Ægypto populum educeret, datus fuit socius Aaron.

- Exod. 4.** *Aaron frater tuus Leuites, scio quòd eloquens sit: ecce ipse egredietur in occursum tuum, videnſque te latabitur corde, &c. Et: Ecce conſtitui te Deum Pharaonis: & Aaron frater tuus erit propheta tuus.*
- Iosu. 14.** *Iosue & Caleb eundem populum murmurantem compescuerunt, & in terram Chanaan introduxerunt.*
- Matt. 10.** *Apostoli etiã bini à Matthæo numerati sunt: bini quoque ad prædicandum à Christo missi sunt. Et vocauit duodecim, & cœpit eos mittere binos. Ad soluendum asinum, quo veheretur, duos etiam discipulos misit.*
- Matt. 21.** *Tunc Iesus misit duos discipulos, dicens eis. Item ad parandam vltimã cœnam alios duos,*
- Luc. 22.** *Petrum & Ioannem. Et misit Petrum & Ioannem, dicens: Euntes parate nobis Pascha, ut manducemus. Sed & Ioannes cum audisset in vinculis opera Christi, mittens duos de discipulis suis, ait illi.*
- Luc. 10.** *Misit autem illos binos ante faciem suam, haud*

haud dubiè, vt incultum, & rudè agrum  
sibi proscinderent, & vt in aratum iam  
campum Euangelij semen iacerent; fa-  
cerentque nunc discipuli, quod antè  
Ioannes fecerat, pararent viam Domini  
ante faciem eius, & omnes intelligerent  
pro vno Ioanne de medio sublato se-  
ptuaginta duos ipsi Ioannes natos esse.  
Hoc enim est Euangelij proprium in-  
genium, sanguine crescit: & Christia-  
norum sanguis semen est; quò plures  
tyrannus occiderit, nascuntur plures.

## Morale.

*Curate infirmos, qui in illa sunt.*

*LUC. 10.*

**N**uem signa sunt, ex quibus iudi-  
cari potest, an ægroti conualescent,  
id est, an peccatores resurgent, an verò  
æterna morte morientur.

Primum signū est robur infirmi. Si  
enim peccator aded robustus maneat,  
vt non cesset à bono opere, signum est  
futuræ sanitatis: si autem aded æger sit,  
vt nihil bene operari velit, signum est  
mortis. Disponunt enim bona opera  
ad gratiam Dei acquirendā, ad mihi uen-  
dam pœnam, & diaboli potestatem con-  
terēdam. Vnde Angelus ad Cornelium  
nondum

464  
 Aa. 10. nondum baptizatum: *Orationes tue, & elemosyna tua ascenderunt in memoriam in conspectu Dei.*

Secundum signum est leuitas infirmi facile se mouentis. Si enim peccator facile compungatur in corde, signum est sanitatis: sin autem duritiem sentiat cordis, signum est mortis. Ita David auditis sermonibus Nathan, statim dixit

2. Reg. ad eum: *Peccaui Domino.*

12.

Tertium signum est dispositio corporis sano similis. Si enim peccator in exterioribus moribus imitetur bonos & sanctos, vt in locutione honesta, in victu sobrio, in vestitu humili, signum est futuræ sanitatis: sin autem, signum mortis. Ita licet discipuli omnes relicto eo fugerint: Petrus tamen sequebatur eum à longe, vsque in atrium Principis Sacerdotum.

Matt. 26.

Quartum signum est appetitus facilis, & sanitas mentis. Si enim peccator libenter verbū Dei audiat, & sanæ mentis consilia, signum est sanitatis: sin autem, signum mortis. Ita cū Petrus negasset Dominum, continuò gallus cantauit. Et recordatus est Petrus verbi Iesu, quod dixerat: Priusquam gallus canter, ter me negabis.

Ibid.

Quintum signum est suauitas somni tempore congruo. Si enim peccator in nocte dormiat, id est, in aduersitate mentem



plus post annos renouasse Dominum Deum, qui se  
nostram scripturam legerit, & qui liberos varios,  
qui de ipse conscripti sunt, excolerunt, & libus intelli-  
gent. Mirabilis est Dominus in sanctis suis, Mirabilis  
est operum eius predicanda dona eius.

Imitator hic egregius Ambrosij, qui nouus Am-  
brosius nominatus est, Carolus testamento supplecti-  
m suam, & non magnam pecuniam summam, qua  
economus eius eo tempore fuerat, pauperibus  
diolani, qui in magno illo hospitali pie sustentan-  
tur, reliquit, nulla consanguineorum suorum tra-  
ditiōe, aut mentione habita, quandoquidem illos  
ditates valde, opulentos potius esse optime nosceret.  
Pauperibus, hoc est, Christo, cuius membra sunt  
pauperes, à quo maximis thesauris fuerat ditatus,  
cui animam suam dicauerat, suppellectilem suam  
omniaque, que sibi reliqua erant restituenda cer-  
uit, & sapienter ut omnia. Ut meretur an laus  
bilissimam, quam sibi

de cui morte nun-  
tus Cardinalis tanti,  
o ornamentum at-  
sua, proque amore Dei  
virtutibus, sermonem  
istum, dolorem suum Car-  
olo Po. Gregorio, & à  
tatu illam necesserat, vnde di-  
vini, veris, tam in Confessorio,  
nibus fuit, & datus. Et Romae  
venerabatur, & ut lumen mil-  
oscebat, & suscipiebat, Carolum  
adhuc plurimi. In laetitia hac  
olantes, quod in celestem illam  
in sequi Dominum Deum, cu-  
m Mundus, admissis, Chri-  
sto, & laboribus consuevit pro-

